

N. ULUQOV

TILSHUNOSLIK NAZARIYASI

TOSHKENT

**O'ZBEKISTON RESPUBLIKASI
OLIY VA O'RTA MAXSUS TA'LIM VAZIRLIGI**

NOSIRJON ULUQOV

TILSHUNOSLIK NAZARIYASI

O'zbekiston Respublikasi Oliy va o'rtalik maxsus ta'limgazalarining 5120100 – filologiya va tillarni o'qitish (o'zbek filologiyasi) bakalavriat ta'limgazalariga qarab 1-kurs talabalari uchun o'qituv qo'llanma sifatida tavsiya etilgan

TOSHKENT – 2016

UO*K: 81'1(075.8)

KBK 81.2O*zb-923

U-45

U-45 N.Uluqov. Tilshunoslik nazariyasi. O'quv qo'llanma. – T.: «Barkamol fayz mediya», 2016, 192 bet.

ISBN 978-9943-11-358-9

Universitetlarning 5120100 – filologiya va tillarni o'qitish (o'zbek filologiyasi) bakalavriat ta'lim yo'naliishi 1-kurs talabalari uchun mo'ljallangan mazkur o'quv qo'llannmada tilshunoslik fanı, uning yo'naliish va bo'limlari, til va jamiyat, til va tafakkur, til va nutq munosabati, til birliklari va nutq birliklari, tilning tizim sifatidagi ichki tuzilishi, tillar tasmi kabi nusalar yoritilgan.

O'quv qo'llannmada tilshunoslik faniga oid asosiy terminlar lug'ati ham berilgan.

Данное учебное пособие предназначено для студентов 1-курса направления образования бакалавриата 5120100 – Филология и обучение языкам (узбекская филология) и посвящено языковознанию, его направлениям и разделам, а также вопросам языка и общества, языка и мышления, отношений языка и речи, языковых единиц и речевых единиц. Внутренней структуры языка как системы, классификации языков.

В учебном пособии также содержится словарь основных терминов языкоизучания.

This manual is for the first course bachelor students on the specialty 5120100- philology and teaching languages (uzbek language) of higher education. The subject of linguistics, its directions and chapters, language and society, language and opinions, language and speech relationship, language units and speech units, inner structure as a system of the language and language classifications are given in this manual.

There is also the dictionary of main terms.

UO*K: 81'1(075.8)

KBK 81.2O*zb-923

Mas'ul muharrir:

Suyun Karimov – filologiya fanlari doktori, professor.

Taqribchilar:

Sharifa Iskandarova – filologiya fanlari doktori, professor.

Huriniso Usmonova – filologiya fanlari doktori

ISBN 978-9943-11-358-9

© «Barkamol fayz mediya» nashriyoti, 2016.

SO'ZBOSHI

«Tilshunoslik nazariyasi» fanining asosiy maqsadi tilshunoslik sohasining predmeti va vazifalarini yoritish, fan doirasida o'rganiladigan asosiy masalalarning mazmun-mundarijasini belgilash, tilning ijtimoiy tabiatni, vazifalari, shakllanishi, taraqqiyoti, tilning ichki tuzilishi va sathlari, dunyo tillari, jumladan, turkiy tillar tavsifi hamda tasnifi haqida bilim berishdir.

«Tilshunoslik nazariyasi» fanining vazifalari quyidagilardan iborat:

- talabalarning o'rta maktabda, akademik litsey va kasb-hunar kollejlariда tilshunoslik fani bo'yicha olgan bilimlarini nazariy hamda amaliy jihatdan boyitish;

- til va jamiyat, tilning shakllanish va rivojlanish bosqichlari, tilshunoslik fani, uning boshqa fanlar bilan aloqasi, predmeti va sohalari, tarmoqlari, fanlar tizimidagi o'rnini haqida tushunchalar berish;

- tilning fonetik-fonologik, leksik, grammatik sathiga oid nazariy-amaliy masalalar yuzasidan bilimlar berish;

- dunyo tillari, tillarning o'zaro hamkorligi, tillar taraqqiyoti, tillar tasnifi, til oilalari haqida ma'lumot berish;

- talabalarni tilshunoslik fani bo'yicha keyingi kurslarda o'qitiladigan fanlarga nazariy jihatdan tayyorlash.

Mazkur o'quv qo'llanma ana shu maqsad va vazifalarni e'tiborga olgan holda tayyorlandi. Qo'llanmada tilshunoslik fani, uning yo'nalish va bo'limlari, til va jamiyat, til va tafakkur, til va nutq munosabati, til birliklari va nutq birliklari mutanosibligi, tilning tizim sifatidagi ichki tuzilishi, til sathlari, tillar tasnifi kabi masalalar, tilshunoslikning boshqa sohalar bilan hamkorligi asosida yuzaga kelgan sohalarni, ta'lim yo'nalishining o'ziga xos xususiyatlarini, tilshunoslik fanining so'nggi yutuqlarini inobatga olgan holda yoritildi.

Mavzularni nazariy jihatdan yoritishda uzviylik, mantiqiy ketma-ketlik tamoyillariga rivoja etildi, har bir mavzuga oid

mukammal rejalar tuzildi, tayanch so'z va iboralar belgilandi hamda nazariy masalalar ana shu rejalar asosida, tayanch so'z va iboralar negizida yoritildi. Mavzularning mazmun-mohiyatiga mutanosib jadvallar, chizmalar ham berildi. Har bir mavzudan keyin talabalarning o'zlashtirish darajasini aniqlash uchun nazorat savollari, qo'llanma oxirida o'quv rejasida ajratilgan soatlar, fanning namunaviy o'quv dasturi talablariga asoslangan holda mustaqil ish mavzulari va ularga doir savol hamda topshiriqlar, referat mavzulari, ularni bajarish yuzasidan tavsiyalar, fanga oid asosiy terminlar lug'ati ham berildi.

O'quv qo'llanmani nazariy va amaliy jihatdan takomillashtirish, mukammallashtirishga doir taklif va mulohazalarini muallif mammuniyat bilan qabul qiladi.

KIRISH

Tilshunoslik va uning fanlar tizimidagi o'rni

1. Fanlar sistemasi.
2. Tilshunoslik va uning predmeti
3. Ferdinand de Sossyur nazariyasi va tilshunoslik taraqqiyoti.
4. Tilshunoslik fanining tarmoqlari va bo'limlari.
5. Tilshunoslikning boshqa fanlar bilan aloqasi
6. «Tilshunoslik nazariyasi» kursi va uning maqsadi, vazifasi va ahamiyati

Tayanch so'z va iboralar: *fan, ijtimoiy fanlar, tilshunoslik (lingvistika), semiotika, belgi, lingvist belgi, til, til lingvistikasi, mutq lingvistikasi, umumiy tilshunoslik, xususiy tilshunoslik, amaliy tilshunoslik, struktural lingvistika, matematik lingvistika, ekstralinguistika, intralingvistika, kompartavistikta, areal lingvistika, tipologiya.*

Tabiat va jamiyatning taraqqiyot qonumiylari haqidagi bilimlar tizimining tarmog'i, seba va yo'nalishlari **fan** deb yuritiladi. Fanlar tizimi o'zini o'rganish obyekti, predmeti, maqsad va mohiyatiga ko'ra quyidagi yirik guruhlarga bo'linadi:

- 1) tabiiy fanlar
- 2) aniq fanlar;
- 3) ijtimoiy-gumanitar fanlar;
- 4) texnika fanları

Fanlar tabiat va jamiyatga bog'liq ma'lum masalalarni ilmiy yoki amaliy jihatdan o'rGANishi nuqtayi nazaridan o'zaro aloqador bo'lib, hamkorlikda ish olib boradi, biri ikkinchisining xulosalariga asoslanadi. Shu bois fanlar majmui sistema hisoblanadi. Sistemning ichki bo'linuvchanlik xususiyatiga ko'ra har qanday fan ma'lum yo'nalish, tarmoq va sohalarga bo'linadi. Bunday xususiyat tilshunoslik faniga ham xos.

Tilshunoslik – tilning ijtimoiy tabiatı, vazifasi, ichki tuzilishini, tillarning ish ko'rish (faoliyat) qonunlari va tarixiy taraqqiyotini o'rganuvchi fan. Demak, tilshunoslik inson tilini o'rganadigan mustaqil fandir. **Tilshunoslik** termini bilan bir qatorda ilmiy adabiyotlarda **lingvistika** (< fran. *linguistique* < lot. *lingua* – til) termini ham qo'llaniladi.

Til – nutq tuzib, fikr, his-tuyg'u, istak kabilarni ifodalashda xizmat qiladigan fonetik, leksik va grammatic vositalar tizimi; kishilar orasida asosiy va eng muhim aloqa-aratashuv, fikrlashuv quroli bo'lib xizmat qiladigan ijtimoiy hodisa. Bundan ko'rinadiki, til kishilik jamiyatidagi ikkilamchi **yozuv** va **belgilar, signallar, imo-ishora, munika** kabi yordamechi aloqa vositalariga nisbatan eng muhim aloqa vositasi bo'lib, jamayat tomonidan yaratilgan hamda unga xizmat qiladi. Shuning uchun ham unu o'rganadigan tilshunoslik falsafa, psixologiya, tarix kabi ijtimoiy fanlar qatoriga kiradi.

Tilshunoslik fani qadimiy tarixga ega. Tilshunoslik fanining predmeti, tilning tabiatı va mohiyatini har xil tushunish natijasida **naturalizm, psixologizm, logizm, sotsiologizm, strukturalizm** kabi turli ilmiy maktablar hamda oqimlar vujudga kelgan.

Qadimgi davrlardan boshlab til tilshunoslik fanining predmeti, o'rganish manbai sanaladi.

Tilshunoslik fanining asosiy muammolaridan biri tilning ushbu fanning predmeti sifatidagi ta'rifidir. Tabiiy inson tili faqat tilshunoslikda emas, balki bir qator fanlar tomonidan o'rganiladigan murakkab hodisa bo'lib, har bir fanning tilga bergen ta'rifi turlichadir. Tilning ta'risi masalasi tilshunoslik fani tarixidagi eng muhim masalalardan biri bo'lib, fan tarixida turlicha talqin qilingan va hozirgi kunda ham turli ilmiy maktablar hamda oqimlar orasida keskin bahslarga sabab bo'lib kelmoqda.

Buyuk tilshunes Ferdinand de Sossyurning nazariy qarashlari bu masalaga oydinlik kiritdi va tilshunostik tarixida yangi bir davrni boshlab berdi.

Ferdinand de Sossyur (1857 – 1913) Shvejtsariyada tug'ilgan U 1876-yili Leypsigda Leskin, Ostgof, Brugman kabi «Yosh grammaticachilar» oqimi asoschilarining ma'ruzalarini tinglagan. Uning 1879-yilda nashr etilgan «**Hind-Evropa tillari unilalarining**

dastlabki tizimi haqida ma'lumotlar» kitobi tilshunoslikda ma'lum va mashhur bo'lib, hind-evropa tillari tadqiqida hamda qiyosiyatixiy metod tarqqiyotida alohida o'rinni tutadi.

Ferdinand de Sossyur 1880-yilda Leypsigda doktorlik dissertasiyasini himoya qiladi, 1881-yilda Paryga kelib german tillari, hind-evropa tillari qiyosiy grammatikasi bo'yicha ma'ruzalar o'qiydi, 1891-yildan Jenevada professor lavozimida ilmiy, pedagogik faoliyatini davom ettirgan.

Ferdinand de Sossyur Parijda 1906 – 1911-yillarda uch marta «Umumiy tilshunoslik» kursidan ma'ruzalar o'qigan. Bu ma'ruzalarni o'zлari tinglamagan shogirdlari Sharl Balli va Albert Seshe 1916-yili Ferdinand de Sossyur vafotidan keyin u o'qigan ma'ruzalarni kitob qilib chiqardilar. Kitob «*Cours de Linguistique générale*» («Umumiy tilshunoslik kursi») deb nomlanadi. Kitob o'z mazmun-mohiyati, ilmiy-nazariy g'oyalari bilan e'tirofga sazovor bo'ldi.

Olim til (langue), nutq (parole) va nutq faoliyatini (langage) farqlaydi. Uning fikricha, til – bu grammatik tizim va lug'at tarkibidir. Nutq faoliyati esa muayyan xalqning ifoda imkoniyatlari tizimidir. Til bilan nutq sotsial hamda individual xususiyatlari ko'ra farq qiladi. Bundan tashqari, Ferdinand de Sossyur ichki va tashqi lingvistikani farqlaydi. U til tarixini jamiyat tarixi, kishilik madaniyati tarixi bilan bog'laydi. Uning e'tiroficha, millatning urfodatlari tilda o'z aksini topadi. Shuningdek, olim tilga sinxronik, diaxronik aspektlarda yondashuv masalalarini yoritadi. Sinxroniya – tilning bir davrda mavjudligi, diaxroniya – til dalillarining izchil zamonda ko'rinishi, tarixiy yoki dinamik aspekti.

Olimning fikricha, til kishilik jamiyatida bajaradigan vazifasiga ko'ra aloqa quroli, inson fikrini ifodalaydigan vositaladir. Ijtimoiy tabiatni jihatidan qaraganda, til madaniy, tarixiy va ijtimoiy hodisadir. Ichki tuzilishiga ko'ra til sof belgi-ishoralar tizimidir. Ferdinand de Sossyur: «Til g'oyalarni ifodalovchi belgilari sistemasidir» degan g'oyani ilgari suradi. Til ham axborot beruvchi vositalar sirasiga kiradi. Avvalo, o'zi va shu bilan birga borliqdagi boshqa narsa-buyumlar, hodisalar haqida ma'lumot beruvchi vositalar, ya'ni sotsial axborotning har qanday moddiy ifodalovchilari belgi hisoblanadi.

Belgi moddiy, hissiy idrok ettiadigan predmet, voqeya yoki harakatdir. Belgi tushunchasi serqirra bo'lib, falsafa, mantiq, tilshunoslik, psixologiya, sotsiologiya fanlari tomonidan tahlil qilinadi. Predmet, xossa va inunosabatni ifodalovchi moddiy-ideal hosila: ifoda va mazmun jihatiga ega bo'lgan birlik til belgisi deb ataladi.

Ferdinand de Sossyur ta'rificha, tilshunoslik fanining manbai shartli ishora-belgilarni tizimi bo'lgan tilni o'rgamishdir. Shu bois tilshunoslik ishoralarini o'rganadigan semiotik (semiotika yoki semiologik – belgi-ishoralar tizimini o'rganadigan fan) fanlar turkumiga kiradi.

Semiotika (yun. *semeiotikos* – belgilari haqidagi ta'limot) – axborot, ma'lumotlarni saqlash va uzatishga xizmat qiluvchi belgilarni o'rganuvchi soha. Semiotikaning lisoniy belgini o'rganuvchi yo'nalishi **lingvistik semiotika** hisoblanadi.

Semiotikaning umumiy qoidalari, xususiyatlari dastlab amerikalik mantiqshunos Ch.S.Pire va tilshunos F.de Sossyur asarlarida yoritilgan. Ch.S.Pire «semiotika», F.de Sossyur «semiologiya» terminini qo'llagan.

Ferdinand de Sossyur tilning sistemaviy xarakteri va uning belgi sifatidagi tabiatini asoslab berdi. Til sistema bo'lib, u mavhum belgilardan iborat. Til belgi-si, bir tomonidan erkin, shartli (belgi tanlashga nisbatan), lekin ikkinchi tomondan til jamiyat uchun majburiy hisoblanadi. Olim til belgisi nazariyasini yaratdi va uni sintagmatik hamda paradigmatic tushunchalar bilan bog'ladı. O'z ustozlari qarashlarini bevosita Sh.Balli, A.Seshe rivojlantirdilar. Ular Jeneva maktabi vakillari hisoblanadilar. Ferdinand de Sossyurning sotsiologik g'oyalari asosida ish olib borgan tilshunoslari qatoriga A.Meye, J.Vandries, A.Sammerfeldt, E.Benvenist va boshqalar kiradi. Demak, XX asrdan boshlab mashhur Ferdinand de Sossyur nazariyasini tilshunoslik fanining predmetini aniqlashda yangi davrni boshlab berdi. Xuddi shu nazariya ta'sirida tilshunoslik fanining predmeti masalasi yangicha tus oldi. Olim birinchilar qatorida tilning murakkab hodisa ekanligiga anglagan holda mukammal va aniq shakillangan umumiy tilshunoslik nazariyasini yaratdi. Ferdinand de Sossyurning ilmiy qarashlari tilning murakkab, ziddiyatlarga boy, ko'p qirrali hodisa ekanligiga asoslangan.

Tilning turli qirralarini uzviy tarzda birlashtirib, uni bir butunlik, bir sistema sifatida o'rganuvchi tilshunoslik asrimizning 20-yillarida sistem-struktur tilshunoslik nomi bilan mashhur bo'ldi. Shuni ham aytib o tish kerakki, Ferdinand de Sossyur asos solgan XX asr sistem tilshunosligi bag'rida o'nlab yangi lingvistik oqim va maktablar vujudga keldi, bu sohada ulkan zamonaviy yutuqlar qo'lga kiritildi. Tilshunoslik fanining chegarasi va predmetini aniqroq ta riflash maqsadida Ferdinand de Sossyur Vilgelm fon Gumboldt kabi antinomiva (qarama-qarshi qo'yish) metodidan foydalanib, til va nutqni ajratib, ularni bir-biriga qarama-qarshi qo'ydi. Uning fikricha, til nutq faoliyatining faqat bir tomonini tashkil etadi. Til nutqqa zid. Til va nutqning asosiy farqi – til ijtimoiy, nutq esa individual hodisadir. Olim til va nutq o'rtasidagi o'zaro bog'lanishni, munosabatni inkor etmagan bolda, ikkala hodisani alohida-alohida o'rganishni tavsiya etadi va til lingvistikasi hamda nutq lingvistikasi terminlarini muomalaga kiritadi. Ferdinand de Sossyur fikriga ko'ra, tilshunoslik fanining asosiy vazifasi va predmeti til lingvistikasini o'rganishdan iboratdir.

Nutq lingvistikasi esa tilshunoslik uchun ikkinchi darajali masala bo'lib, falsafa, psixologiya, fiziologiya, antropologiya, filologiya kabi boshqa fanlar tomonidan o'rganilishi mumkin. Chunonchi, Ferdinand de Sossyur lingvistikikaning ichki va tashqi lingvistikaga ajratib, ularni bir-biriga qarama-qarshi qo'yadi. Uningcha, tilshunoslik fanining asosiy bo'limi tilning ichki ko'rinishini o'rganadigan ichki lingvistikadir, tashqi lingvistika esa tilni xalq tarixi, madaniyati bilan aloqasini o'rganadigan lingvistika bo'lib, u tilshunoslik fani uchun ikkinchi darajali hodisadir. Ferdinand de Sossyurning til substantsiya (mohiyat) emas, balki shakldir, degan tezisi struktural g'oyalarning rivojlanishida asosiy omil bo'ldi.

Ferdinand de Sossyurdan keyingi tilshunoslikda «struktura» tushunchasi asosiy masala deb qaratadi va til tuzilishi til nazariyasining asosi deb e'lon qilindi. Tilshunoslik fanining predmeti esa struktural lingvistika uchun «struktura» tushunchasiga teng bo'lib qoldi. Hozirgi Praga, Kopengagen, Amerika strukturalizm maktabları kabi oqimlar umumiy xususiyatlari bilan bir nuqtaga birlashadi. Qisqasi, Ferdinand de Sossyurning «Umumiy

tilshunoslik kursi» asarida o'z ifodasini topgan barcha g'oyalar Boduen de Kurtene, N.V.Krushevskiy, U.D.Uitni, E.Dyurkcheym kabi yetuk olimlarning mantiqiy, qo'tiy tizimga solingan, rivojlantirilgan va izchil bayonidir.

Maqsadi, vazifasi va boshqa belgi-xususiyatlariga ko'ra tilshunoslikning bir necha yo'nalishlari bor:

- a) umumiyl tilshunoslik;
- b) amaliy tilshunoslik;
- c) xususiy tilshunoslik;
- d) struktural lingvistika;
- e) matematik lingvistika.

Umumiy tilshunoslik – xususiy tilshunoslikdan farqli holda, tilni umuman insonga xos hodisa sifatida o'rganuvchi tilshunoslik yo'nalishi. Umumiy tilshunoslik dunyo tillariga xos umumiy belgi-xususiyatlarni o'rganish bilan shug'ullanadi. Siz 4-kursda «Tilshunoslik nazariyasi» fanida mazkur yo'nalishga doir bilimlar olasiz.

Xususiy tilshunoslik – ma'lum bir tilning belgi-xususiyatlarini o'rganuvchi soha. Masalan, *o'zbek tilshunosligi, rus tilshunosligi* kabi.

Amaliy tilshunoslik – tilshunoslikning lingvistik masalalarni amaliy yo'l bilan o'rganuvchi yo'nalishi bo'lib, u eksperimental fonetika, leksikografiya, lingvostatistika, grafika kabi sohalarni o'z ichiga oladi. Shuningdek, transkripsiya, transliteratsiya masalalari bilan ham amaliy tilshunoslik shug'ullanadi.

Struktural lingvistika (strukturalizm) – tilshunoslikning o'z tekshirish manbaini tildagi ichki munosabatlar va aloqalar bilan chegaralovchi, til va tasakkurning o'zaro munosabati, tilning jamiyat bilan aloqasi kabi masalalarni cheilab o'tuvchi sohasi.

Matematik lingvistika – tilshunoslikning tilni tadqiq etish va tasvirlashda matematik metodlardan foydalanish imkoniyatlarini o'rganuvchi sohasi.

Tilshunoslik fani taraqqiyotida yuzaga kelgan turli lingvistik maktab va oqimlar tilga qanday yondoshish hamda tablit metodlarini turliche bo'lishidan qat'i nazar hozirgi zamon tilshunosligi quyidagi uch asosiy tarmoqqa bo'linadi:

- 1) ekstralolingvistika;
- 2) intralingvistika;

3) komparativistika

Til ilmida bularning birinchisi **tashqi lingvistika**, ikkinchisi **ichki lingvistika** uchinchisi qiyosiy-tarixiy tilshunoslik deb ham ataladi

Ekstralolingvistika (lot. *extra* – tashqi + fran. *linguistique* – tilga xos) tilni ijumoiy hodisa sifatida o'rganib, sotsiolingvistika (ijtimoiy tilshunoshik) va mentalingvistika (menta < lot. *mens, mentis* – ang – tafakkur)ni o'zida birlashtiradi

Sotsiolingvistika tilning tabiatini va ijtimoiy vazifasini, **mentalingvistika** til va tafakkur, tilning mazmun tomonini nutq faoliyatini, konteksti va situatsiya bilan aloqasini o'rganadi.

Intralingvistika (ing.) tilning ichki tuzilishini, uning birliklarini va kategoriyalarini, til sathlari va ularning tuzilishini nolisoniy omillarga bog'lamasdan o'rganadi. Fonologiya, leksikologiya va grammatika intralingvistikaning asosiy bo'limlari hisobianadi.

Komparativistika (lot. *comparativus* – qiyosiy) – tilshunoslikning qarindosh tillarni qiyosiy-tarixiy o'rganish bilan shug'ullanuvchi tarmog'i Komparativistika qiyosiy-tarixiy tilshunoslik, areal lingvistika, tipologiya (universal lingvistika) ni o'z ichiga oladi.

Qiyosiy tilshunoslik qiyosiy-tarixiy va chog'ishtirma tilshunoslikka bo'linadi. **Qiyosiy-tarixiy tilshunoslik** qarindosh tillarni o'rgansa, **chog'ishtirma tilshunoslik** turli tizimdagagi tillarni chog'ishtirib, ularning o'xshash va noo'xshash tomonlarini aniqlaydi. Masalan, *russ-zzbek tillarining qiyosiy grammatikasi* kabi.

Tilshunoslik fani bo'limlari

Nº	Soha nomlari	O'rganadigan masalalar
1	Fonetika	Nutq tovushlarining artikulatsion va akustik xususiyatlarini, bo'g'in, urg'u, ohang va fonetik hodisalarini o'rganadi
2	Fonologiya	Fonema, fonemalar tasnifi va ular o'rtaсидаги munosabat masalalarini o'rganadi
3	Grafika	Yozuv turlari, yozuv birliklari, alifbo, harf, tovush va harf munocabatlari kabi masalalarni o'rganadi

4	Orfoepiya	Adabiy tilga xos talaffuzni va talaffuz me vorlarini o'rganadi.
5	Orfografiya	Imlo qonun-qoidalari va tamoyillarini o'rganadi.
6	Leksikologiya	So'z, so'zning lug'aviy ma'nosи, ma'no tuzilishi, shakl va ma'no munosabatiga ko'ra turlarini, tilning lug'at tarkibini va uning taraqqiyotini o'rganadi.
7	Paremiologiya	Tildagi barqaror birikmalar, maqol, matal va aforizmlar (hikmatli so'zlar)ni o'rganadi.
8	Frazeologiya	Frazeologizm (ibora)larni, frazeologizmlarning shakl va ma'no munosabatiga ko'ra turlarini o'rganadi.
9	Etimologiya	So'z va morfemalarning kelib chiqishi hamda tarixini o'rganadi.
10	Dialektologiya	Tildagi sheva va lahjalarni o'rganadi.
11	Terminologiya	Termin va unung turlarini hamda termin tuzish, qo'llash masalalarini o'rganadi.
12	Leksikografiya (lug'atshunoslik)	Lug'at, lug'at turlarini, lug'at tuzish amaliyoti va nazarivayisini o'rganadi.
13	Morfemika (so'z tarkibi)	So'zning tarkibiy tuzilishini, morfema va uning turlari, yetakchi morfema va affikslarni, so'zlarining tuzilishiga ko'ra turlarini o'rganadi.
14	So'z yasalishi	So'z yasalishi va so'z yasash usullarini o'rganadi.
15	Grammatika: - morfologiya - sintaksis	So'z turkumlari va so'zlarining grammatik shakllarini o'rganadi.
16	Punktuatsiya	Tinish belgilari va ularning qo'llash qoidalarini o'rganadi.
17	Uslubiyat (stilistika)	Til birliklarining uslubiy imkoniyat va xususiyatlarini, uslubiy bo'yogi hamda nutq uslublarini o'rganadi.

Areal (lot *areal* – maydon) **lingvistika** dunyodagi tillarning xaritasi, turli mamlakatlarning til tomonidan tavsifi, ayrim tillar va til guruhlari hamda sheva, lahjalarning tarqalish doirasini o'rganadi.

Tipologiya (grek. *typos* – iz, shakl, namuna + *logos* – ta’limot) tillarni tipologik tasnif qilish tamoyillarini o’rganuvchi sohasi. Hozirda tilshunoslikning bu tarmog’i rivojlanmoqda.

Tilshunoslikning barcha tarmoqlari, yo’talish va bo’limlari tilni har tomonlama chuqur o’rganish bilan shug’ullanadi. Demak, tilshunoslik fanining asosiy predmeti murakkab, muhim ijtimoiy hodisa sanalnush til bo’lib, tilning barcha qirralari, belgixususiyatlari, tarixiy taraqqiyoti shu fan tarmoqlari va sohalari tomonidan o’rganiladi.

Insonning nutqiy faoliyati *so’zlashish, eshitish, sezish va o’qish* kabi murakkab jarayonlarni ham o’z ichiga oladi. Bu jarayonlar faqat tilshunoslikda emas, balki boshqa fanlarda ham o’rganiladi. Shunga ko’ra, inson tili mustaqil manba sifatida bir necha fanlarning predmetini tashkil etadi.

Tilshunoslik til bo’yicha tadqiqot ishlari olib borganda boshqa fanlarning xulosalariga ham suyanadi va aksincha, barcha fanlar ham til materiallaridan foydalanadi. Bundan ko’rinadiki, tilshunoslik deyarli barcha fanlar bilan aloqada, hamkorlikda ish olib boradi.

Til falsafa, psixologiya (ruhshunoslik), sotsiologiya, mantiq (logika) kabi fanlar tomonidan ham o’rganiladi. Tilni o’rganishda ishtiroy etadigan har bir fanning tilga nisbatan o’z munosabati bor. Bu munosabat har bir fanning tilni qaysi tomoni yoki aspektini o’rganishi bilan beigilanadi va ushbu fanning predmetini tashkil etadi.

Tilshunoslik, ayniqsa, falsafa bilan chambarchas bog’liqidir. O’tmishda tilshunoslik ham falsafa fanining bir tarmog’i bo’lgan, keyinchalik mustaqil fan maqomini olgan. Falsafa tilshunoslikning metodologiyasini belgilab beradi. U turli fanlar, jumladan, tilshunoslik uchun xarakterli bo’lgan tablil tamoyillari va metodlarini tanlash hamda belgilashda yordam beradi.

Tilshunoslikning mantiq fani bilan aloqadorligi shundaki, til – fikr ifodalash quroli, fikr esa mantiq fanining o’rganish manbaidir. Fikr va til o’zaro bog’liq bo’lgani kabi grammatik va logik kategoriylar ham o’zaro bog’liqidir.

Tilshunoslik ruhshunoslik bilan ham uzviy bog’liqidir. Ruhshunoslik inson ruhiy (psixik) jarayonlarining qonuniyatlarini

o'rganadi. Insoning ruhiyati tilda, nutqda o'z ifodasini topadi. Til va ruh o'rtasidagi masalalar psixolingvistikada o'rganiladi. Demak, psixolingvistika psixologiya bilan lingvistikaning sintezi sifatida yuzaga kelgan bo'lib, nutqui qabul etish, tilni egalosh kabi masalalarni o'rganadi. Darshaqiqat, inson ma'lum niqdordagi tajriba, qoidalar yordamida yangidan-yangi jumlalarni yaratish qobiliyatiga ega. Psixolingvistika fanining asosiy maqsadlaridan biri ana shu qobiliyatning tabiatini va rivojlanish qonuniyatlarini ilmiy o'rganishdir.

Psixolingvistika til birliklaridan nutqiy jarayonda foydalanish va ularda shaxsning xususiyatlari, ruhiyati va tafakkuri, xarakteri va kayfivati bilan bog'liq ma'no, tushuncha ifodalanishi kabi masalalarni o'rganadi.

Shuningdek, tilshunoslik tarix, arxeologiya, adabiyotshunoslik kabi ijtimoiy, fiziologiya, fizika, kibernetika, matematika kabi tabiiy, aniq fanlar bilan ham bog'liq.

Siz o'rganishni boshlayotgan «Tilshunoslik nazariyasi» kursi tilshunoslik nazariyasi, unumiy tilshunoslik fanlarning alifbosи, debochasi, til haqidagi dastlabki ilmiy-nazariy, amaliy bilim beruvchi, tilshunoslikda qo'llaniladigan asosiy ilmiy termin va tushunchalar bilan tanishtiruvchi fan bo'lib, tilshunoslikning asosiy qismlarini va xususiy tilshunoslikda o'rganiladigan masalalarni o'zlashtirish uchun nazariy asos beradi, sizni keyingi kurslarda o'qitiladigan tilshunoslikning u yoki bu sohasiga oid fanlarga tayyorlaydi.

Nazorat uchun savollar:

1. Tilshunoslik fani qanday masalalarni o'rganadi?
2. Ferdinand de Sossyur nazariyasi haqida nimalarni o'rgandingiz?
3. Tilshunoslik fani qanday tarmoqlarga bo'linadi?
4. Tilshunoslik fani maqsadi, vazifasi va xususiyatlariga ko'ra qanday turlarga bo'linadi?
5. Til tilshunoslikdan tashqari yana qaysi fanlar tomonidan o'rganiladi?

6. «Tilshunoslik nazariyasi» fani qanday masalalarini o'rganadi?

7. Kursning maqsadi, vazifasi va ahamiyati nimalardan iborat?

Tilning ichki tuzilishi va vazifalari, Til va nutq

1. Aloqa vositalari

a) asosiy aloqa vositalari;

b) yordamchi aloqa vositalari.

2. Tilning asosiy vazifalari va boshqa aloqa vositalaridan afzalliklari.

3. Tilning ichki tuzilishi.

4. Til – sistema

5. Tilning sathlari.

6. Tilning vazifalari.

7. Til va nutq.

8. Til birliklari va nutq birliklari.

Tayanch so'z va iboralar: aloqa vositalari, til, sistema, struktura, aloqa vositalari, tilning vazifalari, tilning nominativ (atash) vazifasi, tilning kommunikativ vazifasi, tilning ekspressiv vazifasi, yozuv, signallar, mimika (imo-ishora), mitq, til birliklari, nutq birliklari.

Insonlar o'zaro aloqa-aralashuv jarayonida foydalanadigan vositalar majmui aloqa vositalari hisoblanadi va ular bir nechta bo'lib, o'z xususiyati, mohiyati, aloqa jarayonida qo'llanish darajasiga ko'ra farqlanadi

Kishilar o'z tarixiy taraqqiyoti davomida quyidagi aloqa vositalaridan foydalanganlar va foydalanmoqdalar:

1. Signallar.

2. Belgilar.

3. Mimika (imo-ishora).

4. Yozuv

5. Til.

Bular ichida til muhim, yozuv unga nisbatan ikkilamchi aloqa vositasi, qolganlari esa yordamchi aloqa vositalaridir. Kundalik

iste'molda asosan til va yozuvning qo'llanishi qolgan aloqa vositalari keraksiz degani emas, albatta, ularning ham o'ziga xos o'rni bor.

Signallar, belgilar, mimika kabi yordamchi aloqa vositalari qo'llanish doirasining chegaralanganligi bilan tildan farq qiladi. Til jamiyat faoliyatining hamma sohasida eng muhim aloqa vositası sifatida xizmat qiladi.

Til so'z, morfema va fonemalarning oddiy yig'indisi emas. U bir butun sistemadir. Tilning sistemaliligi uning ichki tuzilishida namoyon bo'ladi, chunki u ham ichki tuzilishiga ega bo'lib, bu ichki tuzilish pog'onaviylik xususiyatiga ega. Har bir pog'onaga xos birlik ikki va undan ortiq uzvlarning o'zaro munosabatidan tashkil topgan butunlidir. So'z morfologik sath birligi sifatida ikki va undan ortiq morflarning o'zaro munosabatidan tashkil topgan butunlik, morfema esa ikki va undan ortiq morflarning o'zaro munosabatidan tashkil topgan butunlik sanaladi.

Ko'rindiki, til bir butun sistema sifatida ichki bo'linuvchanlik xususiyatiga ega. Tilning ichki bo'linishi pog'onaviylik kasb etadi. Til ichki bo'linishining eng oxirgi nuqtasi shakliy tomondan *fonema* (*fon*), mazmuniy tomondan *sema* bilan yakunlanadi.

Til ichki tuzilishining pog'onaviylik tabiatи butunlik deb olinayotgan birlikning nisbiyligini ko'rsatadi. Butunlik deb qaralayotgan obyekt faqat tilning ma'lum pog'onasiga nisbatan olinadi. Bir pog'onada butunlik sifatida qaralayotgan obyekt o'zidan yuqori pog'onaga, ya'ni katta butunlik tarkibiga uning elementi bo'lib kiradi. Masalan, morfema morfemik sathda ikki va undan ortiq fonema (*fon*)larning munosabatidan tashkil topgan butunlik sifatida, morfologik sathda esa so'z (so'zshakl)ning bir elementi sifatida qaratadi.

Bu esa tilning sistemalar sistemasi ekanligidan dalolat beradi

Tilning sistemaviylik tabiatini yoritishga ilk bor F. de Sossyur e'tibor qaratdi. U sistemaning ikki muhim xususiyatini ko'rsatadi:

- a) sistemaning barcha a'zolari tenglikka ega;
- b) sistema yopiq hisoblanadi.

Lekin keyinchalik til sistemasida ochiq sistemalar ham borligi aniqlandi.

F.de Sossyur konsepsiyasida **sistema** termini bilan birlgilikda **struktura** termini ham muhim ahamiyatga ega. Sistema va struktura terminlarini farqlash lozim.

Sistema (yun. *systema* – yaxlit; qismlardan tarkib topgan) so'zi o'zbek tilida polisemantik so'z sifatida o'nlab ma'nolarda qo'llanadi. Uning muqobili sifatida *tizim* so'zi ham qo'llanadi. Tilshunoslikda sistema termini «*o'zaro uzviy bog'langan qismlardan, unsurlardan tarkib topgan butunlik*», ya'ni bir butun bo'lib uyushgan til unsurlari majmui» ma'nosida qo'llanadi.

Struktura (lot. *structura* – tuzilish; *bog'lanish*) so'zi «*muayyan narsalarning tuzilishi, qurilishi, tarkibiy qismlarning o'zaro bog'ligligi*» ma'nosini anglatadi. G.P.Melnikovning talqinicha, struktura deganda, o'zaro aloqada bo'lgan qismlardan tarkib topgan va o'zaro aloqadorlikka ega bo'lgan murakkab birlik, butunlik tushuniladi. Struktura sistemaga xos, uni xarakterlovchi xususiyatlardan biridir¹. Tilshunoslik nuqtayi nazaridan struktura deganda tilning tuzilishi yoki ayrim til birliklarining qurilish tarixi tushuniladi.

Bir xil qiymatga ega bo'lgan til birliklari majmui **til sathlari** deb yuritiladi.

Til ichki tuzilishiga ko'ra bir-biriga bog'liq, biri ikkinchisini taqozo etuvchi sathlardan iboratligiga ko'ra sistemadir.

Til sistema sifatida quyidagi sathlarga bo'linadi:

- 1) fonetik-fonologik sath;
- 2) lug'aviy sath;
- 3) grammatik sath.

Tilning har bir sathi o'z birliklariga ega. Masalan, *fonema* – fonologik sath birligi.

Tilshunoslik fani bir necha bo'limlarga bo'linadi va ularning har biri tilning sahlari bilan bog'liq ma'lum masalalarni o'rGANADI.

Til nutq tuzib fikr, his-tuyg'u, istak, g'am, shodlik kabilarni ifodalashda xizmat qiladigan fonetik, leksik va grammatik vositalar tizimi. kishilar orasida asosiy va eng muhim aloqa-aratashuv, fikrlashuv quroli bo'lib xizmat qiladigan ijtimoiy hodisa sifatida bir qator vazifalar (funksiyalar)ni bajaradi. Nutq jarayonida turli

¹ Bu haqidagi qarang, Bojiev A. O'zbek tili morfoloyigynasi, morfemikasi va so'z vasalishining nazariy masalalari. Toshkent: Fan, 2010. - B. 15.

maqsadlarda til vositalarining iinkoniyat xususiyatlaridan foydalaniш **tilning vazifalari** deyiladi.

Tilning jamiyatda aloqa quroli vazifasini bajarishi uning kommunikativ vazifasini tashkil qiladi. Bu tilning asosiy ijtimoiy vazifasidir. Demak, tilning aloqa-aratashuv vositasi sifatidagi asosiy vazifasi tilning **kommunikativ** (lot. *communicatio* – xabar, aloqa) **vazifasi** deyiladi.

Tilning kommunikativ (nutqiy aloqa) vazifasida ikki hodisa farqlanadi:

1. Fikr olishuv (aloqa-aratashuv) vazifasi.
2. Xabar vazifasi.

Fikr olishuv vazifasi tilning asosiy vazifasi bo'lib, til jamoasing o'zaro fikr olishuvidan iborat kommunikativ vazifasidir.

Tilning mantiqiy (logik) mazmunini yetkazish (bildirish)dan iborat kommunikativ vazifasi tilning **xabar vazifasi** deyiladi.

Aloqa-aratashuvda til vositasida turli his-tuyg'u, emotsiya, ta'sirchanlik ham ifodakanadi va bu tilning **estetik** yoki **ta'sir etish vazifasi** deyiladi. Ayrim adabiyotlarda esa tilning estetik vazifasi **ekspressiv vazifasi** deb ham ataladi.

Til aloqa-munosabat vositasi, hissiy ta'sir ifodasi bo'lib qolmay, toplash vazifasini bajaruvchi muhim manba hamdir. Til millatlararo aloqa-munosabat vositasi, toplangan bilim va tajribalarni avloddan avlodga yetkazish vositasi hisoblanadi. Tilning ushbu vazifasi bilish jarayonidagi muhim abamiyatga ega bo'lib, tilning **kummulyativ vazifasi** hisoblanadi.

Sistem tilshunoslikning asosini til va nutq oppozisiyasi tashkil etadi.

Til va nutq hodisalarini o'zaro farqlab yondashish VIII-IX asrlarda arab tilshunosligida, keyinchalik V.Gumbold, A.Shteyntal, Boduen de Kurtene ta'limotlarida kuzatilgan. Lekin ilmiy adabiyotlarda til bilan nutq hodisalarini va olarga xos birlıklarni tom ma'noda ilmiy-nazariy hamda amaliy farqlash, til va nutq birliliklerining mohiyatini ochish yo'llari, «til» va «nutq» tushunchalariga batamom yangi mazmun berilishi E.de Sossyur va uning izdoshlari yaratgan ta'limot bilan bog'liqdır.

Hozirgi davr sistem tilshunosligida til va nutq oppozisiyasidan kelib chiqib, nutq faoliyatı quyidagi uch tarkibiy qismdan iborat, deb ko'rsatiladi:

- a) til;
- b) tildan foydalanish ko'nikmasi va malakasi;
- c) nutq.

Yuqorida aytilganidek, til – nutq tuzib fikr, his-tuyg' u, istak kabilarni ifodalashda xizmat qiladigan fonetik, leksik va grammatic vositalar tizimi: kishilar orasida asosiy va eng muhim aloqa-aralashuv, fikrlashuv quroli, ijtimoiy hodisa. Bundan ko'rinadiki, til kishilik jamiyatida belgilari, signallari, imo-ishora, mimika, yozuv kabi yordamchi aloqa vositalariga nisbatan eng muhim aloqa vositasi bo'lib, jamiyat tomonidan yaratilgan va unga xizmat qiladi.

Ferdinand de Sossyurning ilmiy qarashlari tilning murakkab, ziddiyatlarga boy, ko'p tomonlama hodisa ekanligiga asoslangan.

Tilshunoslik fanining chegarasini, predmetini, aniqroq ta'riflash maqsadida Ferdinand de Sossyur Vilgelm fon Gumboldt kabi antinomiya (qarama-qarshi qo'yish) metodidan foydalaniib, til va nutqni ajratib, ularni bir-biriga qarama-qarshi qo'ydi. Uning fikricha, til nutq faoliyatining faqat bir tomonini tashkil etadi. Til nutqqa zid. Til va nutqning asosiy farqi – til ijtimoiy, nutq esa individual hodisadir.

Olim til va nutq o'rtafigi o'zaro bog'lanishni, munosabatni inkor etmagan holda, ikkala hodisani alohida-alohida o'rganishni tavsiya etadi va til lingvistikasi hamda nutq lingvistikasi terminlarini muomalaga kiritadi.

Til va nutq qanday birlklarga egaligi nuqiyati nazaridan ham farqlanadi. **Til birlklari** deganda nutqqa zid qo'yilgan tilning birlklari tushuniladi. Shuningdek, tilshunoslikdagi ilmiy manbalarda **lingvistik birlik** degan tushuncha ham kuzatiladi. A.Nurmohnning ko'rastishicha, bu tushuncha til birlklarini ham, nutq birlklarini ham qamrab oladi. Tilning sistemaviylik tabiatи shundaki, u sanoqli figuralar, ya'ni birlklarning turli kombinatsiyalari orqali cheksiz axborotlarni uzatish imkoniyatiga ega. Shuning uchun til birlklarining miqdori cheklangan, barmoq bilan sanarlidir. Imkoniyat tarzidagi bu sanoqli birliklar nutq jaroyonida xilma-xil

shaklda vogelauadi. Til birliklarining nutqiy jarayondagi real ko'rinishlari **nutq birliklari** sanaladi¹

Ferdinand de Sossyur fikriga ko'ra, tilshunoslik fanining asosiy vazifasi va predmeti til lingvistikasini o'rGANISHDAN iboratdir.

Nutq lingvistikasi esa tilshunoslik uchun ikkinchi darajali masala bo'lib, falsafa, psixologiya, fiziologiya, antropologiya, filologiya kabi boshqa fanlar tomonidan o'rGANILISHI mumkin. ChunoNchi, Ferdinand de Sossyur lingvistikaning ichki va tashqi lingvistikaga ajratib, ularni bir-biriga qarama-qarshi qo'yadi. Uningcha tilshunoslik fanining asosiy bo'limi tilning ichki ko'rinishini o'rGANADIGAN ichki lingvistikadir, tashqi lingvistika esa tilni xalq tarixi, madaniyati bilan aloqasini o'rGANADIGAN lingvistika bo'lib, u tilshunoslik fani uchun ikkinchi darajali hodisadir.

Jahon, jumladan, o'zbek tilshunosligida til va nutq birliklari xususida turlicha talqinlar kuzatiladi. Ferdinand de Sossyur til-nutq dixotomiyasini shatranj o'yini qoidalari misolida tushuntirib berishga harakat qilgan. Haqiqatan ham, shatranj taxtasidagi 64 katak teng holatda ikki xil rangda ikki guruhga o'ttiz ikkitadan ajratilib, qarama-qarshi qo'yiladi, har ikki guruhdagi donalar vazifasi va qiymati jihatidan bir-biriga teng, donalarning o'ziga xos joylashish tartibi va yurish qoidalarga bir xil bo'yunsa ham, o'yinchilarning mahoratiga ko'ra biri kuchli, ikkinchisi kuchsiz mavqeda bo'ladi.

Til va shatranj qurilmalari o'zaro muqoyasa etiladigan bo'lsa, avvalo, ularning birliklari (tashkil etuvchilar) orasida umumiy o'xshashliklar mavjudligini ta'kidlash lozim. Har ikkala qurılma ham birliklar sistemasi va birliklarining vazifalari bilan ish ko'radi.

Tilshunoslikda shu kunga qadar til va nutq hodisalarining farqlanishini mashhur nemis elimi Viigel'm Gumboldt boshlagan va bu Ferdinand de Sossyur ta'limotining asosini tashkil qiladi, deb hisoblanadi. Vaholanki, Alisher Navoiy ulardan ancha oldin til va nutq hodisalarini farqlagan.

Alisher Navoiy o'zining lug'atchilik va tilshunoslik sohasidagi yarim asrlik tajribasini «Muhokamat ul-lug'atayn» asarida umumlashtiradi!

¹ Nurmonov A. Lingvistik belgi nazariyasi. Toshkent: Fan. 2008. B. 32.

Alisher Navoiy imkoniyat tarzidagi so'z (til birligi) so'zlovchi tomonidan turli xil jilvalantirilishi (nutq birligi sifatida reallash-tirilishi) mumkinligini aytadi.

Uning tushunishicha, til ijtimoiy hodisadir. Til insonni hayvondan ajratib turadigan «gavhari sharif»dir. U ma'noni birlamchi, shaklni ikkilamchi deb hisoblaydi, ma'noga «so'zning joni» deb baho beradi.

Til va nutq masalasi o'zbek tilshunosligida Sh.Rahmatullayev, A.Ho'jiyev, A.Nurmonov, H.Ne'matov, O.Bozorov kabi olimlarning ishlarida keng va atroficha tahlil qilingan.¹

Lingivistik belgining tuzilishi masalasida tilshunoslar ikki xil fikr bildiradilar. Ularning bir guruhi lingivistik belgi bir tomonlama mohiyat, u faqat ifodalananmishni o'z ichiga oladi, desalar, ikkinchi guruhi tilning ikki tomonlama mohiyat ekanligini, ifodalovchi va ifodalananmish bir butunligidan iborat ekanligini bayon etadilar.

A.Nurmonov lingvistik belgi tahliliga bag'ishlangan ishida til va nutq birliklari masalasi haqida ham fikr yuritib, tilshunoslikdagi nazariy qarashlarni umumlashtiradi hamda til belgisi va til birliklari o'rtasidagi farqli jihatlarni ko'rsatadi, xulosalarini bayon etadi. Uningcha, lingvistik belgining ifodalovchi va ifodalananmishi o'rtasida qisman motivatsiya munosabati bo'lsa ham, umuman olganda ular o'trasidagi munosabat erkindir.

Olim til va nutq birliklarini quyidagicha ko'rsatadi:

Til va nutq birliklari

No	Til birliklari	Nutq birliklari
1	Fonema	Tovush (fonema varianti, allofon, fon)
2	Morfema	Morfema (morf, allomorf)
3	Leksema	Leksema varianti (leks yoki alboleks)
4	Frazema	Frazema varianti (allofrazema)

¹ Qarang. Ne'matov H., Bozorov O. Til va nutq. Toshkent: O'qituvchi, 1993. - 32 b.; Rahmatullayev Sh. Til qurilishining asosiy birliklari. Toshkent: Universitet, 2002. - 28 b.; Nurmonov A. Lingvistik belgi nazariyasi. Toshkent: Fan, 2008. - 48 b.; Ho'jiyev A. O'zbek tili morfologiyası, morfemikası va so'z yosalishining nazariy masalalari. Toshkent: Fan, 2010. - 256 b.

5	Konstruksiva	
5.1.	So'z modeli	So'z shakli
5.2.	Birikma modeli	So'z birikmasi
5.3	Gap yoki gap modeli	Jumla

Bu birlıklar, o'z navbatida, ma'lum vazifa va funksiyaga ega, bir-biridan amaliy jihatdan farqlanadi. Ba'zan esa bir-birini to'ldiradi.

Til va nutq munosabatlarini umumiy tarzda yuqorida qayd etilgan manbalarga asoslangan holda quyidagicha izohlash mumkin.

Til va nutq o'zaro aloqador hodisalar sifatida e'tirof etilgan. Til – ijtimoiy, nutq – xususiy hodisa. Tilning butun imkoniyatlari nutqda ifodalanadi. Til va nutqning o'ziga xos jihatlarini quyidagi larda namoyon bo'ladi:

1. Til – munosabat asosi, nutq munosabat ifodasiidir.
2. Til jamiyatda shakllanadi, nutq esa har bir shaxs faoliyatida namoyon bo'ladi.
3. Tilning mayjudlik davri uzoq, ijtimoiy hayot bilan bog'liq; nutqning mayjudlik davri qisqa, u aytilgan paytdagina mavjud.
4. Bir shaxs ayni zamonda bir necha tilga ega bo'la oladi; shaxsning nutqi esa saqat bitta bo'ladi, negaki nutq ma'lum makonda yuz beradi.
5. Tilning hajmi noaniq, chegaralanmagan; nutqning hajmi aniq; u dialog, monolog, ayrim matn, kitob ifodalari bo'ladi.
6. Til qat'iy, turg'un hodisa, nutq o'zgaruvchan harakatdagi hodisadir.

Nazorat uchun savollar:

1. Kishilar o'zaro fikrlashuv jarayonida qanday aloqa vositalaridan foydalanadilar?
2. Til nima uchun eng muhim aloqa vositasi sanaladi?
3. Tilning ichki tuzilishi qanday?
4. Til nima uchun sistema?
5. Til sistema sifatida qanday sathlarga bo'linadi?
6. Til qanday vazifalarni bajaradi?
7. Tilning asosiy vazifasi nimadan iborat?

Tit va jamiyat. Sotsiolingvistika

1. Tilning tabiatı.
2. Til va jamiyat.
3. Til – ijtimoiy hodisa.
4. Sotsiolingvistika va u o'rganadigan masalalar.
5. Adabiy til va sheva, lajhalar.

Tayanch so'z va iboralar: *til, jamiyat, tabiiy hodisa, ijtimoiy hodisa, adabiy til, dialekt, sheva, sotsiolingvistika, sotsiologizm, mikrosotsiolingvistika, makro-sotsiolingvistika, standart tillar, klassik tillar, mahalliy tillar, kreol tillar, sun'iy tillar.*

Tilning paydo bo'lishi, uning takomil topib borishi, odamzotning bu ne'matga moyil bo'lishida ijtimoiy muhitning, kishilik jamoasining, uy-xonodon degan birlikning hal qiluvchi omil ekanligi inkor etib bo'lmaydigan haqiqat. Professor N. Mahmudovning aytishicha, eramizdan oldin ham, bizning eramizda ham dunyoning turli burchaklarida ana shu haqiqatni izlab turli tajribalar o'tkazilgan. Masalan, «Mo'g'ullar imperiyasining umumiy tarixi» (Parij, 1705) nomli kitobda XVI asrda Akbarshoh tomonidan o'tkazilgan bir g'aroyib tajriba haqida batafsil yozilgan.

Ulug' shoh «Biror-bir tilga o'rgatilmagan odamning tabiyi tili yahudiy bo'ladi» degan g'ayriimliy gapni eshitib qoladi. Shunda Akbarshoh bolaga hech qanday til ataylab o'rgatilmasa, u qaysi tilda gapiradigan bo'lishini bilishni istaydi. Ana shu maqsadda shoh o'n ikki emizikli bolani ajratib olib, Agradan 6 mil uzoqligidagi qal'aga joylashtiradi, ularni tarbiyalashni o'n ikki soqov enagaga topshiradi. Tilsiz qorovulga qal'a darvozasini ochish qat iyan ta'qiqlanadi, darvoza ochilsa, uning boshi sapchaday uzib tashlanishi aytildi. Bolalar o'n ikki yoshga yetganda, shoh ularni huzuriga keltiradi. Hind faylasuflari bu bolalarning tili sanskrit bo'lib chiqadi deb hisoblaydilar. Amмо bolalar shoh huzuriga kelganda, barcha hayratdan tosh qotib qoladi.

Chunki bola bechoralar hech bir tilda gapirmas edilar. Ular o'z enagalaridan fikrlarni turli imo-ishoralar bilan ifodalab, hech qanday tilsiz muomala qilishni o'rgandilar. Ular bu notanish begona jamoadan qo'rqiб-qo'rqiб turardilar. Ochilmay turgan bu tillarning

tugunini yechmoq tamoman mushkul edi. Bu tillarga nutq tovushlarini aytirmoqlik zamoni o'tib bo'lgan edi.¹

Juda katta shov-shuvga sabab bo'lgan Tarzan haqidagi «Mutloq hukmronlik» filmidagi voqealar, bo'ri uyasidan topilgan Kamola va Amola taqdiri til jamiyatdagina shakllanadi, tilsiz jamiyat, jamiyatsiz til bo'lmasligini yana bir bor tasdiqlaydi.

Til jamiyatga xizmat qilar ekan, jamiyatdagи barcha o'zgarishlar tilda o'z ifodasini topadi va til jamiyat hayoti bilan bog'liq ravishda rivojlanadi hamda taraqqiy etadi.

Tarixiy taraqqiyot jarayonida vujudga kelgan yirik davlatlar yemirilishi bilan, ularning aloqa vositasi bo'lgan tillar, chunonchi qadimiy fors tili (miloddan avval IV-VI asr), finikiylar tili (miloddan avval VII-I asr), sug'dlar tili (miloddan avval VI asrdan to eramizning X asrigacha), lot tili (miloddan avvalgi VI asrdan to eramizning IX asrigacha) iste'molda bo'lib, keyin **o'lik tillarga aylangan**. Lekin bu tillar butunlay dom-daraksiz yo'qolib ketmagan.

Tilshunoslik fani tarixida tilning tabiatni, ijtimoiy mohiyati kabi eng muhim masalalarni o'rghanishda turli nazariyalar va oqimlar mavjud bo'lgan. Jumladan, nemis olimi Avgust Shleyxer (1821-1868) nomi bilan bog'liq naturalistik oqim tilni tirik organizm deb tushungan. U o'zining **«Darvin nazariyasi va tilshunoslik»** (1863) nomli asarida Darvinnining jonivor va o'simliklarning turlari haqidagi ta'limoti ham tilga tadbiq qilinishi kerak deb da'vo qilgan. Uning fikricha, tilning paydo bo'lishi, rivojlanishi va evolyutsiyasi, tabiat qonunlariga bo'ysungan holda ro'y beradi, til tirik organizm kabi paydo bo'ladi, rivojlanadi va o'ladi Ammo keyinchalik fan taraqqiyoti tilning tabiatni va mohiyati haqidagi A. Shleyxer nazariyasining noto'g'ri ekanligini isbotladi.

Tilshunoslik sohasida eng to'g'ri qarash bu tilni jamiyat taraqqiyotining mahsuli deb tushunishdir.

Umuman, tilning asosiy va muhim xususiyati shundan iboratki, til kishilik jamiyati tomonidan yaratilgan bo'lib, eng muhim aloqa vositasi sifatida xizmat qiladigan ijtimoiy hodisadir.

Til ijtimoiy hodisa sifatida tabiyiv hodisalardan ajralib turadi. Shuni alohida ta'kidlash joizki, insonning biologik xususiyatlari

¹ Bu ma'lumotlar quyidagi manbadan olindi: **Mahmudov N.** Til. Toshkent. Yozuvchi. 1998. 40 b.

kishilik jamiyatidan tashqari jamiyatga bog'liq bo'lмаган holda, masalan, yangi tug'ilgan go'dak hayotning takomili (nafas olishi, ko'rishi, ovqat yeyishi, asta-sekin yurib ketishi va hokazolar) tabiat qonunlariga muvofiq holda taraqqiy etaveradi, o'saveradi, ammo til bunday tabiiy hodisa emas, so'zlashish va fikrlash uchun kishilik jamiyatni bo'lishi shart. Til kishilarning bir-biri bilan aloqa qilish va fikr almashish ehtiyojlari natijasida paydo bo'lgan.

Til nasldan-naslga, avloddan-avlodga o'tadigan irsiy hodisa ham emas, aksincha, til jamiyat taraqqiyotining mahsulidir. Bolaning qaysi tilda so'zlay boshlashi, uni o'rab turgan til muhitiga bog'liq. Masalan, o'zbek bolasi go'dakligidan xitoylar orasida tarbiyalansa, u faqat xitoycha so'zlab o'z ona tilini bilmasligi mumkin. Ammo bolaning biologik belgilari yuz tuzilishi, sochingning rangi va boshqalar o'zgarmagan holda saqlanib qoladi.

Yana bir dalil: hindistonlik psixolog Rid Sing 1920-yilda bo'ri uyasidan ikki bo'ri bolasi va ikki qizchani topib oladi. Qizchalarning kattasi Kamola o'zini bo'ri sifatida tutgan. U bo'rilar bilan hayot kechirgan, gapirishni butunlay bilmagan. Uni «odamlashtirish» juda sekinlik bilan amalga oshgan. Qizchaning qiliqlari bo'rinishidan farq qilmas edi. Uni tik turishga, ovqatni qo'l bilan ushlab yeyishga o'rgatish juda qiyin kechdi. 1923-yil 10-iyun kuni u birinchi marta birovning ko'magisiz 5 minut qaddini rostladi, ayniqsa Kamolaning gapira olish va gaplarni tushunish borasidagi taraqqiyoti katta ahamiyatga ega bo'ldi. U faqat bo'riga o'xshab tovush chiqara olardi, xolos. 1926-yilning boshiga kelib 11 yoshga yetganda Kamola 30 ga yaqin so'z o'rgandi. 1929-yil 26-sentyabr kuni Kamola ich terlama bilan og'ridi. Ana shu kasallik mobayinida u tilni o'zlashtirishda ancha taraqqiyotga erishdi. U faqat so'zlarni aniq talaffuz etibgina qolmay idrok etib gapirishni ham o'rgandi. Kamola shu yilning 13-noyabrida vafot etadi.

Sotsiologiyaga oid ilmiy adabiyotlarda xuddi shunday yana bir tajriba xususida ma'lumot kuzatiladi. Unda aytilishicha, Uoshu ismli bir shimpanzeni kar-soqovlar uchun mo'ljallangan amerikacha belgili alifbo yordamida tilga o'rgatishadi; u yuzga yaqin so'zni o'rganadi. Hatto Uoshu bir necha jumlalar ham tuza olgan, bir gunoh ish qilib qo'yganida kechirim so'ramoqchi ekanini «*Bir mahkam quchoqla, kechir, kechir*» jumlesi bilan ifodalagan.

Lekin Uoshu grammatic qoidalarni o'zlashtira olmagan, o'zi o'rgangan so'zlarni boshqa shimpazelarga ham o'rgata olmagan. U til o'rganish bilan bir necha yil shug'ullangan bo'lsa-da, uning til o'rganish qobiliyati ikki yosh bolanikidan ham past bo'lgan.¹

Yuqorida keltirilgan dalillar ham tilning jamiyat bilan bog'liqligini, uni jamiyatdan ajratish mumkin emasligini ko'rsatib turibdi. Shunday qilib, til o'z tabiatiga va kishilik jamiyatida bajaradigan vazifasiga ko'ra ijtimoiy hodisadir. Ammo ijtimoiy hodisa sifatida til boshqa ijtimoiy hodisalardan ajralib turadi, ya'ni til o'ziga xosligi bilan jamiyat faoliyatining barcha sohalariga xizmat qiladi.

Til sinfiy xarekterga ega emas. Dastlabki davrlarda jamiyatning qarama-qarshi guruhlarga bo'linishiga qaramay, til birligina guruh ehtiyojini qondirish uchun xizmat qilmaydi, u jamiyat a'zolarining barchasiga bab-baravar xizmat qiladi. Chunonchi, til kishilik jamiyatining tarixiy taraqqiyoti jarayonida ma'lum bir guruh tomonidan emas, balki butun jamiyat tomonidan yaratilgan, sayqal topgan ijtimoiy hodisadir. Shu bilan birga, til biror davrning, biror ijtimoiy-iqtisodiy jamiyatning mahsuli bo'lmay, balki butun jamiyat tarixi jarayonidagi bir qancha davrlarning mahsulidir.

Til doimo jamiyatda rivojlanadi. Til kishilik jamiyatigagina xos hodisasidir. Odamlar til orqali axborot oladi, munosabat bildiradi. Shuning uchun, til paydo bo'lgandan boshlab, taraqqiyot jarayonida jamiyatda tilni har tomonlama o'rganishga ehtiyoj ortib bordi.

XX asr boshlarida tilshunoslikda tilni ijtimoiy hodisa deb hisoblashga asoslangan sotsiologizm ta'limoti yaratildi. Bu ta'limotning asoschilarini Ferdinand de Sossyur va uning shogirdi fransuz tilshunosi Antuan Meyelardir. Ular yangi tilshunoslik yo'naliishiga «sotsiologik lingvistika» nomini berdilar.

Sotsiolingvistikaning rivojlanishida A. Meyerning ishlari salmoqli o'rinn tutadi. Uning «So'z semantikasining o'zgarishi» nomli asarida jamiyat va til o'rtasidagi bog'lanishlar mavjudligi yorqin ko'rsatib beriladi. Uning fikricha: «Til insonlar uchun jamiyatning asosiy mezoni bo'lib, u jamiyatda eng kerakli (muomila) qurolidir».

¹ Bu haqida qarang. Giddens Entoni. Sotsiologiya. Oliy o'quv yurtlari uchun o'quv qo'llamma farj. N. Mamatov va J. Begmatov. Toshkent: Sharq, 2002. B. 61-62.

A Meye tilni jamiyatdan tashqarida tasavvur qilinishi mumkin bo`lmasligi ijtimoiy fakt deb hisoblaganida, tilsiz kishilik jamiyatining ham mayjud emasligini ta`kidladi. A Meyening fikricha, tilda yuz beradigan hodisalarни ijtimoiy sharoit yuzaga keltiradi; tildagi o`zgarishlarni kishidagi fiziologik va psixologik sabablar emas, jamiyat tuzumidagi o`zgarishlar belgilaydi. Til faktlarning bir tildan ikkinchi bir tilga o`tishiga ham Meye sotsiologik pozitsiyadan yondoshdi.

Sotsiolingvistika (lot. *societas* – jamiyat + lingvistika) tilshunoslik va sotsiologiya fanlari aloqasi asosida yuzaga kelgan bo`lib, tilning ijtimoiy tabiatni, ijtimoiy vazifalarini, til taraqqiyotidagi ekstralolingvistik omillarni, til siyosatini, lisoniy muhitni hamda tilning jamiyat hayotidagi o`rni bilan bog`liq muammolarni o`rganuvchi soha.

Ilmiy manbalarda va tilshunoslikka oid terminologik lug`atlarda sotsiolingvistika *lingvosotsiologiya* va *lingvistik sotsiologiya*, *til sotsiologiyasi*, *sotsiologik lingvistika*, *sotsial tilshunoslik*, *lingvistik sotsiologiya*, *lingvosotsiologiya* kabi nomlanib kelgan. Shuningdek, o`zbek tilshunosligida sotsiolingvistikaning muqobili sifatida *ijtimoiy tilshunoslik* termini ham qo`llanadi.

Sotsiolingvistika o`z mohiyat-mazmuniga ko`ra sotsiologiya, antropologiya, etnologiya, psixologiya, geografiya, tarix kabi fanlar bilan chambarchas bog`liq bo`lib, shu fanlar tutashmasida rivojlanib boradi. Uning fan sifatidagi vazifasi jamiyatning til bilan bog`liq barcha qirralarini ilmiy tadqiq etishdan iborat. Bundan tashqari, mazkur fan jamiyatning o`zgarib borishi natijasida tilda kechayotgan o`zgarishlarni ham tadqiq etadi. Demak, sotsiolingvistika jamiyat va til o`rtasidagi umumiyligi o`zgarishlarni o`rganuvchi fandir.

Hozirgi zamon tilshunosligida sotsiolingvistik tadqiqotlarga qiziqishning kuchayib borayotganligi quyidagi ikki sabab bilan izohlanadi:

a) hozirgi jamiyatda ilmiy asoslangan til siyosatiga ehtiyoj kundan-kun ortib bormoqda;

b) struktural tilshunoslik shu vaqtga qadar faqat tilning ichki tuzilishini o`rganish bilan qiziqib keldi, tilning jamiyat bilan, o`sha

til egasi bo'lgan xalq tirixi, urf-odati bilan munosabati muammosi tilshunoslar e'tiboridan chetda qolib keldi.

Sotsiolingvistika fani yutuqlari shuni ko'rsatadiki, tillar bir-biriga leksik jihatdangina ta'sir etib qolmay, bir-birining ichki tuzilishiga ham ta'sir ko'rsatadi. Shunga muvofiq hozirgi zamon tilshunoslida «tillar ichki tuzilishining o'zaro hamkorlik jarayoni» degan tushuncha shakllangan. Mamlakatlararo aloqalarning rivojlanishi o'sha mamlakatlarda yashovchi xalq va elatlar madaniyatining yaqinlashuviga zamin hozirlaydi, natijada tillar ham bir-biriga ta'sir ko'rsatadi, bunday hamkorlik, o'z navbatida, tillarning ichki rivojlanishini ta'minlaydi.

Chet ellarda, ayniqsa, AQShda sotsiolingvistika bo'yicha ko'p ishlar amalga oshirilgan. AQSh tilshunosi R.T.Bell ta'kidlashicha, ijtimoiy tilshunoslik sohasida AQShda ikki yo'nalish mavjud.

a) sof sotsiolingvistika, bunda gapiruvchi va tinglovchi grammaticasi, bir-biriga ta'siri, hamkorligi o'rGANILADI,

b) til sotsiologiyasi, bunda til ishoralari, belgilarining jamiyat-dagi turli ijtimoiy jabhalarda ishlatalishi masalalari o'rGANILADI.

AQShda birinchi yo'nalish **mikrosotsiologiya** deb yuritiladi, u bilan asosan tilshunoslar shug'ullanadilar. Ikkinchisi esa **makrosotsiologiya** deb nomlanadi, bu muammolar bilan sotsiologlar shug'ullanadilar.

Mikrosotsiolingvistika kichik ijtimoiy guruhlarni tashkil etuvchi shaxslarning nutqiy hamkorlik munosabatlarini o'rGANADI. Makrosotsiolingvistika esa bir ijtimoiy guruh bilan ikkinchi guruh o'rtasidagi nutqiy muloqotni tadqiq etadi. Mikrosotsiolingvistika erishgan yutuqlar makrosotsiolingvistik tadqiqotlar uchun ilmiy zamin bo'lib xizmat qiladi. Sotsiolingvistika tilning ijtimoiy muhitga ko'ra o'zgarish xususiyatlarini atroflicha tadqiq etadi. Bu tilshunoslikda tilning o'zgarish nazariyasini deb yuritiladi.

Sotsiolingvistika fani tillar tipologiyasi muammosi bilan ham shug'ullanadi. Tillarning sotsiolingvistik tipologiyasi uning jamiyat-dagi ijtimoiy mavqeineini inobatga oluvchi tipologiyadir. Bunday tipologiyaga quyidagi to'rt mezon asos qilib olinadi:

1. Standartlashtirish – bunda ma'lum bir tilda gaplashuvchilar tomonidan qabul qilingan adabiy til tushuniladi. Standartlash-

tirishning asosiy omili tilning grammatikasini va lug'atini yaratishdir.

2. Hayotiylik – bunda ma'lum bir tilda gaplashuvchi jamiyatning bor-yo'qligi inobatga olinadi. Agar til hayotiy, tirik bo'lsa, bu tilni ona tilim deb biladigan, uni e'zozlaydigan jamiyat ham mavjud bo'ladi. Ba'zan ilgari o'lik tilga aylangan tillar ham qaytadan hayotiylik kasb etishi mumkin. Masalan, ivrit tili eramizdan oldingi 1 ming yillikda qadimgi Falastin aholisining tili bo'lgan, 1948-yilda Isroil davlati bu tilni ayrim o'zgarishlar bilan davlat tili sifatida qabul qildi.

3. Tarixiylik – bunda ma'lum bir tilning jamiyat tomonidan ishlatalishi natijasida uning mo'tadil, bir tekis rivojlanib turishi nazarda tutiladi.

4. Avtonomlik – bunda ma'lum ijtimoiy guruh uchun ona tili sifatida xizmat qilayotgan u yoki bu til boshqa tillardan tuzilishi jihatdan tubdan farq qilishi yoki bir tilning varianti sifatida namoyon bo'lishi tushuniladi. Masalan, o'zbek, qirg'iz, qozoq, qoraqalpoq tillari o'zaro qiyoslanganda ular orasidagi fonetik, leksik, grammatik farqlar ko'zga tashlanadi, ya'ni bu tillar avtonom, mustaqil tillar degan xulosa kelib chiqadi Ammo o'zbek tilining Samarcand, Andijon, Xorazm mintaqalarida yashovchi xalqlar tillari garchi o'zaro farqli xususiyatlarga ega bo'lsa-da, avtonom bo'la olmaydi Chunki sheva bilan milliy adabiy til o'rtaida leksik, ayrim grammatik farqlar bo'lgani holda, umumiy tuzilish jihatidan o'zgarishlar ko'zga tashlanmaydi.

Ana shu tipologik xususiyatlardan kelib chiqib, tillarning sotsiolingvistik tasnifi amalga oshiriladi. Hozirgi zamон tilshunosligi tillarni sotsiolingvistik jihatdan quyidagi 7 tipga ajratadi:

1. Standart tillar. Me'yordagi solingan, jamiyatda adabiy til, davlat tili sifatida xizmat qiluvchi tillar. Masalan, *o'zbek, rus tillar* kabi.

2. Klassik tillar. Takomilga, o'z yozuviga ega bo'lgan, ma'lum davrda unda buyuk asarlar yaratilgan tillar. Masalan, *lotin tili, sanskrit tili, qadimgi yimon tili, sugd, xorazmiy tili* kabi. Bu tillar hozirda iste'molda bo'lmaganligi uchun o'lik tillar hisoblanadi.

3. Mahalliy tillar. Son jihatdan ko'p bo'lmagan kichik millatlarga, xalqlarga xizmat qiluvchi, o'z yozuviga ega bo'lmagan tillar.

4. Kreol tillar. Mustamlakachilik natijasida Amerika, Afrika, Sharq mamlakatlari xalqlari tillari bilan evropa (ingлиз, fransuz, ispan, portugal) tillari elementlari aralashuvidan tashkil topgan tillar. Masalan, Amerikadagi Gaiti orolida mahalliy aholi bilan fransuz tili aralashuvni natijasida gatti – kreol tili shakllangan. Lotin Amerikasidagi mahalliy aholi tili aralashuvni natijasida ispan-nautl kreol tili yuzaga kelgan. Amerikadagi Aruba, Bonayre orollarida negr va ispan tillari aralashuvni bilan papiyamento kreol tili shakllangan. Bunday kreol tillari grammatik sistemasi soddalashgani, aloqa uchun qulaylashgani bilan ajralib turadi.

5. Pijin tillari. Xitoy tilining yevropa tillari bilan chatishuvini natijasida yuzaga kelgan aralash tillardir. Pijin va kreol tillari o'xshash hamda farqli tomonlarga ega. Agar kreol tilida so'zlashadigan, uni ona tili deb hisoblaydigan aholi bo'lsa, pijin tili bunday xususiyatga ega emas. Pijin tillaridan ikkinchi aloqa vositasiga sifatida katta port shaharlarida foydalaniлади. Umuman olganda, pijin tili kreol tillarining paydo bo'lishida boshlang'ich bosqich sanaladi. Hozirgi vaqtida eng ko'p tarqalgan pijin tillaridan biri «pijin-english» deb nomlanuvchi janubiy Xitoy portlarida qo'llanadigan tildir. Shuningdek, XIX asr o'rtaлиda S.I.Cherepanov tomonidan o'rgанилган «rus tilining xitoy dialekti», ya'mi kyaxta deb ataluvchi pijin tili ham mavjud (Rossiya va Xitoy chegarasidagi Kyaxta shahrida yashovchi aholining o'ziga xos «tili») Yamayka, Gaiti singari orollarda mahalliy aholi bilan francuz, ispan, portugal tillari aralashuvidan yuzaga kelgan pijin tillari hozir ham keng qo'llanadi.

6. Sun'iy tillar. Tabiiy tillar unsurlari asosida maxsus yaratilgan xalqaro aloqa tillari. Sun'iy xalqaro tillar aloqa-aratashuv uchun maxsus shakllantirilgan yasama kommunikativ tizimlardir. Masalan, *volapyik*, *esperanto*, *ido* va boshqalar.

1879-yilda yaratilgan *volapyuk* ham og'zaki, ham baduiy ijod sohasida qo'llangan dastlabki sun'iylidir.

Esperanto 1887-yilda polyak shifokori L.L.Zamengof tomonidan varatilgan, ancha keng tarqalgan, yevropa tillari uchun

unumiy bo'lgan, so'z yasalishi va grammaatik qurilishi agglyutinatsiya tamoyillariga asoslangan sun'iy til. Bu tilda gazeta va jurnallar, badiiy asarlar nashr etiladi.

Ido 1907-yilda fransuz Lui de Bofron tomonidan esperantoning varianti sifatida yaratilgan xalqaro sun'iy til. Bunday sun iy tillar qatoriga yana *okcidental*, *inter-lingva*, *neo* kabi tillarni ham kiritish mumkin.

7. Dialekt (grek. *dialektos* – sheva, lahja) umumxalq tilining hududiy, ijtimoiy jihatdan umumiylukka ega bo'lgan kishilar foydalananadigan ko'rinishi; bir-biriga yaqin shevalar majmui. Dialekt o'muda ilmiy manbalarda **lahja** termini ham ishlataladi.

Ma'lum hududdagi kishilarning jonli tili, mahalliy dialektning fonetik, leksik, grammaatik jihatdan umumiylukka ega bo'lgan, bir yoki bir necha qishloqni o'z ichiga oladigan kichik bir qismi, guruhi **sheva** deyiladi.

O'zbek tili quyidagi dialect – lahjalarga bo'linadi:

- a) qarluq-chigil-uyg'ur lahjası;
- b) qipchoq lahjası;
- v) o'g'iz lahjası.

Sheva va lahjalar tilshunoslikning dialektologiya bo'limida o'rganiladi.

O'zbek tilining dialect va shevalari Y.D Polivanov, A.K Borovkov, K.K.Yudaxin, G'ozzi Olim Yunusov, V.V.Reshetov, Sh.Shoabdurahmonov, F.Abdullayev, A.Ishayev, S.Ibrohimov, A.Aliyev, N.Rajabov, X.Doniyorov kabi olimlar tomonidan o'rganilgan¹

Umumxalq tilining fonetik, leksik, grammaatik jihatdan ishlangan, ma'lum me'yorga solingan, sayqallangan oly shakli **adabiy til** deyiladi.

Adabiy tilning ikki xil: og'zaki va yozma shakli mavjud.

¹ Reshetov V. V. Shoabdurahmonov Sh. O'zbek dialectologivasi. - Toshkent: O'qituvchi, 1978. ; Shoabdurahmonov Sh. O'zbek adabiy tili va o'zbek xalq shevalari. Toshkent: O'zb.FA. nashriyoti, 1962. - 346 b.; Muhammadijonov Q. Janubiy Qozog'istondagi o'zbek shevalari morfologiysi. - Toshkent: Fan, 1983.; Ishayev A. Qoraqalpog'istondagi o'zbek shevalari. Toshkent: Fan, 1977. - 175 b.; Ishayev A. O'zbek dialectal leksikografiyası. - Toshkent: Fan, 1990. Ibrohimov S. Farg'onashevalarining kasb-hunar leksikasi. - Toshkent, 1975.; Doniyorov X. Qipchoq dialectlarning leksikasi. - Toshkent: Fan, 1979.; Atieva A.Yu. O'zbek dialectologiyasidagi materiallar (Namangan shevalari). - Toshkent: Fan, 1974. - 220 b.; Rajabov N. O'zbek shevashunosligi. - Toshkent: O'qituvchi, 1996. - 304 b.; Rajabov N. O'zbek xalq shevelarida telbing morfologiylar. - Toshkent: Fan, 1990.

Adabiy tilning og'zaki shakli erfoepiyaga, ya'ni to'g'ri talaffuz me'yoriga, yozma shakli orfografiyaga – imlo qonuni-qoidalariga asoslanadi. Demak, adabiy til ma'lum qoidalariga asoslangan, hamma uchun tushunarli va umumiy bo'lgan tildir.

Adabiy til umumxalq tili – sheva va lahjalar asosida yaratiladi.

Qarluq lahjasи o'zbek adabiy tiliga asos qilib olingan Andijon, Farg'ona, Toshkent shevalarini o'z ichiga oladi.

Yuqoridagilardan ko'rindan, til kishilarning eng muhim aloqa vositasi, til aloqaning kishilik shakli. Haqiqatdan ham yuqorida aytib o'tilganidek, insonlar o'zaro aloqada turli vositalardan foydalanadilar. Lekin bular ichida til eng muhimi va mukammalidir. Til faqat kishilargagina xos, u faqat insonlar aloqasi uchun xizmat qiladi.

Globallashuv davrida lisoniy muhitga ilm-fan va texnika ta'sirining ijobiy va salbiy qirralarini, buning sabablarini, ona tiliga munosabat, tilning sofligi, nutq madaniyati va imloviy savodxonlik muammolarni o'rganish zamонавиy sotsio-lingvistikaning muhim vazifalaridir.

Nazorat uchun savellar:

1. Til va jamiyat o'rtasida qanday bog'liqlik bor?
 2. Nima uchun til jamiyatdagina shakllanadi deb hisoblanadi?
- Bu fikrni isbotlovchi qanday dalillarni o'rgandingiz?
3. Ijtimoiy hodisa deganda nimani tushunasiz?
 4. Nima uchun til ijtimoiy hodisa hisoblanadi?
 5. Til ijtimoiy hodisa sifatida boshqa hodisalardan qanday farqqa ega?
 6. Sotsiolingvistika qanday soha? U qanday masalalarni o'rganadi?
 7. Dialekt (lahja) deganda nimani tushunasiz?
 8. Sheva deganda-chi?
 9. Adabiy til deganda qanday tilni tushunasiz?
 10. O'zbek adabiy tiliga qaysi dialekt va shevalar asos qilib olingan?

Til va tafakkur

1. Til va tafakkur.
2. Til va tafakkurning bog'liqligi haqidagi qarashlar.
3. Til va tafakkur birliklari.
4. Mentalingvistika va u o'rganadigan masalalar.

Tayanch so'z van iboralar: *til, tafakkur, til birliklari, tafakkur birliklari, dialektik munosabat, tushuncha, so'z, fikr, hukm, gap, mentalingvistika.*

Til va tafakkurning o'zaro munosabati masalasi fanda uzoq tarixga ega. Bu masalaga doir munozaralarda «Til va tafakkur bir narsami yoki ular o'zaro bog'langan, boshqa-boshqa narsalarimi?», «Til va tafakkur doimo o'zaro bog'langanmi yoki tafakkur tilsiz, til tafakkursiz zuhur etadimi?», «Agar til va tafakkur alohida-alohida hodisalar bo'lib, ular o'zaro bog'langan bo'lsa, fikrlash jarayonida tilning, so'zlash jarayonida tafakkurning roli qanday?», «Til va tafakkurning bog'liqligi nimalarda ko'rindi?» kabi savollar doirasida munozaralar bo'lgan.

Til va tafakkur masalalari nihoyat darajada murakkab jarayon bo'lib, u tilshunoslikdan tashqari falsafa, mantiq, psixologiya, fiziologiya fanlari bilan bevosita aloqadordir.

Ibn Sinoning til haqidagi ta'limoti mantiqiy nuqtayi nazarga asoslanadi Uningcha, fikr belgisi haqidagi ta'limot til haqidagi ta'limotdir. U tilni tabiiy va sun'iy tillarga bo'ladi. Tabiiy til tafakkur belgisi sifatida Ibn Sino tomonidan har tomonlama o'rganilgan. Ibn Sino ta'kidlashicha, fikr va nutq, til va tafakkur o'rtasida doimiy aloqa mavjud.

Alisher Navoiy «Muhokamat ul-lug'atayin» asarida til va tafakkur to'g'risida ham fikr yuritadi. Uning fikricha, til tafakkurning ifoda qurolidir. Kishining ko'ngli (fikri) daryodir, so'z esa dur, so'zlovchi g'avvosidir. Dur xilma-xil bo'lgani singari, so'z ham har xil bo'ladi. Bundan ko'rindikti, Alisher Navoiy til va tafakkurni bir-biridan ajratmaydi, balki ularni uzviy birlikda oladi.

V.Humboldtning 1820-yilda Berlin akademiyasida «Tillar taraqqiyotining turli davrlarida ularni qiyosiy-tarixiy o'rganish haqida» mavzusidagi ma'ruzasi uning tilga oid dastlabki tadqiqoti

bo'lib, unda til haqida alohida, mustaqil fan yaratish zarurligi g'oyasini o'rtaga tashlaydi va uni asoslab beradi.

Shuningdek, olim ma'ruzasida qarindosh va qarindosh bo'Imagan tillarning tipologik qiyosiy grammatikasini yaratish tarafdori bo'lib chiqadi. U o'zigacha bo'lgan, ya'ni har bir tilning o'ziga xosligini, mustaqilligini tan olmaydigan, barcha dunyo tillarini tayyor mantiqiy jadvallarga majburan kiritishga intiluvchi deduktiv umumiyligi grammatikani – Por Royal grammatikasini inkor qiladi. V.Humboldt turli tillardagi aynan bir tushunchani – fikrni ifoda etishning, yetkazishning turlicha usullarini aniqlashga intiladi.

V.Humboldt hayotining oxirgi yillarda o'zining eng muhim uch tomli «Yava orolidagi kavi tili haqida» nomli salmoqli asari ustida ish olib boradi. Bu asar uning vafotidan so'ng akasi A.Humboldt tomonidan 1836-1840-yillarda nashr qilindi.

Ishning kirish qismi «Inson tili tuzilishining har xilligi va uning inson naslining ma'naviy taraqqiyotiga ta'siri» deb nomlanib, turli tillarga, jumladan, 1859-yilda esa rus tiliga tarjima qilinadi.

V.Humboldt aynan mana shu asarida, ayniqsa, uning kirish qismida o'zining tilga bo'lgan nazariy-falsafiy qarashlarini mukammal bayon etadi.

V.Humboldt tilni mukammal o'rganishda, unga xos belgixususiyatlarni, boshqa hodisalar bilan aloqasini, o'ziga xosligini aniqlash va ochishda antinomiya metodini, ya'ni o'zaro zid, qaramaqarshi qo'yish usulini qo'llaydi. U ushbu usul orqali tilga xos xususiyatlarni, uning eng muhim jihatlarini birma-bir bayon etadi. Shuningdek, til nazariyasi haqidagi mukammal ta'limotlarni, g'oyalarni yaratadiki, bu ta'limot va g'oyalarni nazariy tilshunoslikning taraqqiyotida yangi-yangi qarashlarni ochishda xizmat qildi. Til va tilga yondoshli hodisalarning, til bilan bevosita aloqador, bog'liq jarayonlarning o'zaro dialektik munosabatda ekanligi ma'lum bo'ldi.

Xullas, V Humboldtning tilni o'rganish jarayonida belgilagan, qayd etgan antinomiyasi – til hodisalariga dialektik zidlik asosida yondashishi jahon tilshunosligi lisoniy tafakkur taraqqiyotida juda katta ahamiyatga ega bo'ldi.

Til va tafakkurning o'zaro bog'liqligini Humboldt ular bajaradigan vazifalar hamohangligida ko'radi, zero, til ham xuddi tafakkur singari ijodiy jarayondir.

V. Humboldtning til va tafakkur antinomiyasi haqidagi qarashlariga ko'ra, til tafakkursiz, tafakkur esa tilsiz mavjud emas. Biri ikkinchisini taqozo qiladi, talab qiladi. Inson hayotida, insonning lisoniy va aqliy faoliyatida til va tafakkur alohida, yakka holda mavjud emas. ular birgalikda, o'zaro bog'liqlikda «yashaydi», insonga xizmat qiladi. Ayni vaqtida ularning har biri o'ziga xos xususiyatlari bilan ajralib turadi. Demak, bundan til va tafakkurning dialektik munosabati – o'zaro ajralmasligi, bog'liqligi va shu bilan birga ichki zidligi, qarama-qarshiligi g'oyasi kelib chiqadi. Tilning (tovushning) moddiyligi, tafakkurning esa psixik hodisaligi ma'lum bo'ladи.

V. Gumboldt til va tafakkurning bog'liqligi haqida fikr yuritar ekan: «Til oddiy tafakkur quroli bo'lib qolmasdan, balki tafakkurni tarkib toptiruvchi organdir. Aqliy faoliyat nutq tovushi vositasida moddiylashadi va hissiy idrok manbaiga aylanadi», – deb yozadi.

Til va tafakkurning dialektik birligi, ajralmasligi birining ikkinchisisiz mavjud emasligida, biri, tabiiy ravishda, ikkinchisini talab qilishida, biri ikkinchisi orqali namoyon bo'lishida; ularning dialektik zidligi, ichki qarama-qarshiligi esa tilning moddiy, «tashqi» hodisaligida, tafakkurning esa ruhiy, «ichki» hodisaligida ko'rindi, ya'ni til ham, tafakkur ham muayyan bir butunlikning o'zaro ajralmas va ayni vaqtida o'zaro zid, qarama-qarshi ikki tomonidir.

O'z davrining buyuk tilshunos A.Shleyxer «Qiyosiy-lisoniy tadqiqotlar» va «Nemis tili» asarlarida til va tafakkurni dialektik munosabatda olib, tilni «talaffuz qilingan tovushlar orqali fikr ifodalash» deb ta'riflaydi. «Til bu fikrning tovush orqali ifodalananishidir», – deb yozadi u. Ayni fikrlardan til va tafakkurning o'zaro bog'liqligi, «bir butunligi», ajralmas munosabatda ekanligi, shuningdek, tovushning moddiy hodisa sifatida til va nutqning materiali, moddiy asosi, moddiy «quvvati» ekanligi kabi fikrlar, xulosalar kelib chiqadiki, bu o'z davri uchun yuksak, ilg'or g'oyalar edi.

Til va tafakkur munosabati masalasi A.A Potebnya ta'limotining bosh g'oyasi hisoblanadi, uning asarlarida markaziy o'rinni egallaydi.

A.A.Potebnya til va tafakkur munosabaiga to'xtalar ekan, fikrning hosil bo'lishi va o'zining ifodasini topishi, vogelikka aylanishi faqat til yordamida, til materialida yuz berishini ko'rsatadi. Shuningdek, u tilning faqat tafakkur – fikrlash jarayoni bilangina emas, balki umuman inson psixikasi bilan bog'liqligini qayd etadi.

Olim o'zining lisoniy qarashlarida, ta'limotida tilshunoslik fanining murakkab va muhim masalalari haqida chuqur fikr yuritib, tilshunoslikdag'i psixologizm oqimining vakillaridan farqli holda til va tafakkurni o'zaro bog'liq holda oladi, ularning birini ikkinchisidan ajratmaydi. Ayni vaqtida mantiqiy va lisoniy kategoriyalarning ham o'ziga xosligini ta'kidlaydi.

Yuqoridagi talqin va qarashlardan anglashiladiki, til yordamida kishilar fikr almashadilar, o'z istaklarini, hissiyotlarini ifoda qiladilar. Demak, til tafakkur bilan chambarchas bog'liq bo'lib, fikri moddiylashtiradigan, aniqlashtiradigan, kishilarning fikr almashishlarini ta'minlab beradigan quroldir.

Til va tafakkur bir-birini taqozo etadigan ajralmas hodisadir. Tilsiz tafakkur bo'lmanidek, til ham tafakkursiz bo'lmaydi

Tafakkur mavjud, vogelikning, borliqning tasavvur, tushuncha va muhokamadagi faol in'ikos jarayoni, insonning fikrlash qobiliyati; fikrlash, o'ylash, fikr yuritish, muhokama tushunchalarini anglatadi.

Tafakkur inson oliv nerv (asab) tizimining (bosh miyaning) faoliyati bo'lib, so'z, so'z birikmalari va gaplarda, ya'ni tilda o'z ifodasini topadi

Tafakkurning moddiy qobig'i tildir. Shunday ekan, tafakkur bilan til birini ikkinchisidan ajratib bo'lmaydigan dialektik birlikni tashkil etadi. Lekin ayrim tilshunoslar, jumladan, N.Y.Marr til bilan tafakkurni ajratib qo'yadi. U shunday yozadi: «Bo'lajak til tabiiy borliqdan holi bo'lgan, texnikada o'sib borayotgan tafakkurdir». Uningcha, go'yo kishilar kelajakda o'z qobig'idan holi bo'lgan tafakkur bilan ish ko'raverar emish. Bu til va tafakkur munosabatini buzib talqin qilish edi. Oradan uzoq vaqt o'tsa-da, Marr fikrining ro'yobga chiqmagani ham buning yorqin isbotidir.

Ong amalda til shaklida mayjud, demak, til materialarisiz fikr shakllanmaydi. Bu hol fikrni til bazasidagina o'rganishni taqozo qiladi. Shuningdek, tafakkur ham, til ham borliqdagi narsa-buyum va hodisalar bilan bevosita munosabatda bo'ladi. Garchi til va tafakkur bir-biri bilan bog'liq bo'lgan ajralmas birlikni tashkil qilsada, ularni aynan bir hodisa deb tushunish ham noto'g'ridir.

Til fonetika, grammaтика qonunlari asosida tashkil topgan tovushlar tizimi sifatida mayjud bo'lgan material – hodisa bo'lsa, tafakkur mayjud borliqning inson miyasida aks etishining oliv shakli sifatida ideal hodisadir. Til qonunlari bilan tafakkur qonunlarining tuzilishi va rivojlanish xususiyatlari ham bir xil emas. Tilning qurilish qonunlarini grammatica fani o'rganadi. Tafakkur qonunlari va birlchlari (tushuncha, hukm) esa mantiq (logika) fanida o'rganiladi. Xullas, til bilan tafakkur bir-biridan ajralmasdir. Lekin til va tafakkurni bir hodisa deb tushunish qanchalik xato bo'lsa, ularni bir-biridan ajratish ham shunchalik xatodir. Til fikrning shakllanishida bevosita ishtirok etuvchi hodisa va vosita hamdir. Rus fizyolog I. P. Pavlovning fikricha, insonning fikrlash jarayonida tilning ahamiyati katta va fikrlar til orqali amalga oshirilishi mumkin.

I. Pavlov ta'llimoti bo'yicha inson obyektiv borliqni ikki xil yo'il bilan qabul qiladi:

a) narsa-buyum va hodisalarning kishining sezish organlariga (eshitish, sezish, ko'rish) bevosita ta'siri – birinchi signal sistemasi orqali;

b) so'zlarning ta'siri – ikkinchi signal sistemasi orqali.

Ikkinci signal sistemasi I. Pavlov fikricha, til tushunchasi bilan teng bo'lib, obyektiv borliqni bilihsda muhim ro'li o'ynaydi.

Birinchi signal sistemasi ham hayvonlarga, ham insonlarga xos bo'lsa, ikkinchi signal sistemasi esa faqat insonga xosdir. Demak, obyektiv borliqni o'rganishda tilning tafakkur vositası sifatidagi roli nihoyatda buyukdir.

Til va tafakkur o'zaro bog'liq, ammo ularning har biri o'ziga xos xususiyatlarga, jihatlarga ham ega.

Til tafakkur bilan bevosita bog'langan. Tilni tafakkursiz, tafakkurni tilsiz rivojlantirib bo'lmaydi.

Inson tafakkur vositasida tabiat va jamiyatdagi narsa-hodisa-larning o'xhash va farqli tomonlarini ajratadi, ularni taqqoslaydi, tahlil va sintez qiladi. Bular til vositasida reallashadi, kishilar uchun tushunarli bo'ladi.

Til kishilik jamiyatida eng muhim aloqa vositasi sifatida xizmat qiladigan quroq bo'lib, uning yordamida kishilar fikr almashadilar, o'z istaklarini, hissiyotlarini, kayfiyatlarini ifoda qiladilar. Demak, til tafakkur bilan chambarchas bog'liq bo'lib, fikrni moddiylash-tiradigan, reallashtiradigan, kishilarning fikr almashishlarini ta'minlab beradigan quroldir.

Til bo'lmasa, jamiyat a'zolari orasida ijtimoiy aloqa va munosabat ham, odamlar yashayotgan jamiyatning o'zi ham bo'lmas edi. Til vositasida bir-birimizning fikrimizni anglaymiz, kundalik ishlarimizni olib boramiz, narsa va hodisalarning mohiyati ni chuqurroq bilib olamiz. Bu jarayon tafakkur yordamidagina amalga oshiriladi. Insonning amaliy faoliyati tafakkursiz kechmaydi.

Til tafakkur bilan mustahkam bog'liq bo'lib, fikrni moddiylash-tiradigan, kishilarning fikr almashishlarini ta'minlab beradigan quroldir. Shu jihatdan til va tafakkurni bir-biridan ajratib bo'lmaydigan dialektik birlik deb qarash lozim.

Til abstrakt, umumlashma tafakkurning amalga oshishi va mavjud bo'lishi uchun asosiy vositadir.

Til va tafakkur dialektik aloqada, dialektik birlikdadir. Bu shakl va mazmun munosabatiga ham aloqador. Mazmun qanchalik chuqur va to'g'ri bo'lsa, shakl shunchalik ixcham bo'ladi. Mazmun qanchalik hayotiy bo'lsa, shakl shuncha aniq bo'ladi. Mazmun qanchalik aktual bo'lsa, shakl shunchalik tushunarli bo'ladi.

Umumiylilik tafakkurning o'ziga xos belgilaridan biri hisoblanadi. Bu umumiylilik buyum va hodisalar turlarining muhim belgilariga, mohiyatiga asoslanadi. Ana shunday umumlashtirish xususiyati tilda ham, so'zda ham mavjud.

Gnoseologik muammo bilan shug'ullanuvchi olimlarning diqqat markazida til va mantiqning o'zaro munosabati masalasi turadi. Ilmiy tadqiqotning metodologiyasiga bog'liq holda til kategoriysi va mantiq kategoriyalari o'zaro chog'ishtiriladi, tenglashtiriladi yoki qarama-qarsli qo'yiladi.

Grammatik kategoriya bilan mantiqiy kategoriya orasidagi munosabat ham murakkabdir. Grammatik kategoriyalarni mantiqiy kategoriyalarga, mantiqiy kategoriyalarni grammatic kategoriyalarga bo`ysundirish yoki ularni qorishtirish mumkin emas. Mantiqiy kategoriylar til vositalari orqali ifodalangan grammatic kategoriya ga aylanadi.

Til va tafakkurning aloqasi masalasiga gnoseologik asosda yondashuv so`z va tushuncha, gap va hukm haqida ilmiy izlanish olib borishga sabab bo`ldi.

Til va tafakkur dialektik birlikdadir. Tilni tushuncha bilan bog`lab tekshirish, tilning o`z xususiyatlarini tashlab, uning qonunlarini to`la ravishda tafakkur qonunlari bilan o`lchash, ularni tenglashtirish emas.

Til bilan tafakkur, gap bilan mantiqiy hukm to`la teng kelmaydi. Buni A.A.Potebnya ham ta`kidlaydi: «Grammatik gap mantiqiy hukm bilan butunlay teng va parallel emas».

Hukm tafakkurning borliqni bilish shakllaridan bo`lib, unda predinet, hodisa kabilarning belgilari tasdiq yo`inkor yo`li bilan ifodalanadi.

Belgining predmetda borligi yoki yo`qligini, unga xosligi yoki xos emasligini tasdiqlash yoki inkor qilish bilan predmetlarning o`xhashligi yoki farqi ko`rsatiladi. Fikrning hukmdan tashqari so`rash va undash shakllari ham mavjud.

Til va tafakkurning bir-biri bilan bog`liqligi fikrning til orqali ifodalanishidangina iborat emas. Tafakkurning o`zi til bazasida tug`iladi, fikr tilsiz yashamaydi. Bundan tilning tafakkur bilan, gapning fikr bilan o`zaro bog`liqligi anglashiladi.

Tafakkur subyektning faoliyati bo`lishi bilan birga, borliqning – predmet, hodisa va boshqalarning in`ikosidir, obrazidir. Borliqning bu in`ikosi til orqali, uning bir parchasi – gap orqali ifodalanadi.

Til bilan tafakkur, grammatica bilan mantiq bir-biriga bog`liq, lekin ularning har biri o`z xususiyatlariga ega. Mantiqiy va grammatic kategoriylar bir-biri bilan aloqador, lekin ular doim bir-biriga mos kela bermaydi.

Hukm mantiqiy kategoriya bo`lib, uning ifodalanish shakli gapdir. Lekin gapni hukm bilan tenglashtirib bo`lmaydi

Tasdiq va inkor hukmning zarur belgisidir.

Hukmnning ifodasini darak gaplarda ko'ramiz. Gapning so'roq, buyruq kabi turlarida bunday bevosita ifodalananish aniq ko'rinnmaydi.

Hukmni o'rganuvchi mantiqning, gapni o'rganuvchi grammaticanining o'z kategoriyalari mavjud.

Mantiqiy kategoriya hukmda ikki asosiy birlik (subyekt, predikat) va bog'lama mavjud. Bog'lamaning vazifasi subyekt bilan predikat orasidagi aloqani ko'rsatish, predikatdagi belgining hukm predmetiga xos yo xos emasligini – fikrning tasdiq-inkorini belgilashdir.

Grammatik kategoriya sifatida gapda uch asosiy birlik – ega, kesim va ikkinchi darajali bo'lak mavjud.

Gap va hukm bir-biriga mos keladi.

Gap va hukm bir-biriga mos kelmaydi: *Rasm bolalar tomonidan ishlandi*. Bunda ega (rasm) mantiqiy obyektni, ikkinchi darajali bo'lak esa (bolalar) mantiqiy subyektni ko'rsatadi.

Xullas, turli tillarda gapning sintaktik strukturasi turlicha bo'lsa ham, gapning mantiqiy-grammatik jihatdan bo'linishi, fikrning mantiqiy strukturasi barcha tillar uchun universal bo'ladi.

Hamma jonli narsalar ichida faqat odamgina gapirish qobiliyatiga egadir. Hayvonlarda tom ma'nodagi til ham, tafakkur ham yo'q.

Til sitemasining asosiy komponentlari ong, fikr, tafakkur, miya faoliyati bilan, miyaning funksional hosil bo'lish o'rni bilan bog'liq. Bu jarayon neyrolingvistikaga suyanib ish ko'radi. Neyrolingvistika – tilshunoslikning eng yangi sohasi sifatida ma'lum bo'lib, u miyadagi neyronlarning tilni hosil qilishdagi xizmatini o'rganuvchi sohadir.

Tashqi dunyoning kishiga ta'siri uning miyasida gavdalanadi. Shuning uchun ham kishilar tabiatdagi voqealar, hodisalar haqida ma'lum bir tafakkurga ega bo'lar ekanlar, uni faqat til orqali ro'yobga chiqaradilar va bu haqda boshqalar bilan aloqa bog'laydilar, fikrlashadilar.

Til va tafakkurning eng muhim elementi ichki nutq hisoblanadi. Ichki nutq inson ongi va aqliy faoliyatining asosiy, universal quroolidir, unda fikr va til birligida tafakkurning nutq mexanizmini harakatga keltiradi. Ichki nutq inson ongingin muhim omillaridan biridir.

Iehki nutqni tekshirish jarayonida tilshunoslik bilan psixologiya fanlarini bir-biriga uzviy bog'laydigan yangi fan – psixolingvistika paydo bo'ldi.

Inson ma'lum tajriba va qoidalar yordamida cheksiz miqdorda yangidan-yangi jumlalarni yaratish qobiliyatiga ega. Psixolingvistika fanining asosiy maqsadlaridan biri ana shu qobiliyatning tabiatini va rivojlanish qonuniyatlarini ilmiy o'rghanishdir. Shuningdek, bu fan tilning real psixik birligi muammozi, nutq hosil qilish modeli, nutq madaniyati, nutq patologiyasi, fikr va nutq o'rtasidagi o'zaro munosabat, nutq genezisi yoki nutqning paydo bo'lishi kabilarni o'rغاadi.

Til va millat, til va xalq, til va shaxs, til va tafakkur, til va jamiyat kabi tushunchalar bir-biridan ajralmas, bir-biriga ma'no jihatdan bog'langan bo'lish bilan birlikda, shu o'rnida bir-birini boyitib, to'ldirib boruvchi hodisalardir.

Kishilar til yordamida fikr almashadilar. Til tafakkur bilan chambarchas bog'liq bo'lib, fikri moddiylashtiradigan, reallashtiradigan vositudir. Fikr faqat til orqali reallahshadi va tilsiz fikr mavjud bo'la olmaydi.

Tafakkur inson oliy nerv sistemasining faoliyati bo'lib, tilda o'z ifodasini topadi. Uning moddiy qobig'i tildir. Ong amalda til shaklida mavjud. Demak, til materiallarisiz fikr yuzaga chiqmaydi. Til bilan tafakkur bir-biri bilan bog'liq bo'lgan ajralmas birlikni tashkil qilsa ham, ular bir xil hodisa emas. Til bilan tafakkur murakkab qarama-qarshiliqlarga boy bo'lgan dialektik birlikni tashkil etadi.

Til fonetika, grammatika qonunlari asosida tashkil topgan material hodisa bo'lsa, tafakkur borliqning inson miyasida aks etishining oliy shakli sifatida ideal hodisadir. Tilning qurilish qonunlari grammaticada o'rganilsa, tafakkur qonunlari va birliklari logikada o'rganiladi. Ularni bir-biriga qorishtirish mumkin emas.

Til bilan tafakkurning aloqasini va shunga bog'liq masalalarni o'rGANUVCHI tilshunoslik bo'limi **mentalingvistika** (lot. *mens, mentis* – ong, tafakkur + lingvistika) deb ataladi.

Nazorat uchun savollar:

1. Til va tafakkur tushunchalari o‘rtasida qanday bog‘liqlik bor?
2. Alloma va tilshunoslar til bilan tafakkur masalasida qanday fikrlarni bildirganlar?
3. N. Ya. Marrning til va tafakkur masalasida qarashlari qanday edi? Bu qarashning xatosi nimada edi?
4. Til va tafakkurning bog‘liqligi nimalarda ko‘rinadi?
5. Tafakkur birliklariga nimalar kiradi?
6. Tafakkur birliklar qanday til birliklari vositasida ifodalanadi?
7. Mentalingvistika qanday soha?

Dunyoning lisoniy xaritasi. Tillar tasnifi

1. Dunyo tillari.
2. Tillar tasnifi.
3. Tasnif turlari.
4. Tillarning geneologik tasnifi.
5. Til oilalari va qarindosh tillar.
6. Turkiy tillar oilasi.
7. Tillarning morfologik tasnifi.
8. Millatlararo tillar.
9. Xalqaro tillar.

Tayanch so‘z va iboralar: *dunyo tillari, xalqaro tillar, o‘lik til, tirik til, davlat tili, rasmiy til, tillar tasnifi, til oilalari, tillarning genisiologik tasnifi, tillarning tipologik tasnifi, amorf tillar, agglyutinativ tillar, flektiv tillar, polisintetik tillar, qarindosh tillar, bobo til, turkiy tillar oilasi, millatlararo tillar, xalqaro tillar.*

Tillar hozirda qo‘llanish-qo‘llanmasligiga ko‘ra quyidagi tur-larga bo‘linadi:

- 1) tirik tillar;
- 2) o‘lik tillar.

Hozirgi kunda ma'lum xalq yoki bir necha xalqlar uchun muloqot vositasi bo'lib xizmat qilayotgan tillar **tirik tillardir**. Masalan, *rus, ingliz, qirg'iz, qozoq, o'zbek tili* va boshqalar.

Hozirda hech bir xalq uchun muomala vositasi bo'lib qo'llanmaydigan tillar esa **o'lik tillar** hisoblanadi. *Lotin, sanskrit (qadimgi hind), qadimgi slaviyan, qadimgi turkiy, qadimgi xorazmiy tillari* o'lik tillardir.

Olimlar qadimgi davrlardan boshlab dunyo tillari va ularning tarixi, kelib chiqishi, taraqqiyoti bilan qiziqib keladilar. Tillarning kelib chiqishi, geografik joylashuvi, fonetik, morfologik, grammatic xususiyatlarini hisobga olgan holda guruhlash, til oilalariga ajratish **tillar tasnifi** deyiladi.

Tillar tasnifining ikki asosiy turi mavjud:

- 1. Geneologik tasnif.** Bu tillar orasidagi fonetik, leksik, grammatik o'xshashlikka asoslanadi.
- 2. Morfologik (tipologik) tasnif.** Bu esa tillarning tuzilish tomonidan o'xshashiigiga asoslanadi.

Tillarning kelib chiqishi va qarindoshligiga ko'ra oilalarga va guruhlarga ajratilishi **geneologik tasnifdir**. Tillar geneologik tasnif bo'yicha til oilalariga bo'linadi. Kelib chiqish asosining umumiyligi, fonetik, leksik va grammatic jihatdan o'zaro o'xshashligi, yaqinligi bilan izoblanadigan tillar guruhi **tillar oilasi** deyiladi. Tillarning geneologik tasnifini yuzaga kelishi qiyosiy-tarixiy tilshunoslikning paydo bo'lishi bilan bog'liq. Tillarning genealogik tasnifi termini o'mida ayrim manbalarda **tillarning shajaravyi tasnifi** terminim qo'llash kuzatiladi.¹

Tilshunoslikka oid ilmiy adabiyottlarda dunyo tillarini 16, ba'zi olimlar 20-25 oilaga bo'ladilar. Bizningcha, bipinch'i qarash to'g'riroq.

Har bir til oilasi o'nlab tillarni o'z ichiga oladi. Tillarning genealogik tasnifiga ko'ra, qarindosh tillar qarindoshlik darajasiga qarab oilalarga, bir oila doirasidagi qarindosh tillar tarmoqlarga, taqmoqlar guruh va guruhchalarga ajratiladi. Hozirgi zamon tilshunosligida oiladan kattaroq tasnifiy birliklar: til oilalari, makrooilalar va boshqalarni aniqlash, belgilashga urinishlar ham kuzatiladi.

¹ Hojiyev A. Tilshunoslik terminining izolli lug'ati. Toshkent. O'zbekiston milliy ensiklopediyasi, 2002. P. 105.

Tillarning genealogik tasnifiy bidiklari

Nº	Tasnifiv birliklar
1	Tillar makrooilasi
2	Til oilasi
3	Til tarmoqlari (shaxobchalar)
4	Til guruh
5	Til guruhchasi
6	Til
7	Lahja
8	Sheva

Jahon tillarining umumiy soni manbalarda 2500 dan 5000 gacha va undan ortiq deb ko'rsatiladi.

Jahon tillari ichida so'zlashuvchilar soniga ko'ra *xitoy, ingliz, rus, ispan, hind, urdu, indonez, arab, bengal, portugal, yapon, nemis tillari* keng tarqalgan tillar hisoblanadi.

So'zlashuvchilar soniga ko'ra dunyoda eng keng tarqalgan tillar:

1. Xitoy tili (1 mlrd 300 mln.)
2. Ingliz tili (450 mln.)
3. Ispan tili (250 mln.)
4. Hind tili (200 mln.)
5. Arab tili (150 mln.)
6. Bengal tili (150 mln.)
7. Rus tili (150 mln.)
8. Yapon tili (130 mln.)
9. Portugal tili (130 mln.)
10. Nemis tili (100 mln.)

Xalqaro kengashlarda, simpoziumlarda ishlataluvchi, Birlashgan Millatlar Tashkiloti tomonidan rasmiy tan olingan, xalqlararo faol qo'llanuvch tillar **xalqaro tillar** hisoblanadi. Bunga *ingliz, ispan, xitoy, fransuz, rus, arab tillari* kiradi.

Globallashuv davrida ingliz tilining mavqeい yanada ortdi. Hozirga kelib ingliz tili eng keng tarqalgan va qulay tilga aylandi.

Hozirgi davrda jahendagi ilmiy va texnikaviy adabiyotlarning o'rta hisobda 80 foizi ingliz tilida chop etiladi. Xalqaro anjumanlar,

kongresslar, sessiyalar, konferensiyalar, suhbatlar, rasmiy muzokalarlar va boshqa tadbirlar asosan inliz tilida olib boriladi. Demak, xalqaro tillar orasida ham ingliz tilining qo'llanish darajasi keng, mavqeiyi juda baland.

Hozirgi vaqtida tarixi o'rganilib, bir-biri bilan qarindosh ekanligi aniqlangan tillar oilasi quyidagilardan iborat:

I. Hind-yevropa tillari oilasi. Hind-yevropa tillari oilasi – Yevrosiyoda mavjud bo'lgan, keyingi besh asr mobaynida esa Shimoliy va Janubiy Amerika, Avstraliya, qisman, Afrikada ham tarqalgan yirik til oilalaridan biri.

Qiyosiy-tarixiy tilshunoslik hind-yevropa tillarini o'rganish asosida paydo bo'lgan. Shu bois hind-yevropa tillari genetik aloqalariga ko'ra tillarning alohida birlashishi shakli sifatida faraz qilingan dastlabki til oilasi hisoblanadi. Tilshunoslikda boshqa til oilalarini ajratish, belgilash bevosita yoki bilvosita hind-yevropa tillarini o'rganish tajribasiga tayanadi.

Hind-yevropa guruhiga quyidagi tillar kiradi:

1) *xett-luviy* yoki *anotoliy* guruhi: *mixxatli xett, mixxatli luviy, palay tillari*; IX-VIII asrlardagi iceroglifik *xett tili*, miloddan oldingi VII-III asrlarda mavjud bo'lgan *likiy, lidiy, kariy, sidet* va boshqa qadimgi tillar;

2) *hind* yoki *hind-oriy guruhi*. Bular qadimgi *veda tili, sanskrit*; o'rta davrga mansub prakritlar – o'rta hind tillari: *pali, payshchi, magadhi, apabhransha* va boshqa tillar; yangi davrga mansub *hindiy, bihar, bengal, assom, oriy, marathiy, singal, sindhi, lendi, panjobi, rajasthani, gujorot, khandeshi, paxari, nepal, pariya, lo'li tillari*;

3) eroniy guruhdagi tillar ham uch davrga mansub bo'lib, bular quyidagilar: a) qadimgi davrdagi *avesto tili, qadimgi fors, midiyskif tillari*;

b) o'rta eroniy davr: *o'rta fors (pahlaviy), parfiya, sug'd, xorazmiy, baqtriya, alan tillari*;

d) yangi eroniy davr tillari: *fors (forsiyi dariy), tojik, pushtu (pashto'), afg'on*, yozuviga ega bo'lmagan *luriy va baxtiyoriy lahjalari, bahij (baluch), tot, tolish, gilon va mozandoron, Markaziy va G'arbiy Eron lahjalari, parachi, ormuri, qumzori, munjon, yag'nob, osetin tillari* va ko'plab *pomir tillari*;

- 4) *toxar guruhi*;
 - 5) *arman (qadimgi va yangi) tili*;
 - 6) *frigiy tili*;
 - 7) *frakiy tili*;
 - 8) *illiriy guruhi*;
 - 9) *alban tili*;
 - 10) *venet tili*;
 - 11) *yunon (grek) guruhi*: asl yunon, Gomer dostonlari tili, o'rta grek tili kabi o'lik hamda yangi, zamonaviy grek tilini qamrab oladi;
 - 12) *italiy guruhi* qadimgi davrdagi *lot. tilini, osk, falisk, umbr, sikul tillarini* hamda yangi davrdagi *roman tillarini* qamrab oladi; roman guruhi *fransuz, oksitin, ispan, katalan, galitsiya, portugal, italyan, sard, reto-poman, rumin, moldovan, arumün tillaridan iborat*;
 - 13) *kelt guruhi*: *gall (o'lik), uels, breton, korn (o'lik), irland, shottland (gel), kelt, keltiber, men (o'lik)* va boshqa tillar kiradi;
 - 14) *german guruhi*, o'z navbatida, uch guruhgaga bo'linadi: a) *sharqiy german guruhi*: *got, vandal, burgunt (o'lik tillar)*; b) *g'arbiy german guruhi*: *yuqori nemis, nemis, idish (yangi yahudiy), quiyi nemis, niderland (golland), flamand, afrikaans (bur), qadimgi inglez (o'lik), inglez, friz tillari va shimoliy german (island, dan, shved, norveg guruhchalarini*;
 - 15) *boltiq guruhi g'arbiy boltiq (prus, yatyyaj (sudav), galind (golyad), shalav kabi o'lik tillar) va sharqiy boltiq (litva, latish (tirik tillar) kursh, selon (o'lik tillar) guruhchalariga ajraladi;*
 - 16) *slavyan guruhi* ham uch guruhchaga bo'linadi: a) *jamubiy slavyan tillari guruhchasi* (*eski slavyan (o'lik) va tirik: bolgar, makedon, serb-xorvat, sloven tillari*);
 - b) *g'arbiy slavyan tillari guruhchasi (chex, slovak, polyak, kashub)*;
 - c) *sharqiy slavyan tillari guruhchasi (rus, ukrain, belorus tillari)* kabi.¹
- II. Xitoy-tibet tillari // sin-tibet tillari oilasi** jahondagi eng yirik til oilalaridan biri: XXR, Myanma (Birma), Nepal, Butanda va Hindistonning shimoliy qismi tay-xitoy va tibet tiharqiy qismida

¹ Hind-Yevropa tillari tosnisi quyidagi manbalar asosida tayyorlandi: O'zbekiston milliy ensiklopediyasi. Toshkent. 2000-2005. - 1-11-jildlar.

tarqalgan 100 dan ortiq qabilaviy va milliy tilni o'z ichiga oladi. Xitoy-tibet tillarida so'zlashuvchilar umumiyligi soni so'ngi ma'lumotlarga ko'ra, 1 milliard 360 milliondan ortiq (shundan 1 milliard 320 milliondan ortiqroq kishi xitoy tilida so'zlashadi).

Xitoy-tibet tillari o'rniiga qarab quyidagi ikki asosiy tarmoqqa ajratiladi:

- 1) *xitoy tillari tarmog'i;*
- 2) *tibet-birma tillari tarmog'i.*

Ba'zi tasniflarda *dungan tili* ham xitoy tillari tarmog'iga mansub deb qaraladi. Ayrim manbalarda birinchi tarmoq *tay-xitoy guruhi* deb ham yuritiladi.

Tay-xitoy guruhiga quyidagi tillar kiradi:

a) *xitoy tili*. Xitoy Xalq Respublikasining (poytaxti Pekin) rasmiy davlat tili bo'lib, bu tilda 1 milliard 320 milliondan ortiqroq kishi so'zlashadi. Xitoy tili, shuningdek, Indoneziya, Kambodja, Laos, Vietnam, Myanma, Malayziya, Tailand, Singapur, Bruney, Syangan, Aomin, Filippin, Yaponiya, Koreya va dunyoning boshqa mamlakatlarida tarqalgan. BMTning rasmiy va ishchi tillaridan biri.

Xitoy tili bir necha mustaqil dialektlarga bo'linadi. U juda qadimgi (eramizdan ikki yarim ming yil burungi) tillardan biri bo'lib, boy yozuv-yodgorliklariga egadir.

b) *dungan tili*. Bu tilda so'zlashuvchilarning soni 3,5 million kishidan ortiq bo'lib, ular, asosan, Xitoy Xalq Respublikasida yashaydi,

g) *vietnam tili*. Vietnam Xalq demokratik Respublikasining (poytaxti Xanoy) davlat tili bo'lib, bu tilda 30 millionga yaqin kishi so'zlashadi;

d) *tay (siam) tili*. Taylandning (poytaxti Bangkok) davlat tili bo'lib, bu tilda 46 millionga yaqin kishi so'zlashadi.

2. *Tibet-birma tillari tarmog'i*. Bu tilda so'zlashuvchilarning umumiyligi soni 70 million kishiga yaqin. Tibet-birma tillari asosan, Myanma, Xitoy, Hindiston va Nepalda tarqalgan. Tibet-birma tillari tarmog'i *lolo-birma, tibet, kukinaga, karen, sharqiy himolay, g'arbiy himolay* kabi bir necha asosiy guruhlarga bo'linadi.

Tibet-birma tillari tarmog'idagi keng tarqalgan asosiy tillar quyidagilardir:

a) *birma tili* – Myanma (sobiq Birma) davlatining (poytaxti Rangun) rasmiy tili (35 millionga yaqin kishi so'zlashadi);

b) *tibet tili* – asosan, XXRda, qisman, Nepal, Butanda, Hindistonning Kashmir hududida tarqalgan (6 millionga yaqin kishi so'zlashadi);

d) *karen tillari* – Myanma va Tailandda tarqalgan (3,5 milliondan ortiq kishi so'zlashadi);

e) *xani* – XXRda tarqalgan (1,5 millionga yaqin kishi so'zlashadi);

f) *manipuri* – Hindistonning Assom va Tripuri shtatlarida tarqalgan (1 million 300 mingga yaqin kishi so'zlashadi);

g) *bodo (kachari)* – Hindistonda tarqalgan (800 ming kishi so'zlashadi);

h) *garo* – Hindistonda tarqalgan (800 ming kishi so'zlashadi) va *szinpo, lisu, nevar, gurun tillari*.

III. Som-hom tillari oilasi. Bu til oilasini manbalarda *hom-som*, *xom-som* tarzida berishlar ham kuzatiladi. Bizningcha, *som-hom tillari oilasi* varianti to`g`ri.

Som-hom tillari qo'llanish hududiga nisbat berib, **Afrika-Osiyo tillari // Afroosiyon tillari** deb ham ataladi. Som-hom tillari Afrikaning Atlantika okeani qirg`ogi va Kanar orollaridan Qizil dengiz qirg`ogigacha bo`lgan shimoliy qismida, G`arbiy Osiyo hamda Malta orollarida tarqalgan. Bu tillarda so'zlashuv-chilarning umumiy soni 320 million kishidan ortiq.

Bu tillar quyidagi 5 tarmoqqa bo`linadi:

1) **som tillari tarmog'i:** *sinikiy, oromiy, ugarit, qadimiy yahudiy, nabotiy, falastin (o'lik tillar), arab, malta, amxara, ivrit* va kam sonli aholi so'zlashadigan *mehriy, jibboliy, so'qo'tra, tigray, tigre, argobba tillari*;

2) **Misr tarmog'i:** qadimgi *mistr* hamda *qibtiy (kopt* – XVII asrda iste'moldan chiqqan, lekin hozirgacha Misrdagi pravoslav cherkovining ibodat tili);

3) **barbar-liviy tarmog'i:** barbar xalqlarining *tashelxit, tuareg tillari, zenit tillari, zenaga, tamazigxit* va boshqa tillar;

4) **kushit tarmog'i:** *somali, oromo, badaviya, sidamo, afar-saxo* kabi 50 dan ortiq til va lahjalar;

5) chad tarmog'i: g'arbiy chad, markaziy chad, shargiy chad
guruhiiga mansub tillari.

Som-hom tillari oilasida *som tarmog'iga mansub arab tili* keng tarqalgan tildir. *Arab tili* Yaqin va O'rta Sharq hamda Afrika shimalidagi yigirmadan ortiq mamlakatning davlat tilidir. Bu tilda 200 milliondan ortiqroq kishi so'zlashadi.

IV. Turkiy tillar oilasi. Turkiy tillar oilasiga quyidagi tillar kiradi: *qirg'iz, qozoq, turkman, usmonli turk, ozarbayjon, qoraqalpoq, uyg'ur, boshqird, tatar, chuvas, yoqut, qorachoy, balqar, tuva, oltoy, xakas, gagauz, shor, karaim, qo'miq, no'g'ay, ayrot, karagas va o'zbek tili.* Mazkur tillar bir oilaga mansubligiga ko'ra **qarindosh tillar** hisoblanadi.

Ma'lum tillarning paydo bo'lishi va shakllanishi uchun manba, asos bo'lgan til **bobo til** hisoblanadi. Masalan, turkiy tillar oilasi uchun asos til hisoblanadigan, V-VIII asarlarda qo'llangan, bizgacha qadimgi turkiy yedgorliklar hisoblanmish Bilga hoqon, Kultigin, To'nyuquq bitigtochlari, ya'ni Urxun-Enasoy (runiy) yozuvni vositasida yenb kelgan **qadimgi turkiy til bobo** tildir.

Turkiy xalqlar, asosan, MDH hududidagi Ozarbayjon, Turkmaniston, Qirg'iziston, Qozog'iston, O'zbekiston Respublikalarida va Turkiya, Sharqiy Turkiston, Yevropa, Afrika, Avstraliya, Amerika kabibi xorijiy mamlakatlarda yashaydi.

Hozirgi turkiy tillar tarkibiga O'rta Osiyo, Qozog'iston va Sharqiy Turkistondagi *o'zbek, qozoq, qirg'iz, qoraqalpoq, turkman va uyg'ur tillari*, Kavkazdagagi *ozarboyjon, qo'miq, qorachoy-balkar, turuxman, gagauz va no'g'ay* kabi tillar; Volgabo'yini va Uraldagi *tatar, boshqird va chuvash tillari*; *Sibir dagi yoqut (saxa), tuva, to'fa, xakas, kangmaji, shor, chulim tillari*, Ukraina, Moldova va Gruziyadagi *urum, qrim va qarayim tillari*; Turkiya va Bolqondagi *turk tili* kiradi. Shunday qilib, turkiy tillar oilasi yuzga yaqin jonli tillarni o'z ichiga oladi. Butun dunyoda turkiy tillarda bir necha yuz million kishi gaplashadi. Turkiy tilli aholi Uzoq Sharqdan Markaziy Yevropagacha, Taymir yarimorolidan Bolqon yarimoroligacha tarqalgan.

Turkiy tillar oilasi 6 ta guruhi va guruhchalarga bo'linadi. O'zbek tili o'ziga eng yaqin bo'lgan uyg'ur tili bilan bu oilaning qarluq guruhinini tashkil etadi. Ammo hozirgi o'zbek tilida qarluq

lahjasidan tashqari, qipchoq lahjasi va o'g'uz lahjasi xususiyatlari ham mujassamlashgan, chunki hozirgi o'zbeklar tarkibida qipchoq va o'g'uz guruqlarining vakillari ham bor.

Turkiy xalqlar ichida o'zbeklar eng ko'p sonni tashkil etadi. O'zbeklar O'zbekiston respublikasidan tashqari, Qirg'iziston, Qozog'iston, Turkmaniston, Tojikiston respublikalarida, shuningdek, Xitoy Xalq respublikasining Sinszyan viloyatida, Afg'oniston Respublikasida, Epon va Turkiyada ham yashaydilar. Yuqoridagi ma'lumotlar turkiyzabon xalqlar yashaydigan hududlar geografiyasi kengligidan dalolat beradi.

Turkiy tillar oilasiga mansub tillarning tarqalish areali va ularda so'zlashuvchilar miqdori quyidagicha:

a) *ozarbayjon tili*. Bu tilda so'zlashuvchilarning soni 15 milliondan oshadi. Bularidan 9 milliondan ko'proq'i Eronda, 6 milliondan ko'proq'i esa Ozarbayjonda yashaydi. Bu til Ozarbayjon Respublikasining (poytaxti Boku) davlat tilidir;

b) *turk (usmonli turk) tili*. Bu til Turkiyaning davlat tili bo'lib, unda 40 millionga yaqin kishi so'zlashadi;

d) *nurkman tili*. Bu til Turkmaniston Respublikasi (poytaxti Ashxobod) davlat tili bo'lib, unda 2 millionga yaqin kishi so'zlashadi;

e) *o'zbek tili*. Bu til O'zbekiston Respublikasining davlat tili bo'lib, unda 16 milliondan ortiq kishi so'zlashadi;

f) *qozog' tili*. Bu til Qozog'iston respublikasining davlat tili bo'lib, unda 10 millionga yaqin kishi so'zlashadi;

g) *qirg'iz tili*. Bu til Qirg'iziston Respublikasining (poytaxti Bishkek) davlat tili bo'lib, unda 1,5 milliondan ortiq kishi so'zlashadi;

h) *tatar (Qozon tatarlari) tili*. Bu til Tatariston Respublikasining asosiy davlat tili bo'lib, unda so'zlashuvchilar 6,5 milliondan ortiqdir;

i) *uyg'ur tili*. Bu tilda so'zlashuvchilar 5 milliondan ortiqroq bo'lib, ular asosan Xitoy Xalq Respublikasining Sin szan-ugr'ur avtonom tumanida yashaydilar;

j) *chuvasch tili*. Bu til Chuvash Respublikasida yashovchi xalqning tili bo'lib, unda 1,5 milliondan ko'proq kishi so'zlashadi;

k) *boshqird tili*. Bu til Boshqirdiston respublikasida yashovchi asosiy xalqning tili bo'lib, unda 1 millionga yaqin kishi so'zlashadi;

l) *yogut tili*. Bu til Yoqtiston respublikasida yashovchi xalqning tili bo'lib, unda 300 mingdan ko'p kishi so'zlashadi;

m) *qoraqalpog' tili*. Qoraqalpog' istonda yashovchi xalqlarning tili bo'lib, unda 200 mingdan ortiq kishi so'ziashadi;

n) *tuva tili*. Tuva respublikasida yashovchi asosiy xalqning tili bo'lib, unda 150 mingdan ko'proq kishi so'zlashadi.

Shuningdek, qo'miq tili (310 ming kishi so'zlashadi), qorachoy tili (100 mingcha kishi so'zlashadi), balqar tili (50 ming kishi so'zlashadi), xakas tili (60 ming kishi so'zlashadi) va yana bir qancha boshqa tillar hamda o'lik tillardan o'rxo'n, pechena, qipchoq, qadimgi uyg'ur, bulg'or va xazar tillari ham turkiy tillar oilasiga kiradi.

V. Mo'gul tillari oilasi. Mo'gul tillarida so'zlashuvchilarining umumiy soni 7 million kishidan iborat.

Mo'g'ul tillari guruhiqa quyidagi tillar kiradi:

a) *xalxa-mo'g'ul tili* – *xalxa-mongol tili*. Mo'g'uliston Respublikasining (poytaxti Ulan-Bator) rasmiy tili bo'lib, bu tilda 5 millondan ortiqroq kishi so'zlashadi. Bu tilda so'zlashuvchilarining bir qanchasi Xitoy Xalq Respublikasida Ichki Mongoliya bududida ham qabilalar tili sifatida qo'llanadi,

b) *buryat tili*. Buryatiya respublikasida yashovchi asosiy xalqning tili bo'lib, bu tilda 500 mingdan ortiqroq kishi so'zlashadi;

d) *qalmoq tili*. Rossiya Federatsiyasining Qalmog'iston Respublikasida, Astraxan va Rostov viloyat hamda Stavropol o'lkasida, qisman XXR va Qirg'izistonda tarqalgan. Qalmog'iston Respublikasining davlat tili. Qalmoq tilida so'zlashuvchilarining umumiy soni 180 ming kishiga yaqin.

VI. Tungus-manjur tillari. Tungus-manjur tillariga Sibir va Uzoq Sharqdagi yaqin qarindosh tillar kiradi. Bu tilda so'zlashuvchilarining umumiy soni 70 ming (RF da 60 ming).

Tungus-manjur tillari RFning O'rta va Sharqiy Sibir dagi tayga hududlarida, Xitoyning shimoliy-sharqida, Sintszyan-Uyg'ur muxtor rayonida, Mongoliyaning Bargi tumanida tarqalgan. Tungus-manjur tillari adabiyotlarda 3, avrimlarida 5 va boshqa bir o'rinda 11 tarmoqqiga ajratiladi

Ana shu tarmoqlar quyidagi tillarni o'z ichiga oladi:

a) *evenk tili*. Rossiya Federatsiyasining Evenk milliy okrugida hamda mamlakatimizning shimoli-sharqiy tumanlarida yashovchi xalqning tili bo'lib, bu tilda 20 mingga yaqin kishi so'zlashadi;

b) *even tili*. Bu tilda so'zlashuvchilar 10 mingcha kishi bo'lib, ular asosan Rossiya Federatsiyasining Even, Oxot, Chukotka, Koryak milliy okruglarida yashaydi;

c) *manjur tili*. Xitoy Xalq Respublikasining Shimoli-Sharqiy qismida yashovchi xalqning tili bo'lib, bu til hozir o'lik tillar qatoriga o'tyapti;

d) *nanay tili*. Rossiya Federatsiyasining Quyi Amur milliy okrugida yashovchi xalqning tili bo'lib, bu tilda 8 ming kishi so'zlashadi.

Udey, ulq, oroch tillari ham manjur guruhiga kiradi.

VII. Kavkaz tillari oilasi (Iboriy-kavkaz tillari). Kavkaz tillari Kavkazdag'i 50 ga yaqin tillarning majmui. Kavkaz tillari Shimoliy Kavkaz, Turkiyada va kichik gurublari Suriya, Eron va ba'zi Yaqin Sharq mamlakatlarida tarqalgan. Kavkaz tillari 3 guruhga bo'linadi:

1) abxaz-edigey (G'arbiy Kavkaz) guruhi:

a) *abxaz tili*. Bu til Abxaziya Respublikasida yashovchilarning xalq tili bo'lib, bu tilda 70 mingdan ko'proq kishi so'zlashadi,

b) *abaza tili*. Bu til Cherkas Avtonom Respublikasida yashovchi xalqlarning davlat tili bo'lib, bu tilda 25 mingga yaqin kishi so'zlashadi;

c) *adigey tili*. Bu til Adigey va Qorachoy-Cherkasiya Respublikalarida yashovchi adigey xalqining tili bo'lib, bu tilda 80 mingdan ortiq kishi so'zlashadi;

d) *kabardin-cherkes tili*. Bu til Kabarda-Balkariya va Cherkas Respublikalarida yashovchi xalqlarning davlat tili bo'lib, bu tilda 250 mingdan ortiq kishi so'zlashadi.

2) kartvel (Janubly Kavkaz) guruhi:

a) *chechen tili* (bu til Chechen Respublikasida yashovchi xalqlarning davlat tili bo'lib, unda 500 mingga yaqin kishi so'zlashadi);

b) *ingush tili* (bu tilda 100 mingdan ko'proq kishi so'zlashadi, ular Ingush respublikasida yashaydi);

d) *basbi tili* (bu tilda so'zlashuvchilar Chechen va Ingush Respublikalarida yashaydi).

e) gruzin tili (Gruziya Respublikasining (poytaxti Tbilisi) davlat tili bo'lib, bu tilda 39177 ming kishi so'zlashadi) Shuningdek, 110 ming kishi so'zlashadigan *chan tili*, 290 ming kishi so'zlashadigan *migrel tili* va 15 ming kishi so'zlashadigan *svan tili* ham janubiy guruhga kiradi.

3) *nax-dog'iston (Sharqiy Kavkaz) guruhi*. Bu guruh *Dog'iston tillar guruhi* deb ham ataladi. Dog'iston tillarida so'zlashuvchi elatlar Dog'iston, Shimoliy Ozarbavjon, Gruziyaning ayrim hududlarida, Checheniston, Ingushiya hududlarida tarqalgan. Bu tillarda so'zlashuvchilarning aksariyati Dog'iston Avtonom Respublikasida yashaydi.

Dog'iston tillar guruhiga quyidagi ayrim guruhchalarga bo'linadi:

a) *avar-andidoy (sez)guruhchasi*. Bu tilda 300 mingga yaqin kishi so'zlashadi. Bu guruhga *avar*, *and*, *boilix*, *karatin*, *axvax*, *bagulat*, *tindin*, *chamalim*, *gazoberi*, *didoyisez*, *xvarshi*, *ginux*, *bejitin*, *gunzuh* tillari kiradi.

b) *darg'in tili*. Bu tilda 160 ming kishi so'zlashadi;

d) *lazgin tillari*. Bu tilda 230 mingga yaqin kishi so'zlashadi;

e) *sat tili*. Bu tilda 70 ming kishi so'zlashadi;

Bulardan tashqari, nufuzi kam bo'lgan bir qancha tillar ham Dog'iston guruhiga kiradi.

VIII. Fin-ugor tillari oilasi. Ayrim tilshunoslar fin-ugor tillarini guruh hisoblab, *samodiy tillari* bilan *ural tillari birlashmasini* tashkil etadi deb hisoblaydilar.

Fin-ugor tillari manbalarda 5 guruhga ajratiladi:

1) **bolqiboyi-fin guruh:** *fin*, *ijor*, *karel* va *veps tillari* **shimoliy guruhchani:** *eston*, *vod*, *liv tillari* **janubiy guruhchani** tashkil etadi;

2) **volga guruh:** *mariy tili*, *mordva tillari*;

3) **perm guruh:** *uhnuqt*, *komi-ziryan*, *komi-permyak tillari*;

4) **ugor guruh:** *xanit* va *manst tillari*, *venger tili*;

5) **saam gurubii:** *garbiy* va *sharqiy kahfali saam tillari*.

Samodiy tillari an'anaviy tarzda 2 tarmoq yoki guruhga bo'linadi:

1) shimoliy samodiy tillar gurubi: *nenets, nganasan, enst tillari;*

2) janubiy samodiy tillar guruhi: *selkup* va yaqinda yo'qolgan kamasin tili.

IX. Niger-kordofan tillari makrooilasi. Mafzur tillar makrooilasi ikki oilaga bo'linadi:

1. Niger-kongo tillari oilasi. Niger-kongo tillari Afrikaning Sahroi Kabir janubrog'dagi katta bududda (Markaziy Sudan, Sharqiy va Janubiy Afrikaning ba'zi mintaqalari bundan mustasno) keng tarqalgan. Bu tillarda 350 milliondan ortiq kishi so'zlashadi.

Niger-kongo tillari amerikalik tilshunos J.Grinberg tasnifi bo'yicha 6 ta kichik oilaga bo'linadi:

- 1) *g'arbiy atlantika tillari;*
- 2) *mande tillari;*
- 3) *gur (volta) tillari;*
- 4) *kva (gvineya) tillari;*
- 5) *benue-kongo tillari;*
- 6) *adameua-sharqiy tillari.*

Niger-kongo tillari oilasiga *akan, bamana, volof, zande, igbo, yoruba, lingala, malinke, nyanja, rundi, sango, suaxili, fula, shona,* eve kabi 2,5 milliondan 20 milliongacha kishilar so'zlashuvchi tillar kiradi.

2. Kordofan tillar oilasi. Sudanning sharqidagi va Kordofan tog'li o'lkasidagi kichkina hududda tarqalgan Kordofan tillari 5 guruhga bo'linadi va 30 dan ortiq tilni o'z ichiga oladi.

X. Sudan tillari. Sudan tillari Sahroi Kabirning janubidagi huddudan g'arbda, Gvineya qirg'oqlaridan sharqda Efiopiya tog'liklarigacha tarqalgan Demak, sudan tillarida so'zlashuvchilar Afrikada yashaydi.

- . Sudan tillar to'rt yirik guruhga bo'linadi.
 - a) nigrat tillari;
 - b) mande tillari;
 - d) turkumli tillari;
 - e) ichki Sudan tillari

Chunonchi, nil-chad, nil-abissan, nil-ekvator, kardofan, nil-kongo, ubang, shor niger-chad, niger-kamerun, qui'i-niger, dago-mey, niger-latgal, liberi va senegal gviney guruhlari kabi.

X. Indeys tillari oilasi. Amerika tub aholisining tili. Bu tillarda 35 mln ga yaqin kishi so'zlashadi (1992).

Indeys tillari oilasi tugal tadqiq eulmagan, genetik aloqalari xususida to'liq va aniq ma'lumotlar yo'q. Indeys tillari oilasi *na-dane*, *alkonkin-ritvan*, *penitum*, *xokaltek*, *kado-irokaz*, *siu*, *yuto-atstek*, *maya-soke*, *chibcha*, aravak kabi 14 ta guruhga bo'linadi.

XI. Malay-polinez tillari oilasi// Avstronez tillari oilasi. Bu tillarda so'zlashuvchi kishilar soni hali yaxshi aniqlanmagan.

Avstronez tillari oilasi quyidagi 4 guruhga bo'linadi:

- 1) *indonez guruhi*;
- 2) *polinez guruhi*;
- 3) *melenez guruhi*;
- 4) *mikronez guruhi*.

Bu tillarning o'zagini *malay-polinez tillari* tashkil etadi. Shu bois bu til oilasi *malay-polinez tillari oilasi* deb ham yuritiladi. Umuman, malay-polineziya tillarida 90 milliondan ortiq kishi so'zlashadi. Shuningdek, madura, bali, yavan, tagalog, maori, samoa va uvea kabi bir qancha tillar ham shu oilaga kiradi.

XII. Paleoosyo tillari Genetik jihatdan o'zaro bog'liq bo'lmagan chukcha-kamchatka tillari, eskimos-aleut tillari, yenisey tillari, yugakir-chuvan tillari va alohida nivx tilini birlashtiruvchi, shartli belgilangan til oilasi.

Bu tillarda so'zlashuvchilar Rossiya Federatsiyasining shimoli-sharqida yashaydi.

Paleoosyo tillari ikki guruhga bo'linadi:

1. *Chukot guruhiiga* chukot tili (1,5 ming kishi so'zlashadi), koryak tili (7 ming kishi so'zlashadi), kamchadal tili (2,5 ming kishi so'zlashadi) kiradi.

2. *Sibir guruhiiga* odul tili (ming kishi so'zlashadi), nivx tili (4 ming kishi so'zlashadi), ket tili (2 ming kishi so'zlashadi) kiradi.

Eskimos-aleut guruhi. Bu tillari guruhiiga: eskimos va aleut tillari kiradi. Eskimos til Chukotka muxtor okrugida va Magadan viloyatining janubi-sharqida, AQSHda Alyaska va unga yaqin orollarda, Kanadada va Grenlandiyaning shimoliy hududlarida tarqalgan. Eskimos tilda so'zlashuvchilarning umumiyligi soni 115 ming.

Aleut tili (bu tilda so'zlashuvchilar Komandoi va Aleut orollarida yashaydi) kiradi.

XIII. Bantu (benue-kongo) tillari. Bu tillarda so'zlashuvchilar Markaziy va Janubiy Afrikada yashaydi. Bu tillarda 150 milliondan ortiq kishi so'zlashadi.

Bantu tilining eng ko'p tarqalganlari: miyamvezi, sukuma, kikuyyu, kamba, kongo, ngala, luba, mbundu, rundi, ruanda, ganda, kosa, zulu, duala, evondo, bulu, suto, chuana, shona tillar guruhi va boshqalardir

XIV. Papuas tillari. Papuas tillari – Yangi Gvineya orolida va Tinch okeanining bir qancha boshqa orollarida tarqaigan tillar guruhi va yakka-yakka tillarning umumlashma nomi. Bu tillar hali yaxshi o'rganilmagan

Papuas tillarining umumiyligi soni 750 tadan 1000 tagacha yetadi, ularda so'zlashuvchilarning umumiyligi soni 5 million kishiga yaqin. Ularning malay-polinez va Avstraliya tillari bilan qarindoshligi taxmin qilinadi. Dastlabki ma'lumotlarga ko'ra, papuas tillari 12 ta guruhga ajratiladi. Ulardan yirigi Yangi Gvineya hududini qamrab oluvchi fila (yun. *phyle* – qabila) guruhidir

XV. Dravid tillari oilasi. Dravid tillariga quyidagi tillar kiradi:

a) *tamil tili*. Bu tilda so'zlashuvchilar 3,5 millionga yaqin bo'lib, ular Hindistonning janubi-sharqida va Seylon orolining shimolida yashaydi;

b) *malayalam tili*. Bu tilda so'zlashuvchilar 13 milliondan ko'proq kishi bo'lib, ular Hindistonning janubi-g'arbida yashaydi;

d) *kannara tili*. Bu tilda so'zlashuvchilar 14,5 million kishi bo'lib, ular G'arbiy Hindistonda yashaydi;

e) *telugu tili*. Bu tilda so'zlashuvchilar 31 million kishi bo'lib, ular Hindistonning janubi-sharqida yashaydi;

f) *braxun tili* (260 mingga yaqin kishi so'zlashadi) va boshqa bir qancha kichik tillar dravid tillar oilasiga kiradi.

XVI. Avstraliya tillari oilasi. Bu oilaga garade, narineri, mudura, aranda, vadyug va boshqa qabilalarining tili kiradi. Bu tillar oilasi yaxshi o'rganilmagan.

XVII. Paleoafrika tillari oilasi. Bu tillarda so'zlashuvchilar ham Afrikada yashaydi. Ular ikki guruhga ya'ni bushmen va gottentog tillari guruhiga bo'linadi.

XVII. Amerika hindularining tillari. Amerika hindularining tillari 200 dan oshiq bo'lib, ular uch guruhga:

- 1) Shimoliy Amerika;
- 2) Markaziy Amerika;
- 3) Janubiy Amerika guruhlariga bo'linadi.

XVIII. Austr-Osiyo tillari. Bu tillarga mon-kxmer (6 milionga yaqin kishi so'zlashadi), bunda (6 milliondan ko'p kishi so'zlashadi), malakk, markaziy va janubi-sharqiy tillar guruhni kiradi.

XIX. Hech qanday tillar guruhiga kirmagan Uzoq Sharq tillari:

1) *yapon tili*. Yaponyaning (poytaxti Tokio) davlat tili bo'lib, bu til, asosan Yaponiyada, shuningdek, Osiyo, Amerika va Yevropaning bir qancha mamlakatlari (AQSh, Kanada, Braziliya, va boshqa)da, Avstraliyada tarqalgan. So'zlashuvchilarning umumiy soni 126 million kishidan ortiqroq;

2) *ryukyu tili*. Bu tilda so'zlashuvchilar Ryukyu orolida yashaydi;

3) *koreys tili* – Koreya Xalq Demokratik Respublikasining (poytaxti Pxen'yan) va Koreya Respubilkasining (poytaxti Seul) rasmiy tili. Bu tilda 60 million kishi so'zlashadi. Oltoy tillariga, ba'zan tungus-manjur tillariga kiradi, deb taxmin qilinadi. Uning genetik jihatdan boshqa tillar bilan bog'liqligi aniqlanmagan;

4) *ayn tili* – Yaponyaning shimolidagi Xokkaydo orolida yashaydigan xalq tili. Bu tilda so'zlashuvchilar 20 mingga yaqin;

5) *bask tili* – Basklar (Euskadi) mamlakatining (ispan tili bilan bir qatorda) rasmiy tili. Bask tilida 1,25 million kishi so'zlashadi.

XX. Burjaski tili. Bu til ham hech qaysi til guruhiga kirmaydi. Bu tilda so'zlashuvchilar 30 mingga yaqin kishi bo'lib, ular Hindistonning shimolida, Qorakorum dovonlarida yashaydi.

Tillarning grammatik shakl hosil qilish usullarida farq qilishiga ko'ra guruhlarga ajratilishi **morfologik (tipologik) tasnif**.

Morfologik tasnifga ko'ra tillar quyidagi turlarga bo'linadi:

1. Amorf tillar.

2. Agglyutinativ tillar.
3. Flektiv tillar.
4. Polisintetik tillar.

Affikslarga ega bo'limgan, so'zlar orasidagi grammatik aloqalar bitishuv yo'li bilan yoki yordamchi so'zlar vositasida ifodalanadigan tillar **amorf** (yun. *amorphos* – shaklsiz, shaklga ega bo'limgan) **tillar** hisoblanadi. Masalan, xitoy tili.

So'z yasalishi va shakl yasalishi agglyutinatsiya yo'li bilan, ya'ni so'zning asosiga turli affikslarni ketma-ket qo'shish orqali hosil bo'ladigan tillar **agglyutinativ tillardir**. Masalan, *fin-ugor tillari, turkiy, jumladan, ozbek tili*.

Agglyutinativ tillarning xususiyati shuki, affikslar bevosita asosga qo'shiladi. Morfologik tasnifga ko'ra yapon, manjur, dravid, fin-ugor tillari qatori tupkiy tillar ham agglyutinativ tillar guruhiga kipadi.

Flektiv tillar. Grammatik ma'nolar fleksiya (*lat. flexio – egish, burish; o'zgarish*) yo'li bilan, ya'ni bir shakl vositasida ifodalanadigan tillar **flektiv tillar** bo'lib, ularga *hind-europa va som-xom oilalariga* mansub tillar kiradi. Bunday tillar affikslarni asosga birikib ketishi bilan tavsiflanadi.

Polisintetik tillar. So'z gap tarkibida o'ziga xos strukturaga ega bo'luvchi tillar. Mas, *ba'zi hindu tillari*.

Bir mamlakat, davlatda turli millat vakillari tomonidan muloqot, aloqa vositasi sifatida foydalaniladigan til **millatlararo aloqa tili** hisoblanadi.

Millatlararo aloqa vositasi sifatida tavsiya etiladigan sun'iy tillar **xalqaro tillardir**.

Turli xalqlarning aloqa vositasi bo'lib xizmat qiladigan tillar xalqaro tillardir. Xalqaro tillar ikkiga bo'linadi:

- 4) tabiiy xalqaro tillar,
- 5) sun'iy xalqaro tillar.

Xalqaro kengashlarda, simpozium, anjumanlarda qo'llanadigan, Birlashgan Millatlar Tashkiloti, YUNESKO tomonidan rasmiy tan olingan tillar xalqaro tillar hisoblanadi. Hozirgi kunda *ingliz, ispan, xitoy, fransuz, rus, arab tillari* Birlashgan Millatlar Tashkilotining rasmiy va ishchi tillari bo'lganligi bois xalqaro tillardir.

Nazorat uchun savollar:

1. Tillar tasnifi deganda nimani tushunasiz?
2. Tillar tasnifining qanday turlari bor?
3. Tillar hozirda qo'llanish-qo'llanmasligiga ko'ra qanday turlarga bo'linadi?
4. «Tirik» va «o'lik» til tushunchalarini izohlang
5. Qaysi «o'lik» tillarni bilasiz?
6. Tillarning geneologik tasnifi qanday tamoyillarga asoslanadi?
7. Qanday tillar qarindosh tillar hisoblanadi?
8. Til oilasi tushunchasini izohlang.
9. Dunyodagi tillar geneologik tasnifga ko'ra qanday til oilalariga ajratiladi?
10. Tillarning morfologik (tipologik) tasnifi deganda nimani tushunasiz?
11. Flektiv til, agglyutinativ til, o'zak(ajratuvchi) til, polisintetik til terminlarini izohlang.
12. O'zbek tili tillarning tipologik (morfologik) tasnifiga ko'ra qanday tillar sirasiga kiradi?
13. Turkiy tillar oilasi haqida ma'lumot bering.
14. O'zbek tili qaysi tillar bilan qarindosh hisoblanadi?
15. O'zbek tili qaysi tillar bilan bir guruhga kiradi? Nima uchun?

Fonetika. Fonologiya. Nutq tovushlarining tasnifi

1. Fonetika haqida umumiyy tushuncha.
2. Fonetikaning turlari, soha va bo'limlari.
3. Eksperimental fonetika.
4. Nutq apparati va talaffuz a'zolari.
5. Akustik fonetika haqida. Tovushning akustik belgisi.
6. Tovush va fonema
7. Tasnif tushunchasi.
8. Unli tovushlar tasnifi
9. Undosh tovushlar tasnifi.
10. Fonologik nazariyalar

Tayanch so'z va iboralar: *fonetika, tilning fonetik birliklari, nutq apparati, tovush, talaffuz a'zolari, eksperimental fonetika, akustik fonetika, nutq tovushlarini artikulyatsion tomoni, nutq tovushlarining fonologik tomoni, tasnif, unli tovush, undosh tovush, portlovchi undoshlar, sirg'aluvchi undoshlar, affrikatalar, sonorlar, jarangli undoshlar, jarangsiz undoshlar, fonologiya, fonologik tushunchalar, fonema, fonema variantlari, fonologik nazariyalar.*

Fonetika (yun. *phonetike* – tovushga oid) nutq tovushlari va tovush vositalari haqidagi tilshunoslik sohasidir. Fonetika quyidagi masalalarni o'rganadi:

nutq tovushlarining akustik va artikulyatsion xususiyatlarini;
bo'g'in, uning tur va tiplarini;
urg'u va uning turlarini;
fonetik hodisalarni,
ohang va uning vazifalarini

Yuqoridaqgi masalalarni o'rganvchi fonetika sohalari **artikulyatsion fonetika, akustik fonetika va fonologiya** nomlari bilan ham ataladi. Ular nutq tovushlari, bo'g'in, urg'u va intonatsiyani alohida tasnif qilish metodlariga ega bo'lib, bir-biri bilan uzviy bog'liqdirdi.

O'zbek tili fonetikasi Sh.Shoabdurahmonov, A.Mahmudov, M.Mirtojiyev,¹ fonologiyasi A.Abduaazizov, A.Nurmonovlar² tomonidan o'rganilgan.

O'zining o'rganish sohasi va maqsadiga ko'ra fonetika ikki turli bo'ladi:

1) umumiy fonetika jahondagi barcha tillarga xos talaffuz xususiyatlarini o'rganadi.

2) tasviriy fonetika biror tilga xos talaffuz alomatlarini o'rganadi. Masalan, *rus tili fonetikasi, o'zbek tili fonetikasi* kabi.

Qo'yilgan maqsadga ko'ra fonetika ikki turli bo'ladi:

¹ Shoabdurahmonov Sh. Fonetika. O'zbek tili fonetikasiga doir ayrim masalalar. Toshkent, 1953.; Mahmudov A. O'zbek tilida so'z urg'usi. Toshkent, 1960.; O'zbek tili unllari. Toshkent, 1968.; O'zbek tili sonorlari. Toshkent, 1980.; Mirtojiyev M. Hozirgi o'zbek adabiy tili. Fonetika. Toshkent: Oqituvchi, 1999.; O'zbek tili fonetikasi. Toshkent: Universitet, 1996.

² Abdulaazizov A. O'zbek tili fonologiyasi va morfonologiyasi. Toshkent: Oqituvchi, 1992.; Nurmonov A. O'zbek tili fonologiyasi va morfonologiyasi. Andijon, 1992.

1) nazariy fonetika biror tilning talaffuz alomatlarini nazariy jihatdan tasnif etadi;

2) amaliy yoki me'yoriy fonetika esa biror tilning talaffuziga o'rgatish maqsadida tuziladi. Masalan, *ingliz tilining amaliy fonetikasi* rus yoki o'zbek tilini o'rGANUVCHILAR uchun sodda shaklda mashqlar vositasida izohlab berilgani kabi.

Alohiда apparatlar yordamida nutq tovushlari, bo'g'in, urg'u va intonatsiyadagi artikulyatsion-akustik xususiyatlarni o'rGANUVCHI soha **eksperimental fonetika** deb yuritiladi. Yuqorida ko'rsatilgan fonetika turlarining barchasi kuzatishlar yordamida til talaffuzidagi xususiyatlarni ancha aniq tekshiradigan eksperimental fonetika natijalariga asoslanadi.

Fonetikaning nutq tovushlarining hosil bo'lishi va ularning xususiyatlarni o'rGANUVCHI yo'nalishi **segmental fonetika** deyiladi.

Fonetikaning nutq tovushlaridan katta bo'lgan birliklarni, ya'ni bo'g'in, takt va frazalarni o'rGANUVCHI yo'nalishi esa **supersegmental fonetika** yoki **prosodika** deb ataladi.

Fonologiya alohiда fan sifatida ham qaraladi. Bunday qarash fononologiyani ham ikkiga bo'lishni talab qiladi:

1) tovushlarning tildagi funksional tomonlarini o'rGANUVCHI bo'limi – **segmental fonologiya** yoki **fonemika, fonematika** deb yuritiladi.

2) bo'g'in, urg'u va intonatsiyaning funksional alomatlarini o'rGANUVCHI sohasi **supersegmental fonologiya** yoki **prosodika** deb ataladi.

Fonetika morsfologiya va sintaksis, leksikologiya va uslubiyat bilan uzviy bog'liq. chunki tildagi barcha birliklar (so'z, so'z shakli, so'z birikmalari va frazalar) tovushlar vositasida namoyon bo'ladi.

Fonetika artikulyatsion-akustik xususiyatlarni, ularning hosil bo'lishida nutq organlarining xizmati va fizik tebranishlarni o'rGANISHDA biologiya, fiziologiya, fizika va akustika fanlari bilan ham bog'lanadi.

Tildagi fonetik xususiyatlarning tarixiy aspektida o'rGANUVCHI soha **tarixiy** (yoki **diazronik**) **fonetika** deb ataladi. Bunda tildagi tovushlar sistemasining taraqqiyoti qadimiy obidalar va qo'lyozmalar hamda tarixiy dalillar asosida tadqiq etiladi.

Hozirgi davr tilshunosligida jahon tillarining o'xhash va farqli alomatlarini o'rganish **tillar tipologiyasi** deb atalib. bu sohaning fonetikaga doir bo'limi **qiyosiy-tipologik fonetika** yoki **qiyosiy-tipologik fonologiya** deb ataladi. Masalan, rus, o'zbek va ingliz tillarining qiyosiy-tipologik fonetikasi yoki fonologiyasi kabi.

Nutq tovushlari talaffuz a'zolarining ma'lum xizmati natijasida hosil bo'ladi. Tovushlarning hosil bo'lishida ishtirot etuvchi nutq a'zolari harakatining yig'indisi **artikulyatsiya** deb ataladi. Jahondagi barcha kishilarning nutq a'zolari bir xil tuzilgan bo'lsa ham, har bir tildagi tovushlarning talaffuzida ularning harakati o'sha tilga xos va odatiy bo'lishi mumkin. Biror tilning talaffuzida odat bo'lib qolgan nutq a'zolari odatiy harakatlarining yig'indisi o'sha tilning **artikulyatsion bazasi** hisoblanadi. Har xil tillar bir-biridan artikulyatsion bazalaridagi ba'zi xususiyatlar bilan farq qilishi mumkin. Masalan, ingliz tilidagi til oldi undoshlari apikal (lot. *arex* – til uchi) artikulyatsiyaga ega bo'lsa, o'zbek va rus tillaridagi bunday undoshlarning talaffuzida til uchi tishlarga tegib, uning o'rta qismi ishtirot etadi, ya'ni dorsal artikulyatsiya qilinadi. Unli tovushlarning talaffuziga ko'ra ingliz va fransuz tillari bir-biridan katta farq qiladi. Ingliz tilidagi lablangan unlilarning talaffuzida lablar juda kuchsiz harakat qiladi. Fransuz tilidagi lablangan unlilar esa, lablarning kuchli harakati bilan ajralib turadi.

Nutq tovushlarning uch tomoni mavjud:

1) fiziologik (talaffuz) tomoni – nutq tovushlarini insomning nutq a'zolari harakati natijasida hosil bo'lishi;

2) akustik tomoni – nutq tovushlarini havoning tebranishi natijasida hosil bo'lishi, shunga ko'ra tovushlarning balandlik, kuch (tezlik), miqdor, tembr kabi belgilarga ega bo'lishi;

3) lingvistik (vazifaviy, ma'no farqlash) tomoni – nutq tovushlarini so'z ma'nolarini farqlashga xizmat qilishi.

Nutq tovushlarning asosiy xususiyati ma'no farqlashdir, shu jihatli bilan ular boshqa tovushlardan farqlanadi.

Nutq tovushlari nutq apparatining faoliyati natijasida hosil bo'ladi. Nutq tovushlarini hosil qiluvchi inson a'zolari – **nutq a'zolari**, ularning majmui **nutq apparati** deyladi.

Nutq tovushlari hosil bo'lishida ishtirok etuvchi quyidagi a'zolar nutq a'zolaridir: *o'pka, tovush paychalari, og'iz bo'shlig'i, burun bo'shlig'i, til, kichik til, tanglay, lab, fish, bo'g'iz*.

Nutq a'zolari nutq tovushlari hosil bo'lishida ishtirok etish darajasiga ko'ra ikki turga bo'linadi:

1. Faol nutq a'zolari: til, lablar va tovush paychalari

2. Nofaol nutq a'zolari o'pka, og'iz bo'shlig'i, kichik til, yumshoq va qattiq tanglay, yuqori va pastki tishlar, burun bo'shlig'i, bo'g'iz.

Insонning nutq apparati to'rt bo'shliqni o'z ichiga oladi:

- 1) bo'g'iz bo'shlig'i;
- 2) burun bo'shlig'i;
- 3) og'iz bo'shlig'i;
- 4) bo'yin bo'shlig'i.

O'pkadan chiqqan havo bo'yin bo'shlig'iga keladi. Bo'yining chetlarida tovush paychalari joylashgan bo'lib, ular bir-biriga to'la yoki deyarli to'la jipslashib tegib turishi mumkin. Bu holatda bo'g'iz undoshi hosil bo'ladi, biroq tovush paychalari bir-biriga yaqinlashib taranglashishi va titrashi yoki yaxshi titramasligi mumkin. Tovush paychalarining titrashi davomiy tebranishlarni va bu esa, o'z navbatida, asosiy tonni hosil qiladi. Tovushlarning hosil bo'lishida tovush paychalari ko'pincha ishlab turadi. Faqatgina jarangsiz undoshlarning talaffuzida tovush paychalari tebranmaydi.

Bo'yin bo'shlig'idan keyin havo bo'g'iz bo'shlig'iga o'tadi. Havo oqimining bo'g'izdan keyingi yo'nalishi yumshoq tanglayning holatiga bog'liq. Agar yumshoq tanglay tepaga ko'tarilsa, u havoni burun bo'shlig'idan o'tishini to'sadi va havo oqimi to'g'ri og'iz bo'shlig'idan o'tadi. Bunday holatda og'iz undoshi (*h*) hosil bo'ladi. Agar yumshoq tanglay pastga tushsa, havo oqimi bir yo'la burun va og'iz bo'shliqlaridan o'tadi. Bu holatda esa, burun undoshlari (*m, n, ng*) hosil bo'ladi.

Tovushlarning hosil bo'lishidagi farqlarni biliшda, ayniqsa, og'iz bo'shlig'i va undagi zaruriy tallafuz a'zolari: **til, kichik til, qattiq va yumshoq tanglay lablarning** harakati hamda holati katta abamiyatga egadir. Og'iz bo'shlig'ining katta yoki kichikligi harakat qiluvchi (faol) nutq a'zolari va talaffuzda bevosita harakat qilmovchi (nofaol) nutq a'zolariga bog'liqdır. Barcha talaffuz

a'zolari ichida eng faol harakat qiluvchisi **tildir**. Uning har xil yon (gorizontal) va tik (vertikal) harakati natijasida turli shovqin hosil bo'ladi va bu tovushlarning, ayniqsa, unli tovushlarning talaffuzi va eshitilishida turli tonni vujudga keltiradi. Pastki va yuqori lablar ham talaffuzda ishtirok etishi va etmasligi bilan alohida ahamiyatga egadir. Shu tufayli ba'zan ikki lab orasidagi bo'shliqning shakli ham unlilar talaffuzida hisobga olinadi. Barcha nutq nutq a'zolari va ularning ayrim qismlari o'ttasida ma'lum munosabat mavjud bo'lib, odam talaffuzida bir yo'la bir qancha a'zolarning harakati vujudga keladi.

Anatomik jihatdan odam va maymunning talaffuz apparati uncha katta farq qilmaydi, biroq ular o'ttasidagi asosiy farq, fiziologik tomondan, odam nutq a'zolarining aniq va farqli harakati bosh miya orqali bajarilishi bilan izohlanadi.

Ton va shovqin tovushlarni farqlash uchun zarur bo'lgan akustik xususiyatlardir. Masalan, unda tovushlar tonga, jarangsiz undoshlar esa shovqinga egadir. Jarangli undoshlar bir yo'la ton va shovqinga ega bo'lib, keyingisini bosib ketadi. Sonor tovushlar (*I, r, m, n, ng*)da shovqin va ton birlikda bo'lib, ton shovqindan ustun keladi.

Tovushning cho'ziqligi yoki qisqaligi uning miqdor belgisi deb yuritiladi. Bu tebranish harakatining vaqt bilan aniqlanadi va u millisekund bilan o'lchanadi. Tovushning kuchi, baland yoki pastligi va hokazolar uning **sifat belgisi** deb yuritiladi. Tebranish amplitudasi bilan aniqlanuvchi tovush kuchi dinamik urg'uga ega bo'lgan tillar uchun xarakterlidir. Bunda urg'uli bo'g'in urg'usiz bo'g'inga qaraganda katta kuch bilan talaffuz etiladi.

Tovushning tembri tebranish davomida maxsus tonni hosil qilish bilan belgilanadi. U ba'zan nutqda his-hayajonni ifodalovchi akustik belgi sifatida ham qaraladi. Tovushni hosil qiluvchi bo'shliqlar (*og'iz, burun, bo'g'iz* va h.k.) ma'lum **akustik rezonatorlar** deb yuritiladi, chunki ular o'z shakli va o'lchovi bilan nutq tovushini hosil qiluvchi akustik kanallar vazifasini o'taydi.

Tebranish sodda va murakkab bo'lishi mumkin. Akustikada murakkab tovush tebranishining chastotasi bilan boshqa akustik vositalarni kelishtirib turuvchi mexanizm **filtr** deb ataladi.

Odamning og'iz va burun bo'shliqlari unlilarni hosil qiluvchi **akustik filtrni** tashkil etadi.

Tovushning tembrini ifodalovchi va uni boshqa tovushlarni tembridan farqini ko'rsatuvchi chastotalar **formantlar** deyiladi. Formantlar nutq tovushlarining akustik xususiyatlarini bilish manbai hisoblanadi. Tovush formantlari maxsus eksperimental apparatspektrograf yordamida aniqlanadi. Har xil unlilarning formantlari (odatda, ular uchta formantga ega bo'lib, F1, F2, F3 deb ko'rsatiladi), vertikal shkala bo'yicha turli holatda bo'ladi.

Tovushlarning akustik belgilari ularning artikulyatsion xususiyatlari bilan uzviy bog'liqidir. Nutq a'zolarining turlicha harakati nutq tovushlarining akustik belgilarini, ularning sifat va miqdor belgilarini o'zgartirib yuboradi.

Ma'lumki, jism tebranganda havoni to'lqinlantiradi va tovush hosil bo'ladi va buni biz eshitamiz. Akustika ana shu narsa bilan bog'liqidir. Akustik jihatdan tovushning balandligi, kuchi, tembri, qisqa yoki cho'ziqligi farqlanadi. Tovushning balandligi tebranishning miqdoriga bog'liq bo'ladi. Tebranish qancha ko'p (salmoqli) bo'lsa, tovush shuncha baland bo'ladi.

Nutq, tovushining kuchi tebranishning shiddatiga bog'liq bo'ladi. Tebranish darajasi qanchalik katta bo'lsa, shiddatli bo'lsa, tovush ham shunchalik kuchli bo'ladi. Tovushning kuchi havoning nutq organlarimizga qanday zarb bilan urilishiga qarab har xil bo'ladi.

Nutq tovushining tembri(ya'ni sisati) asosiy ton bilan qo'shinchcha tonlarning (oberton va rezonator tonlarning) va shovqinning qo'shilishidan hosil bo'ladi. Tovushning tembri rezonator vazifasini bajaruvchi og'iz bo'shlig'i va burun bo'shlig'inинг shakli hamda hajmiga, tovush psychalarida hosil bo'ladigan asosiy tondan tashqari, obertonlarga, shuningdek, og'iz bo'shlig'i va bo'g'izda hosil bo'ladigan shovqinlar hamda ovozga ham bog'liq.

Tovushning cho'ziqlik darajasi tebranish davom etgan vaqt bilan o'lchanadi.

Nurq tovushlari artikulyatsion-akustik xususiyatlariiga ko'ra har xil tiplarga bo'linadi. Birinchi navbatda tovushlar unli va undoshlarga bo'linadi. Artikulyatsion, akustik va eshitib his etilishi

hamda tildagi funksional xizmati jihatdan unli va undosh tovushlar o'ttasida katta farq bor.

Artikulyatsion jihatdan unli tovushlar o'pkadan chiqib kelayotgan havoning hech qanday to'siqqa uchramasdan o'tishi, aksincha, undoshlar talaffuzida havo oqimining biror to'siqqa duch kelishi bilan izohlanadi. Akustik xususiyatlarga ko'ra unlilar talaffuzida havo oqimi kuchsiz tebranishga, aksincha, undoshlar unlilarga qaraganda kuchli tebranish va shovqin vordamida hosil bo'ladi. Eshitib his etilishi jihatdan ham undoshiar kuchli shovqini bilan unlilardan farq qiladi. Unlilar musiqa ohangiga jo'r bo'la oluvchi mayin ohangga egadir. Ko'pincha jahon tillarida undosh tovushlar unlilardan ko'proq uebraydi va shu tufayli ularning funksional xizmati ham ko'proqdir. Odatda obyektiv borliqdagi mavjud narsa va hodisalarini har xil guruh va tiplarga tasnif qilinganidek, nutq tovushlari ham artikulyatsion-akustik xususiyatlariga ko'ra bir necha kategoriyalarga bo'linadi.

Jahon tilshunosligida unlilar majmuini **vokalizm** (V), undoshlarni esa **konsenantizm** (C) deb atash qabul qilingan.

Sof ovozdan hosil bo'lgan tovushlar **unli tovushlar**, ovoz va shovqinning birikuvidan hosil bo'lgan tovushlar **undosh tovushlar** hisoblanadi.

Unli va undosh tovushlar o'zaro quyidagi xususiyatlariga ko'ra farqlanadi:

Nº	Farqlovchi jihatlar	Unli tovushlar	Undosh tovushlar
1	Tarkibiga ko'ra	Sof ovozdan hosil bo'ladi.	Ovoz va shovqinning birikuvidan hosil bo'latdi
2	Hosil bo'lish usuliga ko'ra	Unli tovushlarni hosil bo'lishida o'pkadan kelayotgan havo hech qanday to'siqqa uchramaydi	Undosh tovushlarni hosil bo'lishida o'pkadan kelayotgan havo malum to'siqqa uebraydi.
3	Vazifasiga ko'ra	Bo'g'in hosil qiluvchi asosiy vosita	Yakka holda bo'g'in hosil qila olmaydi

Yuqorida ko'rsatilgan belgilari asosida nutq tovushlari unli va undoshlarga va o'z navbatida, bular hain ayrim guruhlarga bo'linadi. Quyida unli va undosh tovushlarning tasnifini ko'rib o'tamiz.

Unli tovushlaring hosil bo'lishida havo oqimi to'siqqa uchramaydi va tovush psychalari jiuraydi. Har bir unli tovush o'zining ovoz toni bilan farq qiladi. Unhlarning talaffuzida tilning harakati, labning holati, og'izning ochilishi va hokazolar xarakterlidir. Nutq a'zolarining holatiga ko'ra unlilarning sifati (tembri) va miqdor belgilari (cho ziqlik va qisqaligi) o'zgaradi. Shu sababli unlilarni artikulyatsion va akustik xususiyatlari, sifat va miqdor belgilariiga ko'ra tasnif qilinadi. Unlilaromg artikulyatsiyasi tasnifi chet tilining talaffuziga o'rnatishda amaliy ahamiyatga egadir. Bunday tasnif tilning harakati, lab va yumshoq tanglayning holatiga asoslanadi. Yumshoq tanglayning pastga tushishi natijasida havo burun bo'shlig'i orqali o'tadi va bu holatda burun unlilari yoki nazalizatsiyalashgan (lot. *nasalis* - burun bo'shlig'i) unlilar hosil bo'ladi.

Til eng faol nutq a'zosi bo'lib, og'iz bo'shlig'inинг shakli va katta-kichikligi, tilning holatiga bog'liq. Til gorizontal va vertikal harakat qiladi va tilning holatiga, lablarning ishtiroyiga ko'ra tasnif qilinadi.

Unli tovushlarning quyidagicha tasnifi:

Tilning vertikal holatiga ko'ra Lablarning ishtiroyiga ko'ra	Tilning gorizontal holatiga ko'ra	
	Til oldi	Til orqa
	Lablanmagan	Lablangan
Yuqori (yopiq)	i	u
O'rta (yarim yopiq yoki ochiq)	e	o'
Quvi (ochiq)	ə	ə

Nutq organlarining bir-biriga tegishi natijasida o'pkadan chiquvchi havo oqimi to'siqqa uchrashi, undoshlarning hosil bo'lishida xarakterlidir. Undosh tovushlarning sifati nutq organlarining harakati, og'iz va burun bo'shliqlorining shakli va tovush psychalarining holatiga bog'liq.

O'zbek tilida undosh tovushlar **24** ta: *b, v, g, d, j, dj, y, z, k, l, m, n, p, r, s, t, f, x, ch, sh, ng, g'*, *h, q*.

Undosh tovushlar quyidagicha tasnif qilinadi:

1. Hosil bo'lish o'rniغا ko'ra:

a) lab undoshlari:

- lab-lab undoshlari: *b, p, m;*
- lab-tish undoshlari: *f, v.*

b) til undoshlari:

- til oldi undoshlari: *d, t, z, s, sh, j, dj, ch, n, l, r;*
- til o'rta undoshi: *y;*
- til orqa undoshlari: *g, k, ng;*
- chuqur til orqa undoshlari: *q, g', x*

d) bo'g'iz undoshi: *h.*

2. Hosil bo'lish usuliga ko'ra:

- a) portloqchitar:** *b, p, d, t, g, k, j, q, m, n, ng;*
- b) sirg'aluvchilar:** *v, f, z, s, y, p, l, sh, g', x, h;*
- d) qorishiq:** *dj, ch.*

Undosh tovushlar tovush psychalarining, ya'ni ovoz va shovqinning ishtirokiga ko'ra quyidagi turlarga ajratiladi:

1) jarangli undoshlar – tarkibi shovqin va ovozdan iborat bo'lgan undoshlar;

2) jarangsiz undoshlar – tarkibi shovqinning o'zidan iborat bo'lgan undoshlar.

Jarangli va jarangsiz undoshlar o'zaro juftlik hosil qiladi, ammo sonorlarning jarangsiz justi yo'q:

Jarangli undoshlar	<i>b</i>	<i>v</i>	<i>d</i>	<i>g</i>	<i>z</i>	<i>t</i>	<i>dj</i>	<i>y</i>	<i>g</i>	<i>l</i>	<i>m</i>	<i>n</i>	<i>n</i>	<i>r</i>
Jarangsiz undoshlar	<i>p</i>	<i>f</i>	<i>t</i>	<i>k</i>	<i>s</i>	<i>ch</i>	<i>s</i>	<i>q</i>	<i>x</i>					<i>g</i>

Ovoz va shovqinning ishtirokiga ko'ra undosh tovushlar sonorlar va shovqinli tovushlarga bo'linadi.

Asosan ovozdan, qisman shovqindan hosil bo'lgan undosh tovushlar **sonorlar** deyiladi. Ular quyidagilardan: *m, n, ng, l, r.* Bularдан *l* – yon tovush, *r* – titroq tovush, *n, ng, m* – burun tovushlari.

Shovqinli undosh tovushlarda ovozga nisbatan shovqin ko'proq bo'ladi: *k, p, t, sh* kabi.

Avvalgi ma'ruzalarda nutq tovushlari va ularning vositalari turli aspektida o'rganilishini aytib, ularning to'rtinchisini fonologik (sotsial va funksional) aspekt deb atagan edik. Nutq tovushlari, bo'g'in, urg'u va intonatsiya jamiyat tilining tushunarli va aniq bo'lishi uchun muhim xizmat qiladi. Ular tildagi so'z, so'z shakllari, so'z birikmalari, fraza va gaplarni farqlash vazifasini bajaradi. Shu tutaylti bu aspektini sotsial yoki funksional deb atab, til bosqichi sifatida «fonologiya» termini (grek. *phone* – tovush, *logos* – ta'limot) ishlataladi. Nutq tovushlari ayrim holda (a,o,u) hech qanday ma'noga ega emas. Nutq tovushlari ma'lum tartibda birikib so'z va boshqa yirik til birliklarini hosil qiladi va ularning ma'nolari bilan bog'lanadi.

So'z, so'z shakllari va morfemalarni tashkil etuvchi va ularning ma'nolarini farqlash uchun xizmat qiluvchi eng kichik boshqa bo'laklarga bo'limmovchi til birligi **fonema** (grek. *phone* – tovush ovoz) deyiladi. Masalan, *tit* – *tol*, *kel* – *kal* so'zlarini unli fonemalar yordamida farqlanadi: *tog'* – *dog'*, *bor* – *zor*, *bod* – *bot*, *yo'q* – *cho'q* kabi so'zlar tarkibidagi undosh fonemalar yordamida farqlanadi.

Fonemaga tegishli barcha artikulyatsion-akustik belgilar uning **fonetik tasnifi** deyiladi. Masalan, *p* fonemasining fonetik tavsifi uning lab-lab, portlovchi, jarangsizlik belgilarini o'z ichiga oladi. Fonologik jihatdan fonemalar bir-biriga qarama-qarshi qo'yiladi (*p* – *t*, *s* – *sh*, *x* – *k*, *a* – *o*, *u* – *i* kabi). Bunday fonemalarning qarama-qarshi qo'yilishi **fonologik oppozitsiya** deyiladi. Fonologik oppozitsiya yordamida fonemalarni bir-biridan farqlash uchun xizmat qiluvchi artikulyatsion-akustik belgilar **fonologik** yoki **farqlanish alomatlari** deyiladi. Masalan, *p* – *t* oppozitsiyasida lab-til oldi artikulyatsiyasi fonologik jihatdan ahamiyatlidir. *P* – *t* oppozitsiyasidagi ularning har ikki a'zosi ham portlovchi va jarangsiz ekanligi **fonologik bo'limgan** yoki **farqlamovchi alomatlar** deb yuritiladi. Har bir fonema fonologik oppozitsiyaning a'zosi hisoblanadi. Tildagi barcha fonemalar o'zaro oppozitsiyalarini tashkil etadi va bu fonemalarning bog'lanishi hamda aloqalari yig'indisi **fonologik tizim** yoki **fonematik tizim** deb yuritiladi.

Fonemalarning o'zaro bog'lanish xarakteri, ya'ni ularning qanday ichki aloqada ekanligi fonologik yoki fonematik tuzilishi deb ataladi. Har bir fonema fonologik birlik yoki element deyiladi. Har bir til o'zining fonologik tizimiga ega bo'lib, undagi har bir fonemaning o'z o'rni va vazifasi bor. Bir tildagi fonema ikkinchi tilda bo'lishi mumkin emas. Ikki tildagi fonemalar o'z artikulyatsion-akustik xususiyatlari bilan o'xshash bo'lishi faqat tashqi jihatdan to'g'ri kelish hisoblanadi. Ularning ichki bog'lanishlarini, ya'ni fonologik oppozitsiyalar tizimini o'rganish orqali juda ko'p farqlarni aniqlash mumkin bo'ladi. Ulardagi ba'zi o'xshashliklar nutq organlarining barcha odamlarda bir xil tuzilganligi bilan izohlanadi.

Tildagi bir qancha tovushlar (ularning sonini aniqlab bo'lmaydi) soni va artikulyatsion-akustik xususiyatlari aniq bo'lgan fonemalarga birlashadi. Bir fonema bir qancha tovushlarda namoyon bo'ladi. Ko'pincha bir fonemanı ifodalovchi tovushlar artikulyatsion va akustik jihatdan yaqin bo'ladi. Biroq bir fonema bir necha har xil artikulyatsion va akustik xususiyatlarga ega bo'lgan tovushlarda ifodalanishi ham mumkin. Masalan, rus tiida (g) va (g') tovushlari. Bitta (g) fonemasining vakilidir: *gorod* (*gorot*), (*g'oret*) kabi.

Tildagi so'z va so'z shakllarini tashkil etuvchi fonemalarni go'yo g'ishtlarni yonma-yon qo'ygandek ko'rinishga ega sifatida tasvir qilish mumkin emas. Chunki fonemalar bir-biriga birikish jarayonida har xil o'zgarishlarga uchraydi. Fonemalar tilning eng kichik bo'linmas segment biriklariadir. Masalan, *paxta* so'zi p-a-x-t-a 5 ta fonemaga bo'linadi, biroq undagi har bir fonema boshqa kichik bo'laklarga bo'linmaydi. Har bir fonema o'zining fonologik (farqlanuvchi) va fonologik bo'limgan (farqlanmovchi) alomatlariga ega. Har xil fonemalarni qarama-qarshi qo'yulganda bu belgilarni aniqlash mumkin. Masalan, *b* – *p* fonemalari jarangli jarangsiz belgilari bilan farqlanadi. Ularning qolgan belgilari, lab va portlovchi xususiyatlari har ikkisiga ham xos, ya'ni fonologik emas. *B* – *d* oppozitsiyada artikulyatsiya o'rni, ya'ni lab va til oldi (dorsal) belgilari fonologik alomatlardir. Ularning har ikkisi jarangli portlovchi ekanligi fonologik alomat emas. Boshqa *b* – *k* oppozitsiyasida bir vo'la artikulyatsiya o'rni, ya'ni lab (b) va til orqa (k) jarangli va jarangsiz fonologik alomat hisoblanadi. Artikulyatsiya usuliga ko'ra (b-k) dagi portlovchi belgisi fonologik

emas. Ko'rinadiki, har bir fonoologik oppozitsiya fonema o'zining ma'lum farqlovchi va farqlamovchi belgilari bilan ishtiroy etadi. Har xil tillarning fonoologik tizimlarini qiyoslaganda, bunday belgilarni aniqlash ayniqsa zarurdir. Xususan, rus tilidagi yumshoq va qattiq undosh fonemalar o'zbek tilidagi bir fonemaga to'g'ri keladi. Chunki o'zbek tilida yumshoq va qattiq fonoologik belgilari yo'q.

Tildagi fonoologik oppozitsiyalar ikki a'zodan iborat bo'lsa, **binar oppozitsiya** (lot. *binarius* – ikki qismli + *oppositio* – qarama-qarshi qo'yish) deyiladi: *b* – *p*; *t* – *d*; *i* – *u* kabi.

Fonoologik oppozitsiyalar uch a'zodan iborat bo'lsa, **ternar** (lot. *terni* – uch qismli) **oppozitsiya** deyiladi: *p* – *t* – *k*; *i* – *e* – *a* kabi. Uchtadan ortiq a'zoga ega bo'lgan fonoologik oppozitsiyalar **ko'p a'zoli oppozitsiyalar** deyiladi: *b* – *d* – *g* – *x* kabi. Tildagi fonoologik oppozitsiyalari binar, ya ni ikkitadan a'zoga ega bo'lgan shaklda tasnif etish ancha qulaydir. Shu tufayli ko'p a'zoli oppozitsiyalarni binar yoki dixotomik (lot. *dixotomiya* – teng ikkiga bo'lish) holatga keltiriladi. Masalan, *b* – *d* – *x* – *g* oppozitsiyasini *b* – *d*; *b* – *g*; *b* – *x*; *d* – *g*; *d* – *x*; *g* – *x* binar oppozitsiyalarga bo'lish mumkin. Bunda fonemalarni farqlanuvchi va farqlanmovchi belgilarni aniqlash ham osonlik tug'diradi. Ba'zi fonoologik oppozitsiyalarda bir qancha fonemalar juft holda bimar qilib beriladi. Masalan, o'zbek tilidagi jarangli va jarangsiz belgilarga ega bo'lgan undoshlar (*p* – *b*), (*t* – *d*), (*f* – *v*), (*s* – *z*), (*sh* – *j*), (*ch* – *dj*) ana shunday binar oppozitsiyalardir. Keltirilgan juft oppozitsiyalar yig'indisi **korrelyatsiya** deyiladi. Ularni qarama-qarshi qo'yishda asos bo'lgan jarangli va jarangsizlik belgilari **korrelyatsion beigi** deb ataladi.

Fonoologik oppozitsiyalar doimiy va neytralizatsiyalashuvchi bo'ladi. Ba'zi tillarda jarangli undoshlar so'z oxirida jarangsizlashadi. Masalan, rus tilida *lug* (luk), *grad* (grat) kabi. O'zbek tilida *kitob* (kitop), *qand* (qant) kabi. Bunday xususiyat **fonologik neytralizatsiya** deyiladi. Bu holatda *b* – *p*, *t* – *d* undoshlari bir xil artikulyatsion-akustik xususiyatga ega bo'lib, ularning fonoologik belgilari o'xshash bo'lib qoladi.

Bunday fonoologik birlik **arxivonema** deyiladi. Arxivonema ikki fonemaga tegishli bo'lgan fonoologik belgilarning yig'indisidan iborat. Biz yuqorida fonoologik oppozitsiya a'zolarining soniga ko'ra binar, trenar va ko'p a'zoli oppozitsiyalar turlarini ko'rib o'tdik.

Fonologik oppozitsiya a'zolarining farqlanish belgilari o'ttasidagi munosabatga asoslangan boshqa turli tasniflar ham mavjud.

Tildagi fonemalar bir qancha tovushlarda namoyon bo'ladi. Fonemalar bo'g'inlar, so'zlar, so'z birikmalari va frazalarning tarkibida joylashgan. Ular har xil o'rirlarda yoki holatlarda uchraydi. Odatda bu holatlar **pozitsiya** deyiladi. Fonemalarning har xil aytish shartlari bo'yicha taqsimlanishi ularning **distributsiyasi** deyiladi. Fonemalar ochiq yoki yopiq bo'g'indrarda, so'z boshi, o'rtasi va oxirida, urg'uli yoki urg'usiz holatda uchraydi. Bu pozitsiyalarda fonemalar har xil o'zgarishlarga duch keladi. Fonemalarning pozitsiyalari ikki turli bo'ladi. Fonemalar deyarli ko'p o'zgarishlarga uchramaydigan holatri **kuchli pozitsiya**; fonemalar ko'p o'zgarishlarga uchraydigan holat – **kuchsiz pozitsiya** deb ataladi. Kuchli pozitsiyada fonemaning asosiy vakili namoyon bo'ladi. Kuchsiz pozitsiyada esa, fonemaning ottenkasi yoki variatsiyalari uchraydi. Masalan, o'zbek tilida (i) fonemasi uchragan pozitsiyasiga ko'ra har xil talaffuz etilishi mumkin: *birinchi (berinche)* so'zida (e) (i) fonemasining varianti yoki allafoni hisoblanadi. Biroq shu (i) fonemasi doirasida unga artikulyatsion-akustik xususiyatlari bilan o'xshash bo'lган va so'zlarning ma'nolarini farqlashga xizmat qila olmaydigan aytishlar fonemaning variatsiyalari deb yuritiladi.

Odatda fonemalarning pozitsion o'zgarishlarga uchragan vakili pozitsion varianti, nutqda kombinator o'zgarishlarga uchragan fonemaning vakili – **kombinator varianti** deb yuritiladi. Fone-maning sifat o'zgarishlariga uchragan vakili uning varianti yoki **allofoni** (yun. *allos* – boshqa + *phone* – tovush), miqdor o'zgarishiga uchragan (cho'ziq-qisqaligi o'zgargan) fonemaning vakili – **alloxon** deb yuritiladi.

Fonemalar har xil o'rirlarda, xususan, so'z boshi, o'rtasi va oxirida bir-birlari bilan birikib kelishi mumkin. Fonemalarning birikmalarini (ts, dz, kt, vz, kg, gg kabi) o'rganuvchi fonologiya qismi **fonetaktika** deyiladi. Har bir tilda fonemalar birikmalari o'ziga xos tarib va xususiyatlarga egadir.

Nutq jarayonida real talaffuz qilinuvchi, eshtiilish xususiyatiga ega, boshqa mayda bo'ylaklarga bo'linmaydigan og'zaki nutqning eng kichik birligi **tovush** hisoblanadi.

Bevosita kuzatishda bir nechta tovushlar orqali talaffuz qilinuvchi so'z va uning ma'noli birliklarini shaklantirish hamda farqlash vazifasini bajaruvechi, boshqa mayda bo'laklarga bo'linmaydigan eng kichik tilning fonetik-fonologik birligi **fonemadir**. Demak, fonema – til birligi, tovush – nutq birligi.

Tilshunoslik tarixida tovesh tizimini o'rganish ikki davrga bo'linadi:

1) **«fonemas tushunchasi paydo bo'lgancha bo'lgan davr.** Bu davrda fonema va tovush hamda harflar o'rjasidagi farq aniq ko'rsatilmay, tovushlar talaiffuzining so'zlardagi ma'lum holatlarda etimologik o'zgarishlarga ko'piq e'tibor berilgan;

2) **fonologiya nazariyalarining yuzaga kelish davri.** Bu davr XIX asrning ikkinchi yarmidan boshlanib, XX asrda ham davom etdi. Bu davrda tovush va harf hamda fonema tushunchalari o'rjasidagi farqlar oydimashdi va keyinchalik bo'g'in, urg'u hamda intonatsiyaning tildagi funksional tomonlari o'rganila boshlandi. «Fonema» tushunchasi va terminini birinchi taklif etganlar qatorida fonologiyaning asoschisi mashhur rus va polyak olimi I. A. Boduen de Kurtene (1845-1929), uning talanthi shogirdi N. V. Kurshevskiy (1851-1887), fransuz olimi P. Passi, ingлиз ulshunesi G. Suit, shveytsariyalik taniqli tilshunes Ferdinand de Sossyur, rus olimi P.K. Us kabilarning nomlari bor. Shu kungacha fonema tushunchasiga bir qancha tariflar berildi, biroq termin o'zining chuqur negiziga ega bo'lgani tufayli saqlanib kelmoqda.

Hozirgacha tilshunoslikda quyidagi fonologiya nazariyalarini yaratildi.

1) I. A. Boduen de Kurtenening psixologik fonologiya nazarasi. Bu nazariyaga ko'ra «fenema» tildagi tovushlarning psixik ekvivalenti yoki tovush tushunchasining kishi ongida his etilgan birligidir. I. A. Boduen de Kurtene ko'rsatishicha, fonema tildagi morfologik, sintaktik va sematsiologik (ma'no-mazmun tomoni) tushunchalar bilan bog'langan fonetik birligidir. U morfemalardagi tovush almashinuvida ayniqsa ahamiyatiidir. I. A. Boduen de Kurtenening fonologik nazariyasi keyingi tilshunoslikdagagi ilmiy qarashlarning kelib chiqishida katta ahamiyatga ega bo'ldi.

2) I. A. Boduen de Kurtenening talanthi shogirdi akademik L.V. Shcherba (1880-1944) o'z ustozining qarashlarini rivojlantirdi

va fizik fonologiya nazariyasını yaratdı L.V.Shcherba ko'rsatishicha, har bir nutq tovushi umuman boshqa nutq tovushlari kabi qandaydir fizik, mexanik hodisa hisoblanadi. Jonli nutqda juda ko'p turli tovushlar talaffuz etiladi. Bu tovushlar tildagi so'z va so'z shakllarining ma'nolarini farqlay oluvchi soni jihatdan kam bo'lgan tovush tiplariga birlashadi. Bunday tovush tipi fonemalar deyiladi. Umumiy tushuncha hisoblanuvchi fonemaning yakka holda nutqda talaffuz qiluvchi vakili fonemaning ottenkasi deb ataladi. L.V.Shcherba bu ta'rifda dialektikaning umumiylilik, yakkalik va alohidilik kategoriyasini fonologiyada qo'llagan. Uning ilmiy qarashlaridan hozir ham rus tilshunosligida foydalaniiloqda.

3) L.V. Shcherbaning shogirdlari keyingi rus tilshunosligida ikki fonologik oqimga bo'lindilar. Bu ikki oqim bir-biriga zid bo'l-magan va faqat ilmiy bahs yordamida rus tilshunesligini rivojlan-tirishga katta hissa qo'shayotgan Moskva va Peterburg fonologiya maktablari nazariyalarini tashkil etadi Moskva fonologiya maktabining vakillari mashhur rus tilshunoslari - A. A. Reformatskiy (1900-1978), P. S. Kuznetsov (1899-1968), V. N. Sidorov, R. I. Avanesov, M. V. Panov, A. M. Suxotin va boshqalardir. Peterburg fonologiya maktabining vakillari taniqli rus tilshunoslari - L. V. Zinder, M. I. Matusevich, A. N. Gvozdev, V. I. Litkin, Y.S.Maslov va boshqalardir.

4) S.I. Bernshteyn tomonidan taklif etilgan fonologiya nazariyasi alohida qarashlari bilan ajralib turadi va u konkret tillarni tadqiq etishda juda kam qo'llangan. Turkiy tillar fonetik va fonologiyasini yoritishda I.A. Boduen de Kurtene va L.V. Shcherba an'analariga asoslangan nazariya va metodlari mashhur turkolog olimlar V. V. Radlov (1837-1918), V. A. Bogoroditskiy (1857-1941), Y. D. Polivanov (1891-1938) kabilar rivojlantirdilar. O'zbek tili va shevalarini o'rghanishda katta xizmat qilgan Y. D. Polivanov ham Boduen de Kurtenening talantli shogirdlaridan biri edi. Y.D.Polivanov alohida fonologiya nazariyasini yaratmagan bo'lsa ham ustozining fonemaga psixologik va morfologik qarashlarini ko'proq funksional jihatdan asoslashga urindi va ularni turkiy tillar hamda boshqa ko'pgina tillar misolida izohlab berdi. *Fonema* termini va tushunchasini turkologiyaga birinchi marta 1920-yillarda taniqli olim N. K. Dmitriev kiritgan bo'lsa, uni o'zbek

tilshunosligida birinchi bor o'sha yillarda professor Y.D.Polivanov qo'llagan.

Chet el tilshunosligida keng tarqalgan fonologiya nazariyalari quyidagilardir:

1. Praga jingvistika maktabining fonologiya nazariyasi jahonda eng dong chiqargan hisoblanadi. Bu maktabning xususan N.S.Turbetskoyning fonologik nazariyasi va metodlari bir necha tillarni ilmiy o'rganishga tadbiq etilgan va hozirgi davrda ham qo'llanilib kelinmoqda. Praga fonologiya maktabi fonologik oppozitsiyalar klassifikatsiyasi fonologik neytralizatsiya, korrelyatsiya, fonemalarning birikmlari va boshqa qator masalalarni ilmiy tadbiq etish nazariyasi va metodlarni taklif etgan. Bu maktabning qarashlari jahon tilshunosligida ham keng o'r'in olgan.

2. London fonologiya maktabi va uning yirik namoyandası D.Jounz tomonidan taklif etilgan fizik (akustik) fonologiya nazariyasi (Angliya). Bu nazariyaga asosan fonema akustik jihatdan bir xil bo'lgan «tovushlar oilasi» hisoblanadi.

3. Distributiv fonologiya nazariyasi (AQSh) bu nazariyaga asosan fonema akustik jihatdan bir xil bo'lgan «tovushlar sinfi» yoki «allofonlar sinfi» deb ta'rif beriladi.

4. Dixotomik fonologiya nazariyasi (AQSh)da ham keng tarqalgan bo'lib, u jahon tillaridagi fonemalarni o'n ikki juft binar farqlanish belgilari asosida tasnif etish metodini taklif etdi, biroq nazariyadagi ba'zi kamchiliklar, xususan, barcha farqlanish belgilarining binar, ya'ni ikkitadan qarama-qarshilik asosida berilgani, ularni spektral tahlil qilish natijalari, barcha tillar uchun bir xil emasligi, terminlarning noqulay va tushunarsizligi kabi qator masalalar tuzatishlarni talab qiladi. Bu kamchiliklarni tuzatish natijasida uni ko'pgina tillarning fonemalar tizimini tadqiq qilishda qo'llanib kelmoqda. Boshqa keng tarqalmagan fonologik nazariyalar quyidagilardir:

1. Makro va mikrofonema nazariyasi (AQSh).
2. Glossematik fonologiya nazariyasi (Daniya).
3. Ikki pog'onali fonologiya nazariyasi.
4. Generativ fonologiya nazariyasi (AQSh).

Bu fonologiya nazariyalari ichida alohida qarashlari va oqimlar ham bor. Ularda tilning fonologik tizimini juda mavhum tadqiq qil-

lish va sxematik ravishda qarash hollari mavjud. Bunday kamchiliklar ularni konkret tillarga tadqiq etishda qiyinchilik tug'diradi. Haqiqiy fonologiya nazariyalari chuqur ilmiy asoslangan va tillarni tadbiq etishda quiay metodlarni taklif etgan bo'lmog'i lozim.

Nazorat uchun savollar:

1. Fonetika qanday masalalarni o'rganadi?
 2. Fonetika o'rganish sohasi va vazifalariga ko'ra qanday turlarga bo'linadi?
 3. Artikulyatsiya nima?
 4. Nutq apparati qanday a'zolarni o'z ichiga oladi?
 5. Tovush temibri nimia?
 6. Tovushning miqdor va sifat belgisi deganda nimani tushunasiz?
 7. Tovushning akustik belgisi qanday izohlanadi?
 8. Supersegmental fonetika nimani o'rganadi?
 9. Nutq tovushlari tasnifi deganda nimani tushunasiz?
 10. Unli va undosh tovushlar qaysi jihatlarga ko'ra tasnif qilinadi?
 11. Unli tovushlar qanday xususiyatlari bilan undoshlardan farqlanadi?
 12. Undosh tovushlar qanday xususiyatlarga ega?
 13. Unli tovushlar qanday tasnifga ega?
 14. Sonor tovushlar deganda nimani tushunasiz?
 15. Fonologiya qanday soha? U qanday masalalarni o'rganadi?
- Fonologiyaning asoschisi kim?
16. Fonema nima?
 17. Fonetika va fonologiya sohalari qanday umumiy hamda farqli xususiyatlarga ega?
 18. Hozirga qadar qanday fonologiya nazariyalari yaratildi?
 19. O'zbek tilshunosligida fonologiya sohasi qaysi tilshunoslar tomonidan o'rganildi?

Nutqning fonetik bo'linishi

1. Nutqning fonetik bo'linishi va fonetik birliliklari
2. Bo'g'in va uning turlari. Sillabika bo'limi
3. Bo'g'ining tuzilishiga ko'ra tiplari.
4. Urg'u va uning turlari. Aksentologiya.

Tayanch so'z va iboralar: *til, nutq, til-mutq dixatomiyasi, til birliliklari, mutq birliliklari, nutqning fonetik bo'linishi, nutqning fonetik birliliklari, bo'g'in, ochiq bo'g'in, yopiq bo'g'in, takt, fraza (jumla), sillabika, segmentatsiya.*

Nutq so'zlovchining til vositalaridan foydalanish jarayoni va shunday jarayon natijasida yuzaga keladigan hodisa.

Nutqda tovushlar alohida-alohida talaffuz qilinmaydi. Ular ma'lum tartibda ketma-ket bir-biriga birikkan holda keladi. Aniqrog'i, nutq ketma-ket kelgan tovushlarning yig'indisi yoki ma'lum tartibda birikuvidan iborat bo'lib, u talaffuz jarayonida o'dinma-keyin kelgan fonetik birliklarga bo'linadi. Nutqning ana shunday katta va kichik birliklarga bo'linishi uning **fonetik bo'linishi** deb ataladi. Bunday bo'linish tilshunoslikda **segmentatsiya** (lot. *segmentum* - bo'lak) deb yuritiladi. Demak, segmentatsiya tushunchasi nutqning fonetik bo'laklarga bo'linishi demakdir. Bo'linish natijasida hosil bo'lgan har bir bo'lak segment deb qaraladi. Har bir fonetik birlik artikulyatsion-akustik va eshitilish xususiyatlariiga egadir.

Nutq quyidagi fonetik birliklardan iborat:

- 1) fraza;
- 2) takt;
- 3) bo'g'in;
- 4) tovush

Odatda, ifoda materiali mavjud bo'lgan fonetik unsurlarni segment unsurlar deb ataladi. Bu jihatdan nutq tovushlarining barchasi segment unsurlaridir. Supersegment unsurlar deganda esa, ifoda materiali bo'lgan unsurlarni tushunamiz.

Umuman olganda, nutqni kichik va katta bo'laklarga bo'lish jarayoni **segmentatsiya** deb ataladi va mazkur bo'laklar **segmentlar** deb nomlanadi.

Supersegment unsurlar jumlasiga, odatda, bo'g'in, urg'u va ohang kiritiladi. Bu vositalar segment unsurlar evaziga mavjuddir, ular go'yo segment unsurlar ustida joylashgandek ko'rindi.

Bo'g'in bu jihatdan o'zining ifoda materialiga egadek tasavvur etilsa ham, bu holat real emas. Boshqacha aytganda, bo'g'ning ifoda materiali tovush deb o'ylashimiz mumkin. Lekin tovush segment element sanaladi. Demak, bo'g'in supersegment vosita sifatida tovushlar evaziga yashaydi.

Nutqimiz turlicha hajmdagi fonetik bo'laklardan tashkil topadi. Ular quyidagilardan iboratdir:

- 1) *fraza (jumla);*
- 2) *takt;*
- 3) *so'z;*
- 4) *bo'g'in;*
- 5) *tovush.*

Fraza nutqimizning ikki pauzasi oralig'idagi ohang butunligi bo'lib, ko'pincha bir gapga teng bo'ladi: *Otang bolasi bo'lma / odam bolasi bo'l!* (Maqol) Mazkur maqolda ikkita fraza bor.

Takt frazaning ikki qisqa pauzasi oralig'idagi ohang butunligidir. Takt bir (bosh) urg'u bilan aytildi va u bir so'zdan yoki bir necha so'zdan iborat bo'lishi mumkin: *Toza havof, toza suv, Ozod Vatan/seniki* (G'. G'ulom) She'riy parchada to'rtta takt bor.

So'z taktning ham, frazaning ham asosiy material qismini taqozo etadi. U takt ichida yoki o'zicha alohida urg'u bilan aytildigan bo'lakdir. Biroq yordamchi so'zlar ko'pincha mustaqil so'zlarning urg'ularidan foydalananib nutqqa kiradi. Ular o'zicha urg'u ololmaydi: *sen bilan, mifik tomon, dadam kabi* va h.k.

Har ikki tomondan «chuqur», aniq va tugal pauza bilan bo'lingan eng katta fonetik birlik – segment **fraza** (grekcha *phrasis* so'zidan olingan bo'lib, ifoda, nutq oboroti degan ma'nolarni anglatadi.) deb ataladi.

Har bir pauza davrida so'zlovchi kelgusi frazaning talaffuzi uchun nafas oladi. Masalan, *O'zga yurida shoh bo'lguncha,*

Oz yurtingda gado bo'l. (Magol)

Bu gapda ikkita fraza bor. Ko'rib turganingizdek, har bir fraza tugal pauza bilan bo'linib turibdi.

Nutqda ko'pincha fraza gapga mos keladi. Yuqorida keltirilgan matndagi har ikki fraza sodda gapga teng keladi. Lekin fraza va gapni bir xil hodisa deb tushunish noto'g'ri. Gap sintaktik birlik hisoblanadi. Fraza esa aktuallashgan gap bo'lib, uning mazmuni, tugallanganligi intonatsion vositalar orqali ifodalanadi. Shunga ko'ra, fraza fonetik birlik deb qaraladi. Demak, fraza nutqning aloqa qilish birligi sifatidagi, eng kichik mustaqil birlik. Fraza termini hozirda **jumla** deb ham yuritiladi.

Fraza taktlarga bo'linadi. Takt nutqning talaffuz jihadan yaxlitlangan va pauza bilan ajratiladigan parchasi. Umuman, takt frazaning bir bo'lagi hisoblanib, bir urg'u yordamida bir yoki bir necha bo'g'inlarning ulanishidan tashkil topadi. Frazada har bir takt kichik, «qisqa» pauza orqali bo'linib turadi:

1. *Sevish /bir-birovingga/ qarash emas, /balki birgalashib/ bir tomonga/ qarash demakdir.* (A. Sent – Ekzyuperi).

2.. *Go'zallik ham /hayo bilan/ sevish demakdir.* (F.Petrarka).

3. *Yaxshi so'z /kishiga/ baxt keltiradi.* (Maqol)

Turkiy tillarda mustaqil so'zlar, ayniqsa ot turkumiga mansub so'zlar alohida takt hosil qiladi. Bunday vaqtida bu so'zlar asos urg'udan tashqari frazaviy urg'u ham oladi.

O'zbek tilida ko'makchilar oldindi mustaqil so'zga ulanib, takt hosil qiladi. *Zilola uchun, qishloq tomon, yotoqxonaga qadar kabi*

Taktlar odatda bo'g'inlarga ajraladi. Bo'g'in – so'zning nutqda alohida (ajratib) talaffuz qilish mumkin bo'lgan eng kichik bo'lagi. So'zlarni talaffuz qilganda o'pkadan chiqayotgan havo oqimi muayyan oraliqda, ya'ni bir tovush yoki tovushlar birikmasidan so'ng bo'linib-bo'linib, goh kuchli, goh kuchsiz zarb bilan o'tadi va bo'g'in hosil qiladi. Demak, bo'g'in bir yoki bir necha tovushlardan tarkib topib, bir nafas chiqarish bilan talaffuz etiladigan so'zning bir bo'lagidir.

Bo'g'inlarning tuzilishida unli tovushlar muhim rol o'ynaydi – unli tovushlarsiz bo'g'in tuzilmaydi. Bo'g'in bir tovushdan iborat bo'lganda unli tovushga teng keladi. So'zdagi bo'g'inlar soni unli harflar soniga teng bo'ladi. Masalan, *o'-quv-chi, a-shu-la* so'zlarida 3 ta unli, 3 ta bo'g'in bor.

O'zbek tilida so'zlar bir bo'g'inli va ko'p bo'g'inli bo'ladi. So'z bir zarb(nafas chiqarish) bilan aytilsa, bir bo'g'inli (*u, o't, bu*), bir

necha zarb bilan aytilda, ko'p bo'g'inli hisoblanadi. So'zlar bir bo'g'inli yoki ikki, uch, to'rt, besh, olti va undan ortiq bo'g'inli bo'ladi. Masalan, *non*, *choy*, *yur*, *tur*, *kel*, *eh* so'zlarini bir bo'g'inli, *uzum*, *ko'-zim*, *tar-vuz*, *o-ta*, *o-na*, *ol-ma* so'zlarini ikki bo'g'inli, *sozan-da*, *te-mir-chi*, *ti-lak-dosh* so'zlarini uch bo'g'inli, *min-nat-dor-chi-li-gi-miz-ning*, *hu-quq-shu-nos-la-ri-miz-ga* so'zlarini sakkiz bo'g'inli so'zlardir.

Bo'g'inlar unli yoki undosh tovush bilan tugaydi, shunga ko'ra ular ikki xil bo'ladi: ochiq va yopiq bo'g'in.

Unli tovush bilan tugagan bo'g'inlar **ochiq bo'g'in** hisoblanadi: *lo-la*, *be-da-na*, *a-na*, *o-na*.

Undosh bilan tugagan bo'g'inlar **yopiq bo'g'in** sanaladi: *an-hor*, *meh-nat-kash*, *mak-tab* kabi.

Bir unlining o'zidan tashkil topgan bo'g'inlar ochiq bo'g'inga kiradi: *u-ka*, *a-ka* so'zlarining birinchi bo'g'inlari kabi. So'zlar nuqul ochiq yoki yopiq bo'g'indan iborat bo'lgani kabi so'z tarkibida ochiq va yopiq bo'g'inlar aralash holda ham kela oladi: *ba-land*, *ta-nish*, *bi-lish* so'zlarining birinchi bo'g'inlari ochiq. ikkinchilari yopiq.

O'zbek tilida bo'g'inlarning bir necha tiplari kuzatiladi. Bo'g'in tiplarini izohlashda quyidagi qisqartmalardan foydalaniladi:

V – lot. *vokalizm* – unli tovushlar tizimi; C – lot. *konsonantizm* – undosh tovushlar tizimi

O'zbek tilida bo'g'inlarning quyidagi tiplari uchraydi:

1. Faqat bir unlini o'zidangina tuzilgan bo'g'inlar: *o'-tin*, *i-chak*, *u*, *a-ka*. **Tuzilishi:** V

2. Bir unli va bir undoshdan iborat bo'lgan bo'g'in. Bunday bo'g'in undosh va unlidan iborat (ochiq) va unli va undoshdan iborat (yopiq) bo'lishi mumkin. Unli – undosh: *ish*, *osh*, *uch*.

Tuzilishi: VC. Undosh – unli: *ta-na*, *to'-ra*, *to-g'a*, *ko'-cha*.

Tuzilishi: CV.

3. Bir unli va ikki undoshdan iborat bo'lgan bo'g'in. Bunday bo'g'in unli, undosh, undoshdan iborat (yopiq); undosh, unli, undoshdan iborat (yopiq) va undosh, undosh, unlidan iborat (ochiq) bo'lishi mumkin: Unli – undosh – undosh: *ayt*, *ilm*, *erk*, *ost*.

Tuzilishi: VCC. Undosh – unli – undosh: *bor*, *ber*, *bur-gut*, *bul-bul*.

Tuzilishi: SVC.

Undosh – undosh – unli: *sta-kan, pre-zident* so‘zlarining birinchi bo‘g‘ini **Tuzilishi:** CCV. Ko‘rib turganingizdek, bo‘g‘innning bu shakli o‘zlashma so‘zlarda uchraydi.

4. Bir unli va uch undoshdan iborat bo‘lgan bo‘g‘in: Undosh – unli – undosh – undosh (yopiq bo‘g‘in): *shart, barg, to‘rt, qurt. Tuzilishi:* CVCC.

Undosh – undosh – unli – undosh (yopiq bo‘g‘in): *plan, krem, prob-lema. Tuzilishi:* CCVC.

5. Bir unli va to‘rt undoshdan iborat bo‘lgan bo‘g‘in: unli – undosh – undosh, undosh – undosh (yopiq, bo‘g‘in): *Ernst. Tuzilishi:* VCCCC; undosh –unli – undosh – undosh – undosh (yopiq bo‘g‘in): *tekst, punkt. Tuzilishi:* CVCCC;

Undosh – undosh – unli – undosh – undosh (yopiq bo‘g‘in): *front, start, trans-port. Tuzilishi:* CCVCC.

Bo‘g‘in va uning tuzilishi boshqa tillarda ham tilimizdag‘i kabi, lekin o‘z navbatida, farqli tomonlar ham mavjud. Masalan, fors tilida ham so‘zlar bir bo‘g‘inli va ko‘p bo‘g‘inli bo‘ladi. Fors tilida ham bo‘g‘in, o‘zbek tilidagi kabi, unlilar yordami bilan hosil bo‘ladi. Har bo‘g‘inda bitta unli bo‘lishi shart. Shuningdek, o‘zbek tilidagidek, ochiq va yopiq bo‘g‘inli bo‘ladi:

Yopiq bo‘g‘inli:	Ochiq bo‘g‘inli:
<i>Roh – yo‘l bog‘ – bog‘</i>	<i>po – oyoq olu – olxo‘ri</i>

Bulardan tashqari, bo‘g‘inlar fors tilida uzun va qisqa bo‘g‘inga bo‘linadi. Agar bo‘g‘in tarkibida cho‘ziq unli bo‘lsa, uzun bo‘g‘in; qisqa unli bo‘lsa, qisqa bo‘g‘in deyiladi:

Uzun bo‘g‘inli:	Qisqa bo‘g‘inli:
<i>ob – suv osheq – oshiq</i>	<i>lab – lab ashk – ko‘z yoshi</i>

Arab tilida esa har bir bo‘g‘inda unli bilan birga undosh ham bo‘lishi shart. Bo‘g‘inlar undoshlardan boshlanadi. Shuni aytish kerakki. arəb fonologiyasidagi bo‘g‘in tushunchasi o‘zbek tilida-

gidan bir muncha farq qiladi. Chunonchi, o'zbek tilidagi qoidaga asosan, bo'g'in yasash uchun birligina unli kifoya.

Arab tilida bo'g' inlarning uch turi mavjud: qisqa, cho'ziq, o'ta cho'ziq.

1. Qisqa bo'g'in tuzilishi : -ka-ta-ha, -da-ra-sa.

2. Cho'ziq bo'g'in tuzilishi :

a) yopiq:	-dar-sun,	-bay-tun;
b) ochiq:	-ka-la,	-na-ma;

3. O'ta cho'ziq bo'g'in tuzilishi: -dal-lun, -mar-run.

Jumladan, rus tilida ham bo'g'in tuzilishi o'zbek tilidagidan farqlanmaydi va unda ham unli bilan tugagan bo'g' inlar ochiq, undosh bilan tugagan bo'g' inlar yopiq bo'g'in hisoblanadi.

Ochiq bo'g' inli:	Yopiq bo'g' inli.
go-lo-va	chet-verg
go-ra	tok

Shuni alohida aytish joizki, yuqorida tiliga olingan bo'g'in tuzilishi tiplarining hammasi rus tili uchun xos.

Bo'g'in savod o'rgatishda, yozuvda so'zлarni bir satrdan ikkinchi satrga ko'chirishda, adabiyotshunoslikda she'r vaznlarini belgilashda amaliy ahamiyatga ega.

Fonetikaming bo'g'in, uning turlari va tiplarini o'rganuvchi bo'limi **syllabika** (grek. *sillabika* – bo'g' inga teng) deb ataladi. Tilshunoslik va adabiyotshunoslikda *syllabik* yozuv, *syllabik* she'r kabi terminlar ham qo'llanadi.

So'z tarkibidagi bo'g' inlardan yoki gap tarkibidagi bo'laklardan birini boshqalaridan ajratib, alohidalab kuchli talaffuz qilish **urg'u** deyiladi.

Urg'u uch turga bo'linadi:

- a) dinamik urg'u;
- b) musiqiy urg'u;
- c) kvantitativ urg'u.

Tovush kuchining o'zgarishiga asoslangan urg'u **dinamik urg'u** deyiladi. Dinamik urg'u tushgan bo'g'in boshqa bo'g' inlarga

nisbatan kuchli talaffuz qilinadi. *Rus, ukrain, polyak, nemis, fransuz, lot, ispan, fors* tillaridagi urg' u dinamikdir.

Musiqaviy urg' uda ovoz tonining ko'tarilishi yoki pasayishi kuzatiladi. Bu urg' u xitoy, vietnam tillarida uchraydi. Uni **tonik urg'u** deb ham atashadi.

Tillar erkin va turg' un urg' uli bo'lishi ham mumkin. Masalan, o'zbek, fransuz, polyak tillari **turg'un urg'uli** bo'lsa, rus, ingliz, nemis tillari **erkin urg'uli** sanaladi.

Urg' u qanday birliklarda bo'lishiga ko'ra ikki turli bo'ladi:

- 1) so'z urg'usi;
- 2) ma'no urg'usi.

So'zdagi bo'g' inlardan birini alohidalab, kuchliroq talaffuz qilish **so'z urg'usi** deyiladi. Masalan, *paxtakor, ishchi, suvchi* kabi.

So'z urg' usi **leksik urg'u** deb ham yuritiladi.

Hozirgi o'zbek tilida so'z urg' usi quyidagi xususiyatlarga ega:

1. Urg' u asosan so'zning oxirgi bo'g' iniga tushadi: *suvchi, g'allazor, aqli* kabi.

2. So'zga qo'shimcha qo'shilish bilan urg' u so'zning oxirgi bo'g' iniga ko'chib boradi: *ishchi - ishchilar, paxtakor - paxtakorlar, ishchilarimiz - ishchilarimizga, paxtakorlarimiz - paxtakorlarimizga* kabi.

3. O'zbek tiliga arab, fors-tojik, rus va boshqa xorijiy tillardan o'zlashgan so'zlarda so'z urg' usi birinchi va o'rta bo'g' inlarga ham tushishi mumkin: *hamma, hatto, amino, zero, traktor* kabi.

4. Urg' u so'z ma'nosini farqlashga xizmat qiladi: *qo'llar (ot) - qo'llar (fe'l), olma (ot) - olma (fe'l), yigitcha (ot) - yigitcha (ravish)* kabi.

5. O'zbek tilida quyidagi qo'shimcha va vositalar so'z urg' usini olmaydi:

a) fe'llardagi shaxs-son qo'shimchalari: *-man, -san, -dir, -miz, -siz: yozaman, o'qyman, yozamiz, yozasiz kabi;*

b) dona va chama son shaklini yasovchi qo'shimchalar: *ikkov, minglab, o'mtacha kabi;*

d) ravish yasovchi qo'shimchalar: *-cha, -day, -dek: yigitcha, oydek, gulday kabi.*

e) fe'lning bo'lishsizlik shaklini yasovchi *-ma* qo'shimchasi: *borma, yozma, o'qima kabi;*

f) yuklamalar: -u,-yu,-ku,-mi,-chi,-oq,-yoq: sen-chi, bor-mi, bor-ku kabi.

Masalan, *gapirmasinmi* so'zida fe'lning bo'lishsizlik shakli -ma, shaxs-son qo'shimchasi -sin, -mi yuklamasi urg'u olmasligi bois urg'u ikkinchi bo'g'inga; osmon uzra qo'shilmasida esa uzra ko'makchisi urg'u olmasligi bois osmon so'zining oxirgi bo'g'iniga tushadi.

Gapdag'i bo'laklardan birining ma'nosini ta'kidlash maqsadida kuchliroq ohang bilan aytilishi ma'no urg'usi deyiladi. Ma'no urg'usi **gap urg'usi, mantiqiy (logik)** urg'u, frazaviy urg'u deb ham ataladi.

Ma'no urg'usi olgan bo'lak gapda ko'pincha kesimdan oldin keladi: *Men Sizni ko'rgani boraman. Sizni ko'rgani men boraman.*

Urg'uning tabiatini, tur va tiplarini hamda vazifasini fonetikaning **aksentologiya** (lot. *accentus* – urg'u; *logos* – ta'limot) bo'limi o'rghanadi.

Nazorat uchun savollar:

1. Segmentatsiya nima?
2. Nutqning fonetik bo'linishi deganda nimani tushunasiz?
3. Nutq qanday fonetik birliklarga bo'linadi?
4. Fraza nima?
5. Takt deb nimaga aytildi?
6. Bo'g'in qanday ta'riflanadi?
7. Bo'g'inning qanday tur va tiplari bor?
8. Bo'g'in boshqa tillarda qanday ko'rinishga ega?
9. Sillabika bo'limi qanday masalalarni o'rghanadi?
10. Bo'g'in qanday amaliy ahamiyatga ega?
11. Urg'u deb nimaga aytildi?
12. O'zbek tilidagi urg'u qanday xususiyatlarga ega?
13. Urg'uning qanday turlari bor?

Fonetik hodisalar

1. Fonetik hodisa tushunchasi.
2. Tovushlarning nutqdagi pozitsion o'zgarishlari. Reduksiya.
3. Nutqdagi tovushlarning kombinator o'zgarishlari.

4. Akkomodatsiya.
5. Assimilyatsiya.
6. Fonetik o'zgarishlarning boshqa turlari.
7. Tovushlarning almashinuvi.

Tayanch so'z va iboralar: *fonetik hodisa, pozitsion o'zgarishlar, reduksiya, kombinator o'zgarishlar, akkomodatsiya, assimilyatsiya, dissimilyatsiya, gaplogiya, singarmonizm, metoteza, diereza, epenteza, proteza.*

Nutqdagi turli omillar natijasida tovushlar bir-biriga ta'sir qiladi. Bunday omillardan biri tovushning o'rni, unga qo'shni tovushlar ta'siri, tovushlarning birikuvi va urg'uning tabiatiga bog'liq.

Talaffuzda yengillik va soddalikka intilish, nutq tovushlarining o'zaro ta'siri natijasida yuzaga keladigan o'zgarishlar **fonetik hodisalar** deyiladi. Ayrim adabiyotlarda fonetik hodisalar termini o'rnida **fonetik o'zgarishlar, tovush o'zgarishlari** kabi terminlar ham qo'llanadi, biroq bunga qo'shilib bo'lmaydi, tovush o'zgarishi fonetik hodisalarining bir turi hisoblanadi. Shu bois biz **fonetik hodisalar** terminini qo'lladik.

Fonetik hodisalarining quyidagi turlari mavjud:

- 1) tovush orttirilishi;
- 2) tovush tushishi;
- 3) tovush almashishi;
- 4) tovush o'zgarishi.

Tilshunoslikda bu hodisalar ilmiy terminlar bilan ataladi.

Bir gapda bir necha fonetik hodisalar kuzatiladi: *Og'zaki nuqi yaxshi bo'lgani uchun davraga boshlovchilik qilish unga topshirildi.* Gapdag'i so'zlar tarkibida 3 ta fonetik hodisa: tovush almashishi (*boshla + vchilik - boshlovchilik*), tovush tushishi (*og'iz + aki - og'zaki*) va tovush orttirilishi (*u + ga - unga*) kuzatiladi.

Tilshunoslikda tovushlarning pozitsion va kombinator o'zgarishlari farqlanadi.

Tovushlarning ma'lum holatda ro'y beruvchi o'zgarishlari **pozitsion o'zgarishlari**dir. *Reduksiya, proteza* hodisalari pozitsion o'zgarishlardir.

Pozitsion o'zgarishlar uch turga ega:

- 1) urg'uga nisbatan urg'uli va urg'usiz unlilar farqlanadi;
- 2) bo'g'in va uning tabiatiga ko'ra ochiq va yopiq hamda berkitilmagan va berkitilmagan bo'g'inlar farqlanadi;
- 3) so'zdagi o'rniغا ko'ra so'z boshi, o'ttasi va oxiridagi tovushlar hamda uning birikmalari farqlanadi

Unli tovushlarning urg'usiz bo'g'inlarida kuchsizlanishi yoki o'zgarishi **reduksiya** deyiladi. Odatda sifat va miqdor reduksiyasi farqlanadi. Urg'usiz yopiq bo'g'lnarda unlilar cho'ziqligining qisqarishi va kuchli artikulyatsiya qilinishining yo'qolishiga **miqdor reduksiyasi** deb ataladi. Masalan, *sanash* so'zining boshidagi urg'usiz (*a*) oxiridagi (*a*) ga qaraganda ancha kuchsiz va qisqaroq talaffuz etiladi.

Tovushlarning urg'uga nisbatan o'rniغا ko'ra ikki xil pozitsiya farqlanadi: urg'uli bo'g'indagi holati **kuchli pozitsiya** deb, urg'usiz bo'g'indagi holati **kuchsiz pozitsiya** deb ataladi. Kuchli pozitsiyada unlilar o'z artikulyatsion-akustik xususiyatlarini saqlab qoladi. Kuchsiz pozitsiyada unlilar miqdor va sifat belgilarini yo'qtadi, ya'ni reduksiyaga uchraydi.

Yuqorida ko'rsatilgan miqdor reduksiyasidan tashqari sifat reduksiyasi ham bor. Sifat reduksiyasida bir yo'la tovushning artikulyatsiyasi kuchsizlashadi va tovushning sifati o'zgaradi. Masalan, rus tilidagi *voda*, *vodo*, *vodyanoy*, *vodovoz* so'zlaridagi urg'usiz unlilar (*o,a*) tovushlari doirasida o'zgaradi. O'zbek tilida bunday xususiyat yetarli darajada ko'zga tashlanmaydi. Reduksiyaga uchragan tovushlar urg'uli tovushlarga qaraganda aniq bo'limgan kuchsiz va qisqaroq talaffuzga ega.

Reduksiyaning darajasi faqat tovushning holatiga emas, balki talaffuz usuliga ham bog'liq. Odatda to'liq talaffuz usulida reduksiya minimal darajada bo'lib, og'zaki nutq usulida esa, u maksimal darajada ro'y beradi. Undan tashqari reduksiyaning darajasi unlilarning tilning ko'tarilishiga ko'ra belgilariga (yuqori, o'rta, quyi) ham bog'liq.

Undosh tovushlar ham pozitsion o'zgarishlarga uchrashi mumkin. O'zbek tilida so'z oxiridagi jarangli undoshlar jarangsizlashishi bunga misol bo'la oladi: *kitob* – *kitop*, *qand* – *qani* kabi. Ba'zan ko'p bo'g'lini so'zlarda so'z oxiridagi jarangsiz undoshlar jarangli

bo'lib talaffuz etiladi: *bilak* – *bilagi*, *kurak* – *kuragi*, *tilak* – *tilagi* kabi.

Epiteza (yun. *epi* – keyin + *thesis* – holat) ma'lum fonetik sabablarga ko'ra so'z oxirida tovush orttirilishi: *disk* – *diska*, *tank* – *tanka*, *kiosk* – *kioska*, *bank* – *banka* kabi. Ayrim manbalarda epiteza **austeza** deb ham ataladi.

Prokopa (ankopa) (yun *prokope* – oldindan qisqarish) so'z boshida ba'zan unli yoki undosh tovushning tushib qolish hodisasi: *yig'ach* – *ig'ach*, *yiroq iroq*, *yuz* – *uz*, *hilyira* – *ilvir*, *hid* – *id* kabi.

Sinkopa (yun *synkope* – oradan qisqarish) so'z o'rtasidagi tovush yoki tovushlar guruhining tushishi: *arslon* – *aslön*, *olmish* – *otnish*, *birlan* – *bilan* kabi.

Apakopa (yun. *apokope* – qisqartirish) hodisasi so'z oxiridagi tovush yoki qo'shma so'z qismlaridan birining tushirilishi: *to'ri* – *to'r*, *daraxt* – *darax*, *Samaryand* – *Samarqan* kabi.

Qo'shma so'z qismlarining tushurib qoldirilishi asosan rus tilidan o'zlashgan so'zlar tarkibida kuzatiladi: *kilogramm* – *kilo*, *metropoliten* – *metro* kabi.

Sinerezis – so'z o'rtasida yonma-yon kelgan ikki unlining biri kuchsizlanib, nutqda tushib qolishi va ikkinchi unlining cho'ziqroq talaffuz qilinishiga: *saodat* – *so:dat*, *mathaa* – *matha:*, *maorif* – *mo:rif* kabi.

Sinerezis ba'zan ikki unli orasidagi undoshning tushib qolishi hisobiga yuz berishi ham mumkin: *zahar* – *za:r*, *shahar* – *sha:r* kabi. Bu hodisa, asosan, o'zlashma so'zlar tarkibida kuzatiladi.

Nutqda tovushlarning qo'shni tovushlar ta'sirida miqdor va sifat belgilarining o'zgarishi **kombinator o'zgarishlar** deyiladi. Nutqda tovushlarning kombinator o'zgarishlariga *akkomodatsiya*, *assimiliyatsiya*, *dissimiliyatsiya*, *diereza*, *epenteza*, *gaplogiya*, *proteza*, *metateza* kabi fonetik hodisalar kiradi. Ba'zan bu hodisalarни o'rganuvchi bo'lim **kombinator fonetika** deb ham yuritiladi.

Akkomodatsiya, assimiliyatsiya, dissimiliyatsiya, diereza, epenteza, gaplogiya, proteza, metateza kombinator o'zgarishlar hisoblanadi.

So'zdagi yondosh tovushlar artikulatsiyasining o'zaro moslashivi **akkomodatsiya** (lot *accommadatio* – moslashuv) keng tarqalgan fonetik hodisalardan biri bo'lib, talaffuz iqtisodi bilan

uzviy bog'liqdir. Masalan, *qafas* so'zida *q* chuqur til orqa undosh tovushidan keyin til oldi *a* unli tovushining til orqa unlisi kabi talaffuz qilinishi.

Keyingi tovushning ekskursiyasi o'zidan oldin kelgan tovushning rekursiyasiga moslashsa, **progressiv akkomodatsiya** deyiladi. Aksincha, agar oldingi tovushning rekursiyasi keyingi tovushning ekskursiyasiga moslashsa, **regressiv akkomodatsiya** deyiladi. Akkomodatsiyada unlilarning undoshlarga va undoshlarning unlilarga moslashuvi ro'y berishi mumkin. O'zbek tilida chuqur til orqa undoshlardan (*x,g,j*) til oldi undoshlari, til oldi unlilari (*i,e,a*) til orqa unlilari bo'lib talaffuz etiladi, ya'ni ularning talaffuzi moslashadi. Aksincha, til orqa unlilari (*o'*, *u*, *o*) til oldi undoshlaridan keyin til oldi unlilari bo'lib artikulyatsiya qilinadi. O'zbek tilidagi bu xususiyat akkomodatsiyaga misol bo'la oladi. Unli tovushlar burun undoshlaridan oldin **nazalizatsiya** qilinishi regressiv akkomodatsiyaga misoldir: *qon, tong, tom* kabi *Non, nom, ming* so'zlarida bir yo'la progressiv va regressiv akkomodatsiya kuzatiladi, chunki ikki burun undoshi orasidagi unli nazalizatsiya qilinadi.

O'zbek tilidagi *qurt, bolta, qatra, mingta, kamchil* so'zlaridagi undosh birikmalarining har ikki elementi bir-biriga ta'sir qilib jarangsiz undoshlar sonorlarni qisman jarangsizlashtiradi va o'z navbatida, sonorlar ham jarangsiz undoshiarda ovoz tonini kuchaytirib shovqinni pasaytiradi. Bu hodisa o'zaro akkomodatsiyaga misol bo'ladi.

Akkomodatsiya tovushlarning hosil bo'lish o'rni va usuli, labning holat va tovush psychalarining tebranishi va yaxshi tebranmasligiga ko'ra moslashuv orqali amalga oshiriladi. Nutqdagi barcha tovushlar bir-biri bilan artikulyatsiya fazalari orqali bog'lanadi va bu artikulyatsiya tuzilishini tashkil etadi. Tovushlar o'rtasidagi bog'lanishning artikulyatsiya tuzilishini chuqur o'rganish yordamida fonetik hodisalar oydinlashadi.

Assimilyatsiya (yun. *assimilatio* – o'xshab ketish) – so'z tarkibidagi tovushlarning o'zaro ta'siri natijasida birini ikkinchisiga o'xhashlik tomon o'zgarishi Masalan, *ishni* – *ishshi*, *ochai* – *ochti*, *otdan* – *ottan*, *otni* – *otti*, *bizni* – *bizzi*, *ketdi* – *ketti* kabi.

Assimilyatsiya hodisasi yo'nalishiga qarab ikki xil bo'ladi.

1) progressiv assimilyatsiya – oldingi tovushning keyingi tovushni o'ziga moslashtirishi: *ketdi - ketti, ekgan - ekkan* kabi.

2) regressiv assimilyatsiya – keyingi tovushning oldingi tovushni o'ziga moslashtirishi: *taqsimot (taxsimot), ulug'sifat (uluxsifat), o'taketgan (o'taketkan), o'qchi (o'xchi), tanbur (tambur)* so'zlarida regressiv assimilyatsiya kuzatiladi.

Shuningdek, *surnay (sunnay), karnay (kannay), tipirlatmoq (tipillatmoq), mahkam (makkam)* (Toshkent shevasida) kabilar to'la regressiv kontakt assimilyatsiyaga misoldir.

Tovushning o'zgarish darajasiga ko'ra assimilyatsiya yana ikki turga bo'linadi:

1) to'liq assimilyatsiya – kuchli va kuchsiz pozitsiyadagi tovushlarning bir-biriga aynan moslashuvi: *kissa - kista* kabi.

2) to'liqsiz assimilyatsiya – kuchli va kuchsiz pozitsiyadagi tovushlarning bir-biriga qisman moslashuvi: *tanbur - tambur, shamba - shamba* kabi.

Dissimilyatsiya (lot. *dissimilatio* noo'xhash) so'zdagi bir xil yoki o'xhash tovushlardan birining artikulyatsion-akustik jihatdan boshqa bir tovush tomon o'zgarishi. Masalan, *zarur - zarul, zarar - zaral, damba - danba, musulmon - misurmon, ambar - anbar* kabi.

Tovushning o'zgarish darajasiga ko'ra dissimilyatsiya yana ikki turga bo'linadi:

1) to'liq dissimilyatsiya – ikkita bir xil tovushdan birini noo'xhash tovushga aylanishi: *kissa - kista* kabi.

2) to'liqsiz dissimilyatsiya – so'z tarkibidagi tovushning artikulatsion xususiyatlaridan ayrimlarini o'zgarishi: *uchta - ushta* kabi.

Diereza So'z tarkibidagi undosh tovushlarning tushib qolishi. Masalan, *go'shi - go'sh, do'st - do's, sus - sus, to'rt - to'r* kabi.

Epenteza (yun. *epenthesis* – kiritish) so'z o'rtasida tovush orttirilishi.

Ikki undosh qator kelganda, ular orasida *i, u, a* unliси orttiriladi: *ilm - ihm, sinif - sinif, fikr - fakir, hukm - hukum* kabi.

So'zning boshlang'ich qismiga tovushlarni qo'shib aytilsa, **proteza** deyiladi. Turkiy tillarda, xususan o'zbek tilida (og'zaki nutqda) rus tilidan kirgan so'z boshida kelgan undosh tovushlar

birikmasi oldidan *i*, *u* unllarini qo'shib aytish protezaga misoldir: *stantsiya*, (*istansa*, *istansiya*), *stol* (*ustol*), *stul* (*ustul*), *spravka* (*isparapka*) kabi.

Arabcha o'zlashmalar tarkibida ikki unli orasida bir undoshning orttirilishi ko'proq kuzatiladi: *oila* - *oyila*, *foiz* - *foyiz*, *Saida* - *Sayida*, *soat* - *sog'at* kabi.

Gaplologiya (yun. *gaplos* – oddiy, *logos* – tushuncha, ta'limot) yasama so'zda bir xil yoki o'xhash bo'g' inlardan birining tushirib qoldirilishi: *mineralogiya* – *mineralologiya*, *morfologiya* – *morfologiya*, *sarig* ‘*yog*’ – *sariyog*’ kabi.

Proteza (yun. *prothesis* – oldida turuvchi) so'z boshida tovush orttirilishi. Turkiy tillarda, xususan o'zbek tilida (og'zaki nutqda) *r*, *n*, *l* tovushlar birikmasi oldidan *i*, *u*, *o'* unllari orttiriladi: *rus* – *o'ris*, *rizq* – *iris*, *nor* – *anor*, *loy* – *iloy* kabi.

O'zlashma so'z boshida sirg'aluvchi va portlovchi undosh qator kelganda undan avval unli orttiriladi: *stantsiya* – *istansa*, *istansiya*, *stol* – *ustol*, *shkaf* – *ishkaf*, *shtraf* – *ishtraf* kabi.

Metateza (grek. *metathesis* – o'rin almashtirish) nutq jaryonida so'zdagi tovushlarning o'rin almashinushi. Masalan, *taproq* > *turpoq*, *musqa* > *mixsa*, *to'g'ramoq* > *to'rg'amoq*, *qirg'iy* > *qiyg'ir*, *kunjut* > *kunduch* kabi.

Metotezaning 2 xil ko'rinishi mavjud:

1) **kontakt (yondosh) metateza** – yonma-yon kelgan tovushlarning o'rin almashinushi: *daryo* – *dayro*, *o'rgat* – *o'grat*, *surpa* – *supra* kabi;

2) **distant (oraliq) metateza** – bir-biridan uzoqroqda joylashgan tovushlarning o'rin almashinushi: *paypoq* – *payqop*, *aylanayin* – *aynalayin* kabi.

Aferezis – oldingi so'zning so'nggi tovushi ta'sirida keyingi so'z boshidagi tovushning tushishi: *ne uchun* – *nechum*, *mulla aka* – *mullaka* kabi.

Eliziya (lot. *elision* – siqmoq, itarib chiqarmoq) unli tovush bilan tugagan so'zga unli bilan boshlangan so'zning qo'shilishi natijasida bir unli tovushning tushish hodisasi: *bora oladi* – *boroladi*, *ko'ra olmoq* – *ko'rolmoq*, *dili orom* – *Dilorom* kabi.

Geminatsiya (qo'sh undoshlilik) – so'z tarkibida ikkita bir xil undoshning qavatlanishi: *rosa* – *rossa*, *toza* – *tozza*, *maza* – *mazza* kabi.

Diereza (yoki tushirib qoldirmoq) hodisasi undosh tovushlarni talaffuzdan tushirib qoldirish bilan izohlanadi: *go'sht* (*go'sh*), *rost* (*ros*), *surtmoq* (*surmoq*), *tandır* (*tanır*) kabi.

Nazorat uchun savollar:

1. Fonetik hodisa deganda nimani tushunasiz?
2. Fonetik hodisalar qanday omillar va sabablarga ko'ra yuzaga keladi?
3. Fonetik hodisalarning qanday turlari bor?
4. Pozitsion o'zgarishlarga qanday hodisalar kiradi?
5. Kombinator o'zgarishlar deganda nimani tushunasiz?
6. Assimilyatsiya nima? Uning qanday turlari bor?
7. Dissimilyatsiya qanday hodisa?
8. Reduksiya qanday hodisa?
9. Metateza nima?
10. Ditreza hodisasini izohlang.
11. Fonetik hodisalarning yana qanday turlari bor?

Grafika. Yozuv va uning turlari

1. Grafika haqida tushuncha.
2. Yozuv va uning turlari.
3. Yozuv birliklari.
4. O'zbek yozushi.
5. Yozuvning maxsus turlari. Transkripsiya.

Tayanch so'z va iboralar: *grafika*, *yozuv*, *yozuv ashyolari*, *piktografika yozuv*, *logografik yozuv*, *ieroglifik yozuv*, *fonografik yozuv*, *alfavit* (*alifbo*), *yozuv birliklari*, *grafemalar*, *harf*, *tinish belgilari*, *stenografiya*, *transkripsiya*, *fonetik transkripsiya*, *fonologik transkripsiya*, *transkriptsion belgilar*, *transliteratsiya*.

Grafika (yun. *grapfike* – yozma) termini tilshunoslikda quyidagi maʼnolarda qoʻllanadi:

1. Nutq tovushlarini yozuvda ifodalash vositalatining muayyan tizimi: *o’zbek grafikasi, rus grafikasi* kabi.

2. Tilshunoslikning alifbodagi harflar tarkibini yozilish shakllarini, harf va tovush munosabatlarni oʼrganuvchi sohasi.

Demak, yozuv, yozuv bilan boʻgʻliq masalalar, yaʼni harflarning yozilish shakllari, turlari, xususiyatlari, soʻzlardagi orʼni va ular ifodalagan tovushlarning xususiyatlari kabi masalalar grafika sohasida oʼrganiladi. Grafika tilshunoslikning fonetika, fonologiya, orfoepiya, orfografiya sohalari bilan hamkorlikda ish olib boradi.

Nutqni qogʼozda aks ettirish uchun xizmat qiladigan harfiy grafik shakllar tizimi va shu tizimga asoslanuvchi aloqa vositasи **yozuv** deyiladi. Yozuv tilning makon (masofa) va zamon (vaqt) jihatdan chegaralanganlik qirralarini toʼldiruvchi ikkilamchi aloqa vositasidir. Yozuv jamiyat tarixi, adabiyot va sanʼat tarixi, til tarixini oʼrganishda muhim manbadir. Yozuv oʼz tarixiga ega. Yozuvning hozirgi koʼrinishlari uzoq izlanishlar va takomillashtirib borishlar mahsulidir.

Insonlar oʼtmishda piktografik, logografik, ieroglifik, fono-grafik, mixsimon yozuv turlaridan foydalanganlar.

Nutq mazmuni jonli va jonsiz narsalarning rasmi, shartli tasvir tarzidagi grafik shakllar asosida ifodalananidan yozuv **piktografik** (lot. *pictus* chizilgan va grek. *grapho* yozaman) yozuv deyiladi. Mazkur yozuv birliklari **pikto-grammalar** deb ataladi.

Yozuvning bu turi mukammal boʼlmay, u rasmlar orasidagi munosabatlarni, ularning tarkibini koʼrsata olmaydi. Shuningdek, bu yozuvda mavhum tushunchalarni aks ettirish imkonи deyarli yoʼq edi. Bu holatlar mazkur yozuvdagи matnni bir necha xil oʼqishga, talqin qilishga olib keladi.

• Piktografik yozuvning mukammallashib borishi natijasida **ideografik** (grek. *idea* nishuncha va *grapheo* yozaman) yozuv paydo boʻlgan. Manbalarda bu yozuv turi **logografik** (grek. *logos* soʼz va *grapheo* yozaman) yozuv deb ham ataladi. Bu yozuvda maʼlum ramzlardan foydalaniлади, ramzlar borliqdagi narsalarni aks ettirib qolmay, tildagi soʼzlarni ham ifodalaydi, tildagi har bir soʼz oʼz ramziga ega boʼladi. Logografik yozuv birliklari **logogram-**

malar deyiladi. Masalan, qadimgi arablar «yuz ning» sonini *itbaliq* shakli orqali ifodalashgan. Xitoyliklar esa «yaxshi» so'zini *ayol kishi, bola* ramzlari orqali ifodalaganlar.

Logografik yozuvning biroz mukammallashgan shakli **ierogliflik yozuv**. Bu yozuya qadimgi Arabistonda keng foydalaniganlar. Hozirgi xitoy yozusini shu tipdagi yozuvdir.

Agar logografik yozuvda ba'zi mavhum tushunchalarni ifodalash qiyin bo'lgan bo'ssa, endi ieroglifik yozuvda bu masala ham uzul-kesil hal bo'ldi. Bu yozuvda alfavit tushunchasi ham paydo bo'la boshiladi.

Yozuvning yuqoridaagi keltirilgan barcha turlari o'qish va o'qitish ishlarini ancha qiyinlashтиради. Yozuvning ommaviyplashтириш учун uni osonlashtириш, soddalashtириш va qulaylashtириш lozim edi. Ana shu hayotiy ehtiyoj va talablar mahsuli sifatida **fonografik yozuv** yaratildi. Nutq tovushlarni ma'lum harflar vositasida ifodalashга asoslangan yozuv **fonografik yozuv** deyiladi. Fonografik yozuv **harf-tovush yozuvi** deb ham ataladi. Bu yozuvning eng mukammal shaklidir. Dunyo ahli keng foydalangan arab, rus kirillitsasi, hind, lot. yozuvlari ham fonografik yozuvlar sirasiga kiradi. O'zbek xalqi o'z tarixida foydalangan arab va lot. yozuvlariga asoslangan yozuvlar ham fonografik yozuvdir.

Harf-tovush yozuvi alfavitni vujudga keltirdi. Harflarning muayyan tartibdagı majmūi **alfavit yoki alfisbo** deyiladi.

Harf' va tinish belgilari fonografik yozuv birliklari hisoblanadi. Ayrim ilmiy manbalarda yozuv birliklari **grafemalar** deb ataladi. Nutq toyushlari (fonemalar)ni yozuvda ifodalash uchun xizmat qiladigan grafik shakl, shartli belgi **harf** deyiladi. Masalan, hozirgi lot. yizuviga asoslangan yangi o'zbek fonografik yozuvida 26 ta harf va 3 ta harfiy birikma bor.

O'rta Osiyoda foydalanilgan fonografik yozuvlar

1	Oromiy yozushi	Miloddan oldingi III-I asrlarda
2	Sug'd yozushi	Eramizning I-VI asrlarida
3	Xorazm yozushi	II-III asrlarda
4	O'rxun-Enasoy yozushi (runik, turk-run, dulbabjin)	V-VIII asrlarda
5	Uvg'ur alifbosi	VI-VII asrlardan XII asrgacha
6	Arab alifbosi	VII-VIII asrlardan 1929-yilgacha
7	Lot. lashtrilgan o'zbek alifbosi	1929-1940-yillarda
8	Rus-kirill yezuvidagi o'zbek alifbosi	1940-yildan to hozirgacha
9	Lot. yozushi asosidagi o'zbek alifbosi	1996-yil sentyabridan

Yuqorida tilga olingan yozuvlardan tashqari hozirgi vaqtida maxsus yozuvlardan ham keng foydalaniladi. Stenografiya va transkripsiya yozuvning ana shunday maxsus turiga kiradi.

Tildan keyingi ikkilainchi aloqa vositasi yozuvning taraqqiyoti va takomilida yozuv ashyolari ham muhim ahamiyatga ega. Yozuv taraqqiyoti bilan bog'liq tarzda ular ham takomillashib, mukammal-lashib borgan.

Dastlab osuriyaliklar yozuv materiali sifatida sopol taxtachalardan foydalanganlar. Yahudiylar esa qo'rg'oshin plastinkalarga yozganlar. Rim imperatorligida mis va asl metallar – kumush, oltin ishlatilgan. Keyinchalik yozuv ashyolari olinadigan eng qulay manba o'simliklar dunyosi bo'lib qolgan. Garb xalqiarining ko'pchiligi yozish uchun daraxt po'stlog'i va taxtachalardan foydalanganlar. Rimliklar birinchi bo'lib taxtachalarga yoza boshlaganlar. Ular qoraqayin, gipsdan kitob shaklida taxtachalar tayyorlab, sirtiga mum surtganlar va yozuv materiali sifatida ishlatganlar. Sharq mamlakatlarda taxtachalar o'tmiga palma bargi qo'llangan. Shuningdek, surp va shohilarga ham yozganlar. Qadimgi arablar esa suyakka, ayniqsa fil suyagiga xat bitganlar. Misrliklar yozuv uchun

papirusni ixtiro qilishgan. Ular papirusdan qayiq yasashgan, bo'yra va ip to'qishgan, poyabzal tikishgan. Papirusning eng yaxshi poyaclaridangina qog'oz tayyorlangan. Papirusdan qog'oz tayyorlash usuli qat'iy sir saqlangan. O'sha paytlarda papirus savdoda zig'irdan kevin ikkinchi o'rinda turgan.

Papirus so'zi asli yunoncha (papuros) bo'lib, *qog'oz* degan ma'noni anglatadi. Papirus so'zi o'zbek tilida quyidagi ma'nolarda qo'llanadi:

1) tropik va subtropik mamlakatlarda o'sadigan qamishsimon ko'p yillik o'simlik;

2) qadimgi misrliklar va boshqa xalqlar tomonidan shu o'simlik poyasi tilimlarini yelmlab yopishtirib, o'rana shaklida tayyorlangan, qog'oz o'mida feydalanilgan material;

3) shunday materialga yozilgan qadimgi matn.

Shuningdek, tilimizda papirus so'zi asosida yuzaga kelgan *chekish uchun ichiga tamaki tilig'an qog'oz naycha ma'nosidagi papiros* so'zi ham mavjud bo'lib, se'z yunon tilidan lot. tiliga, undan nemis tiliga va rus tili vositasida o'zbek tiliga o'zlashgan.

Yunon tarixchisi Gerodot, Pliniy Starshiy qo'lyozmalarida qog'oz o'simlikning mag'zidan tayyorlanishi aytilgan. Unda yozilishicha, oq po'stloqdan mag'izni ajratib olib, uzoq vaqt ivitilgan. So'ngra uni zig'ir tolasidan te'qilgan gazlama ustiga tik va yonbosh qilib taxlangan, ustidan silliq g'o'lacha yurgizib, og'ir narsa ostiga bostirib qo'yilgan. Ma'lum bo'lishicha, qadimgi misrliklar papirus tayyorlashda o'simlik poyasidan foydalanishar ekan. Oktyabr-dekabr oylarida kesib olingan o'simlik poyasida yopishqoq shira bo'lib, bosum ostida u qatlamlarni bir-biriga yelmlar ekan. Yopishqoq shira o'simlikda faqat oktyabr-dekabr oylaridagina yaxshi to'planar ekan.

Misrliklar tayyorlangan papirus qog'ozga siyoh bilan yozishni ham kashf etganlar Hozirgi kunda Berlin muzevida miloddan bir qancha asr ilgari Misr podsholarining o'n sakkizinch xonardoniga qarashli fir'avvning papirusga yozilgan tarjimai holi saqlanmoqda.

Papirus mo'rligi sababli tez sinavergan, yozuvni o'qishda katta noqulaylik tug'dirgan. Keyinchalik papirusning o'miga pergament yuzaga kelgan. Pergamenti undan ko'ra qulayroq va chidamliroq

bo'lgan. Uning hamma tomoniga yozish va buklab qo'yish mumkin bo'lgan.

Pergament so'zi yunoncha, Kichik Osiyoda ayni shu material keng qo'llangan shahar – Pergam nomidan olingen bo'lib, quyidagi ma'nolarni anglatadi:

1) qog'oz ixtiro qilingunga qadar maxsus yo'l bilan tayyorlangan va qog'oz o'mida ishlatalgan hayvon terisi; teri qog'oz;

2) shunday teriga yozilgan qadimgi qo'lyozma;

3) suv va moy o'tkazmaydigan pishiq yupqa shaffof qog'oz.
(ЎТИЛ. – Тошкент: Ўзбекистон миллый енциклопедияси, 2007.
– З-ж. – Б. 247.)

Pergament qo'y, echki, quyon kabi hayvonlar terisidan ishlaniib, yozadigan holatga kelgach, bozorga chiqarilgan. Ayrim manbalarda ko'rsatilishicha, pergament buzoq terisidan tayyorlangan. Pergamentga yozilgan xat uzoq saqlanuvchanligi, chidamliligi tufayli juda qimmat babolangan. Arabiar Qur'on va dingga oid kitoblarni, xristianlar esa o'z Injillarini pergamentga yozdirganlar. X asrning oxirlarida xitoyliklar paxtadan ishlangan qog'ozni Yevropaga keltirib, uni grek pergamenti deb e'lon qilganlar.

Birinchi qog'ozni konfutsiychi-olim, ko'zga ko'rning davlat amalderi Say Lun eramizning 2-asrida 105-yilda ixtiro qilgan. U o'simlik tolalarining suvli bo'tqasini to'rdan o'tkazib, qog'oz olishga muyassar bo'lgan. Xitoy tilida qog'ozni «chji» deb atashgan. Qog'ozni avvailari ipak chiqindisidan, losdan, bambuk va tut po'stlog'idan tayyorlashgan. Chji papirusdan yengil va pishiq bo'lgan. Uni daftardek buklash mumkin bo'lgan.

Paxtadan qog'oz yasash usuli keng avj olib, batto kanop, zig'ir keyinchalik turli xil polotnolardan ishlana boshlagan. Eramizning II asridan qog'oz dunyodagi hamma mamlakatlarga tarqala boshlagan va XIV asrda pergament butunlay iste'moldan siqib chiqarilgan. Uning o'rmini XII asrdan boshlab keng ko'lamda paper qog'ozi egallagan. Ipakdan qog'oz yasash usulini xitoyliklar o'zlashtirgan bo'lsalar, turklar bu jarayonni takomillashtirib, paxtadan isplashni kashf etganlar. Bu usul keyinchalik arab va ispanlarga, undan keyin butun Yevropaga keng tarqalgan.

Qrim, Kavkaz va O'rta Osiyoda tudoshlar oilasiga mansub **qog'ozdaraxt**, qog'oztut ham o'stiriladi. Qog'oztut asosan qog'oz

tayyorlashda ishlataladi. Uning po'stlog'idan a'lo sifatli qog'oz (qog'oz pullar va qimmatbaho qog'ozlar) ishlab chiqariladi.

Qog'oz kashf etilgandan so'ng yozuv quroli ham takomillashib bordi. Ularning shakli ham qaysi materialga ishlatalishiga qapab o'zgardi. Qattiq, cho'ziluvchan materiallarga po'lat igna, toshga esa temirdan yasalgan asbob, taxtaga temirdan yoki suyakdan ishlangan bir uchi o'tkir, qirrali, ikkinchi tomoni yassilangan yozuv quroli ishlatilgan. Papirus bilan pergamentga esa qamish yoki qo'g'an tarashlab yozishgan.

Rimda kundalik yozuylar uchun yuziga mum surtilgan taxtachalar ishlatilgan. Mum qatlamiga o'tkir uchli cho'p – stil bilan yozilgan. Yozuv o'z vazifasini bajarib bo'lgach, stilning to'mtoq uchi bilan mum qatlami tekislangan va zarur paytda unga yana yozilgan

XIV asrga kelib peroda yoza boshlangan. A. Rustamov ta'kidlaganidek, rus tilida pero so'zi uchi o'tkirlashtirilgan qush patlariga nisbatan ham qo'llangan Aniqrog'i, Yevropada pero yasalgunga qadar oqqush yoki g'oz patidan foydalanganlar. O'zbek tilida pero so'zi faqat temirdan tayyorlangan yozuv quroliga nisbatan qo'llanadi.

Peroni **po'lat qalam** deb ham ataydilar. Po'lat pero birinchi marta 1780-yili Angliyada paydo bo'ldi, ammo u qirq yillardan keyin ommalashdi. XV asrga kelib hozirgi yozuv quroli – **qalam** kashf etildi.

Grafitdan, ya'ni to'q kulrang yoki qora tusli mineraldan yasalgan qalam **grafit** yoki **grifel** deb ataladi. Demak, grafit – tosh qalam.

Birinchi avtoruchka 1880-yili Amerikada kashf etilgan, sharikli ruchka esa XX asr ixtirosi.

Siyoh ham bir necha bor sifati va tarkibiga qarab turlanib kelgan. Rimliklar qurum, yelim va suv aralashmasidan ishlangan to'q jigarrang bo'yodidan foydalanganlar. Xitoyliklar mo'yqalam bilan suyultirilgan tushda yozishgan.

Ko'rindikli, buyumli, belgili, rasmi yozuv turlari hayotiy ehtiyojlar asosida mukammalashib, hozirda faol iste'molda bo'lgan harf-tovush (fonografik) yozushi yaratulgunga qadar bo'lgan davr oralig'ida yozuv ashyolari ham takomillashib borgan. Yozuv ash-

yolari takomili va taraqqiyoti yozuv tasviriy san'at bilan bog'liq holda, uning bag'rida paydo bo'lganligini yana bir bora tasdiqlaydi.

Til ikki shaklga ega: og'zaki va yozma nutq shakli. Tovushlar og'zaki nutqda, harflar esa yozma nutqda ishlataladi. Yozma nutq shakli ma'lum tilning alfaviti, grafika va orfografiyasidagi tartib va qoidalarni o'z ichiga oladi. Og'zaki nutq shakli esa, maxsus belgilarni yordamida yozib olinadi. Ma'lum til yoki shevadagi tovushlar talaffuzini maxsus belgilarni yordamida yozib olish transkripsiya deyiladi. Transkripsiya til yoki shevaning talaffuzini ilmiy tadqiq qilishga va chet tillarining talaffuziga o'rgatishda katta ahamiyatga egadir. Transkripsiya ma'lum prinsip yordamida tuziladi. Shu sababli bir tilda bir necha turli transkriptsiya turlari ishlataladi.

Nazorat uchun savollar:

1. Grafika sohasi qanday masalalarni o'rghanadi?
2. Yozuv deb nimaga aytildi?
3. O'tmishda yozuvning qanday turlari mavjud bo'lgan?
4. Fonografik yozuv qanday yozuv?
5. Fonografik yozuv qanday birliklarga asoslanadi?
6. Harf deb nimaga aytildi?
7. Tinish belgilari deb-chi?
8. Stenografiya nima? Transkriptsiya nima? U qanday ahamiyatga ega?
9. Fonetik transkripsiya deganda nimani tushunasiz? Fonologik transkriptsiyanı izohlang.

Orfoepiya va orfografiya

1. Orfoepiya sohasi.
2. Orfoepik me'yori.
3. Orfografiya.
4. Imlo tamoyillari.
5. O'zbek imlosi.

Tayanch so'z va iboralar: imlo, imlo qoidalari, imlo tamoyillari, fonetik tamoyil, morfologik tamoyil, tarixiy-an'anaviy tamoyil,

shakliy (grafik-etimologik) *tamoyil*, *farqlash* (differensiyalash) *tamoyili*.

Har bir adabiy til unda gapiruvchi barcha kishilar tomonidan ongli ravishda qabul qilingan talaffuz me'yoriga egadir. Tilning talaffuzi og'zaki nutq shakliga, imlo esa yozma nutq shakliga xos bo'lib. ular bir-biriga doim to'g'ri kelavermaydi. Orfoepiya (grekcha *orthos* – to'g'ri va *epos* – nutq) ma'lum tilningg to'g'ri talaffuz me'yor va qoidalari hisoblanib, unda so'zlovchilarining barchasi uchun tushunarli me'yor qabul qilngan bo'ladi. Orfoepiyaning asosini tilning fonetik tizimi, ya'ni undagi tovushlar, bo'g'in, urg'u, intonatsiya tashkil etadi. To'g'ri talaffuz etishni odatda tilning orfoepik me'yori deb yuritiladi. Albatta orfoepik me'yordan chetga chiqish hollari ham mavjud. Chunonchi, shevalar talaffuzi, vulgar yoki buzib talaffuz qilish kabilar. Odatda ba'zi tayanch shevalar talaffuzi adabiy til talaffuz me'yoriga yaqin turadi. Masalan, rus adabiy tilining talaffuziga Moskva va Peterburg talaffuzi asos qilib olingan. O'zbek adabiy tilining talaffuziga Toshkent va Farg'ona vodiysi shevalarining talaffuzi asos qilib olingan. Har bir til o'zining ma'lum davrdagi orfoepik me'yoriga ega bo'lib, davrlar o'tishi bilan undagi fonetik va boshqa o'zgarishlar natijasida uning orfoepik me'yori ham o'zgarishi mumkin. Fonetika va fonologiyadagi nazariy tamoyillarga asoslanib, orfoepiya tilning talaffuz me'yorlarini amaliy jihatdan qanday bo'lishini belgilab beradi. Ba'zan chet tilidan ona tiliga kirgan so'zlarning talaffuzi ham shu qabul qilgan tilning orfoepik me'yoriga moslashtirib talaffuz etiladi. (masalan, vokzal, rel's, miniatyura, jyuri kabi) haqiqiy turkiy so'zlarda urg'u asosan so'zning oxirgi bo'g'iniga tushadi. Biroq rus tili va u orqali chet tillardan kirgan so'zlarda urg'u har xil bo'g'inlarda bo'lishi mumkin. Bu esa o'zbek tilining orfoepik me'yorida urg'uning ko'chma, ya'ni so'zlarning har xil bo'g'inlariga tushish tartibini keltirib chiqardi (Masalan, fizik, Vashington, London kabi). Qo'shma so'zlarning har bir qismi o'zining alohida urg'usi bilan talaffuz etiladi: *taomnoma*, *gultojixo'roz* kabi.

Orfoepik me'yor og'zaki so'zlashuv nutqida va rasmiy nutqda ba'zi o'zgarishlarga uchraydi, Orfoepiya teatr, kino, radio, televi-

deniya va notiqlik san'ati va nutq madaniyatidagi barcha talaffuz xususiyatlarining yig'indisini adabiy me'yorga solib turuvchi mezon hisoblanadi.

Orfografiya (grek. *orthos* – to'g'ri + *grapho* – yozaman) – tilshunoslikning mustaqil sohalaridan biri. Orfografiya termini o'mida **imlo** termini ham qo'llanadi: *o'zbek orfografiyası – o'zbek imlosi, orfografiya qoidalari – imlo qoidalari* kabi.

Imlo (arabcha) – to'g'ri, xatosiz ma'lum qonun-qoidalarga muvofiq yozish.

Orfografiya adabiy tilning yozma shakli uchun xos.

Orfografiya bo'limi quyidagi masalalarni o'rganadi:

- 1) unli va undosh harflar imlosini;
- 2) bosh harflar imlosini;
- 3) bo'g'in ko'chirish qoidalalarini;
- 4) asos va qo'shimchalar imlosini;
- 5) so'zlarni qo'shib, ajratib va chiziqcha bilan yozish qoidalari (qo'shma, juft, takroriy so'zlar imlosi)ni;
- 6) qisqartma so'zlar imlosini.

Qisqasi, orfografiya to'g'ri yozish – imlo qoidalalarini o'rganadi. Orfografiya to'g'ri yozish qoidalalarini belgilashda ma'lum tamoyillarga asoslanadi. Tilshunoslikda orfografiyaning quyidagi tamoyillari qayd qilinadi: fonetik, fonematik yoki morfologik, tarixiy yoki an'anaviy, ideografik yoki ramziy tamoyillar, lekin bularning mavqeiyi hamma tillarda ham bir xil emas: har bir tilning orfografiyası uchun u yoki bu tamoyil asos qilib olinadi.

O'zbek orfografiyası quyidagi tamoyillarga (printsiplar)ga tayangan holda ish ko'radi:

- 1) fonetik tamoyil;
- 2) morfologik tamoyil;
- 3) tarixiy-an'anaviy tamoyil;
- 4) shakliy (grafik-etimologik) tamoyil;
- 5) farqlash (differentsiyalash) tamoyili.

Ayrim darslik va qo'llanmalarda **tamoyil** termini o'mida **yozuv** termini qo'llangan: *fonetik tamoyil – fonetik yozuv* kabi.

Yozuvda so'z asos va qo'shimchalarning talaffuziga, aytilishiga muvofiq yozish **fonetik tamoyil** deyiladi. Masalan, *Yashil bo'yog bilan bo'yagan, ust tomoni qayrilgan o'ymakor panjaralari, katta va*

og'ir darvozaga yetganda, yigitning yuragi biroz o'ynab ketdi.
Gapdag'i bo'yalgan, qayrilgan, yuragi, o'ynab so'zlari fonetik tamoyil asosida yozilgan.

Rus tilidan o'zlashgan minuta, sekunda so'zlari ham o'zbek tilida shu tamoyil bo'yicha minut, sekund shaklida yoziladi. Shuningdek, quyidagi so'z, asos va qo'shimchalar imlosi fonetik tamoyilga asoslangan:

1) *shahar, qorin, burun* so'zlariga egalik qo'shimchasi qo'shilganda, asosdagi unli talaffuzda tushib qoladi va shunday yoziladi: *shahar + i - shahari, qorin + im - qornim, burun + i - burnim* kabi;

2) *k, q* undoshi bilan tugagan so'zlarga egalik qo'shimchasi qo'shilganda, *k, q* undoshlari talaffuzda *g, g'* ga o'tadi hamda shunday yoziladi: *yurak + i - yuragi, bilak + im - bilagini, qishloq + i - qishlog'i* kabi;

3) ayrim so'zlardan *-a, -la* qo'shimchalari bilan fe'l yasalganda asos tarkibidagi *o* unlisi *a* talaffuz qilinadi hamda xuddi shunday yoziladi: *son - a - sona, ong - a - angla* kabi.

Yozuvda so'z, asos va qo'shimchalarni talaffuziga emas, asliga muvofiq yagona tanlangan, umumiy shaklda yozish **morfologik tamoyil** deyiladi. Masalan, *uchta, ketdi, yuribdi, kitob, kulib, guliston, uchinchi* so'zlar *uchta, ketti, yuripti, kitop, kulip, guloston, uchunchi* tarzida aytilsa ham, yuqorida keltirilganidek, yagona tarzda yoziladi. Bu tamoyil o'zbek va rus tillari orfografiyasida asosiy tamoyil hisoblanadi. Masalan, *deraza so'zi akno deb* talaffuz qilinsa ham, *okno* tarzida; *suv so'zi vada* bo'lib eshitilishiga qaramay, *voda* tarzida.

Rus tilining *vokzal, doroga, tovar, komanda* kabi so'zlarida **o**; *bagaj, vagon, kabinet* kabi so'zlarida **a**; *injener, revizor, kefir* kabi so'zlarida **e**; *mesyats, zayats* kabi so'zlarida **ya**; *gorizont, ideya* kabi so'zlarida **i** harflarining yozilishi ham morfologik tamoyilga asoslangan. Umuman, rus tilida bu tamoyilga asoslangan imlo qoidalari, A.N.Gvozdevning qayd qilishicha, umumiy orfografik qoidalarning 71,4% ini tashkil qiladi.

Yozuvda so'z, asos va qo'shimchalarni tarixiy an'analarga aylanib qolgan qoidalarga muvofiq yozish **tarixiy-an'anaviy tamoyil** deyiladi. Demak, bu tamoyilda so'zlarining talaffuzi, yagona

shakllari ham e'tiborga olinmaydi. Masalan, *kaptar, nevara, odob, arava* tarzida yozish bilan bir qatorda, an'anaga muvofiq *kabutar, nabira, odob, aroba* tarzida yozilishi kabi

O'zbek tilida *taqozo, musicha* so'zlarining yozilishi ham mana shu tamoyilga ko'radir: *taqozo* so'zi *taqoza, musicha* so'zi *muchicha* shaklida talaffuz etilsa ham, an'anaga ko'ra *taqozo, musicha* tarzida yoziladi.

Ko'p Garbiy Yevropa tillarida, shu jumladan, ingлиз, fransuz tillarida shu tamoyilga amal qilinadi.

Yozuvda o'zbek tiliga boshqa tillardan o'zlashgan so'zlarni o'sha tilda qanday bo'lsa, shu shaklda yozish **shakliy (grafik-etimologik) tamoyil** deyiladi. Masalan, *mayor, gramm, tramway, trolleybus* so'zleri kabi.

Yozuvda so'zlarni fonetik va boshqa vositalar yordamida farqlab yozish: *lola (o'simlik) – Lol a (ism), asal – Asa l (ism), tesha (asbob) – Tesha (ism)* kabi.

O'zbek tilida atoqli otlarning bosh harf bilan yozilishi ham ramziy tamoyilga asoslangan. Bu yo'l bilan o'zbek tilidagi atoqli otlar turdosh otlardan farqlanadi: *temir Temir, bolta – Bolta, lola Lola, nilufar – Nilufar* kabi.

Ramziy tamoyil orqali fonetika ajrata olmaydigan leksik onomimlarning farqi ko'rsatiladi. Ramziy tamoyil bo'yicha onomimlar ham yozuvda shartli belgililar bilan farqlanadi: *atlas (mato) atlas (geografik xarita), yangi (sifat) yangi (ravish)*.

Har bir yozuv hukumat tomonidan tasdiqlangan imlo qoidalariga amal qiladi.

Kirill yozuviga asoslangan «**O'zbek orfografiyasining asosiy qoidalari**» 1956-yil 7-aprelda tasdiqlangan. Kirill yozuvidan foydalanganda ana shu imlo qoidalariga amal qilinadi.

Lotin yozuviga asoslangan o'zbek alifbosiga otd O'zbekiston Respublikasi Vazirlar Mahkamasining 1995-yil 24-avgustda «**O'zbek tilining asosiy imlo qoidalarini tasdiqlash haqida**» qarori qabul qilingan «**O'zbek tilining asosiy imlo qoidalari**» 82 banddan iborat. Ana shu imlo qoidalariga amal qilish hozirgi yozumiz mukammalligini ta'minlaydi.

Nazorat uchun savollar:

1. Orfoepiya sohasi qanday masalalarni o'rganadi?
2. Orfoepik me'yor nima?
3. Orfografiya sohasi qanday masalalarni o'rganadi?
4. Orfografiyaning qanday tamoyillari mavjud?
5. O'zbek orfografiyasi qanday tamoyillarga asoslanadi?

Leksikologiya. Leksemaning ma'no tuzilish

1. Leksikologiya va u o'rganadigan masalalar.
2. Leksikologiyaning bo'limlari.
3. Tilning lug'aviy birliklari.
4. Leksema va so'z.
5. Leksemaning shakliy va ma'noviy tuzilishi.
6. Leksemaning mazmuni.

Tayanch so'z va iboralar: *leksikologiya, semasiologiya, onomasiologiya, onomastika, leksema, so'z, tilning lug'aviy birliklari, lug'aviy ma'no, o'z ma'no, ko'chma ma'no, birma'nolilik (monosemiya), ko'pma'nolilik (polisemiya), leksemaning mazmuni, sema, semema, so'z ma'nosining ko'chish usullari, metafora, metonimiya, sinekdoxa, vazifadoshlik.*

Leksikologiya (*yun. lexikos – lug'atga, so'zga oid + logos – ta'limot*) tilshunoslikning leksema, leksik (lug'aviy) ma'no, lug'aviy birliklarning ma'no tuzilishi, shakl va ma'no munosabatiga ko'ra turlari, ularning hududiy va ijtimoiy qatlamlari, yangi so'zlarning paydo bo'lishi kabi masalalarni o'rganuvchi bo'limi. Demak, leksikologiya tilning lug'at tarkibini o'rganadi.

Leksikologiya sohasiga oid masalalar Sh.Rahmatullayev, E.Begmatov, M.Mirtojiyev, H.He'matov, R.Rasulovlar tomonidan tadqiq etilgan¹

¹ **Jamoa.** O'zbek tili leksikologiyasi. Toshkent: Fan, 1985. - 313 b. **Rahmatullayev Sh.** O'zbek til antonimlarining izohli lug'ati. - Toshkent: Fan, 1980. **Rahmatullayev Sh.** O'zbek tili omonimlarining izohli lug'ati. Toshkent: O'qituvchi, 1984. - 216 b. **Hojiyev A.** O'zbek tili sinonimlarining qisqacha lug'ati. - Toshkent: O'zb.FX nashriyoti, 1963. - 260 b.; **Begmatov E.** Hozirgi o'zbek adabiy tilining leksik qatlamlari. - Toshkent: Fan, 1985. - 200 b.; **Mirtojiyev M.** O'zbek tilida polisemiya. - Toshkent:

Leksikologiyaning, o‘z navbatida, semasiologiya, leksikografiya, etimologiya, frazeologiya, onomasiologiya, onomastika kabi bo‘limlari bor.

Semasiologiya (*yun. semasia - ifodalash + logos tushunchat a’limot*) leksikologiyaning til birliklarining, birinchi navbatda, lug‘aviy birliklarning semantik tuzilishi va u bilan bog‘liq masalalarni, jumladan, ma‘no taraqqiyoti, **birma’nolilik** (monosemiya) va **ko‘pma’nolilik** (polisemiya) hodisalarini o‘rganuvchi bo‘limi. O‘zbek tili semasiologiyasi masalalari Miraziz Mirtojiyev tomonidan o‘rganilgan.

Onomasiologiya leksikologiyaning lug‘aviy birliklarning nomlash va tushuncha anglatish tamoyillari hamda qonuniyatlarini o‘rganuvchi bo‘limi.

Onomastika tilshunoslikning tildagi har qanday (barcha tipdag‘i) atoqli otlarni tadqiq qiluvchi sohasi.

Demak, onomasiologiya va onomastika bo‘limlarini farqlash lozim. Onomasiologiyada narsa-buyumlar va hodisalarga nom berish jarayoni, onomastikada esa narsa-hodisalarning maxsus nomlari – atoqli otlar o‘rganiladi.

Leksikografiya lug‘at va uning turlarini, lug‘at tuzishning ilmiy-nazariy va amaliy jihatlarini o‘rganuvchi bo‘lim.

Etimologiya (*yun. etimologia - etimon* haqiqat, so‘zning haqiqiy ma‘nosi + *logos* - tushuncha, ta’limot) so‘z va morfemalarning kelib chiqishi va tarixini o‘rganuvchi soha.

O‘zbek tilshunoslida etimologiya sohasi rivojida Sh. Rahmatullayevning xizmatlari katta. Olim bir necha jiddlik etimologik lug‘atlar yaratdi¹.

Tilning hozirgi holati va tarixiy bosib o‘tgan yo‘li jihatidan leksikologiya tarixiy va zamонавиу лексикологија deb ataluvchi alohida sohalarga ham bo‘linadi. Tilning lug‘at boyligi tasnifiy va qiyosiy talqin etilishi mumkin. Ayrim olingan tilning lug‘at boyligini har tomonlama o‘rganuvchi soha **tasnifiy leksikologiya**,

Fan. 1975.: **Mirtojiyev M.** O‘zbek til semasiologiyasi. Toshkent: Fan. 2008.: **Ne’matov H., Rasulov R.** O‘zbek tili sistem leksikologiyasi. Toshkent: O‘qituvchi. 1992. – 128 b.

¹ **Rahmatullayev Sh.** O‘zbek tilining etimologik lug‘ati (turkiy so‘zlar). Toshkent: Universitet. 2000. – 600 b. **Rahmatullayev Sh.** O‘zbek tilining etimologik lug‘ati (arab so‘zları va ular bilan hissilar). – Toshkent: Universitet. 2003. – 600 b.; **Rahmatullayev Sh.** O‘zbek tilining etimologik lug‘ati (forscha so‘zları va ular bilan hissilar). Toshkent: Universitet. 2003. – 600 b.

ikki yoki undan ortiq tillarning lug'at boyligini qiyosiy tekshiradigan soha **qiyosiy leksikologiya** deb ataladi.

Tilning lug'aviy (leksik) birligi leksemadir. **Leksema** so'zning grammatik ma'no bildiruvchi qoshimchalarsiz qismi; tilning lug'at tarkibiga nos birlik.

Leksema anglatadigan ma'no, ma'lum tovushlar majmuini muayyan obyektiv vogelikka bog'lash bilan kishi ongida yuzaga keladigan mazmun, ya'ni undan anglashiladigan narsa-buyum, voqeysa-hodisa, belgi-xususiyat **leksik ma'no (lug'aviy ma'no)** deb ataladi. Masalan, *suvdon* so'zi «*qushlarga suv beriladigan idish*», *suvchi* so'zi «*ekiularni, xususan g'o'zalarni sug'oruvchi dehqon, sug'orish bo'yicha mutaxassis*» lug'aviy ma'nolarini anglatadi.

Ilmiy manbalarda leksik ma'no **semema** deb ham yuritiladi. Leksik ma'no, ya'ni semema **semalardan** tarkib topadi.

Sema leksik ma'no (semema)ni hosil qiluvchi ma'no bo'laklaridir. Mas., *tun* leksemasining ma'nosи – *sutkaning kun botishidan kun chiqqungacha, ogshomdan tong otar vaqtigacha bo'lgan qismi*. Mazkur semema «*qorongi*», «*vaqt*», «*kabi* semalardan tarkib topgan.

Ilmiy manbalarda leksik ma'no quyidagi nuqtai nazarlardan turlarga ajratiladi.

- 1) yasalish munosabatiga ko'ra;
- 2) obyektni ifoda etishiga ko'ra;
- 3) nutqda vogelashishiga ko'ra.

Yasalish (hosil bo'lish) munosabatiga ko'ra leksik ma'no ikki turli bo'ladi:

- a) asos ma'no;
- b) yasama ma'no.

Leksemaning boshqa ma'nolarini kelib chiqishiga asos bo'lib xizmat qiladigan ma'nosи **asos ma'no** hisoblanadi. Masalan, *bosh* so'zining *tananning bo'yindan yuqorigi, oldingi qismi; kalla* ma'nosи uning asos ma'nosidir.

Leksemaning yasama ma'nosи **hosila ma'no** deb ham ataladi. Masalan, *bosh* so'zining *agl-hush, miya (Tog'ning ko'rki tosh bilan, odamning ko'rki bosh bilan. Maqol); boshlig, rahbar (Yaxshi yigit – davraning boshi. Maqol); lavozim, mansab jihaidan katta (bosh vrash qabulida bo'ldim); ulkan, katta, asosi (Shaharning bosh*

darvozasi shu); eng muhim, asosiy, yetakchi (O'qish - bosh vazifa) kabi o'nlab ma'nolari uning hosila ma'nolaridir.

Albatta, asos ma'no va yasama ma'no ko'p ma'noli so'zlar uchun xos.

Obyektni ifoda etishiga ko'ra ham leksik ma'no ikki turli bo'ladi:

- 1) nominativ ma'no;
- 2) figural ma'no.

Leksemaning vogelik bilan bevosita bog'lanadigan, narsa-buyum, belgi, harakatning nomi bo'lib xizmat qiladigan ma'nosi **nominativ ma'no** deyiladi. Masalan, *ko'z* leksemasining *ko'rish a'zosi, ruchka* leksemasining *yozuv qiroli* ma'nolsi nominativ ma'nodir.

Leksemaning vogelik bilan bevosita bog'lanmagan, narsa-buyum, belgi, harakatning nomiga aylanmagan ma'nosi figural ma'nodir. Masalan, *Hayot o'z yo'tidan borar, bahor bolalarga o'z qivonchi, o'z shodliklarini saxiylik bilan taqdim etgan edi.* (O' Hoshimov) *Bechora xotinlar bo'lsa, erleridan bekniib yurgan pullarini da'vo qilohnay, damlari ichlariiga tushib, kuyib qola berdilar.* (P.Tursun O'qituvchi) *O'zi bilmaydi-yu, menga o'rgatganiga kuyaman!* (A. Qahhor San'atkor)

Gaplarda *yo'l* leksemasi *yo'naltish, kuymoq so'zi agraq qolmoq, alam qilmoq* kabi figural ma'nolarda qo'llangan.

Nutqda vogelashishiga ko'ra leksik ma'no ikki turga bo'linadi:

- a) erkin ma'no,
- b) bog'li ma'no

Erkin ma'no narsa-buyum, belgi, harakat bilan bevosita bog'liq bo'lib, uning vogelashuvi uchun ma'lum so'zlar qurshovi shart emas. Leksemaning erkin ma'nosi u alohida olinganda anglashilaveradi. Masalan, *do'ppi* leksemasining *milliy bosh kiyim, og'iz so'zining ovqat hazm qilish a'zosi* ma'nolari erkin ma'no.

Demak, leksemaning erkin ma'nosi boshqa so'zlar yoki so'zlar qurshovi (kontekst)ga bog'liq boilmaydi.

Leksemaning biror narsa-buyum, belgi, harakat bilan bevosita bog'liq bo'lgan, ma'lum so'z va so'zlar qurshovidaqina vogelashadigan ma'nosi **bog'liq ma'no** deb yuritiladi. Masalan, *Imsizlikni*

nochorlik va noshidlik, alam va sitam, xo'rlik va baxtsizlik manbai deyishadi. (F. Musajonov, Himmat)

Gapdag'i *manbai* leksemasining bir necha so'zlar qurshovida ifodalagan *ish-harakatning yuzaga kelish uchun asos omil bo'lgan sabab* ma'nosi uning bog'liq ma'nosi hisoblanadi.

Semantik maydon. Ma'lum arxisema asosida birlashuvchi so'z va iboralar majmui. Masalan, oziq-ovqat nomlari: *palov, lag'mon, sho'rva, mastaya, gotirma, manti* kabi.

Leksema va so'z tushunchalarini farqlash lozim.

So'z – leksemaning nutqda ma'lum shakl va vazifada voqelangan ko'rinishi. O'z tovush qobig'iga ega bo'lgan, narsa-buyum, belgi, harakat haqidagi tushunchani, ular o'rtasidagi aloqani yoki ulariga munosabatlarni ifodalay oladigan, turli grammatik ma'no va vazifalarda qo'llanadigan eng kichik nutq birligi. Demak, leksema va so'z bir-biriga bog'liq, aloqador birliliklar bo'lsa-da, aynan bir xil birlik emas. Leksema – til birligi, so'z – nutq birligi. Leksema tilshunoslikning leksikologiya, so'z morfologiya sohasida o'rGANILADI.

Eslatib o'tilgani singari, so'z tilshunoslik fanining barcha bo'limlari uchun asosiy tekshiruv obyekti hisoblanadi. Masalan, fonetik jihatdan olganda, so'z tovushlarning real qo'llanishi uchun asosiy obyekt bo'lib, u fonetik butunlikni tashkil etadi.

Morfologik jihatdan so'z alohida ahamiyat kasb etadi. Morfologiyada uning shakllanishi, tuzilishi va turkumlarga bo'linishi kabi qator masalalar o'rGANILADI. Sintaksisda esa so'zlarning o'zaro munosabatga kirishuvi tekshiriladi. Ammo shuni ham aytish kerakki, so'z har qanday obyekt tarkibida o'rganilganda ham, uning til belgisi sifatida shakl va ma'no birligi to'liq saqlanadi.

Tilshunoslikda **signifikat** termini ham qo'llanadi. Leksema ifodalydigan tushuncha **signifikat** deb ataladi. Leksema vositasida nomlanuvchi, ataluvchi narsa-buyum yoki hodisa **denotat** hisoblanadi. Denotat bilan bog'liq uni bevosita bildiruvchi ma'no esa **denotativ ma'no** deb yuritiladi.

Bunda quyidagi uchburchak hosil bo'ladi:

Stol

Buyum turi

Denotat

Signifikat

Narsa

Tushuncha

Ko'rinadiki, so'z shakl, narsa (hodisa) va mazmundan tashkil topadi.

Leksema bilan denotat va signifikat o'rtaida nisbiy bog'lanish mavjud, ya'ni biz biror tushunchaga ega bo'lish maqsadidagina ma'lum bir leksema vositasida nimani-dir aytamiz va bu haqda ma'lum bir tushunchaga ega bo'lamiz. Aslida esa so'z bilan u atayotgan narsa o'rtaida hech qanday bog'lanish yo'q.

So'z va narsa o'rtaidagi muammo juda ko'p davrlar mobaynida tortishuvlarga sabab bo'lib keldi. Hatto XIX asr oxiri va XX asr boshlarida Avstraliyada Rudolf Meringer boshliq «So'z va narsa» nomi bilan ataluvchi maxsus maktab ham vujudga kelgan.

Shunday qilib, so'z voqeijklagi bivor narsani, voqeani, hodisan nomlaydi. Ana shu jarayonda so'zning ma'nosi shakllanadi.

Leksik ma'no boshqa ma'nolarga qaraganda konkret va individualdir. Har bir leksik ma'no muayyan bir so'zga tegishli bo'ladi va tilda virtual, ya'ni umumlashitiruvchi, mavhum holatda yashaydi. Masalan, *qanot* so'zi orqali qushlarning, samolyotning qanotlarini tushunish mumkin. *Dasta* so'zi orqali ketmonning, belkurakning, choynakning ma'lum bir moslamasini tushunamiz.

So'zning leksik ma'nosi xususida gap borganda, dastlab uning tildagi va nutqdagi ma'nolarini farqlamoq darkor. So'zning umumlashgan va nisbatan mavhum ma'nolari tilga oid bo'lib, ular **lug'aviy ma'no** deb ataladi. Har bir so'zning konkret ma'nosini faqat nutqda belgilash mumkin. Masalan, *Yo'lingizdan qolmang. Men mashinaga minib jo'nadim.*

Keltirilgan misollardagi *yo'l* va *minib* so'zlariga e'tibor beraylik. Bu so'zlar ayni paytda o'z lug'aviy ma'nolaridan anche yiroqlashgan, chunki bu o'rinda *yo'l ish* so'zi bilan, *minib* so'zi esa *o'tirmoq* so'zi bilan ma'nodoshi bo'lib kelmoqda.

Ba'zan nutq jarayonida so'zlarning lug'aviy ma'nosi me'yor darajasidan chiqib ketishini ham kuzatish mumkin. Masalan, *yuragi yorilayozdi*, *qulog'i og'ir*, *ichiga o't tushdi* kabi iboralarda *yorilmoq*, *og'ir*, *o't tushmoq* kabi so'zlarning ayni paytdagi leksik ma'nolari ularning lug'aviy ma'nolariga to'g'ri kelmaydi.

Shunday qilib, so'zlarning leksik ma'nolarini quyidagi turlarga bo'lish mumkin:

1. Atash ma'nosi: *arslon*, *bo'ri*, *aqiq*, *inson*, *hayvon*, *tosh*, *tuproq*, *suv*, *olov*, *ko'l*.

2. Ko'rsatish ma'nosi: *u*, *bu*, *shu*, *o'sha*, *ana bu*, *o'shal* (*bul*, *shul*).

3. Ko'chma ma'no: insonga nisbatan: *tulki*, *chayon*, *latta*, *olov*, *maymun*; harakatga nisbatan: *yondirmoq*, *suv*, *sepmoq* va h.k.. Ko'chma ma'noni ayni paytda ma'noning bir predmetdan ikkinchisiga ko'chirilishi deb tushunmoq kerak. Chunki ma'noning ko'chirilishi frazeologik iboralarda so'zlarning ko'chma ma'noda ishlatalishi bilan mushtarak hodisa (lar) emas.

So'zlar nutqda o'z va ko'chma ma'nolarda qo'llanadi. So'zning alohida olinganda anglatadigan ma'nosi **o'z ma'no** hisoblanadi. Masalan, *gap* – so'zlar orqali bayon qilingan fikr; *bol* – asal, *osimliklar* gulidagi shiraning asalarilar organizmida qayta ishlanishidan hosil bo'ladigan shirin, suyuq oziq mahsuloti.

So'zning nutq tarkibida boshqa so'zlar qurshovida (kontekstda) o'z ma'nosidan tashqari anglatadigan qo'shimcha ma'nosi **ko'chma ma'no** hisoblanadi. Masalan,

1. *O'tishi* – *qovurmoq*. *Qalbida ishq o'ti alangaladi*. Gaplardagi *o'ti* so'zi ko'p ma'noli bo'lib, birinchi gapda o'z ma'nosida, ikkinchi gapda ko'chma ma'noda qo'llangan.

2. *Bol* so'zi quyidagi gaplarda *tot*, *lazat* kabi ko'chma ma'nolarda qo'llangan. *Til bor* – *bol keltirar*. *Til bor* – *balor keltirar* (Maqol). *Tilningda bo'lsa boling*, *Kulib turar iqboling*. (Maqol).

So'zning ko'chma ma'nolari ma'no ko'chishi asosida yuzaga keladi.

So'z ma'nosi quyidagi usullar bilan ko'chadi:

- 1) metafora;
- 2) metonimiya;
- 3) sinekdoxa;

4) funksiyadoshlik (vazifadoshlik).

Predmetlarning belgi-xususiyatlarining nisbiy o'xshashligiga ko'ra birining nomini ikkinchisiga ko'chishi **metafora** (grek. *metathora* – ko'chirish) deyiladi. Masalan, *dalaning etagi, qozonning qulog'i, ariqning labi, buloqning og'zi* birikmalarida *etak, qulog, lab, og'iz* so'zlarining shakliy o'xshashlik asosida boshqa predmetga nom bo'lib ko'chgan kabi

Metafora nutq uslublariga xoslanganligiga ko'ra ikki xil bo'ladit:

1) **oddiy metafora;**

2) **badiiy (poetik) metafora.**

Kundalik muloqotda, so'zlashuvda qo'llanadigan metafora **oddiy metafora** hisoblanadi. Masalan, *I. Daryoning yogasida bir choh o'tirardi.*

2. *O'choq og'zidagi o'iga qo'yilgan qunig'on qaynamogda.* Mazkur gaplardagi *yoga, og'iz* so'zları ma'nosi metafora usulida ko'chgan.

Badiiy nutqda – nasriy va she'riy asarlarda badiiylik, obrazlilik va ta'sirchanlikni ta'minlash, ifodalash uchun qo'llanuvchi metafora **badiiy metafora** deyiladi. Masalan, *oltin kuz, zumrad bahor, kumush qish* birikmalaridagi *oliin, zumrad, kumush* so'zlarining ma'nosi badiiy metaforaga misol bo'la oladi.

Bir predmet, belgi, harakat nomini o'zaro tashqi va ichki bog'liqlik, aloqadorlik asosida boshqa predmet, belgi yoki harakatga nisbatan qo'llash, shunday qo'llash asosida nom ko'chishi **metonimiya** (grek. *metonymia* – qayta nomlash) deyiladi. Masalan, *samovar* so'zining *choyxona* (*Samovarda o'tirdik. Kecha samovarga chiqdim. Samovarda osh yedik* kabi), *zal* so'zining *odamlar* (*Zal kuldi. Butun zal oyoqqa turdi*) ma'nosida qo'llanishi

Metonimiya usulida so'z ma'nosining ko'chishi ko'p kuzatiladi:

1. *Fuzuliyim oldim qo'limga,*

Majnum bo'lib yig'lab qichgirdi. (E. Vohidov)

Baytda *Fuzuliy* so'zi metonimiya usulida *shoir asarlari, dostonlari* ma'nosida qo'llangan.

2. *Mehmon kirishi bilan zal oyoqqa turdi.* Gapda *zal* so'zi *odamlar* ma'nosida qo'llangan.

Predmetning butuni orqali qismini, qismi orqali butunini ifodalash; bir predmet nominining boshqa predmeiga butun va qism

munosabati asosida ko'chishi **sinekdoxa** (grek *synekdoche* – birgalikda anglash) deyiladi. Masalan, *U tırnogga zor*. Gapdagı *tırnog* so'zi sinekdoxa asosida *farzand*, *bola*, ya'nı butun ma'nosida qo'llangan.

Sinekdoxaning quyidagi ko'rinishiari bor:

1) qism nomini butunga ko'chishi:

Men ham tırnogga zor emasman.

Quynoq tongning olin bo'sag'asida

Tongni kutar quynoq ming-ming ko'z.

2) butun nomining qismiga ko'chishi:

Yigit qizning qo'liga uzuk taqdi. Besh qo'i barobar emas.

Gapda *qo'l* so'zining *barmoq* ma'nosida qo'llangani kabi.

Predmetlarning vazifalarining bir xilligi, o'xhashligiga ko'ra so'z ma'nosи (nomi) ning ko'chishi **funksiyadoshlik** yoki **vazifadeshlilik** deyiladi. Masalan, *Qush qanot qoqdi. Samolyotning qanoti sindi* kabi. Gapda *qishning uchishi uchun xizmat qiluvchi a'zosi* ma'nosidagi *qanot* leksemasining shunday vazifani bajaruvchi samolyot qismiga nisbatan qo'llanishi kabi.

Nazorat uchun savollar:

1. Leksikologiyaning tekshiruv obyekti nimalardan iborat?
2. Leksikologiyaning qanday bo'limlarini bilasiz?
3. So'z – signifikat – denotat tushunchalarini izohlang.
4. Leksik ma'no deganda qanday manoni tushunasiz?
5. So'z va tushuncha xususida ma'lumot bering.
6. Leksik ma'noning qanday turlarini bilasiz?
7. So'z ma'nosining ko'chirilishi qanday hodisalar doirasida ro'y beradi?

Barqaror birikmalar va frazelogizmlar. Paremiologiya. Frazelogiya

1. Barqaror birikmalar va ularning fisoniy xususiyatlari.
2. Paremiologiya sohasi
3. Maqol, matal, hikmath so'zlar
4. Frazelogiya sohasi va u o'rganadigan masalalar.

5. Frazelogizm va uning belgi-xususiyatlari.
6. Frazelogizmlarning boshqa til birliklaridan farqli jihatlari.

Tayanch so'z va iboralar: *barqaror birikmalar, maqol, metal, hikmatli so'zlar (aforizmlar), paremiologiya, paremalar, frazelogiya, frazelogizm (frazema), sinonim frazemalar, omonim frazemalar, antonim frazemalar, parafraza (tasviriy ifoda).*

Ikki va undan ortiq so'zlarning barqaror munosabatidan tashkil topgan, nutq jarayoniga tayyor olib kiriluvchi, til egalari xotirasida imkoniyat sifatida mavjud bo'lgan til birliklari **barqaror birikmalar** deyiladi.¹

Barqaror birikmalar sirasiga frazeologizmlar, maqol va matalalar, aforizmlar kiritiladi.

Maqol, matal va aforizmlar **paremalar** deb ham yuritiladi. Paremiologiya frazeologiya bilan chambarchas bog'liq sohadir.

Maqol, matal va aforizmlar – **paremalar** quyidagi lisoniy xususiyatlari bilan xarakterlanadi:

1. Tuzilishi va tarkibi barqaror, quyma, «qotib» qolgan holda bo'ladi.
2. Ma'no butunligiga ega
3. Nutqda o'z va ko'chma ma'nolarda qo'llanadi.
4. Tuzilishiga ko'ra birikma va gap shaklida bo'ladi.
5. Xalq donishmandligi, mantiqiy fikrlash mahsuli.
6. Nutq jarayoniga qadar tilda mavjud bo'lib, nutqqa tayyor holda olib kiriladi.
7. Fikrni ta'sirchan, mazmunli, obrazli ifodalashga xizmat qiladi.
8. So'zlashuv, badiiy va publisistik nutq uslublarida faol qo'llanadi.

Grammatik jihatdan gap holda shakllangan, alohida ritmik-melodik xususiyatlarga ega, xalq donishmandligi mahsuli bo'lgan barqaror birikmalar **maqol** sanaladi. Masalan, *Mehnat, mehnating*

¹ Nurmonov A., Mahmudov N., Sobirov A., Yusupova Sh. Hozirgi ozbek adabiy tili. Toshkent: Il.M ZYO, 2010. - B.

tagi rohat. Ilm ko'p-u, umr oz, keragini ol-u, toshga yoz. Ilm ko'p, umr oz, zarurini o'qi! Ilm olish nina bilan qiduq qazish kabidir.¹

Grammatik jihatdan gap holida shakllangan, hayotiy voqelikni ixcham, lo'nda, ta'sirchan ifodalovchi xalq donishmandligi mahsuli bo'lgan, ko'chma va o'z ma'nosida qo'llanuvchi barqaror birikmalar **matal** deyiladi. Masalan, *Tuyaning dumi yerga tekkanda. Qizil qor yoqqanda* kabi

O'zbek tilida gul tarkibli paremiyalar ham ko'p:

Gul bahona, diydor g'animat.

Gul joyida chiroylı.

Gul gulga, tikon tikonga.

Gulni gulga qo'sh!

Guli uchun tikoni ham sug'orasan.

Gulning ham tikoni bor.

Gul tikonsiz bo'lmas.

Gul qadrin bulbul bilar.

Hikmatli so'zlar (aforizmlar) – grammatik jihatdan gap holida shakllangan, aniq, ixcham, chuqur mazmunli ma'lum shaxs tomonidan yaratilgan barqaror birikmalar. Masalan, ilmning qudrati, ulug'ligi, foydasi haqidagi hikmathi so'zlar:

Ilm hikmatni keltirib chiqardi. Hikmat falsafa esa ilm sirlarini butun dunyoga yoydi (Abdulqodir Bedil). Ilm insonlarning madori, hayoti, rahbari, nazoridur (Abdulla Avloniy). Alhosil, butun hayotimiz, salomatimiz, saodatimiz, sarvatimiz, maishatimiz, himmatimiz, g'ayratimiz, dunyo va oxiratimiz ilma bog'lidur. Millatga ilm kerak, ma'rifat kerak (Abdulla Qodiri). Ilm o'qishga bog'liq, faxr ishga, farovon hayot tirishqoqlikka, mukofot taqdirga («Avesto»dan)²

Ikki va undan ortiq so'zning barqaror munosabatidan tashkil topgan, ma'nosi odatda bir so'zga, ba'zan so'z birikmasi, gapga teng keladigan, nutqqa tayyor holda olib kiriluvchi, ko'chma ma'noli barqaror (turg'un) birikma **ibora** yoki **frazeologizm** deyiladi. Masalan, 1. *U ilonning yog'ni yalagan odam.* 2. *Bizning orzularimiz ko'p edi, ammo peshonamizga yozilgani shu bo'ldi.*

¹ Shomaqsudov Sh., Shorahmedov Sh. Ma'nolar maxzani. Toshkent: O'zbekiston milliy ensiklopediyasi, 2001.

² Ulug' N. Tojiboev. Sh. Ilm hikmati. Namangan, 2014. b.

3. Ikkala do'st gapni bir joyga qo'yib ish boshlashdi. Bu gaplarda ilonning yog'ni yalagan (mug'ombir), peshonamizga yozilgani (*taqdir, qismat*), *gapni bir joyga qo'ymoq* (ahdlashmoq, kelishmoq) iboralari qo'llangan.

Frazeologizmlar tilshunoslikda **frazema, frazeologik birikma, ibora** deb ham ataladi.

Frazeologizmlar adabiy tilning badiiy va so'zlashuv uslubida keng, ko'proq qo'llanadi va nutqni ta'sirchan, orazli ifodalashga xizmat qiladi.

Qo'ling o'rgilsin, yurak-bag'ri xun, parvoyi palak iboralari belgi bildiradi.

Qulog'dan kun ko'rindi iborasi *juda ozg'in ma'nosini* anglatadi.

Frazemalar shakl va ma'no xususiyatiga ko'ra quyidagi turlarga bo'lindi:

1. Frazeologik sinonimlar. Bir xil umumiy ma'noga ega, ma'no nozikligi, uslubiy bo'yog'i va boshqa jihatlariga ko'ra farqlanuvchi frazeologik birliklar. Masalan, *do'ppisini osmonga otmoq, og'zi qulogida, og'zining tanobi gochmoq* (xursand); *yulduzni benarvon uradigan, tegirmondan butun chiqadigan* (epchil); *yoqasini ushlamoq, og'zi ochilib qolmoq* (liayratlanmoq); *tarvizi qo'ltig'idan tushdi, suv tekin* (arzon) kabi.

2. Frazeologik antonimlar. Zid ma'noli frazeologik birliklar. Masalan, *ko'kka ko'tarmoq - yerga urmog, ko'ngli og - ichi qora* kabi.

3. Frazeologik omonimlar. Talaffuzi va yozilishi bir xil, ma'nosи har xil birdan ortiq frazeologik birliklar. Masalan, *boshga ko'tarmoq* iborasi *to'polon qilmoq, hurmatlamoq* ma'nolarini anglatadi: *U lo'lilik qilib, hamma yoqni boshiga ko'tardi. Feruza onasini boshiga ko'taradi.*

Frazeologizmlar bir butun, yaxlit holda bir so'roqqa javob bo'ladi, gapda bir gap bo'lagi vazifasida keladi: *Uning oyoq olishi bizga yoqmadi.* Bu gapdag'i *oyoq olishi* (yurishi) iborasi ega vazifasida qo'llangan.

Frazeologizmlar ko'chma ma'no ifodalashi, gapda butunicha bir sintaktik vazifada qo'llanishiga ko'ra oddiy so'z birikmalaridan farqlanadi. Iboralarni maqol va matallardan ham farqlash lozim.

Parafraza (grek. *paraprasis* – tavsifiy ifoda, tasvir) – narsa, voqeа-hodisani o‘z nomi bilan emas, balki ularning xarakterli belgi-xususiyatlari asosida tasviriy usul orqali ifodalash va shunday usul jarayonida yuzaga kelgan birlik.¹ Ilmiy adabiyotlarda parafrazaning muqobili sifatida **tasviriy ifoda** termini ham qo‘llanadi.

Parafrazalar narsa, voqeа-hodisalarning o‘z nomi orqali yuzaga chiqmagan muhim xususiyatlarini tasvirlab, bo‘rttirib, izohlab va to‘ldirib ko‘rsatadi, nomni ta’sirchan ifodalashga xizmat qiladi.²

Parafrazalar ham frazeologizmlarning bir turi. Narsa, voqeа-hodisaning o‘z nomi bilan atamay, boshqa narsa va hodisaga o‘xshatish orqali tasviriy ifodalovchi birlik parafraza hisoblanadi.

Parafrazalar narsa va hodisalarning ikkinchi nomi. Parafrazalar morfologik jihatdan asosan ot, qisman sifat turkumiga mansub bo‘ladi. Masalan, *oq oltin* - paxta, *kumush tola* - pilla, *zangori olov* - gaz, *o‘rmon malikasi* - archa, *mo‘yqalam sogibi* - rassom, *millionlar o‘yini* - futbol, *dala malikasi* - makkajo xor, *qazal multking sultoni* - Alisher Navoiy, *qanoitu do‘sstar* - qushlar kabi.

Parafrazalar narsa va hodisalarning muhim belgi-xususiyatlarini obrazli, ta’sirchan, bo‘rttirib ifodalaydi, asosan badiiy va publisistik uslubda keng qo‘llanadi.

Tildagi barqaror birikmalar: maqol, matal va aforizmlar (hikmatli so‘zlar)ni **paremiologiya** (grek. *paroimia* – hikmat, *logos* – ta’limot), frazeologizmlar esa **frazeologiya** sohasida o‘rganiladi.

O‘zbek frazeologiyasi Sh.Rahmatullayev, A. Mamatov, B.Yo‘doshevlar tomonidan chuqur tadqiq etilgan.³

Nazorat uchun savollar:

1. Barqaror birikmalar deganda qanday til birliklarini tushunasiz?
2. Barqaror birikmalar sırasiga qanday birliklar kiradi?

¹ Qarang. Ахмамова О.С. Словарь лингвистических терминов. Москва, 1966. – С. 312; **Ноjiyev A.** Lingvistik terminlarning izohli lug‘ati. Toshkent: O‘qituvchi, 1985. – B. 67.

² Qarang. **Rasulov R., Umurov I.** O‘zbek til tasviriy ifodalalarining izohli lug‘ati. Toshkent: O‘qituvchi, 1997. – B. 3.

³ Rahmatullayev Sh. O‘zbek tilining frazeologik lug‘ati. Toshkent: Qomuslar bosh tahririyati, 1992.

3. Ular qanday xususiyatlarga ega?
4. Barqaror birikmalar qaysi nutq uslublarida faol qo'llanadi?
5. Maqol va matal qanday birlik?
6. Hikmatli so'z qanday barqaror birlik?
7. Paremiologiya qanday soha?
8. Frazeologizm qanday til birligi?
9. Frazeologizm qanday xususiyatlarga ega?
10. Frazeologiya qanday masalalarni o'rganadi?

Tilning lug'at tarkibi

1. Lug'at tarkibi tushunchasi.
2. Til lug'at tarkibining taraqqiyot manbalari va usullari.
3. Til lug'at tarkibining tasnifi va tavsifi.
4. Til lug'at tarkibining tarixiy-etimologik qatlamlari.
5. Til lug'at tarkibining zamonaviyligiga va iste'mol doirasiga ko'ra turlari.
6. Termin va uning xususiyatlari. Terminologiya.

Tayanch so'z va iboralar: *lug'at tarkibi, til lug'at tarkibining taraqqiyot manbalari, ichki manba, tashqi manba, o'z qatlam leksikasi, o'zlashma so'zlar, eskirgan so'zlar, neologizm (yangi so'z), istorizm, arxaizm, jargo, argo, iste'mol doirasasi chegaralangan so'zlar, umumiste'moldagi so'zlar, termin, terminologiya, ilmiy terminlar, kasbiy terminlar.*

Tildagi mavjud so'z va iboralar majmui tilning **lug'at tarkibi** deyiladi. Lug'at tarkibi termini o'rniда **so'z boyligi, leksika, lug'at boyligi, lug'at sostavi** kabi terminlar ham qo'llanadi.

Tilning lug'at tarkibi doimo rivojlanib, boyib boradi. Bu jarayon ikki manba asosida amalga oshadi:

- a) ichki manba;
- b) tashqi manba.

Til lug'at tarkibining ichki manba asosida boyishi deganda sheva va lahjalardan so'z olish, yangi so'zlar yasash asosida boyishi tushuniladi. Masalan, *buvi, buva* so'zları adabiy tilga Andijon shervasidan olingan, *bildirishnomा, dalolatnomа, ma'ruzachi* so'zları yasama so'zlardır.

Chet tillardan so'z o'zlashtirish asosida til lug'at tarkibining boyishi tashqi omil asosida boyishi deyiladi. Bunda o'zbek adabiy tiliga fors-tojik, arab, rus va boshqa tillardan so'z o'zlashishi tushuniladi.

Chunonchi, *ishq*, *muhabbat*, *hukm*, *ma'no* so'zlari arabcha, *chamadon*, *obro'*, *sartarosh*, *dugona* so'zlari fors-tojikcha, *shkaf*, *ruchka*, *palto*, *kostyum* so'zlari ruscha o'zlashma so'zlardir.

Tilning lug'at tarkibidagi so'zlar tarixiy-etimologik manbalariga ko'ra quyidagi qatlamlarga bo'linadi:

1. O'z qatlamga mansub so'zlar. Tilning o'ziga mansub bo'lgan (boshqa tillardan o'zlashmagan), o'z qatlam va o'zlashma qatlam birliklari, vositalari asosida tilning o'zida yasalgan, hosil qilingan so'zlar **o'z so'zlar** sanaladi. Masalan, *ish*, *ishchi*, *ishboshi*, *bosh*, *boshliq*, *bog'lamoq*, *bog'liq*, *bog'lam*, *traktorchi*, *dasturchi*, *birjachi* kabi.

2. O'zlashma qatlamga mansub so'zlar. O'zga, xususan, xorijiy tillardan to'g'ridan-to'g'ri yoki biror til orqali qabul qilingan so'zlar **o'zlashma so'zlardir**. Masalan, forscha o'zlashmalar: *pahlovon*, *puxta*, *puchak*, *ravnaq*, *ravo*, *sarafroz*, *tarona*; arabcha o'zlashmalar: *rafiq*, *rafiqa*, *rasul*, *sehr*, *sinf*, *suh*, *sunbula*, *suhbat*, *talaba*, *tanaffus*; ruscha o'zlashmalar: *sumka*, *schyot*, *para*, *otkritka*, *norka*, *nabor*; inglizcha o'zlashmalar: *provayder*, *rekord*, *rels*, *rekordsmen*, *reyting*, *reyd*, *regbi* kabi.

Til lug'at tarkibidagi so'zlar zamonaviyligiga ko'ra quyidagi turlarga bo'linadi:

1. Eskirgan so'zlar.

2. Yangi so'zlar.

Bugungi kunda ishlatilmaydigan, iste'moldan chiqib ketgan so'zlar eskirgan so'zlar hisoblanadi.

Eskirgan so'zlar ikki xil bo'ladi:

1) istorizmlar (tarixiy so'zlar),

2) arxaizmlar (eskirgan so'zlar).

Hozirda mavjud bo'lмаган, tarixiy, о'tмishda bo'lган narsa, voqeа-hodisalarнing ifodalovchi so'zlar **istorizmlar** yoki **tarixiy so'zlar** deyiladi. Masalan, *kanizak*, *jallod*, *yorg'uchоq*, *cho'ri*, *mo'ndi* kabi.

Hozirda mavjud bo'lgan narsa va tushunchalarning eskirgan nomlarini bildiruvchi so'zlar **arxaik so'zlar** deyiladi. *Masalan, bitik (kitob, yozuv), ochan (dunyo), shatranj(shaxmat), firqa (partiya), tilmoch (tarjimon), buchun (xalq), alam (bayroq) kabi.*

Yangi so'zlarga nisbatan neologizmlar termini qo'llanadi. Tilda narsa, tushunchalarni ifodalash uchun yangi hosil qilingan, boshqa tillardan yangi kirib kelgan, yangilik bo'yog'i sezilib turgan, qo'llanish xususiyatiga ko'ra nofaol bo'lgan so'z va birikmalar **neologizm** (yun. *neos* – yangi + *logos* – so'z) lar deyiladi. Masalan, «*elektron hukmat*», *elektron kutubxona*, *elektron darslik*, *veb sayt*, *marketing*, *hissadorlik*, *menejer* kabi.

Tildagi so'zlar qo'llanish doirasiga ko'ra ikki turli bo'ladi:

- 1) qo'llanish doirasi chegaralanmagan so'zlar;
- 2) qo'llanish doirasi chegaralangan so'zlar.

Umumxalq tilida keng, faol qo'llanadigan va shu tilida so'zlov-chilarning barchasiga tushunarli bo'lgan so'zlar **qo'llanish doirasi chegaralanmagan so'zlar** hisoblanadi. Bunday so'zlarga kundalik faoliyatda faol qo'llanadigan so'zlar kiradi. Masalan, *non*, *ovqat*, *go'sht choy*, *bormoq*, *kelmoq* kabi.

Ma'lum hududda yoki ijtimoiy guruh tilida qo'llanadigan so'zlar **qo'llanish doirasi chegaralangan so'zlardir**.

Qo'llanish doirasi chegaralangan so'zlar o'z ichida quyidagi guruhlarga bo'linadi:

1. Hududiy chegaralangan so'zlar.
2. Ijtimoiy chegaralangan so'zlar.

Faqat ma'lum bir hududda, ya'ni qishloq va shaharda qo'llanadigan so'zlar hududiy chegaralangan so'zlar yoki shevaga xos so'zlar (dialektizmlar) deyiladi. Masalan. Buxoroda: *inak* (sigir), *kallapo'sh* (do'ppi), *mo'rcha* (chimoli); Farg'ona vodisida: *shoti* (*narvon*) kabi.

Ma'lum ijtimoiy guruh tilidagina qo'llanadigan so'zlar **ijtimoiy chegaralangan so'zlar** deyiladi. Ijtimoiy chegaralangan so'zlarga argotizmlar va jargonlar kiradi.

Argotizmlar (fran. *argotisme* – lahja) – biror ijtimoiy guruh, toifaning o'ziga xos, boshqalar tushunmaydigan so'zları. Masalan, otarchilar tilida: *yakan* (pul), *qistirma* (pul), *ulush* (to'y yakunidagi

taqsimotga ko'ra olinadigan pul va boshha narsalar), o'g'rilar tilida: *xit* (xavf), *loy* (pul) kabi.

Jargonlar – biror guruh, tabaqa vakillarining boshqalardan ajralib turish maqsadida qo'llaydigan so'zлari. Masalan, *tavojjuh avlang* (qarang), *padari buzruk vor*, *tahsiri olam* kabi.

Termin (lot. *terminus* – chek, chegara, chegara belgisi) – ilm-fan va kasb-hunar sohalariga oid narsa, voqeа-hodisa haqidagi tushunchalarni aniq ifodalaydigan, ma'nosи maxsuslashtirilgan, qo'llanish doirasi shu sohalar bilan chegaralangan so'z yoki birikma. Har bir fan yoki sohaning o'ziga xos terminlari mavjud.

Ayrim ilmiy manbalarda **termin** ornida **atama**, **istiloh** so'zi qo'llanmoqda. Terminlar qo'llanishiga, qanday sohaga oidligiga ko'ra quyidagi turlarga bo'linadi:

1. Ilmiy terminlar.

2. Kasbiy terminlar.

Ilmiy terminlar ma'lum ilm-fan doirasida qo'llanadigan terminlardir. Masalan, tilshunoslik terminlari: *omonim*, *sinonim*, *paronim*, *ega*, *kesim*, *hol*, *morfema*; adabiyotshunoslik terminlari: *obraz* (*timsol*), *tashbeh*, *irsoli masal*, *radif*, *qofiya*, *aruz vazni*; geografik terminlar: *atlas*, *vulqon*, *materiklar*, *kontur karta*, *ekvator*, *biosfera* kabi.

Muayyan kasb-hunar sohasiga oid tushunchalarni ifodalovchi so'z va so'z birikmalari kasbiy terminlardir. Masalan, kosibchilik terminlari: *charm*, *charm rezgisi*, *qolip*, *sirach*, *qo'sh choc*; do'ppido'zlik terminlari: *jiyak*, *jiyak igna*, *kizak*, *pilik*, *taxtakach*, *qaviq choc*, *zira musxa* kabi.

Terminlar quyidagi asosiy lisoniy xususiyatlarga ega:

1. Terminlar ma'lum sohadagina faol qo'llanadi, iste'mol doirasi chegaralangan so'zlar sirasiga kiradi. Masalan, *paronim* termini tilshunoslik sohasida "*talaffuzi bir-biriga o'xshash so'zlar*, *omonimlarning bir turi*" ma'nosida faol qo'llanadi.

2. Terminlar aniq tushunchani ifodalab, emotsional-ekspressiv ma'no, ya'ni salbiy, ijobiy ma'nolar ifodalamaydi, uslubiy bo'yoqqa ega emas.

3. Terminlar o'zi mansub soha doirasida bir ma'noda qo'llanadi, shuning uchun bir ma'noli (monosemantik) so'zlar sirasiga kiradi.

4. Terminlar muayyan soha kishilari tomonidan maxsus qabul qilingan, maxsuslashtirilgan so'zlardir. Shuning uchun terminlarni deyarli boshqa so'zlar bilan almashtirib bo'lmaydi. Masalan, tilshunoslikdagi *turlanish*, *tuslanish*, *fe'l*, *fe'l zamonlari*, *bog'lovchi*, *ko'makchi* terminlari kabi.

5. Terminlar tuzilishiga ko'ra so'z va birikma shaklida bo'ldi:

a) so'z shaklidagi terminlar: *to'ldiruvchi*, *hol*, *lug'at*, *morfema*, *fonema*, *harf* kabi;

b) birikma shaklidagi terminlar: *qo'shma gap*, *ikkinchi darajali bo'lak*, *so'z yasovchi affiks*, *shakl yasovchi affiks* kabi.

6. Terminlarning katta qismi tarixiy-etimologik manbasiga ko'ra xorijiy tillarga mansub bo'lib, o'zlashma so'zlar qatlamiga mansubdir. Masalan, adabiyotshunoslilik terminlari: *bahr*, *aruz*, *vasla*, *raviy*, *rukni*, *radif* (arabcha); *peyzaj*, *roman*, *remarka*, *portret* (fransuzcha); *tragediya*, *komediya*, *drama*, *trilogiya*, *monolog* (grekcha) kabi.

7. Terminlar asosan ilmiy uslubda, ayrim uslubiy maqsadlarda badiiy uslubda qo'llanadi. Masalan, O'ktam Usmonovning «Girdob» romanida paxtachilik seleksiyasiga oid *vilt*, *nav*, *chatishtrish* terminlari qo'llangani kabi.

8. Terminlar ikki xil yo'l bilan hosil qilinadi:

a) umumxalq tilidagi so'zlarning ma'nosini maxsuslashtirish orqali: *son*, *bog'lovchi* (so'z turkumlari), *ega*, *hol* (gap bo'lagi), *o'xshatish* (badiiy-uslubiy vosita, badiiy san'at), *suv*, *ishqor* (kimyoviy elementlar) kabi;

b) xorijiy tillardan so'z o'zlashtirish orqali: *kasr*, *mushbat*, *manfiy* (matematik terminlar) kabi.

Terminlar va ularning yaratish tamoyillari hamda tartibga solish masalalarini tilshunoslikning **terminologiya** sohasi o'rGANADI.

Nazorat uchun savollar:

1. Til lug'at tarkibi deganda nimani tushunasiz?
2. Tilning lug'at tarkibining o'zlashma qatlami deganda nimani tushunasiz?
3. Lug'aviy birliklar qo'llanish doirasiga ko'ra qanday turlarga bo'linadi?

4. Iste'mol doirasi chegaralangan leksika sirasiga qanday lug'aviy birliklar kirdi?
5. Terminologiya qanday soha?
6. Termin qanday til birligi?
7. Terminning lisoniy belgi-xususiyatlarini izohlang.
8. Terminlar qanday yaratiladi?
9. O'zbek terminolgiyasining manbalarini tahlil qiling.

Leksikografiya (lug'atshunoslik)

1. Leksikografiya sohasi
2. Lug'at va uning tuzilishi.
3. Lug'atlarning turlari.

Tayanch so'z va iboralar: *leksikografiya, lug'at, ensiklopedik lug'atlar, lingvistik lug'atlar, so'zlik, lug'at maqolasi, izohli lug'at, tarjima lug'ati, imlo (orfografik) lug'at, tafakkuz (orfoepik) lug'at, etimologik lug'at, morfem lug'at, chastotali lug'at, ters (chappa) lug'at, dialektologik lug'at, frazeologik lug'at, terminologik lug'at, ma'nodosh so'zlar (sinonimlar) lug'ati, zid ma'noli so'zlar (antonimlar) lug'ati, shakldosh so'zlar (omonimlar) lug'ati.*

Leksikografiya (grekcha *lexikos* – so'z, *grapho* – chizmoq, yozmoq) tilshunoslikning lug'at tuzish amaliyoti va nazariyasi bilan shug'ullanuvchi bo'limidir. Hozirda leksikografiya o'mida **lug'atshunoslik** termini ham qo'llanmoqda. Demak, leksikografiya lug'at va uning turlari, lug'at tuzish tamoyillari kabi masalalarni o'rGANADI.

Leksikografiyaning barqaror birikmalar lug'atini tuzish muammolarini o'rGANUVCHI bo'limi **paremiografiya** (lot. *parema* – barqaror, *grapho* – yozmoq), frazeologik lug'atshunoslik bilan shug'ullanuvchi sobasi **frazeografiya** (lot. *phrasis* – ibora, *grapho* – yozmoq) deb ataladi.

Mahmud Kosheg'ariy ibn Husayn ibn Muhainmadning XI asrda yaratilgan «Devonu lug'atit turk» («Turkiy so'zlar devoni») asari turkiy xalqlarning ilk lug'atidir. Demak, o'zbek lug'atchiligi ham shu asar bilan boshlandi. «Devonu lug'atit turk» turkiy xalqlar

tarixidagi dialektologik, izohli, etnografik, tarixiy-ethnologik lug'at-larning barcha unsurlarini qamrab oluvchi dastlabki universal lug'at hisoblanadi.

O'zbek leksikografiyasini tarixiy nuqtayi nazardan ikki turga bo'lish mumkin:

1. Tarixiy leksikografiya.
2. Zamonaviy leksikografiya.

Mahmud Koshg'ariyning «Devonu lug'atit turk», muallifi noma'lum Tole Imoniy Hirotiyning «Badoye ul-lug'at» («Ajoyib lug'at»), «Abushqa», Mirza Mehdihonning «Sangloh» lug'atlari tarixiy leksikografiya namunalaridir.

Qadimiy lug'atlardan yana biri «**Abushqa**» lug'atidir. «Abushqa» izohli lug'atlar guruhiga mansub bo'lib, Alisher Navoiy asarlaridan foydalanuvchilar uchun XVI asrda usmonli turk tilida Turkiyada tuzilgan. Lug'atga Navoiy zamondoshlarining asarlaridan ham ayrim misollar olingan. «Abushqa» lug'ati abushqa so'zi izohi bilan boshlangani uchun shunday nomlangan. Bu so'z eski o'zbek tilida «*keksa, qari, mironiy, chol*» ma'nolarini anglatgan. «Abushqa» lug'atini yaratishda hirolik Tole' Imoniy Hiroviy tomonidan XV asrda Navoiy asarlariga tuzilgan o'zbekcha-forscha «**Badoye ul-lug'at**» («Ajoyib lug'at») dan keng foydalarilgan.

Lug'aviy birliliklar - so'z va iboralarning alifbo tartibida joylashtirib, turlicha izohlar berib, kitob shakliga keltirilgan to'plam **lug'at** deyiladi. Lug'atlar turli maqsadlarda tuziladi.

Lug'atlar uch nuqtayi nazardan tasniflanadi:

- 1) hajmiga ko'ra;
- 2) so'zlikning berilish usuliga ko'ra;
- 3) maqsad-mohiyatiga ko'ra.

Lug'atlar hajm xususiyatiga ko'ra ikki turga bolinadi:

- 1) umumiylug'atlar;
- 2) maxsus lug'atlar.

Umumiylug'atlar o'z ichida hajmiga ko'ra uchg'a bo'linadi:

- 1) katta lug'atlar; 2) o'rtacha lug'atlar; 3) kichik lug'atlar

Katta lug'atlar ilmiy manbalarda **mukammal lug'at, xazina lug'at** va akadem lug'at deb ham ataladi.

Lug'atlar mohiyatiga ko'ra ikki asosiy turga bo'linadi:

- 1) ensiklopedik (qomusiy) lug'atlar;

2) filologik (lingvistik) lug'atlar.

Ma'lum bir xalqning madaniy-ma'naviy, ilmiy-amaliy, siyosiy-iqtisodiy hayotiga doir barcha tushunchalar izohi berilgan, turli xil tarixiy voqealar, tarixiy va mashhur shaxslar, joy nomlari haqida ma'lumotlar jamlangan lug'at **ensiklopedik (qomusiy) lug'at** deyiladi.

Demak, qomusiy lug'atga kiritilgan birliklar barcha tushunchalarni o'z ichiga oladi. Masalan, bolalar ensiklopediyasi «**U kim? Bu nima?**» (Toshkent, 1987–1988, 3 jiddlik), «**Ўзбекистон миллий енциклопедияси**» (Тошкент, 2001 – 2005, 12 жилдлик)⁴ kabi.

Tildagi lug'aviy birliklarning ma'nosi, qo'llanishi va boshqa lisoniy xususiyatlari izohlanadigan lug'at **lingvistik lug'at** hisoblanadi.

Lingvistik lug'atlar oldiga qo'yilgan maqsadiga ko'ra quyidagi turlarga bo'linadi.

- 1) izohli lug'at;
- 2) tarjima lug'ati;
- 3) imlo (orfografik) lug'at;
- 4) talaffuz (orfoepik) lug'at;
- 5) etimologik lug'at;
- 6) morfem lug'at;
- 7) chastotali lug'at;
- 8) ters (chappa) lug'at;
- 9) dialektologik lug'at;
- 10) frazeologik lug'at;
- 11) terminologik lug'at;
- 12) ma'nodosh so'zlar (sinonimlar) lug'ati;
- 13) zid ma'noli so'zlar (antonimlar) lug'ati;
- 14) shakldosh so'zlar (omonimlar) lug'ati va boshqalar.

Lug'aviy birlik (so'z va ibora)larning ma'nolari, grammatik, uslubiy va boshqa belgilari qayd etilgan lug'at **izohli lug'at** deyiladi. Izohli lug'atlarda so'zlarning qaysi tilga mansubligi, o'z va ko'chma ma'nolari, sinonim va antonimlari ham beriladi.

⁴ Lug'atlar spaysi yozuvda nashr etilgan bo'ssu she vozveda berildi.

Lug'atlar ma'lum so'zlikdan iborat bo'ladi. So'zlik – lug'at uchun tanlab olingan so'zlar majmui. Masalan, «O'zbek tilining izohli lug'ati» (Toshkent: O'zbekiston milliy ensiklopediyasi, 2006–2008, 5 jiddlik)da 80 000 so'z va birikma izohlangan.

Lug'atlarda bosh so'zni izohlash uchun tuzilgan maqola **lug'at maqolasi** deyiladi. Masalan,

Orol. Atrofi, hamma tomoni okean, dengiz, daryo yoki ko'l suvi bilan o'ralgan quruqlik. *Saxaln oroli. Qirim yarim oroli.*

Orolonmoq. poet. Bezanmoq, yasannoq, go'zallahmoq. *Yaxshi orolan, bezan, e bog'lar, mavsum uchun.* «Guliston». (Ўзбек тилининг изоҳли луг'ати. – Тошкент: Ўзбекистон миллий енциклопедияси, 2007. – 3-ж. – Б. 139.)

Izohli lug'at ma'lum bir yozuvchi yoki shoir asarlari bo'yicha ham yaratilishi mumkin. Masalan, 4 jiddlik «Алишер Навоий асарлари тилининг изоҳли луг'ати» (Тошкент: Фан, 1983–1984).

Dialektologik lug'atlarda shevalarga xos so'zlar transkripsiyada beriladi va izohlanadi hamda adabiy tildagi varianti beriladi. Masalan, Ibrohimov S. I. «Фарғ'она шеваларидага қасб-хунар лексикаси» (Тошкент: Фан, 1970), Jamoa. «Ўзбек халқ шевалари луг'ати» (Тошкент: Фан, 1971).

So'zlarning amaldagi imlo qoidalariiga binoan to'g'ri yozilish shakllarini qayd etuvchi lug'at **imlo (orfografik) lug'at** deyiladi. Masalan, yangi tuzilgan 2 jiddlik kirili va yangi lot. alibosiga asoslangan o'zbek yozuvidagi «O'zbek tilining imlo lug'ati» (E. Begmatov, A. Madvaliyev, muharrir N. Mahmudov – Toshkent: Akademnashr, 2013). Lug'atda 85000 dan ortiq so'zlarning imlosi berilgan.

So'zlarning morfem (asos va qo'shimchalardan iborat) tarkibi qayd etilgan lug'at **morfem lug'at** Masalan, A. G'ulomov, A. N. Tixonov, R. Qo'ng'urovlarning «Ўзбек тилининг морфем луг'ати» (Тошкент, 1977).

Lug'at so'zligi 40000 dan iborat. Morfem lug'atda so'zlar morfeinlari – asos va qo'shimchalarga ajratib beriladi.

Talaffuz lug'ati (orfoepik lug'at) – so'zlarning adabiy talaffuzi qayd etilgan lug'at Masalan, M. Sodiqova, U. Usmono-

novaning «О'zbek tilining orfoepik lug'ati» (Toshkent: O'qituvchi, 1977). Lug'at so'zligi 3800 dan iborat.

Ters (chappa) lug'at so'zlarning oxirgi harflari bo'yicha alisbo tartibida joylashtirilgan lug'at. Bu tipdagi lug'at R.Qo'ng'irov, A.Tixonovlar tomonidan «Ўзбек тилининг чапна луг'ати» (Самарқанд, 1967) nomi bilan yaratilgan. Lug'at so'zligi 36000 dan iborat.

Bunday lug'atlardan bir xil qo'shimchali so'zlarni aniqlash mumkin.

Terminologik lug'at ma'lum bir sohaga oid terminlar va ularning izohi qayd etilgan lug'at. Masalan, A. Hojiyevning «Тилишунослика оид терминларининг изоҳия луг'ати» (Ташкент: Ўзбекистон миллый енциклопедияси, 2001); N. Notamov, B. Sarimsoqovlarning «Адабиётшунослик терминларининг русча-ўзбекча изоҳия луг'ати» (Ташкент: Ўқитувчи, 1983) kabi.

Tildagi ibora (frazeologizm)larning lug'aviy izohi berilgan lug'at **frazeologik lug'at** deyiladi. Masalan, Sh. Rahmatullayevning «Ўзбек тилининг фразеологик луг'ати» (Ташкент: Комуслар бош таҳрирнияти, 1992).

Etimologik lug'at – so'zlarning kelib chiqish tarixi- etimologiyasi haqida ma'lumot beruvchi lug'at. O'zbek tilining etimologik lug'ati mustaqillik yillarda yaratildi (Рахматуллаев Ш. «Ўзбек тилининг етимологик луг'ати (туркий сўзлар)» (Ташкент: Университет, 2000). Lug'atda 2400 dan ortiq so'zning etimologik tahlili berilgan.

Yuqoridaqilardan tashqari o'zbek leksikografiyasida sinonimlar (Ножиев А. Ўзбек тили синонимларининг қисқача луг'ати. – Ташкент: Фан, 1963.), omonimlar (Рахматуллаев Ш. Ўзбек тили омонимларининг изоҳли луг'ати. – Ташкент: Ўқитувчи, 1984.) va antonimlar (Рахматуллаев Ш., Маматов Н., Шукуров Ш. Ўзбек тили антонимларининг изоҳли луг'ати. – Ташкент: Ўқитувчи, 1980) lug'ati ham yaratilgan.

So'nggi yillarda o'zbek leksikografiyasida maxsus izohli lug'atlar yaratish an'anasi ham shakllandi. Natijada o'zbek tilida birinchi marta N. Mahmudov, D.Xudoyberganovlar tomonidan o'xshatishlarning (Ўзбек тили ўхшатишларининг изоҳли луг'ати.

– Тошкент: Маънавият, 2013. – 320 б.), N.Mahmudov, Y.Odilovlar tomonidan enantiosemik soʻzlarning (Сўз маъно тараqqiyётида зиддият. Ўзбек тили енантиосемик сўзларининг изоҳли луг’ати. – Тошкент: Akademnashr, 2014. – 288 б.) izohli lug’atlar yaratildi. Hozirga qadar o’zbek tilshunosligida bunday tipdagи lug’atlar yaratilmagan edi.

O’xshatishlarning izohli lug’atida o’zbek tilidagi mavjud turg’un o’xshatishlarning etalonlari lug’at maqolasi sifatida berilgan, o’xshatishlarning barchasi o’xshatish etalonlaridagi ma’lum tayanch so’zlar ostida berilgan hamda dalillar asosida izohlangan. Masalan,

Gilos Gilosday(kabi)

Qizil, qip-qizil. Asosan, lab haqida.

Dildor gilosday *qizil*, chiroyli lablariga yoyilgan tabassum bilan boshini silkidi (Oybek. Navoiy). *Gilosday* bir labdan bo’sa olguncha, Ba’zan bir yigitlik ketadi uvol (G. Gulom. Yoz). (Ўзбек тили ўхшатишларининг изоҳли луг’ати. – Тошкент: Маънавият, 2013. – Б. 59.)

So’zning semantik tuzilishida zid ma’nolarning yuzaga kelishi **enantiosemya** (yun. *enantios* – qarama-qarshi + *sema* – ma’no) deb yuritiladi. Yuqorida tilga olingan enantiosemik so’zlarning izohli lug’atida ana shunday so’zlar izohlangan. Masalan,

Kamtar. Nominativ, nutqiy enantiosemya.

1. O’zini boshqalardan past tutadigan: Xizmat safari davomida muxbir o’zimi nihoyatda *kamtar* tutishi, o’zi to’g’risida yaxshi taassurot qoldirishi, odamlarning matbuotga ishonchini mustahkamlashi zarur (A. Meliboyev. «Qirq beshinchı bekat») *Kamtarga* – kamol, manmanga – zavol (Maql)

2. O’zini boshqalardan baland tutadigan: Shuning uchun ayrim amaldorlar atay stol boshiga yalang stul qo’yib o’tirishadiki, qarshisida kreslolarga cho’kib o’tirganlarga tepadan qaray oladi. Qolaversa, quruq stulda o’tirish bilan o’zlarining «**kamtar**»ligini namoyish ham qiladilar. Ha-a, buyam bir gap-da (Sh. Xolmirzayev. «Qumrilar») (Сўз маъно тараqqiyётида зиддият. Ўзбек тили

енантисемик сўзларининг изоһли луг'ати. – Ташкент:
Akademnashr, 2014. – B.188)

Bir tildagi so'zning ikkinch tilda qanday so'zga to'g'ri kelishini, tarjimaviy muqobillarini ko'rsatuvchi lug'at **tarjima lug'ati** sanaladi.

Nazorat uchun savollar:

1. Leksikografiya qanday soha?
2. Lug'at deb nimaga aytildi?
3. Lug'atning qanday turlari bor?
4. Lug'atda so'zlar qanday joylashtiriladi?
5. Qomusiy lug'at qanday lug'at?
6. Qomusiy va lingvistik lug'at qanday xususiyatlarga ko'ra farqlanadi?
7. Lingvistik lug'atning qanday turlari bor?
8. Lug'atga kiritilgan so'zlar jami nima deb yuritiladi?
9. Lug'atda so'zga berilgan izoh nima deb ataladi?
- 10 O'zbek leksikografiyasida qanday yangi lug'atlar yaratildi?

Morfemika. Morfema va uning turlari. So'z yasalishi. So'z yasash usullari

1. Morfemika sohasi.
2. Morfemalarning tuzilishi va vazifasiga ko'ra tasnifi.
3. Yetakchi morfema.
4. Affiksal morfema va uning turlari.
5. Morfemalar zanjiridagi o'zgarishlarning sabablari va turlari:
 - a) soddaleshuv;
 - b) murakkablashuv;
 - c) qayta bo'linish.
6. So'z yasalishi sohasi.
7. So'z yasash tushunchasi.
8. So'z yasalish qolipi, so'z yasalish zanjiri.
9. So'z yasash usullari.

Tayanch so'z va iboralar: so'z tarkibi, morfema, leksik morfema, yetakchi morfema, affiksal morfema, so'z yasovchi affiks.

shakl yasovchi affiks, lug'aviy shakl yasovchi, sintaktik shakl yasovchi, morfemika, so'z tarkibi, so'z tarkibining o'zgarishi, soddalashuv, murakkablashuv, qayta bo'linish, so'z yasash, so'z yasalish qolipi, asos, qo'shimcha (affiks), so'z yasash asosi, yasovchi vosita, yasalma, yasama so'z, so'z yasash usuli, so'z yasalishining affiksatsiya usuli (morfologik usul), sintaktik usul (kompozitsiya usuli).

Tilshunoslikning morfemika sohasi quyidagi masalalarni o'rGANADI:

- 1) so'zning tarkibiy tuzilishini;
- 2) so'zning eng kichik ma'noli qismlarini;
- 3) qo'simcha va uning turlarini;
- 4) so'zlarning tuzilishiga ko'ra turlarini.

So'z tuzilish tarkibiga ko'ra morfemalar (ma'noli qismlar)ga bo'linadi. Masalan, ***suvchi*** so'zi ***suv***, -***chi***; ***asoslamoq*** so'zi ***asos***, -***la***, -***moq***; ***bilimdonlik*** so'zi ***bil***, -***im***, -***don***, -***lik*** kabi ma'noli qismlardan iborat.

A. Hojiyev morfemaning xususiyatlarini tahlil qilar ekan, uni yasovchi til birligi deb ko'rsatadi va quyidagicha ta'riflaydi: «Morfema – o'z ifoda va ma'no jihatiga ega bo'lgan, so'z yasash yoki so'z shaklini yasash uchun xizmat qiladigan lisoniy birlik».¹

So'zning eng kichik, boshqa ma'noli qismlarga bo'linmaydigan, yangi so'z va so'z shakli yasash uchun asos bo'ladigan tub ma'noli qismi ***yetakchi morfema*** deb ataladi.

Yetakchi morfema adabiyotlarda ***morfema***, ***leksik morfema***, ***asos*** deb ham yuritiladi.

Demak, yetakchi morfema quyidagi xususiyatlari bilan xarakterlanadi:

- lug'aviy ma'noga ega bo'ladi;
- yangi so'z yasash uchun asos bo'ladi;
- so'zning turli grammatik shakllarini yasash uchun asos bo'ladi;
- mustaqil qo'llana oladi.

¹ Hojiyeva A. O'zbek tili morfoloyigasi, morfemikasi va so'z yasalishining nazariy masalalari. – Toshkent: Fan, 2010. - B. 40.

Bir asosdan hosil bo'lgan so'zlar **asosdosh so'zlar** hisoblanadi. Masalan, *o'quvchi, o'qituvchi, o'qish; gulchi, gulzor, gulli, gulsiz; yo'l, yo'lka, yo'llamog, yo'llanma, yo'lli, yo'llik, yo'lma-yo'l, yo'llovchi* kabi.

Turkiy, jumladan, o'zbek tilida so'zlar asosdan boshlanadi.

Asosga qo'shilib, yangi so'z va so'z shakllari yasash uchun xizmat qiladigan morfemalar **affiks yoki qo'shimcha, ko'makchi morfema** deyiladi.

Affikslar tuzilishiga ko'ra ikki turli bo'ladi:

1) sodda affikslar;

2) murakkab affikslar.

Sodda affikslar: *-chi, -a, -la, -t, -ak, -q, -siz, -chi* kabi.

Murakkab affikslar ikki va undan ortiq qo'shimchalarining qo'shilib, bir affiks holiga kelishidan yuzaga kelgan. Masalan, *-chilik, -garchilik, -lash* kabi.

Qo'shimchalar asosga qo'shilish o'rniغا ko'ra quyidagi turlarga bo'linadi:

1) old qo'shimchalar – prefikslar: *be-, ba-, ser-, no-*;

2) asosdan keyin qo'shiluvchi qo'shimchalar – suffiks: *-zor, -li, -kor, -iston, -siz, -m* kabi;

3) so'z o'rtasida qo'llanuvchi qo'shimchalar – infiks. Masalan, *mohichehra, dardisar* so'zlaridagi *-i* qo'shimchasi kabi.

Qo'shimchalar vazifasiga ko'ra ikki turli bo'ladi.

1) so'z yasovchi qo'shimchalar;

2) shakl yasovchi qo'shimchalar.

Yangi so'z yasashga xizmat qiluvchi morfemalar so'z yasovchi qo'shimchalaridir. Masalan, *-chi, -dosh, -li, -siz, -la* kabi. Bunday qo'shimchalar so'z yasalishida yasovchi qismni tashkil etadi.

So'zning turli grammatik shakllarini hosil qilishga va so'zlarni o'zaro bog'lashga xizmat qiladigan morfemalar **shakl yasovchi qo'shimchalar** hisoblanadi.

Shakl yasovchi qo'shimchalar o'z ichida quyidagi turlarga bo'linadi:

1) lug'aviy shakl yasovchi qo'shimchalar;

2) sintaktik shakl yasovchi qo'shimchalar.

So'zning turli grammatik shakllarini hosil qilishga xizmat qiladigan morfemalar **lug'aviy shakl yasovchi qo'shimchalaridir**.

Lug'aviy shakl yasovchi qo'shimchalarga quyidagilar kirdi:

- 1) otlardagi ko'plik qo'shimchasi (-*lar*);
- 2) otlardagi erkalash va kichraytirish qo'shimchalari (-*jon*, -*xon*, -*oy*, -*loq*, -*cha*, -*chak*);
- 3) otlardagi qarashlilik qo'shimchasi (-*niki*);
- 4) sifatlardagi daraja shakli qo'shimchalari (-*roq*, -*mitir*, -*imtir*, -*ish*);
- 5) son turlarini hosil qiluvchi qo'shimchalar (-*ia*, -*tacha*, -*lab*, -*ov*, -*ovlon*);
- 6) fe'llardagi nisbat, mayl, zamon qo'shimchalari.

So'zlarni o'zaro bo'g'lashga xizmat qiladigan morfemalar **sintaktik shakl yasovchi** qo'shimchalar hisoblanadi.

Sintaktik shakl yasovchi qo'shimchalarga quyidagilar kirdi:

- 1) kelishik qo'shimchalari;
- 2) egalik qo'shimchalari;
- 3) shaxs-son qo'shimchalari.

Sintaktik shakl yasovchi qo'shimchalar **sintaktik munosabat shakkllari** deb ham yuritiladi. Demak, sintaktik shakl yasovchi qo'shimchalar ot va fe'l turkumiga xos.

O'zbek tilida qo'shimchalarning so'z tarkibida joylashuv tartibi quyidagicha: **asos+so'z yasovchi qo'shimcha + lug'aviy shakl yasovchi qo'shimcha +sintaktik shakl yasovchi qo'shimcha**. Masalan, *gul* (asos) + -*zor* (so'z yasovchi qo'shimcha) + -*lar* (lug'aviy shakl yasovchi) + -*dan* (sintaktik shakl yasovchi qo'shimcha).

Qo'shimchalar shakl va ma'no munosabatiga ko'ra quyidagi turlarga bo'linadi:

- 1) sinonim qo'shimchalar;
- 2) omonim qo'shimchalar.

Shaklan har xil bo'lib, bir-biriga o'xshash yoki yaqin ma'no bildiruvchi qo'shimchalar ma'nodosh yoki **sinonim qo'shimchallardir**.

Masalan, ot yasovchi -*chi* va -*shinos* (*adabiyotchi* – *adabiyotshunos*), sifat yasovchi -*li* va *ba-* (*ma'holi* – *bama'ni*), -*siz* va *be-* (*odobsiz* – *beodob*) qo'shimchalari sinonim qo'shimchalardir.

Shaklan bir xil bo'lib, ma'no jihatidan turli so'z turkumlariga xos so'z yasovchi va shakl yasovchi qo'shimchalar **shakldosh** yoki **omonim qo'shimchalar** deyiladi.

1. Quyidagi so'z yasovchi qo'shimchalarda omonimlik kuzatiladi:

a) -ehi (-ki, -qi): *chopqi, tepki* (ot); *kuzgi, kechki, qishki* (sifat);

b) -in, -un: *ekin, tugun* (ot); *erkin, yashirin* (sifat);

v) -don: *kuldon* (ot), *gapdon, bilimdon* (sifat);

g) -ch: *sevinch, qivonch* (ot); *tinch* (sifat);

d) -ma: *qatlama, suzma, qovurma* (ot); *yozma, bosma, gaynatma* (sifat) kabi.

2. Quyidagi so'z yasovchi va shakl yasovchi qo'shimchalarda omonimlik kuzatiladi:

a) **-lab:** *oylab, yillab* (*ravish yasovchi*); *yuzlab, o'nlab* (*son chama shakli yasovchi qo'shimcha*),

b) **-ma:** *o'sma, childirma* (*ot yasovchi*), *tug'ma, bosma* (sifat yasovchi) va *yozma, o'qima* (*fe'lning bo'lishsiz shaklini yasovchi qo'shimcha*).

Til taraqqiyoti davomida ayrim so'zlarning tarkibi, asosida o'zgarish ro'y berishi mumkin. Masalan, avvallari asos va qo'shimchalarga ajralgan quyidagi so'zlar hozirda ma'noli qismlarga ajratilmaydi: *yomg'ir, ko'mir, olg'a* kabi.

Ma'lumki dunyoda o'zgarmaydigan narsa yo'q – hamma narsa vaqt o'tishi bilan ma'lum darajada o'zgarib turadi. Til ham bundan mustasno emas. Bu o'zgarish tilning hamma bosqichlariga xos narsa. Tilda sodir bo'layotgan o'zgarishlar so'zning tarkibiga ham o'z ta'sirini o'tkazadi, natijada u ham asta-sekin o'zgarib boradi. So'zning morfemik tarkibi quyidagi uch usul bilan o'zgaradi:

1. Soddalashuv.

2. Murakkablashuv.

3. Qayta bo'linish.

So'zning morfemik tarkibida uchraydigan tarixiy o'zgarishlarning eng asosiyları soddalanish va morfologik qayta bo'linishdir.

Seddalashuv – ko'p morfemali so'zning bir morfemali so'zga o'tib qolish hodisasi. Masalan, *teskari* (*ters* - -*kari* >*teskari*); *yugori, ilgari, singari*; *qurimsoq* (*qurimoq* +*soq* = *qurimsoq*),

sarimsoq (*sarim* + *soq* > *sarimsoq*); *o'pqon*, *chipqon*, *sopqon*, *qalqon* kabi.

Soddalashuv quyidagi omillar asosida sodir bo'ladit:

1) so'zga qo'shimcha qo'shilishi bilan tovush tushishi, ortishi, almashinishi natijasida;

2) u yoki bu morfemaning ma'nosini kuchsizlanishi, iste'moldan chiqa boshlashi va asta-sekin yo'q bo'lib ketishi;

3) asosdosh so'zlar aloqasining uzilishi natijasida;

4) affikslarning o'zaro asosga singishib ketishi va so'z yasovchi sifatida qo'llanmay qo'yishi

Soddalashuvga quyidagilar misol bo'la oladi:

1. *Ayt* fe'li hozirgi tilda morfologiq qismlarga ajralmaydi, lekin u aslida ikki morfemadan tashkil topgan bo'lib, qadimda uning ay elementi asos bo'lgan (hozirgi *ayidi* fe'li qadimda *aydi* formasida bo'lgan), demak, -*t* elementi aslida shu asosga qo'shilgan morfema – orttirma daraja affiksidi: *ay+ t* = *ayt*.

2. *Olmosh* so'zi *al-* fe'liming takror ma'nosini ifodalovchi *-ma* qo'shimchasi qo'shilgan *alma-* shaklidan *sh* harakat nomi qo'shimchasi bilan hosil qilingan, keyinchalik harakat nomi shaklidagi fe'l otga ko'chgan. Hozirgi kunga kelib bu so'z ham tarkibiy qismlarga ajratilmaydi.

3. *Olacha* oti eski o'zbek tilida «*har xil nusli*» ma'nosini anglatgan *ala* sifatidan *-cha* qo'shimchasi bilan yasalgan bo'lib, hozirgi o'zbek adabiy tilida tarkibiy qismlarga ajratilmaydi.

Murakkablashuv – avval tub so'z hisoblangan so'zlarni yasama yoki murakkab so'zlar qatoriga o'tib qolishi yoki murakkab bir morfemali so'zlarni ikki va undan ortiq morfemali so'zlarga o'tib qolishi: golland tilidan rus tiliga o'tgan *zonedek* so'zi *zonik* tarzida o'zlashtirilib, analogiya qoidasiga binoan bu so'zning tarkibi *zont* va *-ik* morfemalariga ajratiladi.

Qayta bo'linish – so'z tarkibidagi morfemalarning ajralish chegarasining o'zgarishi:

1. *Ular* olmoshi hozirgi tilda *u-lar* formasida ajratiladi, lekin bu affiksning boshida *l* tovushi aslida asosnidir, *u* olmoshi aslida *ul* shaklida bo'lgan. Demak, *ul-ar* = *ular*: asosning bir tovushi affiksga o'tgan, asos morfema qisqargan, affiksal morfema kengaygan.

2. Yozish ma'nosida hozirgi tilda (og'zaki – so'zlashuv nutqida) ba'zan uchrab qoladigan *bitish* so'zi *bit-ish* formasida ajraladi (*bitlim*, *bitding*, *bitdi*: asos *bit*), eski o'zbek tilida bu element, *biti* shaklida bo'lgan (*biti-di*, *biti-k*: xat, yozuv).

So'zlar tuzilishiga ko'ra quyidagi turlarga bo'linadi:

- 1) sodda so'z;
- 2) qo'shma so'z;
- 3) jift so'z;
- 4) takroriy so'z.

Sodda so'z – tarkibida birgina lug'aviy ma'noli qism (asos) bo'lgan so'z.

Sodda so'zlar ikki turli bo'ladи:

d) sodda tub so'z – yasovchi qismlarga ajralmaydigan, tarkibida so'z yasovchi qo'shimcha bo'lмаган so'z: *bosh*, *ish*, *ko'z*, *so'z*, *suv* kabi;

e) sodda vasama so'z – so'z yasovchi qo'shimchalar vositasida yasalgan so'z: *ishchi*, *ishsiz*, *boshla*, *boshliq*, *ko'zla*, *so'zla*, *so'zsiz*, *suvchi*, *suvli*, *suvsiz* kabi.

Qo'shma so'z – tarkibiда birdan ortiq lug'aviy ma'noli qism (asos) so'z. Masalan, *oshqovoq*, *ko'zoynak*, *ishboshi*, *so'zboshi*, *namozshomgu'l* (qo'shma oilar); *shifobaxsh*, *jigarrang*, *ochiqqa'l*, *ochiqso'z*, *shirinso'z* (qo'shma sifatlar) kabi.

Juft so'z – mustaqil lug'aviy ma'noli yoki lug'aviy ma'noga ega bo'lмаган ikki qismning teng bog'lanishi asosida tashkil topgan, umumlashtirish, jamlik ma'nolarini ifodalovchi so'z. Masalan, *oshna-og'ayni*, *bog'-rog'*, *temir-tersak*, *bordi-keldi*, *ur-sur* (juft oilar); *alang-jalang*, *oq-qora*, *baland-past* (qo'shma sifatlar); *erta-kech*, *asta-sekin*, *qishin-yozin* (qo'shma ravishlar) kabi.

Takroriy so'zlar – ayni bir so'zning takrot qo'llanishidan hosil bo'lgan, ko'plik, davomlilik ma'nolarini ifodalovchi so'z. Masalan, *dasta-dasta*, *ming-ming*, *qop-qop*, *tez-tez*, *baland-balad*, *bora-bora*, *ayta-ayta* kabi.

So'z yasalishi tilshunoslikda so'z hosil qilinishi va u bilan bog'liq masalalar nu o'rGANUVchi bo'lim hamda turli usullar asosida yangi so'z hosil qilish ma'nosida qo'llanadi.

O'zbek tiliga xos so'z yasalishining nazariy va amaliy masalalari Ayub Gulomov, Azim Hojiyev kabi olimlar tomonidan o'r ganilgan.¹

Tilda mayjud vosita va usul hamda modellar asosida yangi so'z hosil qilish **so'z yasalishi** deyiladi. Masalan, *gul - chi - gulchi, osh + paz - oshpaz, ko'z - oynak - ko'zoynak, bel - bog' - belbog', bordi - keldi, qo'ydi - chiqdi, oldi - berdi* kabi.

So'zning qanday birlik va vositalar bilan yasalishi, yasalish yo'li **so'z yasash usulidir**. So'z hosil qilish usullari so'z yasash modellari hisoblanadi.

O'zbek tilida quyidagi usullar bilan yangi so'zlar yasaladi:

1) affiksatsiya usuli (morphologik usul);

2) sintaktik usul (kompozitsiya usul).

Asosga so'z yasovchi affikslarni qo'shish asosida yangi so'z hosil qilish **affiksatsiya yoki morfologik usul** *guldon, gulli, gulsiz, guldor* kabi.

Morfologik usul asosida faqat **sodda so'zlar** hosil qilinadi. Ular **sodda yasama so'z** deb yuritiladi.

Morfologik usul bilan so'z yasash modellari quyidagicha:

a) asos + so'z yasovchi affiks: *yozuvchi, tokzor, tadbirkor, dasturchi* kabi;

b) prefiks(*old qo'shimcha*) + asos: *beish, sersuv, servog'* kabi.

Ikki mustaqil so'zni qo'shish asosida yangi so'z hosil qilish **sintaktik usulidir**. Sintaktik usul **kompozitsiya usuli** deb ham yuritiladi. Masalan, *sotib olmoq, tinchliksevar, havorang, gultojixo'roz* kabi.

Sintaktik usul asosida qo'shma (*jigarrang, sotib olmoq, sadarayhon, sovuqmijoz*), juft (*oldi-sotdi, bordi-keldi, achchiq-chuchuk*), takroriy (*ko'z-ko'z, yor-yor*) so'zlar yasaladi.

Sintaktik usul bilan so'z yasash modellari:

a) asos+asos: *beshbarmoq, so'zboshi, oshgovoyq, bo'tako'z, beshiktebratar* kabi;

b) asos + asos + asos: *namozshom:gul, gultojixo'roz* kabi.

Ilmiy adabiyotlarda so'z yasalishining **konversiya, fonetik** usullari ham qayd etiladi. So'zning fonetik va morfologik

¹ Hojiyev A. O'zbek tili so'z yasalishi tizimi. - Folsikent: O'qituvchi, 2007. - 108 b.

o'zgarishlarsız bir so'z turkumidan boshqa bir so'z turkumiga o'tishi asosida yangi so'z bosil qilish **konversiya** deb ataladi. Masalan, *chel*, *o'g'il*, *qiz*, *xotin* so'zlarini sifat turkumidan ot turkumiga ko'chganı kabi.

So'z yasalishi **ot**, **sifat**, **ravish**, **fe'l** kabi mustaqil so'z turkumlariga xos bo'lib, son, olmosh va yordamchi, alohida so'z turkumlarida so'z yasalmaydi.

So'z yasash asosida til lug'at tarkibi boyib boradi. Hozirgi o'zbek adabiy tili quyidagi morfologik usul asosida yasalgan yangi so'zlar biian boyidi: *bizneschi*, *birjachti*, *tijoratchi*, *kompyuterchi* kabi.

So'z yasash asosida til lug'at tarkibining boyishi ichki manba hisoblanadi.

Tilshunoslikka oid ayrim ilmiy adabiyotlarda abbreviatsiya usuli so'z yasash usuli sifatida qayd etilgani holda so'nggi ilmiy manbalarda abbreviatsiya usuli so'z yasash usullari qatorida qayd etilmayapti.

Abbreviatsiya (ital. *abbreviatura* < lot. *abbrevio* – qisqartiraman) ham yaqingacha qisqartirib so'z yasash usuli hisoblab kelindi. biroq bu usul natijasida yangi so'z yasalmaydi, balki so'zlar qisqartirib qo'llanadi. Demak, abbreviatsiya so'z yasash usuli emas.

Qisqartma qo'shma so'zlar abbreviatsiya usuli bilan hosil qilinadi. Abbreviatsiya usulida turg'un birikma tarkibidagi qismlar qisqartiriladi.

Abbreviatsiya usuli et turkumi uchun xosdir

Abbreviatsiya usulining quyidagi ko'rinishlari mayjud:

1) so'zlarning birinchi harflari olinadi: *BMT* (*Birlashgan millattar toshkiloit*);

2) birinchi so'zning birinchi bo'g'ini, keyingi so'zlarning birinchi harfi: *NamDU*, *ToshTI*.

3) so'zlarning birinchi bo'g'inlari olinadi: *O'zagrosug'urta* kabi

Nazorat uchun savollar:

1. So'z tarkibi deganda nimani tushunmasiz?

2. Morfema, morf nima?
3. Morfemalar qaysi xususiyatlari ko'ra tasnif qilinadi?
4. Morfemaning qanday turlari bor?
5. Asos (yetakchi) morfema deb nimaga aytildi?
6. Affiks (affiksal morfema) nima?
7. Affikslar qaysi xususiyatlari ko'ra tasnif qilinadi?
8. Vazifasiga va tuzilishiga ko'ra affikslar qanday turlarga bo'linadi?
9. Affikslar qo'llanish darajasiga ko'ra qanday turlarga bo'linadi?
10. Morfemika qanday soha?
11. So'z yasalishi deganda nimani tushunasiz? Qanday usullar bilan so'z yasaladi?
12. So'z yasashning morfologik usuli qanday?
13. So'z yasashning semantik usuli qanday?
14. So'z yasashning konversiya usuli qanday?
15. So'z yasashning sintaktik usuli qanday?
16. Abbreviatsiya deganda nimani tushunasiz?

Grammatika va uning tarkibiy qismlari

1. Grammatika va uning tarkibiy qismlari
2. So'z tushunchasi
3. So'zlarning turkumlarga ajratish tamoyillari
4. O'zbek tilidagi so'z turkumlarining tasnifi va tavsifi.
5. Grammatik kategoriya tushunchasi
6. O'zbek tiliga xos grammatik kategoriylar.

Tayanch so'z va iboralar: *grammatika, grammatic sath, morfologiya, so'z, so'zshakl, grammatic ma'no, grammatic shakl, sintetik shakl, analitik shakl, grammatic vosita, grammatic kategoriya, grammatic vazifa, so'z turkumlari, mustaqil so'z turkumlari, yordamchi so'z turkumlari, oraliq so'z turkumlari.*

Grammatika (*grek. grammatica – harf o'qish va yozish san'ati*) tilshunoslikning so'z shakllarini, so'z birikmasi va uning turlarini,

gap va uning turlarini, ya'ni tilning grammatik qurilishini o'rganuvchi bo'hami.

Grammatika **morfologiya va sintaksis** kabi bo'limlarni o'z ichiga oladi.

Morfologiya (gr. *morphe* – shakl – *logos* – ta'llimot) so'z shakllari haqidagi grammatik ta'llimotdir. Morfologiya so'zlarning grammatik shakllari va so'z turkumlarini o'rganadi.

So'z leksik ma'nodan tashqari grammatik ma'no ham anglatadi.

So'zning grammatik ma'nosi ham morfologiya sohasida o'rjaniladi.

So'zning grammatik ma'nosi haqida gap borar ekan, *grammatik ma'no*, *grammatik shakl*, *grammatik vosita* terminlarining mohiyatini tushunib olish lozim.

Grammatik ma'noni ifodalash uchun xizmat qiladigan til vositalari grammatik shakldir. Masalan, *borayapman* fe'li tarkibida *hozirgi zamон*, *birinchi shaxs birlit*; *talabalarimiz* ot tarkibida *birinchi shaxs egalik*, *ko'plik ma'nosini ifodalovchi grammatik shakllar* qo'llangan.

So'zning lug'aviy ma'nosi ustiga qo'yiladigan, grammatik shakli ifodalaydigan ma'no **grammatik ma'no** hisoblanadi.

Demak, grammatik ma'no so'zning qaysi so'z turkumiga mansubligi, qanday grammatik shakllarni qabul qilganligi, gapda qanday sintaktik vazifani bajarganligini ko'rsatuvchi, bir qancha so'zlar uchun umumiyligi bo'lgan ma'nodir. Masalan, *do'ppi* so'zining grammatik ma'nosi, *ot*, *turdosh ot*, *bosh kelishikda*, *birlikda*; *kitoblar* so'zining grammatik ma'nosi: *ot*, *turdosh ot*, *bosh kelishikda*, *ko'plikda* kabi.

So'zning grammatik ma'nosi lug'aviy ma'nodan umumiyligi bilan farqlanadi. Masalan, *ruchka*, *daftар*, *o'qivchi*, *maktab* so'zлari alohida-alohida lug'aviy ma'no anglatgani holda, bir umumiyligi grammatik ma'noga ega: *ot*, *turdosh ot*, *birlikda*, *bosh kelishikda*.

O'zbek tilida grammatik ma'no quyidagi vositalar bilan ifodalanadi:

1. Affiks (qo'shimcha)lar.
2. Yordamchi so'zlar.
3. So'z tartibi.

4. Takror

5. Ohang.

Grammatik shaklning ikki turi mavjud:

1) sintetik shakl,

2) analitik shakl.

Affikslar vositasida hosil bo'lувчи grammatic shakl **sintetik** (yun. *synthetikos* – biriktirilgan, qo'shilgan) **shakl** hisoblanadi.

O'zbek tilida shakl yasovchi qo'shimchalar vositasida, ya'ni sintetik usul bilan grammatic ma'no ifodalash keng tarqalgan. Masalan, *bola bolalar* (ko'plik shakli), *bolam* (egalik shakli), *bolamni* (kelishik shakli) kabi.

Yordamchi so'zlar vositasida hosil bo'lувчи grammatic shakl **analitik** (yun. *analytikos* – yoyiq, yoyilgan) **shakldir**.

O'zbek tilida yordamchi so'zlar vositasida, ya'ni analitik usul bilan ham grammatic ma'no ifodalanadi. Masalan, *telfon orqali* (vosita ma'nosи), *otam bilan* (birgalik ma'nosи) birliklarida ko'makchilar ma'lum ma'nolarni ifodalashdan tashqari shu so'zlarni keyingi boshqa so'zlarga tobe bog'lashga xizmat qiladi.

Gapda so'z tartibining o'zgarishi bilan ham ba'zan grammatic ma'no o'zgaradi. Masalan, *keng ko'cha* (so'z birikmasi) – *Ko'cha keng* (gap). Demak, so'zlarining tartibi o'zgarishi bilan sintaktik munosabat o'zgarib, boshqa sintaktik birlik hosil bo'ladi.

Takror (reduplikatsiya) orqali ham turli grammatic ma'nolar ifodalanadi. Bunda bir so'z yoki uning biror qismini takror qo'llash tushuniladi. Masalan, *dasta-dasta gul* (ko'plik ma'nosи), *baland-baland bino* (orttirma daraja shakli) kabi.

Takror boshqa tillarda, jumladan, o'zbek tilida so'z ma'nosini kuchaytirish, bo'rttirish vositasi sifatida ham qo'llanadi.

Takror o'zbek tilida quyidagi maqsad va ma'nolarda qo'llanadi:

5) taqlid;

6) qo'shimcha grammatic ma'no ifodalash uchun: *qip-qizil*, *oppoq-qop-qora*, *baland-baland* (sifat darajaları) kabi;

Ohang vositasida ham grammatic ma'no ifodalanadi. Ohang o'zgarishi bilan grammatic ma'no o'zgaradi. Masalan, *Nilufar o'qishga kirdi* (darak gap) – *Nilufar o'qishga kirdi?* (so'roc gap), *Nilufar o'qishga kirdi!* (undov gap) kabi

So'zlarning lug'aviy, umumiy grammatik ma'no va vazifalariga ko'ra ma'lum guruhlarga bo'linishi **so'z turkumlari** deyiladi. So'zlarni turkumlarga ajratishda quyidagi xususiyatlar hisobga olinadi:

- 1) so'zning ma'noviy xususiyatlari (lug'aviy (leksik) ma'nosi);
- 2) so'zning morfologik xususiyatlari;
- 3) so'zning sintaktik xususiyatlari;
- 4) so'zning yasalish xususiyatlari.

O'zbek tilida 12 ta so'z turkumi bor. Ular quyidagilar: **ot, sifat, son, olmosh, ravish, fe'l, bog'lovchi, ko'makchi, yuklama, undov so'zlar, taqlid so'zlar, modal so'zlar**.

So'z turkumlari ma'no va vazifasiga ko'ra quyidagi 3 guruhga bo'linadi:

I. Mustaqil so'z turkumlari: ot, sifat, son, olmosh, fe'l, ravish.

II. Yordamchi so'z turkumlari: ko'makchi, bog'lovchi, yuklama.

III. Oraliq (alohida) so'z turkumlari: undov so'zlar, taqlid so'zlar, modal so'zlar.

Lug'aviy ma'no anglatadigan, ma'lum so'roqqa javob bo'lib, gapda mustaqil ravishda gap bo'lagi vazifasida keladigan so'zlar **mustaqil so'zlar** sanaladi. Mustaqil so'zlar ot, sifat, son, olmosh, ravish kabi mustaqil so'z turkumlariga mansub so'zlardir. Masalan, *dars, yulduz, go'zal, eria, birinchi, bormoq* kabi.

Mustaqil so'zlar narsa-buyum, belgi, hodisa, miqdor, harakat, holat kabilarni ifodalaydi. Faqat olmoshlar lug'aviy ma'no anglatmaydi, balki ularga ishora qiladi. Shu xususiyati bilan olmosh boshqa mustaqil so'z turkumlaridan farqlanadi.

Ot, sifat, son, olmosh turkumlari **ismlar** deb ham yuritiladi.

Mustaqil holda lug'aviy ma'no anglatmaydigan, gap bo'lagi vazifasida kela olmaydigan, turli yordamchi ma'no va vazifalarda qo'llanadigan, grammatik ma'nolarni ifodalashga xizmat qiladigan so'zlar **yordamchi so'zlar** deyiladi. Yordamchi so'zlar **ko'makchi, bog'lovchi, yuklama** kabi yordamchi so'z turkumlariga mansub so'zlardir.

Oraliq so'z turkumlariga mansub **undov, taqlid va modal so'zlar** ham lug'aviy ma'no anglatmaydi, biroq gap bo'lagi vazifasida kela oladi.

Mustaqil va yordamchi so'zlarning xususiyatlari

Mustaqil so'zlar	Yordamchi so'zlar
<ul style="list-style-type: none"> - lug'aviy ma'noga ega; - nominativ vazifa bajaradi; - morfologik jihatdan o'zgaradi; - gapda mustaqil holda gap bo'lagi bo'lib kela oladi. 	<ul style="list-style-type: none"> - lug'aviy ma'noga ega emas; - turli yordamchi ma'no va vazifalarda qo'llanadi; - morfologik jihatdan o'zgarmaydi; - gapda mustaqil gap bo'lagi vazifasida kela olmaydi.

Mustaqil so'z har turkumlarining har biri o'ziga xos grammatik kategoriyalarga ega. Ularning alohida turkumlarga bo'linishida ham ana shu morfologik belgi muhim ahamiyat kasb etadi. Masalan, egalik kategoriysi faqat otlarga xos bo'lsa, nisbat kategoriysi yoki zamon faqat fe'llar uchun xarakterlidir.

Grammatik kategoriya – umumiylar ma'nosiga ko'ra birlashuvchi grammatik shakllar tizimidir.

Grammatik kategoriya tushunchasi grammatik ma'no bilan uzviy bog'liq. Har qanday grammatik ma'no grammatik kategoriylar orqali ifodalanadi. Demak, grammatik kategoriya umumlashgan **grammatik ma'no** demakdir.

Umumiylar ma'noni tashkil etuvchi xususiy ma'nolar bir-biriga zid bo'ladi. Masalan, son kategoriyasini olib ko'taylik: *talaba talabalar, gul gullar* kabi.

Bunda birlik bilan ko'plik grammatik shakllari zid ekanligi izoh talab qilmaydi. Ko'plik ma'lum grammatik vosita – affiks (-lar) orqali ifodalanmoqda. Birlik esa bunday qo'shimchaga ega emas. Demak, *-lar* morfemasi ko'plikni ifodalamoqda. Ana shu birlik va ko'plik ma'nolari **grammatik son kategoriyasini** beradi.

Grammatik kategoriylar tillarda uch xil bo'ladi:

- 1) sintetik grammatik kategoriylari;
- 2) analitik grammatik kategoriylari;
- 3) aralash grammatik kategoriylari.

Sintetik grammatik kategoriylar affiksal morfemalar orqali ifodalanadi. Masalan, *universitetning hovlisi, kitobni o'qimoq* kabi.

Analitik grammatik kategoriylar yordamchi so'zlar orqali ifodalanadi: *ketmon bilan chopmoq, sovg'a uchun olmoq*.

Aralash grammatik kategoriylar ham sintetik, ham analitik vositalar orqali ifodalanadi: *Biz qishloq tomonga borgan edik*.

Grammatik kategoriylar tillarda bir xil bo'linsligi eslatilgan edi. Masalan, otga xos grammatik kategoriylarini olaylik. Otning rus tilida son, kelishik, rod kategoriylari, o'zbek tilida son, kelishik, egalik kategoriylari, ingliz tilida son, kelishik, aniqlik-noaniqlik kategoriylari, fransuz tilida ham shu singari kategoriylar mavjud.

Grammatik kategoriylar ma'lum grammatick vosita orqali ifodalanadi.

Nazorat uchun savol va topshiriqlar:

1. Grammatika qanday soha?
2. Grammatika qanday tarmoqlarga bo'linadi?
3. Morfologiya sohasi qanday masalalarini o'rGANADI?
4. So'zning grammatick ma' nosi deganda qanday ma'no tushuniladi?
5. So'z turkumi deganda nimani tushunasiz?
6. So'zlarni turkunilarga ajratishda qanday xususiyatlar asosga olinadi?
7. O'zbek tilida so'zlar qanday turkumlarga ajratiladi?
8. Grammatik ma'no qanday vositalar yordamida ifodalanadi?
9. Grammatik shakl nima?
10. Grammatik ma'no ifodalovchi asosiy vositalar nimalardan iborat?
11. Grammatik kategoriya nima?
12. Sintetik, analitik va aralash grammatik kategoriylarini izohlang.

Sintaksis Sintaktik munosabat, Sintaktik birliklar

1. Sintaksis haqida.
2. Sintaktik munosabat va uning turlari
3. Tilning sintaktik birliklari.

4. So'z birikmasi va uning turlari.
5. So'z birikmasida so'zlarning o'zaro birikuv usullari.
6. Gap va uning asosiy xususiyatlari.
7. Gapning tuzilishiga ko'ra turlari:

 - a) sodda gap;
 - b) qo'shma gap

8. Gap bo'laklari va uning turlari.

Tayanch so'z va iboralar: sintaksis, sintaktik birliliklar, sintaktik aloqa, sintaktik munosabat, teng bog'lanishi, tobe bog'lanish, sintaktik vazifa, so'z birikmasi, sodda so'z birikmasi, murakkab so'z birikmasi, tobe so'z, hokim so'z, boshqaruv, bitishuv, moslashuv, gap, sodda gap, qo'shma gap, gap bo'laklari, ega, kesim, ikkinchi darajali bo'laklar, predikat, predikativlik, matni, tema, rema makromat, mikromat.

O'zbek tilshunesligida sintaksis sohasiga doir nazariy masalalar Ayub G'ulomov, Mazluma Asqarova, G'anijon Abdurahmonov, Hamid Ne'matov, Abdulhainid Nurmonov, Nizomiddin Mahmudov, Ra'no Sayfullayevalar tomonidan o'r ganilgan¹

Ma'lumki, sintaksis grammatikaning ikkinchi bo'llimini tashkil etadi va unda so'zlarning o'zaro munosabatlari o'r ganiladi. An'anaga ko'ra, sintaksisda so'z birikmalari, sodda va qo'shma gaplar, gap bo'laklari muammolari tekshiriladi.

An'anaviy tilshunoslikda sintaksis doirasida so'z birikmalari va gap o'r ganildi. Lekin bugungi kunda so'z sintaksisi muammolari ham dolzarb bo'lib turibdi. Unga ko'ra, kichik sintaksis deb atalishi mumkin bo'lgan yangi sohaning asoslanishi talab etilmoqda.

Kichik sintaksisning asosiy vazifasi so'z birikmalari shakllanishi masalalarini tadqiq qilishdan iboratdir.

Shu narsa e'tiborga molikki, yasama so'zlarning tarkibiy qismalari, ya'ni morfemalarning o'zaro munosabatlari ham sintaktik qonun-qoidalalar asosida ro'y beradi: *ish - chi, til - shinov, tin - ch-lik*.

¹Qarang. G'ulomov A., Asqarova M. Hozirgi o'zbek adabiy til. Sintaksis. Toshkent, 1965. 2-qism.; Abdurahmonov G.; Ne'matov H. O'zbek til struktural sintaksisi asosleri. Toshkent, 1999.; Nurmonov A., Mahmudov N. O'zbek til nizariy grammatikasi. Sintaksis. Toshkent, 1995.; Nurmonov A., Mahmudov N. va boshqalar. O'zbek til yozishmamy sintaksisi. Toshkent, 1992.

Obyekt va ijrochi o'rtaida harakat mazmuni kuzatiladi. *O'qinuvchi* so'zini ham bunga misol keltirish mumkin. Qo'shma so'zlar unsurlari o'rtaida esa ega-kesim, aniqlovchi-aniqlanmish munosabatlari ham kuzailadi: *Xudoyberdi, Keldiyor, otboqar, sohibjamol* va boshqalar.

Ana shulardan kelib chiqib, sintaktik munosabatlarni so'z birikmalari qismlari o'rtaidagi aloqalardan emas, balki so'z unsurlari munosabatlaridan boshlab o'r ganish maqsadga muvofiqdir.

So'z birikmasi va gap – tilning sintaktik birliklari.

Ikki va undan ortiq mustaqil so'zning ma'no hamda grammatik jihatdan bog'lanishi **so'z birikmasi** deyiladi. Masalan, *bizning uy, makiyah hovlisi, o'mra terish, xat yozmoq, tonggi sayr* kabi.

So'z birikmasi hokim (bosh) so'z va tobe (ergash) so'zdan tuziladi. Hokim va tobe so'z doimo tobe bog'lanadi. Demak, so'z birikmasining qismlari o'zaro tobe bog'lanadi.

So'z birikmasi tarkibidagi ma nosi izohlanayotgan so'z **hokim so'z**, uning ma'nosini izohlab, aniqlab, to'ldirib kelayotgan so'z **tobe so'z** hisoblanadi. Masalan, *ogilona* (tobe so'z) *harakat* (hokim so'z), *zavqhi* (tobe so'z) *mehmat* (hokim so'z), *Shahnozaning* (tobe so'z) *javobi* (hokim so'z) kabi.

So'z birikmasida hamisha **tobe so'z** avval, **hokimi so'z** keyin keladi. She'ni va so'zlashuv nutqida ba'zan so'z birikmasi qismlari o'mi almasbган, ya'ni o'zgargan holda qo'llanishi mumkin: *onajonim manim, kuzatdim seni* kabi. Ba'zan so'z birikmalarining qismlari o'mi almasisa gapiga aylanishi ham mumkin: *katta ko'cha* (so'z birikmasi) – *Ko'cha katta* (gap).

So'z birikmalari tuzilishiga ko'ra ikki turli bo'ladi:

- 1) **sodda so'z birikmalari**;
- 2) **murakkab so'z birikmalari**.

Ikki mustaqil so'zdan hosil bo'lgan birikmalar **sodda so'z birikmalari** hisoblanadi. Masalan, *shahar ko'chalari, bozor darvozasi, ertangi imthon, tez yurmoq* kabi.

Tarkibida ikkidan ortiq mustaqil so'z bo'lgan birikma **murakkab so'z birikmasidi**. Masalan, *katta baland bino, yengi kalta gulli kuylak, qoragosh go'zal qiz* kabi.

So'z birikmalari hokim so'zning ifodalananishiga ko'ra ikki turli bo'ladi:

- 1) otli birikma;
- 2) fe'lli birikma

Hokim so'z ot va otlashgan so'zlar, sifat, son, olmosh, ravish, modal so'z bilan ifodalansa, **otli birikma** hisoblanadi. Masalan, *erta bahor, qiziqarli kitob, hammadan yaxshu, yugurishda biringchi, bolalarning barchasi* kabi.

Hokim so'z fe'l va uning vazifadosh shakllari: sifatdosh, ravishdosh bilan ifodalansa, **fe'lli birikma** hisoblanadi. Masalan, *kitob o'qimoq, rasm chizmoq, ohista yurib, bozorda yura-yura, alamdan yig'lay-yig'lay, maktabda o'qiyotgan, kuz oftobida toblangan* kabi.

So'z birikmasini qo'shma so'z va iboradan farqlash lozim.

So'z birikmasida ham, qo'shma so'zda ham qismlar bir xil grammatic shaklda bo'lishi mumkin. Lekin so'z birikmasi qismlari ma'no mustaqilligiga ega bo'ladi, uning bar bir qismi alohida urg'u bilan aytildi, grammatic bog'langan bo'ladi. Masalan, *ko'zoynak, oybolta, oqqush (qo'shma so'z), ko'zi og'rimoq, o'tkir bolta, oq gushlar (so'z birikmasi)* kabi.

Qo'shma so'z qismlari ma'no mustaqilligiga ega emas, grammatic aloqada bo'lmaydi, bir urg'u bilan aytildi, bir leksik ma'nosiga ega bo'ladi.

Qo'shma so'z tilning lug'aviy birligi, so'z birikmasi tilning sintaktik birligidir. Qo'shma so'zlarning ko'pi so'z birikmalari asosida yuzaga kelgan.

So'z birikmasi tarkibidagi tobe va hokim so'z o'zaro quyidagi usullarda bog'lanadi:

- 1) boshqaruvi;
- 2) moslashuv;
- 3) bitishuv.

Tobe va hokim so'zning ko'makchilar va tushum, jo'nalish, o'rinn-payt, chiqish kelishigi qo'shimchalar bilan bog'lanishi **boshqaruvi** deyladi.

Boshqaruvi ikki xil bo'ladi:

- 1) ko'makchili boshqaruvi;
- 2) kelishikhli boshqaruvi. Masalan, *baxt haqidagi suhbat, rinchlik uchun kurash, maktab sari hormoq (ko'makchili boshqaruvi), mak-*

tabga bormoq, ishdan qaymoq, kitob o'qish (kelishikli boshqa-ruv).

Ba'zan kelishik belgisiz bo'lishi, ya'ni qo'shimchasi qo'llanmasligi va qisqartgan shaklda bo'lishi mumkin: *paxta terish, yer chopish* kabi.

So'z birikmasi tarkibidagi tobe va hokim so'zning qaratqich kelishigi va egalik qo'shimchasi yordamida bog'lanishi **moslashuv** deyiladi. Bunda qaratqich kelishigi qo'shimchasi tobe so'z, egalik qo'shimchasi hokim so'z tarkibida bo'ladi. Masalan, *bizning ko'chamiz, Adhamning ukasi, kitobning sahifasi* kabi.

So'z birikmasi tarkibidagi tobe va hokim so'zning hech qanday qo'shimchasi, ohang va ma'nosiga ko'ra bog'lanishi **bitishuv** deyiladi. Bunda qaratqich kelishigi qo'shimchasi tobe so'z, egalik qo'shimchasi hokim so'z tarkibida bo'ladi. Masalan, *sekin yurmoq, chiroylig qiz, qiziqarli kitob, erta bahor, shirin taom* kabi.

Grammatik jihatdan shakllangan, tugallangan ohang bilan aytildigan, nisbiy tugallangan fikr ifodalaydigan, aloqa-arahashuv (muomala) ning eng kichik birligi **gap** deyiladi.

Gap fikri shakllantirish, ifodalash va bayon qilishga xizmat qiladi. Gapning asosiy funksional belgisi kommunikativlik, ya'ni fikr ifodalash va bayon qilish vazifasidir. Shu jihat bilan so'z va so'z birikmasidan farqlanadi. Ular narsa-buyum, belgi va harakatni nomlashga xizmat qiladi, nominativ, gap esa fikr ifodalash, ya'ni kommunikativ vazifa bajaradi.

Gap boshqa sintaktik burliklardan predikativlik belgisi orqali farqlanadi. Gapning kommunikativ birlik sifatida shakllantiruvchi vosita predikativlidir.

Predikativlik shaxs-son, zamon, mayl, tasdiq-inkor ma'nolari va bu ma'nolar yig'indisidan tashkil topadi.

Gap tarkibidagi so'zlar ma'no va grammatik jihatdan bog'lanadi.

Gap quyidagi belgi-xususiyatlarga ega:

- 1) grammatik jihatdan shakllangan bo'ladi;
- 2) nisbiy tugallangan fikr ifodalaydi;
- 3) tugallangan ohang bilan aytildi;
- 4) aloqa-arahashuv (muomala) ning eng kichik birligi.

Masalan, *Salimjon ikkinchi sinfdagi o'qiydi*. Bu gapda so'zlar o'zaro -da, -li kabi grammatik vositalar yordamida bog'langan

bo'lib, *Salimjon* – ega, o'qiydi kesim. Demak, gap grammatik jihatdan shakllangan Gap tugallangan ohang bilan aytligani uchun gap oxiriga nuqta qo'yilgan. Ma'no jihatdan darak mazmunini ifodalayapti.

Gap uchun ohang eng muhim belgidir. Ohang gaplarni mazmunan bir-biridan farqlab turadi. Ayniqsa, bu og'zaki nutqda bilinadi. Gapning ohangini o'zgartirish orqali turli mazmun ifodalash mumkin. Masalan, *Akram ishdan qaytdi* (darak gap), *Akram ishdan qaytdi?* (so'roq gap).

Gaplar o'zaro mantiqiy jihatdan bog'lanib matnni hosil qiladi.

Gaplar sintaktik, semantik va kommunikativ jihatdan bo'laklarga hamda birliklarga ajratiladi.

Gaplar sintaktik tuzilishi jihatidan quyidagi bo'laklarga bo'linadi:

1) sintaktik munosabatga kirishuvchi bo'laklar: *ega, kesim, to'ldiruvchi, aniqlovchi, hot;*

2) sintaktik munosabatga kirishmovchi bo'laklar: *kirishlar, undalmalar, undov so'zlar* kabi.

Gaplar semantik tuzilishi jihatidan esa quyidagi bo'laklarga bo'linadi: *subyekti, borliq, predikat.*

Subyekt (lot. *subjectum*) – gapda ifodalangan harakatni bajaruvchi shaxsni ifodalovchi bo'lak, mantiqiy ega. Grammatik ega.

Predikat (lot. *praedicatum* – aytligan) gapda ifodalangan harakatni bajarilish tushunchasini ifodalovchi bo'lak. Ayn. Logik kesim.

Borliq makon va zamonda sodir bo'lувчи narsa-buyum, voqelik tushunchasini ifodalovchi bo'lak.

Gapdag'i ana shu *subyekti, borliq, predikat* tushunchalari majmui gap semantikasini tashkil etadi.

A.Nurmonov ta'kidlaganidek, gap bo'laklarini belgilashda uzoq davrlar «tobe-hokim munosabatida bo'lislilik» va bu munosabatda «tobe pozitsiyada turishlik» belgilarini tayanch nuqtasi bo'lib xizmat qildi. Ana shu belgiga muvofiq gap bo'laklarini ikki darajaga – bosh va ikkinchi darajali bo'laklarga bo'lislilik an'anasi jahon tilshunosligida L.Tenernerding «Struktural sintaksis asosları» asari maydonga kelgunga qadar hukm surdi. Bu asarning paydo bo'lislilik sintaktik nazariyada buyuk burilish yasadi. Gapning tuzilishi va mazmuniy markazi sifatida kesinning e'tirof etilishi va egani

kesimning «bo'sh o'rın»larini to'ldirib keluvchi argumentlar qatoriga o'tkazilishni bosh va ikkinchi darajali bo'laklar tushunchasini qayta ko'rib chiqish muammosini keltirib chiqardi. Xuddi shu muammo A.Nurmonov. H.Ne'matovlar tomonidan 80-yillarda ko'tarildi va hozirga kelib o'zbek tilshunosiigida ham kesimning gap qurilishiда yetakchi, markaziyligi, ega, to'ldiruvchi, hol kabi bo'laklar kesimning «bo'sh o'rın»larini to'ldirib, uni kengaytiruvchilari hisoblanishi tan olindi. Aniqlovechi kesimga emas, balki uning bo'lagiga tobe bog'lanishiغا ko'ra bo'lakning bo'lagi deb e'tirof etildi. Natijada gapning bo'laklar ishtirokiga ko'ra turlarini belgilash haqidagi qarashlar ham o'zgardi.

Gapning ichki sintaktik tuzilishi ierarxik tabiatga ega bo'lib, gap bo'laklardan va bo'lakning bo'laklardan tashkil topadi. Bo'laklarga bo'linmaydigan eng kichik gap **yig'iq**, gapning bo'laklari va bo'lakning bo'lagi bilan kengaygan gap **yoyiq**, uyuşiq, ajratilgan bo'laklar bilan kengaygan gaplar **murakkab-lashgan**; kirish, undalmalar ishtirok etgan gaplar esa **murakkab-sodda gaplar** sanaladi.¹

Gaplar kommunikativ jihatdan ikki bo'lakka bo'linadi:

- 1) tema,
- 2) rema.

Tema (yun. *thēma* – asos bo'lgan narsa) – gapning aktual bo'linishida ma'lum (tanish) bo'lgan narsani ifodalovchi, yangi narsani ifodalashiga o'tish uchun asos vazifasini bajaruvchi qism.

Rema – gapning aktual bo'linishida temadan keyin yangi xabarni bildiradigan qism. Masalan, *Sumbula I-kursda o'qiydi* gapida *Sumbula tema, o'qiydi rema*.

Bitta kesimlik belgisiga, mazmuniy va ohang tugalligiga ega bo'lgan gap **sodda gapdir**.

Ikki yoki undan ortiq sodda gapning o'zaro grammatic va mazmuniy munosabatidan tashkil topgan, ohang tugalligiga ega bo'lgan butunlik **qo'shma gap**.

Matn – eng yirik sintaktik birlik. Har qanday nutq parchasi, bo'lagi matn hisoblanadi. Masalan, *Hunar, hunardan rizqing umar*. (Maqol)

¹ Qarang, Nurmonov A. Gapning bo'laklari haqidagi mohokazalar. 'O'zbek tili va adabiyoti, 2009. № 2. - B. 35-38.

Hamid Olimjonning «O'zbekiston» she'ri ham alohida matn hisoblanadi.

Matnlar hajmiga ko'ra ikki turli bo'ladi:

- 1) mikromatn;
- 2) makromatn.

Bir necha gaplarning o'zaro grammatik va mazmuniy bog'lanishidan tashkil topgan, mazmuniy yaxshilikka ega bo'lgan qo'shma gaplarga nisbatan yirikroq og'zaki va yozma nutq parchasi **mikromatn** hisoblanadi.

Bir umumiy mavzu ostida birlashgan bir necha mikromatnlardan tashkil topgan matn **makromatn** deyiladi. Demak, makromatn mikromatnning o'zaro mazmuniy va grammatik bog'lanishidan hosil bo'ladi.

Nazorat uchun savollar:

1. Sintaksis qanday soha?
2. Sintaktik aloqa deganda nimani tushunasiz?
3. Sintaktik birlklarga nimalar kiradi?
4. Sintaktik aloqaning qanday turlari bor?
5. Teng bog'lanish deb qanday sintaktik munosabatga aytildi?
6. Tobe bog'lanish deb qanday sintaktik munosabatga aytildi? Uning qanday turlari bor?
7. Boshqaruv qanday usul?
8. Bitishuv qanday usul?
9. Moslashuv qanday usul?

MUSTAQIL ISH MAVZULARI VA UALAR BO'YICHA TOPSHIRIQLAR

Tilshunoslik va semiotika (1-mavzu)

1. Belgi haqida tushuncha.
2. Belgi turlari.
3. Lingivistik belgi va uning xususiyatlari.
4. Til – belgilar tizimi.
5. Semiotika va u o'rganadigan masalalar.
6. Tilshunoslik va semiotika fanlari bog'liqligi.

Savol va topshiriqlar:

1. Belgi deganda nimani tushunasiz?
2. Belgilar vazifasi va mohiyatiga ko'ra qanday turlarga bo'linadi?
3. Lingivistik belgi deganda nimani tushunasiz?
4. Lingivistik belgi boshqa belgilardan niması bilan farqlanadi?
5. Nima uchin til belgilar tizimi?
6. Semiotika qanday soha?
7. Tilshunoslik va semiotika fanlari bog'liqligini izohlang.
8. Til mohiyatiga ko'ra nima? Izohlang.
9. Til vazifasiga ko'ra nima?
10. Tilning vazifalarini izohlang.
11. Tilshunoslik fanining soha va bo'limlari haqida ma'lumot bering.

Sharq mutafakkirlarining til haqidagi qarashlari (2-mavzu)

1. Sharqda ilm-fan va til, nutq masalalari talqini.
2. Yusuf Xos Hojibning til va nutq haqidagi qarashlari.
3. Mahmud Koshg'ariy va tilshunoslik.
4. Abu Nasr Forobiyning lingistik qarashlari.
5. Alisher Navoiyning til va nutq haqidagi qarashlari.

Savol va topshiriqlar:

1. Yusuf Xos Hojibning til va nutq haqidagi qarashlarining mazmun-mohiyati xususida fikr yuriting.
2. Mahmud Koshg'ariyning ilmiy merosi tilshunoslik taraqqiyotida qanday ahamiyatga egaligini dalillar bilan izohlang.
3. Mahmud Koshg'ariy va qiyosiy-tarixiy tilshunoslik taraqqiyoti masalasini tushuntiring.
4. Abu Nasr Forobiyning lingvistik qarashlarini izohlang.
5. Alisher Navoiyning til va nutq haqidagi qarashlarini izohlang.
6. Alisher Navoiy tilning paydo bo'lishi qanday izohlaganligini va buning sabablarini tahlil qiling.

Til oilalari (3-mavzu)

1. Dunyo tillari.
2. Tillar tasnifi.
3. Tasnif turlari.
4. Tillarning geneologik tasnifi.
5. Til oilalari va qarindosh tillar.
6. Turkiy tillar oilasi.
7. Tillarning morfologik tasnifi.
8. Millatlararo tillar.
9. Xalqaro tillar.

Savol va topshiriqlar:

1. Tillar tasnifi deganda nimani tushunasiz?
2. Tillar tasnifining qanday turlari bor?
3. Tillar bozirda qo'llanish-qo'llanmasligiga ko'ra qanday turlarga bo'linadi?
4. O'lik til» va «tirik til» terminlarini izohlang. O'lik tillar ro'yxatini tuzing. Ularni bunday tillar guruhiiga kiritilishi sabablarini izohlang.
5. Tillarning geneologik tasnifi qanday tamoyillarga asoslanadi?
6. Qanday tillar qarindosh tillar hisoblanadi?

7. Til oilasi tushunchasini izohlang
8. Dunyodagi tillar geneologik tasnifga ko'ra qanday til oilalariga ajratiladi?
9. Turkiy tillar oilasi haqida malumot bering. Turkiy tillari otlasiga mansub tillarning tarqalish areallarini aniqlang. «Turkiy tillar oilasining tarqalish areallari» nomli xarita tuzing.
10. O'zbek tili qaysi tillar bilan bir guruhga kiradi? Nima uchun?
11. O'zbek tui qaysi tillar bilan qarindosh hisoblanadi? Buni izohlang.
12. *Bobotil* tushunchasini, turkiy tillar oilasi uchun asos bo'lgan bobotilning xususiyatlarini izohlang.
13. Tillarning tipologik (morfologik) tasnifi deganda nimani tushunasiz?
14. Flektiv til, agglyutinativ til, o'zak (ajratuvchi) til, polisintetik til terminlarini izohlang?
15. O'zbek tili tillarning tipologik (morfologik) tasnifiga ko'ra qanday tillar sırasiga kiradi? Dalillar asosida izohlang.

Tilning fonemalar tizimi. Fonema nazariyasi tarixidan (4-mavzu)

1. Fonetik-fonologik sathning o'ziga xosliklari.
2. Fonema. Fonemaning vazifasi.
3. Fonema variantlari.
4. Fonema nazariyasi
5. O'zbek tili fonologiyasi.

Savol va topshiriqlar:

1. Fonetik-fonologik sath tushunchasini izohlang.
2. Fonema nima? Fonema qanday til birligi?
3. Fonema va tovush terminlarini izohlang.
4. O'zbek tili fonemalar tizimini tavsiflang.
5. Fonema variantlari deganda nimani tushunasiz?
6. O'zbek tilida qaysi fonemalarning variantlari mavjud? Izohlang.

7. Fonologiya qanday soha?
8. Qanday fonologik nazariyalar bor?
9. O'zbek tili fonologiyasini kimlar o'rngaiga?

Leksemaning semantik tabiatи: leksema va semema (5-mavzu)

1. Leksemaning shakl va ma'nno tuzilishi.
2. Leksema va so'z.
3. Leksema mazmuni.
4. Leksema va semema.

Savol va topshiriqlar:

1. Leksema va so'z terminlarining izohlang.
2. Lug'aviy ma'no va uning tarkibi deganda nimani tushunasiz?
3. Leksema va semema terminlarini izohlang.
4. Sema nima? Semema nima? Misollari keluring
5. Leksemaning shakl va ma'nno tuzilishi deganda nimani tushunasiz?
6. Semantika qanday soha?

Lug'aviy sath taraqqiyotining ichki va tashqi manbalari (6-mavzu)

1. Lug'aviy sath birliklari.
2. Lug'aviy sath taraqqiyotida ichki manbalarning roli.
3. Tashqi manbalar.
4. O'z qatlam va o'zlashma qatlami.

Savol va topshiriqlar:

1. Lug'aviy sath tushunchasini izohlang
2. Lug'aviy sath birliklariga nimalar kiradi?
3. Lug'aviy sath taraqqiyotining ichki manbalari nimalardan iborat?

4. Lug'aviy sath taraqqiyotining tashqi manbalariga nimalar kiradi?
5. Tilning lug'at tarkibining o'zlashma qatlami deganda nimani tushunasiz?
6. Hozirgi o'zbek tili lug'aviy sathi taraqqiyotini dalillar asosida tahlil qiling.

Lug'aviy birliklarning qo'llanish doirasiga ko'ra tasnifi (7-mavzu)

1. Tilning lug'at tarkibi haqida.
2. Lug'aviy birliklarning qo'llanish doirasiga ko'ra tasnifi.
3. Umumiste'mol leksikasi.
4. Iste'mol doirasasi chegaralangan leksika.
5. Tarixiy-etimologik jihatdan o'zbek tili leksikasini tasniflang.

Savol va topshiriqlar:

1. Til lug'at tarkibi deganda nimani tushunasiz?
2. Lug'aviy birliklar qo'llanish doirasiga ko'ra qanday turlarga bo'linadi?
3. Umumiste'mol leksikasi va uning xususiyatlarini izohlang.
4. Iste'mol doirasasi chegaralangan leksika va uning xususiyatlarini izohlang.
5. Tarixiy-etimologik jihatdan til leksikasi tasniflang.

Terminologiya. Terminlar mobiyati (8-mavzu)

1. Terminologiya va u o'rganadigan masalalar.
2. Termin va uning belgi-xususiyatlari.
3. So'z va termin.
4. Terminlarning qo'llanish xususiyatlari.
5. O'zbek terminologiyasi.
6. O'zbek terminologiyasining manbalari.

Savol va topshiriqlar:

1. Terminologiya qanday soha?
2. Termin qanday til birligi?
3. Terminning lisoniy belgi-xususiyatlarini izohlang.
4. Terminlar qanday yaratiladi?
5. O'zbek terminolgiyasining manbalarini tahlit qiling.
6. So'z va termin tushunchalarini izohlang

Grammatika va uning tarkibiy qismlari.

Morfologiya va sintaksis (9-mavzu)

1. Grammatika va uning tarkibiy qismlari.
2. Morfologiya haqida umumiy ma'lumot
3. So'z turkumlari tushunchasi.
4. So'zlarni turkumlarga ajratish tamoyillari.
5. Grammatik kategoriyalar.

Savol va topshiriqlar:

11. Grammatik sath tushunchasini izohlang.
12. Morfologiya qanday soha?
13. So'z turkumlari tushunchasini izohlang
14. So'zlarni turkumlarga ajratishda qaysi tamoyillarga asoslaniladi?
15. Grammatik kategoriya deganda nimani tushunasiz?

Grammatik ma'no ifodalovchi vositalar (10-mavzu)

1. So'zning lug'aviy va grammatik ma'nosi.
2. Grammatik ma'noni ifodalash usullari.
3. Grammatik ma'no ifodalovchi vositalar.
4. O'zbek tilida grammatik ma'noni ifodalanishi.

Savol va topshiriqlar:

1. So'zning grammatik ma'nosi deganda qanday ma'no tushuniladi? Misollar bilan izohlang.
2. Grammatik shakl nima? Misollar keltiring.
3. Grammatik ma'no qanday usul va vositalalar bilan ifodalanadi? Dalillar bilan izohlang.
4. O'zbek tilida grammatik ma'no qanday vositalalar bilan ifodalanadi? Ot turkumi misolida izohlang.
5. Grammatik ma'no boshqa tillarda qanday vositalalar yordamida ifodalanadi? O'zbek tili bilan qiyoslang.
6. O'zbek tilida keng va ko'p qo'llanuvchi grammatik ma'no ifodalovchi vositalarni fe'l turkumi misolida tahlil qiling.

Referat mavzulari va uni yozish bo'yicha tavsiyalar

Referat mavzulari

1. F.de Sossyur ta'limoti va strukturalizm.
2. Fonema va u haqidagi turli fonologik maktab vakillarining qarashlari (N.S. Trubetskoy, L.V. Shcherba qarashlarini o'rgamish).
3. Fonema variantlari
4. Fonetik hodisalar Kombinator fonetik hodisalar.
5. Fonetik hodisalar. Pozitsion fonetik hodisalar.
6. Gap bo'laklari tasnifi
7. Grammatik kategoriyalar
8. Grammatik ma'no ifodalovchi vositalar.
9. Grammatik ma'noning ifodalanish usullari.
10. Grammatika – tilning grammatik qurilishini o'rganuvchi soha.
11. Leksema va so'z
12. Leksemaning semantik tabiatini leksema va semema.
13. Leksemaning shakl va ma'no tuzilishi.
14. Leksikografiya. Lug'at va uning turlari hamda tuzilishi.
15. Lug'aviy birliliklarning qo'llanish doirasiga ko'ra guruhlari.
16. Lug'aviy sath taraqqiyotining ichki va tashqi manbalari.
17. Morfema va uning turlari. Yetakchi morfema.
18. Morfema va uning turlari. Affiksal morfemalar.
19. Nutqning fonetik bo'linishi va birliklari.
20. O'zbek tilining taraqqiyet qonuniyatları va usullari.

21. Sharq mutafakkirlarining (Yusuf Xos Hojib, Koshg'ariy, Abu Nasr Forobiy, Navoiy) til shakllanishiga oid qarashlari.
22. Sintaktik birliklar.
23. Sintaktik munosabat va uning turlari.
24. So'z ma'nolarining ko'chish yo'llari. Metafora va metonimiya.
25. So'z ma'nolarning ko'chish yo'llari. Sinekdoxa va funksiyadoshlilik.
26. So'z turkumlari. So'z turkumları tasnifi va tavsifi.
27. So'zlarni turkumlarga ajratish tamoyillari.
28. So'zning lug'aviy va grammatik ma'nosi
29. So'z tarkibining o'zgarish yo'llari.
30. So'z yasash tushunchasi. So'z yasash usullari.
31. Terminologiya. Termin va uning lisoniy belgi-xususiyatlari.
32. Til – belgilar tizimi. Lingvistik belgi.
33. Til oilalari. Turkiy tillar oilasi.
34. Til va jamiyat.
35. Til va nutq.
36. Til birliklari va nutq birliklari.
37. Til va tafakkur.
38. Tilning ichki tuzilishi.
39. Tillar aloqasi. Bilingvizm
40. Tillar tasnifi. Tasnif turlari.
41. Tilning fonemalar tizimi. Fonologik nazariyalar.
42. Tilning fonetik-fonologik sathi va birliklari.
43. Tilning grammatik sathi va birliklari.
44. Tilning leksik sathi va birliklari.
45. Tilning taraqqiyot qonuniyatlari.
46. Tilning vazifalari.
47. Tilshunoslik fani bo'limlari va tarmoqlari.
48. Tovush va fonema.
49. Urg'u va uning tur hamda tiplari.
50. Xalqaro tillar va ularning xususiyatlari hamda qo'llanishi.
51. «Yosh grammatikachilar»ning yutuqlari va kamchiliklari.
52. Adabiy til va uning xususiyatlari.
53. Davlat tili, rasmiy til va ularning xususiyatlari.
54. Tilning taraqqiyot qonunlari va usullari.
55. Tillarning tasnifiy birliklari.

Referat yozish bo'yicha metodik tavsiyalar

Referat va uni yozish jarayoni

Referat – oliy o'quv yurtlarida talabalarning o'quv rejasidagi maxsus yoki umumkasbiy fanlar bo'yicha bajaradigan mustaqil ijodiy va ilmiy ishi.

Referat yozdirishdan asosiy maqsad talabalarning o'quv fani bo'yicha olgan bilim va egallagan ko'nikmalarini ilmiy, amaliy jihatdan mustahkamlash hamda nazariy bilimlarni amaliyatga tatbiq etishga, dalillar, misollar bilan asoslashga, aksincha, amaliy dalil va misollar tahsilidan nazariy xulosalar chiqarishga o'rgatishdan iborat.

Referatni yozish jarayoni quyidagi bosqichlarni o'z ichiga oladi:

1. Referat mavzusini tanlash. Referat yozish mavzu tanlashdan boshlanadi. O'quv semestri boshida talaba o'ziga o'qituvchi tavsiyasi asosida ma'lum mavzuni tanlaydi.
2. Ilmiy rahbardan mavzuga doir topshiriq va tavsiyalar olish
3. Mavzuga oid adabiyotlarni topish, o'qib o'rganish va konseptklar qilish, iqtiboslar olish.
4. Mavzuga oid internet materiallarini o'rganish va toplash.
5. Mavzu doirasidagi ilmiy-nazariy fikrlarni asoslash uchun dalillar, misollar toplash va ularni tahlil qilish.
6. Mavzu mohiyati va referat maqsadidan kelib chiqib reja tuzish.
7. Referatni talablarga muvofiq rasmiylashtirish va o'qituvchiga ko'rib chiqish uchun taqdim etish.

Referatning rasmiylashtirish qoidalari

1. Referat mundarija, kirish (so'zboshi), asosiy qism, ya'ni mavzuni yoritishga bag'ishlangan bo'limlar, xulosa, foydalanilgan adabiyotlar ro'yxatidan iborat bo'ladi.

2. Kirish qismida ishning maqsadi, vazifalari, o'rganish obyekti, manbasi va ahamiyati qisqa, lo'nda, aniq beriladi.

3. Ishning asosiy mazmuni bayonida quvidagi larga amal qilish lozim:

- fikrlar ilmiy, asosli, aniq va izchil bo'lishiga;
- ilmiy-nazariy fikrlar ishonechli dalillar bilan asoslanishiga;
- ilmiy manbalardan olingan havolalarning manbalari aniq va to'la ko'rsatilishiga.

4. Referatni xulosalanishi shart. Xulosada ish mavzusi bo'yicha qisqa umumlashtirilgan natijalar beriladi

5. Adabiyotlar ro'yxati alifbo tartibida talablarga muvofiq qayd etiladi.

6. Ishda adabiyotlar qaysi yozuvda yozilgan bo'lsa, o'sha yozuvda, ya'ni rus kirill alifbosiga asoslangan yoki lot alifbosiga asoslangan yangi o'zbek yozuvida beriladi.

7. Ishda keltirilgan manbalarga havolalar «Foydalanilgan adabiyotlar ro'yxati» bo'yicha tartib raqamlari kvadrat qavslarda ko'rsatish yoki satr ostida keltirish mumkin

8. Referat qo'lyozma (qo'l bilan) yoki kompyuterda yozilishi mumkin.

Referatning hajmi oddiy yozuvda 10-12 bet, kompyuterda 6-8 bet bo'lishi lozim.

Referat kompyuterda WORDning 14 shriftida 1,5 intervalda qog'ozning faqat bir tomoniga yoziladi.

Ishning betlarida matnning chap tomoni 30 mm, yuqori tomoni 25 mm, o'ng tomoni 15 mm, quyi tomoni 25 mm bo'lishi kerak.

GLOSSARIY¹

Adabiy me'yor. Til birliklarini u yoki bu ko'rinishda jamiyat tomonidan aniqlangan, belgilangan ishlatalish imkoniyat va qonuniyatları hamda adabiy til qo'da-talablariga mos holda qo'llanishini.

Adabiy til. Umumixalq tilining fonetik, leksik, grammatic jihatdan ishlangan, ma'lum me'yorga solingan, sayqallangan oly shakli.

Affiks (lot. *affixis* – birlashtirilgan). Aynan *qo'shimcha*. Asos morfemaga zid qo'yiladigan, asosga qo'shilib lug'aviy va grammatic ma'nolarni shakllantirishga xizmat qiladigan morfema.

Agglyutinativ tillar. So'z yasalishi va shakl yasalishi agglyutinatiya yo'li bilan bo'ladigan tillar. Masalan, *fin-ugor tillari, turkiy, jumladan, ozbek tili*.

Agglyutinatsiya. (lot. *agglutinare* – yopishtirmoq) 1. So'z yasalish yoki shakl yasalish asosi o'zgarmagan holda yangi so'z yoki so'z shakli hosil bo'lishi.

2. So'zning asosiga turli affikslarni ketma-ket qo'shilish jarayoni: *maktab-lar-imiz-ga*. Bunda har bir affiks ma'lum bir ma'no, vazifa bilan qatnashadi. Mas, turkiy tillarda, jumladan, o'zbek tilida yasama so'zlar va so'z shakllari asosga ma'lum izchillik bilan affikslar qo'shish orqali hosil qilinadi va bu affikslarning har biri o'z ma'nosini bilan qatnashadi: *ter-im-chi-lar-imiz-ga*.

¹ Tilshunoslik terminlari lug'ati fuzishda quvigaq ilmiy manbalarga asoslanildi va ulardan foydalанилди: А.Хоjoyev Tilshunoslik terminlарининг izohli lug'ati. – Toshkent: O'zbekiston milliy ensiklopediyasi, 2002. – 166 b.; A.Nurmonov Tanlangan asarlar. III jiddlik. – Toshkent: Akademnashr. 2012. – 1. II. III jiddilar; H.Nematov, R.Rasulov O'zbek tili sistem leksikologiyasi asoslari. – Toshkent: O'qituvchi. 1995. – 128 b.; A.AbduaZizov O'zbek tili fonologiyasi va morfonologiyasi. – Toshkent: O'qituvchi. 1992. – 136 b.; A.Sodiqov, A.AbduaZizov, M.Irisqulov Tilshunoslikka kirish. – Toshkent: O'qituvchi. 1981.; M.Irisqulov Tilshunoslikka kirish. – Toshkent: O'qituvchi. 1992. va boshqa manbalalar.

Aksentologiya (*lot.* accentus – urg’u; *yun.* logos – so‘z, ta’limot). Fonetikaning urg’uni (urg’uning tabiatı, tipi, vazifasi va h.) o‘rganuvchi bo‘limi.

Akkomodatsiya. So‘zdagi yondosh tovushlar artikulatsiyasining o‘zaro moslashuvi. Masalan, *qafas* so‘zida q chuqur til orqa undosh tovushidan keyin til oldi *a* unli tovushining til orqa unlisi kabi talaffuz qilinishi.

Aksidensiya. Sezgi organlari yordamida his qilish mumkin bo‘lgan belgilari, oraz.

Alifbo. Harflarning muayyan tartibdagi majmui, ma’lum tartibda joylashgan holati. Masalan, yangi o‘zbek alifbosida harflarning *Aa, Bb, Dd, Ee* tartibida joylashuvi.

Allofona (*yun. allos* – boshqa; *phone* – tovush) Bir fonemaga birlashuvchi fonalar

Allomorf (*yun. allos* – boshqa, *morphe* – shakl). *ayn.* Allomorfa.

Allomorfa. Morfemaning biri o‘rnida ikkinchisini ishlatib bo‘lmaydigan variantlari, uning bir ko‘rinishi, morflari. Masalan, -ga, -ka, -qa jo‘nalish kelishigi qo‘sishchalari kabi.

Alovida so‘z turkumlari. Mustaqil va yordamchi so‘z turkumlariga mansub bo‘limgan so‘zlar guruhi. Modal, taqlid va undov so‘zlar alovida so‘z turkumlari bo‘lib, bu turkumlarga mansub so‘zlar alovida so‘zlardir. Masalan, *zero, jumladan, darhaqiqat, taq-niqt, yalt, eh, salom, ofarin* kabi.

Amaliy tilshunoslik. Tilshunoslikning lingvistik masalalarni amaliy yo‘l bilan o‘rganuvchi sohalari. Amaliy tilshunoslik mashinaviy tarjima va yozuv, imlo masalalari bilan shug‘ullanadi. Amaliy tilshunoslikka eksperimental fonetika, leksikografiya, lingvostatistika, orfografiya kiradi.

Amorf tillar (yun. *amorphos* – shaklsiz). Affikslarga ega bo'Imagan, so'zlar orasidagi grammatik aloqalar bitishuv yo'li bilan yoki yordamchi so'zlar vositasida ifodalanadigan tillar. Masalan, *xitoy tili*.

An'anaviy tilshunoslik. Tilshunoshlikdagi faqat til qismlari va tuzilishining ichki munosabatlarini, bog'liqliklarini yoritish bilan birga til va tafakkurning o'zaro munosabati, tilning jamiyat bilan, shu tilda so'zlashuvchi jamoa bilan aloqasi kabi masalalarni o'rGANADIGAN yo'nalishi.

Analitik tillar. Grammatik ma'nolar yordamchi so'zlar, so'z tartibi, ohang yordamida ifodalanadigan tillar. Masalan, *ingliz, frantsuz, ispan tillari* analitik tillar guruhiga kiradi.

Aralash (gibrild) til. Tillarning aralashib ketishi natijasida hosil bo'lgan sun'iy til. Masalan, *pidgin-english* tili (Yaponiya, Tinch Okeani orollari).

Areal lingvistika. Tilshunoslikning lingvistik areallarni o'rGANISH bilan shug'ullanuvchi sohasi.

Artikulyatsiya (*lat. articulatio* < *articulare* – aniq-ravshan aytmoq) Nutq a'zolarining tovush hosil qilishdagi harakat-faoliyati va holati. Tovushlarning hosil bo'lishida nutq a'zolarining ishtiroki, holati nuqtayi nazaridan artikulyatsiyada ikki narsa farqlanadi: 1) artikulyatsiya o'rni (*q.*) 2) artikulyatsiya usuli (*q.*)

Artikulyatsiya usuli. Tovush hosil bo'lishida ishtirok etuvchi nutq a'zolarining bir-biriga nisbatan olgan holati natijasida havo oqimining sirg'alib o'tishi, portlab chiqishi. *Qiyos.* Artikulyatsiya o'rni.

Artikulyatsiya o'rni. Tovush hosil bo'lishida qatnashuvchi nutq a'zolarining bir-biriga yaqinlashib, havo oqimiga to'siq hosil etadigan nuqtasi. *O'yus.* Artikulyatsiya usuli.

Apokopa. So'z oxiridagi undosh tovushlarning tushib qolishi. Apokopa asosan o'zlashma so'zlarda ro'y beradi. Masalan, *to'rt > to'r, qirq > qir, xursand > xursan, farzand > farzan* kabi.

Asos morfema. Lug'aviy ma'nno anglatadigan, boshqa ma'noli qismlarga bo'linmaydigan, so'z va so'z shakli yasash uchun asos bo'ladigan morfema. Masalan, *ishchi, suvsiz, olmalar, bolacha* so'zlaridagi *ish, suv, olma, bola* asos morfeinalardir.

Assotsiatsiya. Til birliklarining shakliy yoki mantiqiy-semantic belgisiga ko'ra birlashuvi.

Assimilyatsiya (yun. *assimilatio* – o'xshab ketish). So'z tarkibidagi tovushlarning o'zaro ta'siri natijasida birini ikkinchisiga o'xhashlik tomon o'zgarishi. Masalan, *ishni – ishshi, ochdi – ochti, otdan – ottan, otni – otti, bizni – bizzi, ketdi – ketti* kabi.

Affiks (lat. *affixus* – birlashtirilgan, biriktirilgan) So'zga (leksemaga) zid qo'yiladigan (leksik ma'noga ega bo'limgan), o'zi qo'shiladigan asosning lug'aviy yoki grammatik ma'nolarining shakllanishiga xizmat qiladigan morfema; qo'shimcha. Mac, bola – cha – lar – ga. So'z tarkibidagi *-cha, -lar, -ga* lug'aviy va sintaktik shakl yasovchi qo'shimchalar hisoblanadi.

Affikslar vazifalariga ko'ra ikki asosiy turga bo'linadi. 1) *so'z yasovchi affikslar* (q.); 2) *forma (shakl) yasovchi affikslar* (q.). Affikslar so'zning boshiga, o'rtasiga yoki oxiriga qo'shilishi mumkin. So'zning boshiga qo'shiladigan affikslar *prefiks* (q.), o'rtasiga qo'shiluvchilari *infiks* (q.), oxiriga qo'shiladiganlari *suffiks* (q.) deyiladi. O'zbek tilidagi affikslar asosan so'zning oxiriga, ba'zilari so'z oldiga qo'shiladi, ya'ni suffiks va prefiks holida bo'ladi.

Affiksoid (lat. *affixus* – qo'shimcha + yun. *soidos* – tur). Affiks vazifasida qo'llanuvchi morfema. *taklifnoma, dalolatnoma, bildirishnoma* kabi so'zlardagi *noma*.

Affrikata (*lot. affricata* – ishqalangan). Qorishiq undosh tovush; paydo bo'lish o'miga va ovozning ishtirotiga ko'ra bir xil bo'lgan portlovetchi tovush bilan sirg'aluvchi tovushning yaxlit bitta tovush sifatida talaffuz qilinishiga teng keladi. Mac, *o'zbek tilidagi jurnal, ajdar, jrafa so'zlaridagi j. choy so'zidagi ch* qorishiq undoshlardir.

Bilingvizm Ikki tillilik.

Binar oppozitsiya. Bir turdag'i ikki hodisaning bir-biriga qarama-qarshi holda guruhanishi Masalan, undosh tovushlarda: *jarangli-jarang-sizlik*, unli tovush-larda: *lablangan-lablanmaganlik binar oppozitsiyani hosil qiladi*.

Bobotil. Ma'lum tillar oilasining kelib chiqishi va shakllanish uchun manba, asos bo'lgan til Masalan, turkiy tillar oilasi uchun *qadimgi turkiy til* bobotildir.

Bosh ma'no. Ko'p ma'noli (so'z, ibora va b.) ma'nolari tizimida markaziy o'rinda turadigan, boshqa ma'nolar unga to'g'ridan-to'g'ri yoki biror ma'no orqali bog'lanadigan ma'no. Mac, *ko'z so'zining odamning ko'zi, derazaning ko'zi, uzukning ko'zi* birikmalaridagi ma'nosi boshqa-boshqa (mustaqil) ma'nolar bo'lib, bulardan *odamning ko'zi* birikmasidagi ma'no, ya'ni "ko'rish u'zosi" ma'nosi bosh ma'nodir. Keyingi ikki birikmadagi ma'nosi esa keyin yuzaga kelgan (keyin hosil bo'lgan) ma'nolardir. Q. Leksik ma'no turлari *Qiyos*. Asos ma'no. Hosila ma'no.

Bo'g'in. Bir havo zarbi bilan ayttiladigan tovush va tovushlar majmui Bo'g'in qanday tovush bilan bitganligiga ko'ra ikki xil bo'ladi:

1) ochiq bo'g'in – unli tovush bilan bitgan bo'g'in: *o-i-la, to-la, lo-la* kabi;

2) yopiq bo'g'in – undosh tovush bilan bitgan bo'g'in: *tong, kum-duz, to'p-lam* kabi

Degeminatsiya. So'zdagи cho'ziq undoshlarning cho'ziqlikni yoqotishi. Bu termini o'zbek tilshunosligida dastlab A. Nurmonov qo'llagan. Masalan, *chillaki* - *chilaki*, *kichikkina* - *kichikina* kabi.

Denotat (lot. *denotare* – *belgilamoq*). Leksema orqali nomlanuvchi (ataluvchi) voqelik, narsa-buyum.

Denotatativ ma'no. Denotat bilan bevosita bog'liq, uni bevosita bildiruvchi ma'no. Leksemadan anglashitadigan voqelik, narsa-buyum va boshqalar haqidagi tushuncha.

Dialekt (yun. *dialektos* – sheva, lahja) *Aynan*. Sheva, lahja (q.).

Dialektologiya (yun. *dialektos* – sheva, *lahja* – *logos* – tushuncha, ta'llimot) *Aynan*. Shevashunoslilik. Tilshunoslilikning sheva va lahjalarni o'rjanuvchi bo'limi.

Diaxroniya (yun. *dia* – orqali – *chronos* – vatq) Tilning tarixiy tuzilishi, rivojlanishi va taraqqiyotini tarixiy aspektda o'rjanish.

Diereza So'z tarkibidagi undosh tovushlarning tushib qolishi. Masalan, *go'sht* – *go'sh*, *do'st* – *do's*, *sust* – *sus*, *to'n* – *to'r* kabi.

Dinamik urg'u Tovush kuchining o'zgarishiga (intensivligiga) asoslanadigan urg'u. Dinamik urg'uda intensivlik yetakchi bo'ladi. Qiyos. *Kvantitativ urg'u*.

Dissimiliyasiya (lot. *dissimilatio* – noo'xhash). So'zdagи bir xil yoki o'xhash tovushlardan birining artikulyatsion-akustik jihatdan boshqa bir tovush tomon o'zgarishi. Masalan, *zarur* – *zarul*, *zarar* – *zaral*, *damba* – *danba*, *musul-mon* – *musurnon*, *ambar* – *anbar* kabi.

Eksperimental fonetika. Nutq tovushiari, bo'g'in, urg'u va intonatsiyani maxsus apparatlar (kimograf, spektograf, ossillograf, rentgen va h.k.) yordamida o'rjanuvchi fonetika.

Ekstralıngvistika. Tilshunoslikning etnik, ijtimoiy-tarixiy, geografik va boshqa omillarni tilning taraqqiyoti hamda vazifasi bilan bog'liq hodisalar sifatida o'rGANUVCHI tarmog'i.

Etnik (yun. *ethnikos* – qabilaga, xalqqa aloqador). Kelib chiqish jihatidan biror xalqqa oid, mansub, xos bo'lgan. Masalan, *aholining etnik tarkibi*.

Etnonim (yun *ethnos* – qabila, xalq + *onyma* – nom) Xalq, qabila, urug' va bir xil etnik uyushmalar nomi. Masalan, *turk*, *o'zbek*, *uyg'ur*, *shumer* kabi.

Etnolingvistika. Makrolinguistikaning til bilan xalq o'rtaсидаги munosabatlarni, til faoliyatini va taraqqiyotida lingvistik hamda etnik omillarning o'zaro ta'sirini o'rGANUVCHI tarmog'i.

Etnosotsiolingvistika. Sotsiolinguistikaning nutqni ham lisoniy, ham etnik-etnografik xususiyatlarni hisobga olgan holda tadqiq etuvchi tarmog'i.

Evfemizm (grek *euphemismos* = *eu* – yaxshi + *phemi* – gapiraman). Narsa, voqeya-hodisalarни yumshoq ifodasi; qo'pol, beodab so'zlar va tabu o'mida qo'llanuvchi so'z hamda iboralar. Masalan, *o'ldi* so'z o'mida *yafot etdi*, *ko'z yundi*, *joni uzildi* kabi so'z va iboralarni qo'llash.

Farqlovchi sema. Ko'p ma'noli leksema sememalaridan har birining o'ziga xos bo'lgan, ular sememasini bir-biridan farqlaydigan sema. Mas., *yaxshi*, *yomon* so'zlarini ijobiylik-salbiylik semasi bilan; *erkak*, *ayol* so'zlarini jins semasi bilan farqlanadi.

Fleksiya (iot. *flexio* – egish, burish; o'zgarish). Bir necha grammatik ma'noni bir yo'la ifodalaydigan shakl yasovchi morfema.

Flektiv til. Grammatik ma'nolar fleksiya yo'li bilan ifodalanadigan til. Flektiv tillarga *hind-evropa* va *hom-som oilalariga* mansub tiller kiradi.

Fonema varianti. Fonemaning nutqda yondosh tovushlar ta'sirida paydo bo'ladigan ko'rinishi. Masalan, ɤ fonemasining *lab-lab* (ov, yayov, ovloq so'zlaridagi) va *lab-itsh* (wagon, va'da, yafo, visol so'zlaridagi) variantlari.

Fonema. So'z va morfemalarni shakllantiradigan hamda ularning ma'lolarini farqlash uchun xizmat qiluvchi, boshqa mayda bo'laklarga bo'llimmaydigan eng kichik tovush birligi.

Fonetik hodisalar. Nutq jarayonida yuz beradigan kombinator va pozitsion o'zgarishlar.

Fonetik tamoyil. So'z asos va qo'shimchalarni eshitilishiga muvofiq yozish. Masalan, *burn*, *shahar* so'zlariga egalik qo'shimchalari qo'shilganda, ikkinchi bo'gindagi unilarni tushib qolishi: *burnim*, *shahrim*, *shahrimiz* kabi yozilishi.

Fonetika (yun. *phonetike* – tovushga *oid* – *phone* – tovush). Tilshunoslikning nutq tovushlari va tovush vositalarini o'rganuvchi sohasi

Fonologiya Tilshunoslikning nutq tovushlarini so'z va morfemalarning tovush qobig'ini farqlovchi vosita sifatida o'rganuvchi sohasi

Fonologik oppozitsiya // fonemalar oppozitsiyasi. Fonemalarning farqlovchi fonologik belgilari asosida qarama-qarshi qo'yish. **Fraza.** Har ikki tomondan pauza bilan bo'lingan, o'ziga xos ohangga ega bo'lgan nutqning eng katta fonetik birligi.

Fuziya (frans *fusion* – qo'shilish, tutashish < lot *fusio* – quyish, quyma).

Gap bo'laklari. Ma'lum so'roqqa javob bo'lib, gap tarkibida muayyan bir sintaktik vazifada keluvchi so'z va so'z birikmalari

Gap. Til qonunlari asosida grammatik va ohang jihatidan shakllangan, fikri ifodalash uchun xizmat qildigan sintaktik birlilik. Masalan, *Vatan – onaning ko'ksidan boshklasdi*. (M. Xidir)

Gap bo'laktarining tartibi. Gap bo'laklarining o'zaro ma'lum grammatik qonun-qoida asosida, ma'lum sintaktik, mazmuniy, uslubiy qiymati bilan bog'liq holda joylashuvi. Gap bo'laklari tartibining ikki turi bor: 1) *to'g'ri tartib* (*q.*), 2) *ieskari tartib* yoki *inversiya* (*q.*).

Gaploegiya. So'zdagi bir xil yoki o'xshash bo'g'inalardan birining tushib qolishi. Masalan, *sariq yog'* – *saryog'*.

Giperonim. Muayyan turlarga nisbatan umumiylar ma'noni ifodalovchi va semantik maydonning yadrosi (markazi)da keluvchi bosh so'z, dominanta jinsni bildiruvchi so'z.

Grammatika (yun. *grammatike* – harf o'qish va yozish san'ati). 1. Tilshunoslikning so'z shakllarini, so'z birkmasi va uning turlarini, gap va umag' turlarini, ya'mi tilning grammatik qurilishini o'rjanuvchi bo'limi. Morfologiya va sintaksis grammatikaning tarkibiy qismalaridir.

2. ayn. Tilning grammatik morfologik va sintaktik qurilishi.

Grammatik kategoriya. Asosida yotuvchi umumiylar ma'nosiga ko'ra birlashuvechi grammatik shakllar tizimi. Grammatik kategoriyaning odatda ikki turi farqlanadi: 1) morfologik kategoriya (*q.*) 2) sintaktik kategoriya (*q.*).

Grammatik ma'no. So'zning shakliy qismi, grammatik shakli ifodalaydigan ma'no. Masalan, *takabalar* so'zi *predmetlik*, *bosh kelishlik*, *ko'plik* na'lolariga ega.

Grammatik shakl. Grammatik ma'noni ifodalash uchun xizmat qiladigan til vositalari. Masalan, *bolalarga* oti tarkibida ko'plik jo'naliш kelishigi na'lolarini ifodalovchi shakllar mavjud.

Grammatik shakl qo'shimchalar yoki yordamchi so'zlar vositasida hosil qilinadi.

Ideografik yozuv. Grafik belgilar so'zlarni emas, balki ma'nolarni ifodalovchi yozuv.

Integratsiya Tillar, shuningdek, dialektlarning o'zaro noo'xhashqliklari yo'qola borib, bir umumiy tilga birlashishi.

Interlingvistika Tilshunoslikning xalqaro aloqa-aratashuv vositalari sifati-da turli yordamchi tillarni yaratish va ulardan foydalanish jarayonini o'rjanuvchi tarmogi.

Intonatsiya // ohang. Frazaga tegishli bo'lgan ovoz sur'ati (tempi), sifati (tembri), nutq ritmi, melodika, iboraviy urg'u, pauza kabi fonetik vositalarning murakkab birligi.

Intralingvistika Tilshunoslikning til ichki tizimini, uning birliklari va kategoriyalarini, til sathlari va ularning tuzilishini nolisoniy omillarga murojaat qilmay o'rjanuvchi tarmogi.

Invariant (frans. *invariant* - o'zgarmas). Til birliklari: fonema, morfema, leksema kabilarning nutqdagi muayyan voqelanishidan ajratib, mavhum olingen holati.

Izoglossa (yun. *isos* - bir, o'xhash + *glossa* - til, nutq). U yoki bu til hodisasining tarqalish hududini ko'rsatish uchun geografik xaritalarda tortilgan chiziqlar.

Jonli til Hozirgi davrda biror xalqning aloqa quroli, so'zlashuv vositasi bo'lgan til.

Kesim. Gapning grammatik asosi, tasdiq-inkor, zamon, mayl va shaxs-son ma'nolarmi ifodalalovchi, gapning boshqa bo'laklarini o'z atrofida birlashtiruvchi asosiy, markaziy bosh bo'lagi. Masalan, *Vatan ostonadan boshlanadi*.

Kognitiv tilshunoslik Bilish nazariyasi asosida tilni ongli his qilishni o'rjanish yo'nalishi.

Kombinator o'zgarishlar. Nutq tovushlarining qo'shni tovushlar ta'sirida miqdor va sifat belgilarinining o'zgarishi. Akkomodatsiya, assimiliyatsiya, dissimiliyatsiya, diereza, epenteza, gaplogiya, proteza, metateza kombinator o'zgarishlar hisoblanadi.

Kontekst. Nutq jarovonida so'z yoki so'z birkmasining matndagi qo'llanish o'rni yoki ularning boshqa so'z va so'z birkmalari bilan yondosh kelishi.

Labja. Fonetik, leksik va grammatic xususiyatlari bir-biriga yaqin hamda o'xhash shevalar yig'indisi, guruhi. O'zbek tili tarkibida quyidagi uchta lahja bor: 1) qarluq-chigil-uyg'ur; 2) qipchoq; 3) o'g'uz.

Leksema. So'zning grammatic ma'no bildiruvchi qo'shimchalarsiz qismi; tilning lug'at tarkibiga xos birlik.

Leksik ma'no turlari. Leksik ma'no bir necha nuqtayi nazardan yondashib turlarga ajratiladi. Jumladan: 1) yasalish munosabatiga ko'ra; 2) obyektni ifoda etishiga ko'ra; 3) nutqda voqelashish holatiga ko'ra.

Yasalish (hosil bo'lish) munosabatiga ko'ra leksik ma'no ikki turga bo'linadi: 1) *asos ma'no*(q); 2) *yasama (hosila) ma'no* (q).

Obyektni qanday ifoda etishiga ko'ra leksik ma'no ikki turga bo'linadi: 1) *nominativ ma'no* (q); 2) *figural ma'no* (q).

Nutqda voqelashish holatiga ko'ra leksik ma'no ikki turga bo'linadi: 1) *erkin ma'no* (q); 2) *bog'li ma'no* (q.)

Lingvistik atlas (yun. *atlas* – mifologiyada Liviya podshosining nomidan: go'yo u birinchi bo'lib osmon globusini yaratgan emish). Muyyan maqsadlarda va ma'lum tizim asosida tanlab olingan kartalardan iborat bo'lgan hamda tushuntirish matnlari bilan albom shaklida nashr etilgan to'plam, kitob. Masalan, *urxun-enasoy yodgorliklari atlasi*.

Lingvistik geografiya. Tilshunoslikning har bir alohida til hodisalarining hududiy tarqalishini o'rjanuvchi yo'nalishi.

Makrolingvistika. Kishilik jamiyatidagi barcha belgi sistemalarini va ularning o'zaro bog'lanishlarini o'rjanuvchi tilshunoslik.

Matematik lingvistika Tilshunoslikning tilni tadqiq etish va o'rganishda matematik metodlarni qo'llash imkoniyatlarini o'rnanuvchi sohasi.

Matn tilshunostligi Tilshunoslikning turli mazmun va uslubdagi matnlarni ilmiy tadqiq qiluvchi sohasi.

Mentalingvistika (lot. *mens, mentis* – ong, tafakkur + lingvistika). Tilshunoslikning til bilan tafakkurning aloqasini va shunga bog'liq masalalarni o'rnanuvchi bo'limi.

Metafora (gr. *metathora* – ko'chirish). Predmetlarning belgi-xususiyatlari o'xshashligiga ko'ra so'z ma'nosining ko'chishi. Masalan, *etak, lab, yoqa* so'zlarning *dalaning etagi, piyolaning labi, dala yoqasi* kabi birikmalardagi ma'nosi.

Metateza (grek. *metathesis* – o'rin almashtirish). So'z tarkibidagi tovushlarning o'rin almashinushi. Masalan, *tuproq - turpoq, to'g'ramoq - to'rg'amoq, qirg'iy - qiyg'ir, supra - surpa, kunjut - kunduch* kabi.

Metatil // etalon til. Turli til sistemalarini tasniflash uchun mezon vazifasini o'tovchi til.

Metod. Muayyan fan sohasida qo'llanadigan vosita va usullar tizimi.

Metadenotat. Muayyan bir so'zning ma'nosini yuzaga chiqarishga xizmat qiluvchi predmetlar to'dasi.

Metadesignat. Tushunchalar to'plami.

Metonimiya (gr. *metonimiya* – qayta nomlash). Bir predmet, belgi, harakat nomini o'zaro tashqi yoki ichki bog'liqlik, aloqadorlik asosida boshqa predmet, belgi yoki harakatga nisbatan qo'llash asosida ma'nosining ko'chishi. Masalan, *piyola* so'zining *choy, samovar* so'zining *choyxona* ma'nosida qo'llanishi.

Me'yor. Til birliklarini u yoki bu ko'tinishida jamiyat tomonidan aniqlangan, belgilangan ishlatalish imkoniyat va qonuniyatlari.

Mikrolingvistika. Bir til sistemasidagi aloqalar va qaramaqarshiliklarni o'rganish tilshunoslik.

Morfa (gr. *morphe* – shakl). Morfemaning so'zshakl tarkibida qatnashayotgan ko'tinishi. Turli so'zshakllarda ishtirot etuvchi bunday morfemalar majmui morfemani tashkil etadi. Masalan, *ko'rgali*, *olgani* so'zshakllaridagi *-gali*, *-gani* qo'shimchalari bir morfema, ya'ni ravishdosh qo'shimchalari hisoblanadi.

Morfemika. Tilning eng kichik ma'noli birliklari – morfemalarning tuzilishi, turlari va vazifalarini o'rganuvchi tilshunoslik bo'limi.

Morfologik kategoriya. Bir-biriga qiyosan olinadigan ikki yoki undan ortiq grammatik ma'no va shu ma'nolarni ifodalovchi shakllar tizimi. Mac, o'zbek tilida otlardagi son kategoriyasi (*bola* birlik, *bolalar* – ko'plik), se'lning zamon kategoriyasi (*yozdi* o'tgan zamon, *yozayapti* – hozirgi zamon, *yozadi* – kelasi zamon) va b.

Morfologik tamoyil. So'z, asos va qo'shimchalarni qanday talaffuz qilinishi, eshtilishidan qat'i nazar yagona tarzda yozilishi. Masalan, o'zbek tilida o'tgan zamon shaklini yasovchi *-di*, ravishdosh shaklini yasovchi *-ib* qo'shimchalari morfologik tamoyil asosida yoziladi: *ketti* emas *ketdi*, *olibordi* emas *olib bordi* tarzda yozilishi kabi.

Morfologiya. Grammatikaning so'z turkumlari va so'zlarning grammatik ma'nolarini o'rganuvchi bo'limi.

Mustaqil so'z. Mustaqil holda leksik ma'no anglatuvchi, gap bo'laklari vazifasini bajaruvchi so'zlar. Ot, sifat, son, olmosh,

ravish, fe'l mustaqil so'z turkumlari bo'lib, bu turkumlarga mansub so'zlar mustaqil so'zlardir.

Naturalistik oqim *Aynan*. Naturalizm Tilni tabiiy organizm sifatida qaragan XIX asrdagi tilshunoslik oqimi. Namoyandalaru A.Shleyxer, M.Myuller

Nominatsiya (lot. nominatio – *atash, nom qo'yish*). Tilda nomlash vazifasini bajaruvchi birlklarni (so'z, so'z birikmasi kabilarni) hosil qilish.

Nutq a'zolari. Nutq tovushlari hosil bo'lishida ishtirok etuvchi a'zolar.

Nutq apparati. Nutq tovushlarini hosil qiluvchi a'zolar majmuiti: *lab, tish, til, tanglay, kichik til, og'iz bo'shlig, burun bo'shlig'i, bo'giz usti bo'shlig'i, o'pka, bo'gtiz, nafas yo'li*.

Nutq madaniyati. 1. Filologiya fanining jamiyat taraqqiyotining ma'lum davrida nutqdan foydalanish jarayonini o'rghanish, kishilar orasidagi aloqa vositasi bo'lgan tildan foydalanish qoidalarini ilmiy asosda belgilash bilan shug'ullanadigan bo'limi. 2. Nutqning me'yoriyligi. uning ma'lum tarixiy taraqqiyot davrida shu tilda so'zlashuvchi jamoa tomonidan qo'yiladigan talablarga mosligi: talaffuz, urg'u, so'z qo'llash, so'z yasalishi, shakl yasalishi so'z birikmasi va gap tuzish me'yorlariga amal qilish. Nutqning me'yoriyligi fikrning aniq ravshan va sofligini ham o'z ichiga oladi.

Nutq tovushi. Nutq a'zolarining faoliyati natijasida hosil bo'ltuvchi, akustik, artikulyatsion, lingvistik belgilarga ega bo'lgan eng kichik nutq birligi.

Nutq. Tilning vogelanishi; so'zlochinining til birlklaridan foydalanib fikr ifodalash jarayoni va shunday jaroyon natijasida yuzaga keladigan hodisa.

Nutqning fonetik bo'linishi. Nutqning tovush, bo'gin, takt va fraza kabi birliklarga bo'linishi.

Oppozitsiya. Ikki yoki undan ortiq bir turdag'i til hodisalarini qarama-qarshi qo'yish, qarama-qarshilik holati. Mas., *undosh tovushlarda jarangli va jarangsizlar oppozitsiyasi*.

Paradigma. Til birliklari, grammatick shakllarning umumiy ma'nosiga ko'ra birlashuvchi, xususiy ma'nosiga ko'ra farqlanuvchi tizimi. Mas., *shaxs-son qo'shimchalari paradigmasi; kelishik qo'shimchalari paradigmasi* kabi.

Paralingvistika Tilshunoslikning o'zaro aloqa-aratashuvda imo-ishora, mimika, nutq vaziyati kabi omillarni o'rganuvchi sohasi.

Piktografik yozuv (lot *pictus* - bo'yoglar bilan tasvirlangan + *grapho* - yozaman). Nutq mazmuni rasm, shartli tasvir tarzidagi grafik shakllar asosida ifodaلانadigan yozuv.

Polisintetik tillar. So'z gap tarkibida o'ziga xos strukturaga ega bo'luvchi tillar. Mas., ba'zi *hindu tillari*.

Pozitsion o'zgarishlar. Tovushlarning ma'lum holatda ro'y beruvchi o'zgarishlari. *Reduksiya, proteza* hodisalari pozitsion o'zgarishlardir.

Psixolingvistika. Tilshunoslikning odam nutqi faoliyatini rubiy jihatdan o'rganuvchi bo'limi.

Qiyosii-tarixiy tilshunoslik (komparativistika). Tishunoslilikning qarindosh tillarni qiyosiy-tarixiy metod asosida o'rganuvchi tarmogi.

Qiyosiy-tarixiy metod. Nisbatan keyingi vaqtlardagi yozma manbalar va jonli tilni qiyoslab o'rganish asosida jonli til hamda yozma manbalarda qayd etilmagan qadimgi til faktlarini tiklashdan iborat lingvistik metod.

Qiyosiy-tipologik metod. Tillarning qarindoshligidan qat’i nazar, ulardagi o’xshash va farqli alomatlarni aniqlash metodi.

Rasmiy til. Alobinda davlatda rasmiy tan olingan, barcha sohalarda ishlataladigan til.

Reduksiya (*lot. redusio – reducere* – qaytarmoq, qisqartmoq). Unli tovushlarning urg’usiz bo’ginlarda kuchsiz talaffuz etilishi yoki o’zgarishi. O’zbek tilida reduksiya hodisasi juda kam kuzatiladi. Masalan, *og’iz-i* – *og’zi*, *burun-i* – *burni* so’zlarining ikkinchi, *bilan*, *biroq*, *qiziq* so’zlarining birinchi bo’g’inidagi *i* unlisining kuchsizlanishi kabi.

Segment (*lot. segment – bo’lak*) – nutqning fonetik jihatdan bo’laklarga bo’linishi (segmentlash) natijasida hosil bo’lgan bo’lak. Talaffuzdagi nutq bo’lagi. Katta nutq bo’lagi – fraza makrosegment, kichik nutq bo’laklari – takt, bo’g’in, tovush mikrosegment birliliklardir.

Sema Leksik ma’no (semema)ni hosil qiluvchi ma’no bo’laklari.

Semantik maydon. Ma’llum arxisema asosida birlashuvchi so’z va iboralar majmui. Masalan, oziq-evqat nomlari *palov*, *lag’mon*, *sho’rva*, *mastava*, *qotirma*, *manti* kabi.

Semantik maydondagi munosabatlar. Semantik maydondagi paradigma a’zolari o’rtasidagi sinonimik (ma’nodoshlik), giper-giponimik (jins-tur) munosabati, xolo-meronimik (butun-bo’lak) munosabati, graduonimik (leksik darajalanish) munosabati, funktsionimik (vazifadoshlik) munosabati, ziddlik munosabatlari.

Semantik valentlik. So’zlarning ma’no jihatdan boshqa so’zlar bilan borchuvchanligi. Masalan, *savramoq* so’zi *yoqimli ohangdor ovoz chiqarmoq*, *xonish qilmoq* ma’nosini bilan *qush*, *yoqimli shiroli ovozda go’shtiq ayrimoq* ma’nosini bilan *xonanda*

so'zini biriktira oladi. *Sozandalar jo'rligida xonanda bulbuldek sayradi. Gulning har shoxida bulbul sayrardi.*

Semantika (fran. *semantique* < yun. *semantikos* – ifodalovchi). Til birliklarining mazmun-ma'no tomoni va ular bilan bog'liq masalalarni o'rghanuvchi tilshunoslik sohasi.

Semasiologiya. Til birliklarining, birinchi navbatda, lug'aviy birliklarning semantik tuzilishi va u bilan bog'liq masalalarni o'rghanuvchi tilshunoslik sohasi.

Semema. ayn. Leksik ma'no.

Semiologiya. Aynan. *Semiotika*.

Semiotika. Turli-tuman belgilari (ramzlar) tizimining umumiy xususiyatlarini o'rghanuvchi fan.

Signifikat (lot. *significativus* – *ishora etuvchi, ayonetuvchi*). Til birligi ifodalaydigan tushuncha.

Sillabik yozuv ayn. Bo'g'linli yozuv.

Sinekdoxa (yun. *sinekdoche* birlgilikda anglash). Predmetning butuni orqali qismini, qismi orqali butumini ifodalash asosida so'z ma'nosining ko'chishi. Masalan, *Yigit qizning qo'lliga uzuk taqdi*. Gapda qo'l so'zining *barmoq* ma'nosida qo'llangani kabi.

Sinkopa. So'z tarkibidagi bir va bir necha tovushlarning tushishi. Masalan.

arslon – aslon, oltmish – otmish kabi.

Sintagma Nutqning mazmun va ritmo-melodik jihatdan bir butunlikni tashkil etuvchi semantik-sintaktik birligi: *O'zbekiston kelajagi buyuk davlat. Talabalar qishki semestrga puxta tayyorlanmoqdalar.*

Sintagmatika. Til birliklarini nutq zanjiridagi unsurlar sifatida tekshirish aspekti.

Sintaktik kategoriya. Asosida yotuvchi ma'nosiga ko'ra birlashib, sintak-tik munosabatni ko'rsatish uchun xizmat qiluvchi shakllar. Mac, *kelishik kategoriyasi*, *egalik kategoriyasi*.

Sintaktik munosabat. So'z birikmasining tarkibiy qismlari va gap bo'lak-lari orasidagi munosabat.

Sintaktik valentlik. So'zlarning gapda boshqa so'zlar bilan birikuvi.

Sintetik qurilish. Grammatik ma'noning sintetik usul bilan ifodalanishiga asoslangan qurilish.

Sintetik tillar. Grammatik ma'nolar shakl yasovchi affikslar vositasida ifodalanadigan tillar. Mas., *rus va nemis tillari*.

Sintetik usul. Grammatik ma'noning affikslar vositasida hosil bo'lishi, ifodalanishi.

Sinxroniya Tilning hozirgi tuzilishini, holatini o'rghanish.

Sotsiolingvistika (lot. *soci* (*etas*) – jamiyat + *lingvistika*). Tilshunoslikning tilning ijtimoiy yashashi va ijtimoiy taraqqiyoti sharoitlarini o'rGANUVCHI sohasi.

Sotsiopragmatika. Sotsiolingvistikaning nutqning ham lisoniy, ham ijtimoiy xususiyatlarini hisobga olgan holda tadqiq etuvchi tarmog'i.

Strukturalizm. Tildagi ichki aloqalar va bosqichlar o'rtasidagi bog'lanish-larni o'rGANUVCHI tilshunoslik oqimi. Strukturalizmning AQSH, Daniya, Praga, Frantsiya maktablari bor.

Sun'iy til. Insomning tabiiy tilidan farq qiluvchi, biror shaxs tomonidan maxsus ishlab chiqilgan yordamchi til. Mas., *esperanto* (L.Zamengof, 1887), *volapyuk* (I.Shleyer, 1870). XX asrning birinchi yarmida 400 ga yaqin sun'iy tillar ishlab chiqilgan.

Supersegmental fonetika (prosodika). Nutqning bo'gin, takt, fraza kabi birliliklarini o'rGANUVCHI fonetika bo'limi.

So'z turkumlari. So'zlarning umumiy leksik, grammatik xususiyatlariga ko'ra guruhlari. So'z turkumlari uch guruhga bo'linadi:

- 1) mustaqil so'z turkumlari,
- 2) yordamchi so'z turkumlari;
- 3) oraliq (alohida) so'z turkumlari.

Tabiiy til. Kishilar o'rtaida aloqa, fikr almashuv vositasi sifatida qo'llanayotgan eng muhim aloqa vositasи.

Tabu. Diniy e'tiqod, irim, qo'rqiш ta'sirida ayrim so'zlarning qo'llanishini cheklash va man etish; ishlatalishi cheklangan so'zlar. Masalan, *chayon* so'zi o'mnida *eshak*, *oti yo'q* so'zlarining qo'llanishi.

Talaffuz me'yori. Adabiy tilga xos talaffuzni belgilovchi me'yor; orfoepik me'yori: *oka* emas *aka*; *ena* emas *ona* kabi.

Takt. Yagona urg'u bilan aytildigan bir yoki bir necha bo'g'inning ularishidan tashkil topgan frazaning bir bo'lagi. Masalan, *Odob salomdan boshlanadi*. Gapda uchta takt bor: *odob*, *salomdan*, *boshlanadi*.

Tarixiy-an'anaviy tamoyil. So'z, asos va qo'shimchalarni qanday talaffuz qilinishi, eshtilishidan qat'i nazar tarixiy an'analarga muvofiq yozilishi. Masalan, *Bobur*, *Navoiy*, *taqozo*, *musicha*, *kabutar* kabi.

Tarixiy fonetika. Tilning tovush tomonini diaxronik planda o'rjanuvchi fonetika.

Tasviriy (deskriptiv) tilshunoslik oqimi. Tilni formal usullar yordamida o'rjanuvchi oqim. Amerika deskriptiv tilshunosligi: L Blumfeld, Z Xarris, G Glisson va boshqalar.

Tavsifiy lingvistika. Tilning holatini tavsifiy planda o'rjanuvchi tilshunoslik.

Termin (*lot. terminus* – chek. chegera, chegara belgisi). Fan, texnika va boshqa sohalarga oid narsa, voqeya-hodisa haqidagi tushunchalarni ifodalovchi, qo'llanish doirasi shu sohalar bilan chegaralangan so'z va birikmalar. Masalan, *fonema*, *morfema*, *leksema*, *sema*, *sintagma* tilshunoslik, *roman*, *vazn*, *turoq*, *radif*, *bahr* adabiyotshunoslik terminlari.

Terminologiya (*lot. terminus* – chek, chegera, chegara *belgisi* + *logos* – so'z, ta'limat). 1. Ma'lumi sohaga oid terminlar majmui. 2. Tilshunoslikning terminlar yaratish tamoyillari, ularni tartibga solish muammolari bilan shug'ullanuvchi, terminlarga doir ilmiy-nazariy va amaliy inasalalarni o'r ganuvechi bo'limi.

Til sathlari. Tilni tekshirish jarayonida, uni tahlil etishning turli usullarida belgilanadigan qatlamlari. Tilning asosiy sathlari: 1) fonetik sath; 2) leksik sath; 3) grammatik sath.

Til shoxobchalari. Genetik jihatdan yaqinlik belgilariga ega bo'lgan til oilalarining ichki guruhlari, shu oila ichidagi til guruhlari. Masalan, *turkiy tillarning qarluq-uyg'ur guruhi*.

Tillar oilasi. Kelib chiqish asosining umumiyligi, fonetik, leksik va grammatik jihatdan o'zaro o'xshashligi, yaqinligi bilan izohlanadigan tillar guruhi. Mas., *turkiy tillar oilasi*.

Tillar tasnifi. Tillarning muayyan belgilari asosida ma'lum oila va guruhlarga ajratilishi.

Tillarning chatishuvi O'zaro ta'sir etuvchi ikki tildan birining g'olib chiqishi va ikkinchi tilning esa g'olib tilda biror fonetik, leksik, sintaktik izlar qoldirishi. Mas., *kelt tili*, *frank tili*.

Tillarning genealogik tasnifi – q. *Tillarning shajaraviy tasnifi*.

Tillarning morfologik tasnifi. Tillami grammatik shakl hosil qilish usullarida farq qilishga ko'ra guruhlarga ajratish. Bu tasnifga ko'ra tillarniig quyidagi turlari ajratiladi: 1) *amorf tillar* (q.); 2)

agglyutinativ tillar (q.); 3) flektiv tillar (q.) 4) polisintetik tillar (q.).

Yana q. Analitik tillar. Sintetik tillar.

Tillarning tipologik tasnifi. ayn Tillarning morfologik tasnifi.

Tillarning qarindoshligi. Tillarning bir asos tildan kelib chiqqanligi va ularning fonetik, leksik va grammatik qurilishida umumiylilik, izchil mosliklarning mavjudligi.

Tillarning shajaraviy tasnifi. Tillarni kelib chiqish manbaining birligi, umumiyligiga ko'ra guruhlarga ajratish.

Tilning estetik vazifasi. Tilning aloqa-aratashuvda turli his-hayajon, ta'sirchanlikni ifodalash vazifasi.

Tilning ifoda jihatasi. Tilning tashqi tomoni, strukturasi, undagi birliklar (tovushlar, morfemalar, so'zlar, so'z birikmaları, gaplar).

Tilning mazmun jihatasi. Tildagi birliklarning ma'nno-mazmun tomoni.

Tilning suprasegment elementlari. Bo'g'in, urg'u, ohang tilning suprasegment elementlaridir.

Tipologiya (yun. *typos* – iz, shakl, namuna + *logos* – ta'lilot.)

1. Tilshunoslikning tillarni tipologik tasnif qilish prinsipi va usullarini o'rGANUVchi bo'limi 2. Til birliklarini biron umumiyl belgi asosida tasnif qilish.

Undosh tovushlar. Ovoz va shovqindan hosil bo'lувчи tovushlar.

Unli tovushlar. Sof ovozdan hosil bo'lувчи tovushlar.

Uyadoshlik munosabati. Bir sathga mansub, qimmat jihatidan bir xil til birliklarining ma'lum umumiyl belgi asosida bir guruh (uya)ga birlashuvi.

Valentlik. So'zning o'z ma'nosi asosida boshqa so'zlar bilan munosabatga kirishuvi; muayyan bir so'zning boshqa so'zlarni biriktira olish imkoniyatlari. Valentlikning quyidagi turlari mavjud: semantik valentlik; sintaktik valentlik

Xalqaro tillar. Xalqaro kengashlarda, simpoziumlarda ishlataluvchi, Birlashgan Millatlar Tashkiloti tomonidan rasmiy tan olingan, xalqlararo faol qo'llanuvch tillar. Bunga *ingliz*, *ispan*, *xitoy*, *frantsuz*, *rus*, *arab tillari* kiradi.

Yordamchi so'zlar. Mustaqil bo'lda leksik ma'no anglatmaydigan, gap bo'laklari vazifasida kela olmaydigan, turli yordamchi ma'no va vazifalarda qo'llanadigan so'zlar. Bog'lovchi, ko'makechi, yuklama yordamchi so'z turkumlari bo'lib, bu turkumlarga mansub so'zlar yordamchi so'zlardir. Masalan, va, *anuno*, *tekin*, yo, *yoki* (bog'lovchi), *ilan*, *kabi*, *singari*, *sari* (ko'makchi), *nahot*, *ham*, *faqat* (yuklama) kabi.

Yozuv. Fikni ma'lum harf' va tinish belgilari vositasida qog'ozda ifodalashga asoslangan aloqa vositasи.

Yosh grammaticachilar. Tildagi alohida xususiyatlarni faqat tarixiy jihatdan qarab, fonetik qonuniyatlarning barcha tillar uchun umumiyl, o'zgarmas tarzda ekanligini taklif etgan XIX asr oxiri XX asr boshlaridagi tilshunoslik oqimi. Bu maktabning namoyandalari: rus tilshunoslari: F.F.Fortunatov, A.Shaxmatov, nemis tilshunoslari: I.Smidt, G.Ostgof, K.Brugman, G.Paul, frantsuz tilshunosi M.Breal va boshqalar.

O'lik til. Hozirgi davrda so'zlashuv vositasi sifatida qo'llanmaydigan, jonli iste'moldan chiqqan (iste'molda bo'limgan) til. Mas., *lotin*, *eski slavyan*, *sankskrit*, *qadimgi turkiy tilari*.

O'zakli tillar. Affikslarga ega bo'limgan tillar. Mas., *xitoy*, *birma*, *vemam* tillari.

FOYDALANILGAN ADABIYOTLAR

1. Karimov I. Yuksak ma'naviyat – yengilmas kuch. – Toshkent: Ma'naviyat, 2008. – 176 b.
2. Karimov I. A. O'zbekiston mustaqillikka erishish ostonasida. – Toshkent: O'zbekiston, 2011.
3. Abduaizizov A. Tilshunoslik nazariyasiga kirish. – Toshkent: Sharq, 2010. – 176 b.
4. Bobojonov Sh., Islomov U. O'zbek tilining so'zlar darajalanishi o'quv lug'ati. – Toshkent: Yangi asr avlodi, 2009. – 48 b.
5. Jamolxonov H. Hozirgi o'zbek adabiy tili. – Toshkent, 2008. – 1-kitob – 140 b.
6. Jamolxonov H. Hozirgi o'zbek adabiy tili. – Toshkent, 2008. – 2-kitob. – 132 b.
7. Irisqulov M T Tilshunoslikka kirish. – Toshkent: Yangi asr avlodi, 2009. – 264 b.
8. Mengliyev B., Bahriiddinova B. O'zbek tilining so'z tarkibi o'quv lug'ati. – Toshkent: Yangi asr avlodi, 2009. – 104 b.
9. Mengliyev B., Bahriiddinova B. O'zbek tilining so'z tarkibi o'quv lug'ati. – Toshkent: Yangi asr avlodi, 2009. – 104 b.
10. Mengliyev B., Boymatova O., Xudoyberdiyeva M. O'zbek tili iboralari o'quv lug'ati. – Toshkent: Yangi asr avlodi, 2009. – 60 b.
11. Nafasov T., Nafasova V. O'zbek tilining talaffuzdosh so'zları o'quv lug'ati. – Toshkent: Yangi asr avlodi, 2009. – 122 b.
12. Norxo'jaeva X. O'zbek tilining eskirgan so'zlar o'quv lug'ati. – Toshkent: Yangi asr avlodi, 2009. – 76 b.
13. O'zbek tilining imlo lug'ati/ E Begmatov, A. Madvaliyev. – Toshkent: Akademnashr, 2012. – 528 b.

14. Xolmanova Z. Tilshunoslikka kirish. – Toshkent, 2007. – 146 b.
15. Turniyozov N. Tilshunoslikka kirish (ma`ruzalar matni). – Samarqand, 2006. – 80 b.
16. Uluqov N. Tilshunoslik nazariyasi (amaliy va seminar mashg`ulotlar). Universitetlarning 5120100 - filologiya va tillarni o`qitish (o`zbek filologiyasi) yo`nalishi I-kurs talabalari uchun o`quv-uslubiy qo`llanma. – Namangan, 2015. – 80 b.
17. Qurbonova M., Yo`ldoshev M. Matn tilshunosligi. – Toshkent: Universitet, 2014. – 116 b.
18. Abduazizov A. O`zbek tili fonologiyasi va morfonologiyasi. – Toshkent: O`qituvchi, 1992. – 136 b.
19. Abduazizov A. Tilshunoslik nazariyasiga kirish. – Toshkent: Sharq, 2010.
20. Abdumajidov F. «O`zbekiston Respublikasining davlat tili haqida»gi Qonuniga sharhlar. – Toshkent: Adolat, 1999. – 64 b.
21. Abu Nasr Forobi. Fozil odamlar shahri. Tanlangan asarlar. – Toshkent, 1993. – 224 b.
22. Azizov O. Tilshunoslikka kirish. – Toshkent, 1996.
23. Alisher Navoiy. Muhokamat ul-lug`atayin. Mukammal asarlar to`plami. – Toshkent: Fan, 2000. – B. 7- 40.
24. Baskakov N. A., Sodiqov A. S., Abduazizov A. Umumiyl tilshunoslik. – Toshkent: O`qituvchi, 1979. – 192 b.
25. Begmatov Ҷ., Mamatov A. Adabiy norma nazariyasi. – Toshkent: Navro`z, 1997. – 1-, 2-, 3-qismlar
26. Berdiyorov H., Rasulov R. O`zbek tilining paremiologik lug`ati. – Toshkent: 1984. – 288 b.
27. Березин Ф.М., Головин Б.Н. Общее языкознание. – Москва: Просвещение, 1979. – 416 с.

28. Bushuy T., Safarov Sh. Til qurilishi tahlil metodlari va metodologiyasi. – Toshkent: Fan, 2007. – 270 b.
29. Vohidov Ә. Soʻz latofati. – Toshkent: Oʻzbekiston, 2014. – 152 b.
30. Drachuk V. Yozuvlar – oʻtmish sirlari shohidi. – Toshkent, 1980.
31. Дьячок М. Т., Шаповал В. В. Генеалогическая классификация языков. – Новосибирск, 2002. – 32 с.
32. Jamoa. Zamonaviy oʻzbek til. Morfologiya. – Toshkent: Mumtoz soʻz, 2008. – I jild. – B. 171-207.
33. Jamolxonov H.A. Hozirgi oʻzbek adabiy til. – Toshkent: Talqin, 2005. – 272 b.
34. Irisqulov M. Tilshunoslikka kirish. – Toshkent: Oʻqituvchi, 1992. – 256 b.
35. Iskandarova Sh. Leksikani mazmuniy maydon sifatida oʻrganish muammolar. – Toshkent: Fan, 1998. – 52 b.
36. Yoʻldoshev B. Oʻzbek frazeologiyasi va frazeografiyasining shakillanishi va taraqqiyoti. – Samarqand, 2007.
37. Лингвистический энциклопедический словарь. – Москва: Энциклопедия, 1990
38. Lutfullaeva D. Gapni semantik-sintaktik qoliplashtirish muammolar. – Toshkent: Fan, 2005.
39. Маслов Ю. С. Введение в языкознание. – Москва: Высшая школа, 1987. – 272 с.
40. Mahmudov N. Til. – Toshkent: Yozuvchi, 1998. – 40 b.
41. Mahmudov N. Tilimizning tilla sandigʻi. – Toshkent: Gʻafur Gʻulom nomidagi nashriyot-matbaa ijodiy uyi, 2012. – 152 b.
42. Mahmudov N. Oʻqituvchi nutqi madaniyat. – Toshkent: Alisher Navoiy nomidagi Oʻzbekiston Milliy kutubxonasi nashriyoti, 2007. – 188 b.

43. Mahmudov N., Nurmonov A. O'zbek tili nazariy grammatikasi. – Toshkent, 1995.
44. Mahmudov N., Xudoyberganova D. O'zbek tili o'xshatishlarining izohli lug'ati. – Toshkent: Ma'naviyat, 2013. – 320 b.
45. Mahmudov N., Odilov Yo. So'z ma'no taraqqiyotida ziddiyat. O'zbek tili enantiosemik so'zlarining izohli lug'ati. – Toshkent: Akademnashr, 2014. – 288 b.
46. Mirtojiev M. O'zbek tili fonetikasi. – Toshkent: Universitet, 1998. – 90 b.
47. Mirtojiev M. O'zbek tili semasiologiyasi. – Toshkent: Mumtoz so'z, 2010. – 288 b.
48. Ne'matov H., Bozorov O. Til va nutq. – Toshkent: O'qituvchi, 1993. – 32 b.
49. Ne'matov H. O'zbek tili tarixiy fonetikasi. – Toshkent: O'qituvchi, 1992. – 96 b.
50. Ne'matov H., Rasulov R. O'zbek tili sistem leksikologiyasi asoslari. – Toshkent: O'qituvchi, 1995. – 128 b.
51. Ne'matov H., Sayfullaeva R., Qurbanova M. O'zbek tili struktural sintaksi asoslari. – Toshkent, 1999.
52. Nurmonov A. Lingvistik belgi nazariyasi. – Toshkent: Fan, 2008. – 48 b.
53. Nurmonov A. O'zbek tili fonologiyasi va morfonologiyasi. – Toshkent: O'qituvchi, 1990. – 48 b.
54. Nurmonov A., Iskandarova Sh. Tilshunoslik nazariyasi. – Toshkent: Fan, 2008. – 176 b.
55. Nurmonov A., Yo'ldoshev B. Tilshunoslik va tabiiy fanlar. – Toshkent: O'qituvchi, 1996. – 160 b.
56. Nurmonov A. O'zbek tilshunosligi tarixi. – Toshkent: O'zbekiston, 2002. – 232 b.

57. Nurmonov A. Tanlangan asarlar. III jildlik. – Toshkent: Akademnashr, 2012. – I, II, III jiddalar.
58. Nurmonov A., Mahmudov N. O'zbek tilining nazariy grammatikasi. – Toshkent: O'qituvchi, 1995. – 230 b.
59. Nurmonov A., Shahobiddinova Sh., Iskandarov Sh., Nabieva D. O'zbek tili nazariy grammatikasi. Morfologiya. – Toshkent: Yangi asr avlod, 2001.
60. Rasulov R. Umumiy tilshunoslik. – Toshkent, 2001. – 330 b.
61. Rahmatullaev Sh. O'zbek tilining frazeologik lug'ati. – Toshkent: Qomuslar bosh tahririyati, 1992.
62. Rahmatullaev Sh. O'zbek tilining etimologik lug'ati (turkiy so'zlar). – Toshkent: Universitet, 2000. – 600 b.
63. Rahmatullaev Sh. Til qurilishining asosiy birliklari. – Toshkent: Universitet, 2002. – 28 b.
64. Rahmatullaev Sh. O'zbek tilining etimologik lug'ati (arab so'zlar va ular bilan hosilalar) – Toshkent: Universitet, 2003. – 600 b.
65. Rahmatullaev Sh. Sistem tilshunoslik asoslari – Toshkent: Universitet, 2007. – 160 b.
66. Rahmatullaev Sh. O'zbek tilining etimologik lug'ati (forscha, tojikcha birliklar va ular bilan hosilalar). – Toshkent: Universitet, 2009. – 284 b.
67. Розенталь Д.Э., Теленкова М.А. Словарь-справочник лингвистических терминов. – Москва: Просвещение, 1976. – 544 с.
68. Rustamiy A. Adiblar odobidan adablar. – Toshkent: Ma'naviyat 2003. – 112 b.
69. Safarova R. Leksik-semantik munosabatning turlari. – Toshkent: O'qituvchi, 1996. – 48 b.

70. Sobirov A. O'zbek tili leksik sathini sistemalar sistemasi tamoyili asosida tadqiq etish. – Toshkent: Ma'naviyat. 2004. – 160 b.
71. Sodiqov A., Abduazizov A., Irisqulov M. Tilshunoslikka kirish. – Toshkent: O'qituvchi. 1981. – 224 b.
72. Tilshunoslik nazariyasi va metodologiyasi. Tuzuvchi: H. Dadaboev. – Toshkent, 2004.
73. Tojiev Yo. O'zbek tili morfemikasi – Toshkent. 1992. – 68 b.
74. Tursunov U., Muxtorov J., Rahmatullaev Sh. Hozirgi o'zbek adabiy tili. – Toshkent: O'zbekiston, 1992. – 399 b.
75. Uluqov N., Tojiboev Sh. Ilm hikmati. – Naimangan. 2014. – b.
76. Usimonov S. Umumiy tilshunoslik. – Toshkent. 1972. – 208 b.
77. O'zbek tili leksikologiyasi. – Toshkent: Fan. 1981. – 316 b.
78. O'zbek tilining izohli lug'ati: 80000 dan ortiq so'z va so'z birikmasi. – Toshkent: O'zbekiston milliy ensiklopediyasi, 2008. – 1–5-jildlar
79. O'zbek tilining imlo lug'ati / A. Madvaliev, E. Begmatov; – Toshkent: Akademnashr, 2013. – 520 b.
80. O'zbekiston milliy ensiklopediyasi. – Toshkent. 2000–2005. – 1–12-jildlar
81. Фердинанд де Соссюр. Заметки по общей лингвистике. – Москва: Прогресс, 1990.
82. Hojiev A. Tilshunoslik terminlarining izohli lug'ati – Toshkent: O'zbekiston milliy ensiklopediyasi, 2002. – 166 b.
83. Hojiev A. O'zbek tili so'z yasalishi tizimi. – Toshkent: O'qituvchi, 2007. – 168 b.
84. Hojieva A. O'zbek tili morfologiysasi, morfemikasi va so'z yasalishining nazariy masalalari. – Toshkent: Fan, 2010. – 256 b.

QAYDLAR UCHUN

MUNDARIJA

So‘zboshi	3
Kirish	5
Tilshunoslik va uning fanlar tizimidagi o‘rnii	5
Tilning ichki tuzilishi va vazifalari. Til va nutq	15
Til va jamiyat. Sotsiolingvistika	23
Til va tafakkur	33
Dunyoning lisoniy xaritasi. Tillar tasnifi	42
Fonetika. Fonologiya. Nutq tovushlarining tasnifi	59
Nutqning fonetik bo‘linishi	77
Fonetik hodisalar	84
Grafika. Yozuv va uning turlari	91
Orfoepiya va orfografiya	98
Leksikologiya. Leksemaning ma’no tuzilish	103
Barqaror birikmalar va frazelogizmlar. Paremiologiya	
Frazelogiya	111
Tilning lug‘at tarkibi	116
Leksikografiya (lug‘atshunoslik)	121
Morfemika. Morfema va uning turlari. So‘z yasajishi. So‘z yasash usullari	127
Grammatika va uning tarkibiy qismi	136
Sintaksis. Sintaktik munosabat. Sintaktik birliliklar	141
Mustaqil ish mavzulari va ular bo‘yicha topshiriqlar	149
Referat mavzulari va uni yozish bo‘yicha tavsiyalar	155
Glossariy	159
Foydalanilgan adabiyotlar	181

ОГЛАВЛЕНИЕ

Предисловие.....	3
Введение.....	5
Языкознание и его место в системе наук	5
Структура языка и его функция. Язык и речь.....	15
Язык и общество. Социолингвистика.....	23
Язык и мышление	33
Лингвистическая карта мира. Классификация языков.	42
Фонетика. Фонология. Классификация звуков речи.....	59
Фонетическая сегментация речи.....	77
Фонетические процессы	84
Графика. Письмо и его типы.....	91
Орфоепия и орфография	98
Лексикология. Семантическая структура лексема	103
Паремия и фразеологизм. Фразеология. Паремиология	111
Словарный состав языка	116
Лексикография	121
Морфемика. Морфема и его типа. Словообразование.	
С способом слово-образования	127
Грамматика. Морфология. Классификация частей речи ..	136
Синтаксис. Синтактические связи. Синтактические единства языка	141
Темы и задание самостоятельной работы	149
Темы рефератов и рекомендации по их написанию	155
Глоссарий.....	159
Литература	181

CONTENTS

Preface.....	3
Introduction.....	5
Linguistics and its role in the science system.....	5
The structure of the language and its function. Language and speech	15
Language and society. Sociolinguistics	23
Language and thinking.....	33
Linguistic map of the world. Classification of languages.....	42
Phonetics. Phonology. Classification of speech sounds.....	59
Phonetic division of the speech.....	77
Phonetic processes.....	84
Graphics. Writing and its types.....	91
Orthoepy and orthography.....	98
Lexicology. Semantic structure of lexeme	103
Paremey and phraseological units. Paremiology. Phraseology...	111
Lexical layer of language and its vocabulary structure	116
Lexicography	121
Morphemics. Morpheme and its types. Word-formation. Ways of word-formation.....	127
Grammar. Morphology. Classification of Parts of Speech	136
Syntax. Syntactic relations. Syntactic unity of a language.....	141
Themes of independent works and its related tasks.....	149
Themes of synopsis and instructions on writing them.....	155
Glossary	159
Used literature	181

NOSIRJON ULUQOV

TILSHUNOSLIK NAZARIYASI

Toshkent – «Barkamol fayz mediya» – 2016

Muharrir:	D.Baxidova
Tex. muharrir:	M.Holmuhamedov
Musavvir:	D.Azizov
Musahhib:	Sh.Mirqosimova
Kompyuterda sahifalovchi:	N Hasanova

**E-mail: tipografiyacnt@mail.ru Tel: 245-57-63, 245-61-61.
Nashr.lits. AIN №284, 12.08.16. Bosishga ruxsat etildi: 05.12.2016.**

Bichimi 60x84 1/16. «Timez Uz» garniturasi.

**Offset bosma usulida bosildi. Sharqli bosma tabog'i 11,75.
Nashriyot bosma tabog'i 12,0. Tiraji 300. Buyurtma №251.**

**«Fan va texnologiyalar Markazining
bosmaxonasi»da chop etildi.
100066, Toshkent sh., Olmazor ko'chasi, 171-uy.**

ISBN 978-9943-11-358-9

A standard linear barcode representing the ISBN number 978-9943-11-358-9.

9 789943 113589